

明武宗實錄

卷二十六至六十五

正德二年五月至五年七月

大明武宗毅皇帝實錄卷之二十六

正德二年五月癸卯朔四川布政司右叅政郭緒乞致仕許之
○半祿等族備人頭目聖墩陸竹等備馬匹履刀道人入貢給
賞綵段絹紗如例○陞僧錄司間住右覺義性道為右講經僉
押管事兼智化寺住持寺乃故太監王振所建天順初賜振碑
文立旌忠祠於寺內以僧官主之至性道三傳矣時劉瑾方欲
踵振所為故從性道乞而陞之○甲辰總督漕運兼巡撫鳳陽
等處都察院右副都御史洪鍾以九年考滿也陞本院右都御
史仍總督漕運○雲南武定軍民府知府土官鳳英以有軍功
陞布政司右叅政仍知本府事至是請乞金帶禮部查無例
上以英既累有軍功准賞鍍花金帶一束不為例○提督倉場
戶部右侍郎林津奏舊例京倉副使月俸三石實文二石攢典

實支米一石正統十四年軍餉缺之於副使實支米內借八斗
攢典米內借四斗其後副使所借米改鈔折布官吏守文日久
實不能存乞如舊復給所借戶部言倉官月米止一石二斗借
典止六斗自正統六年已然而秋冬之律折文綿布則文武官
通例也 上命如借數漫之○內于湖廣永順宣慰使司土官
知州張宗保等遣舍人彭文等貢馬質立中宮給賞如賀即位
例○總督兩廣軍務右都御史熊燾總兵官伏羌伯毛銳鎮守
廣西副總兵都指揮僉事康泰各奏今年正月進剿賀縣獍賊
兩月之間擒斬二千八百餘人俘獲四百餘人得首并太監滿
忠張瑄等俱賜勅勞之播奏人各陞一級仍賞綺衣一襲新鈔
十貫○丁未銓注粵夏領班署都指揮僉事張雄於陝西都司
○戊中以明日 奉宗敬皇帝大祥遣駙馬都尉林岳祭 泰

陵○已百 孝宗敬皇帝大祥 上詣 几筵行祭禮 是日先
朝○ 平朝鮮國王李愷之弟晉城君惲署理國事 愷病無嗣 奏
請 命惲付惲禮部 議 移文 覈實 至是其國議政府具舉國公
臣 惲 禮部又言 愷雖病難必其不愈 而果於無嗣也 况惲既
有賢稱 亦豈肯自處於薄宜 令暫署事務 以忠孝自存 俟愷卒
乃具奏 議封 上從之 賜之勅曰 爾先國王愷 以世子顯天下
哀慟成疾 無他子 姓令爾 權署國事 諸命于朝 爾國宗戚群臣
咸慕爾為王親 弟孝友 好學 夙有令望 宜代承先緒 而爾乃以
不敢自明 益增 隕越 為辭 上下之間 交盡其道 願封國事 重特
下 禮官及廷臣 無議以為古者 兄弟有相及之義 但爾國素號
東禮 而爾方執謙 處厚 茲特命爾 署理本國大小 庶務 以國王
體 統行事 爾尚益敦孝睦 以繫群望 統厥臣庶 綏定爾家邦 朕

特宥後命馮欽武○降遼東都司定遼中衛納柔都指揮僉事
周輔為指揮使坐賊入境虜掠也○太監李榮傳旨以司設監
左少監王鎮管神機營左掖頭司○庚戌旌表孝子董珪及鄧
掃孫氏等十人珪真定府高邑縣人任長沁府湘潭驛驛丞母
亡廬墓三年旌其門曰孝行孫氏河南泰康縣民王智妻張氏
錦衣衛校尉楊林妻寇氏保定左衛舍餘薛瑄妻周氏蘇州府
常熟縣生員錢承恩妻汪氏江西武寧縣民楊維妻陳氏山東
莘縣舉人張睿妻吳氏定遼左衛人太僕寺寺丞李恭妻賀氏
廣寧衛舍人胡鑑妻聶氏廣平府邯鄲縣吏于敬妻黃氏廣寧
衛指揮曾俊妻俱以年久夫亡守志無玷旌其門曰貞節○辛
亥慶王台渚奏本府護衛旗軍先已調千餘防禦甘州矣近因
總制官奏又命差千人守備鞏州本府差用不給乞留之事下

兵部議鞏州之戍實所以衛護本府先塋也王欲勿遣臣等難
以定擬有旨留供本府役○壬子改起使太僕寺少卿程文為
南京通政司右通政○陞江西布政司右叅政王綸為雲南右
布政使○杖監察御史馮允中於午門褫職為民允中劾卷南
京叅究指揮張翰等罪翰等職其後命枉道還家至守備大監
鄭強奏聞遂允中詔獄拷訊且坐以叅究不當事情有旨命司
禮監官監杖三十發遣而盡宥其所叅究者○癸丑四川越蕩
衛印部長官司長官領阿福入貢馬匹給賞缺絹如例○大監
李榮傳旨都知監左監丞梁瑤令往浙江市舶司管事張和取
回南京閱往○守備山海關大監趙剛奏乞照舊例改為
守備從之○瀟王子宜山王陰鏞奏請各店額名不允且詔各
王府今後不許自置客店及請給額名通行各長史司知之○

河南守臣奏各從王府鎮國將軍以下考價供官給惟河南將軍府蓋造率用已費未定從章下工部會議謂營同事異誠有不均若築與之人恐勞費財亦難于經久今自正德三年正月以後凡將軍校封土開者按季類奏每鎮國給銀二百四十兩輔國視鎮國六分去一奉國視輔國五分去一中尉視奉國四分去一俱布政司給與自行修蓋 上曰宗室日繁房屋宜有等級庶幾恩可溥施而財力不匱也其著為令 中寅 仁宗昭皇帝忌辰 上祭 奉先殿遣駙馬都尉蔡震 獻陵 免貴州所屬鎮遠龍里鎮寧婺川等衛府州縣及宣慰安撫二司正官朝覲以地方早疫故也 陞山東按察司副使陳錫為江西布政司右叅政 朝鮮國著國事李滯遣陪臣盧公弼等來朝貢方物馬匹賜宴及裝衣等物 乙卯賜定陶王

詮鏡四書集註從藩王請也○改起使陝西按察司提學副使
李遷學為山東副使仍提調學校○萬全都司承寧衛軍朱瑾
先充延綏副總兵坐神木失事謫戍至是奏辯欲比例遞減兵
部覆瑾情雖若可原於法未容輕議得旨瑾情既可原宥之以
為金吾左衛正千戶帶俸差操○提督修蓋京通倉廩太監高
諒奏乞將先年取回軍士一千并撥赴秦陵衛者行令各衛僉
補兼營軍服役兵部言三千等營軍差用已盡團營係聽征士
馬亦已摘撥甚多各衛雖有一二餘丁係供貼正軍之數况糧
餉有限供用無窮雖濟目前之役恐貽日後之艱有旨以倉廩
積貯軍需非細故也可仍於三大營并各衛正軍及餘丁撥
五百名乘時併工修繕○陞賞永昌衛九箇井斬獲虜賊有功
摸軍三十四人有差○丙辰陞刑部員外郎黃偉為山西按察

司僉事○陞賞肅州衛境外亦集乃壩口斬獲賊級官軍夷人
八十四人有差仍賞鎮守太監楊定總兵官劉勝緣改二夫裏
兵備副使李瑞澄半之 丁巳昏到月食○戊午准度在京在
外僧三萬名道一萬名僧錄司左善世定暉等奏謂已及十年
給度之期宜如例舉行事下禮部侍郎張濂等覆議前此度僧
道稅額數已逾十倍今止宜照缺度補不可濫度以盡耗民財
陰損戶口不從○錦衣衛都指揮楊玉奏臣奉命問監丞張淮
侍郎張縉都御史張鸞會勘皇莊地土順天府府丞周璽繳報
各官行移俱以申呈依准於臣處止用關文惟欲挫武職而不
顧朝命之重王劉瑾黨已得旨楊玉係近侍衙門奉勅勘事順
天府官當受節制璽乃敢頭顧錦衣衛執赴鎮撫司杖訊明白
以聞既而璽竟鑿于狄然璽嘗言路頗以地望恣傲凌侮朝

士人亦不甚惜之○庚申賜巡按南直隸御史曾大有張吳各
紵絲一表裏銀十兩以平海賊徂東山功也○辛酉太監李榮
傳旨令兵部主事謝迪致仕兵部員外郎李昆監察御史陳伯
安調外任於是昆調解州知州伯安調南光縣知縣迪內閣大
學士遷之第也遷以守正忤瑾而去時劉宇至兵部迪與昆又
以事忤宇宇在都察院時伯安亦以事忤乃諧于瑾而害之○
南京太常寺卿呂憲乙致仕許之令馳傳歸○都指揮僉事烏
銘以神木堡失機誦戍寧夏後衛銘奏辯乙然楊宏馬隆例錄
用兵部覆議得旨銘既有微功免戍照原職降三級帶俸聽調
殺賊遂降為寧夏後衛指揮僉事○癸亥命戶部查給最勝寺
前馬房草場地十頃與寺作膏火且贖護太監錢喜錢福錢能
墳塋成化間喜福卒賜葬其地已建寺至是能卒劉瑾為治喪

事又奏乞寺停之地乃特給之○兵部尚書劉宇言國家文武並用每三年開武舉每五年考軍政大抵俱做文事而行無非欲網羅賢才以弼治理苟得其人則自祈衛都司而上以至營府焉有不舉其職者况總兵副叅所係尤重知之不明則用之不當尤不可不振頽而作新之也臣請申飭都布按三司將本處軍職自副叅遊擊以至千戶備開年甲籍貫歷任錄由各繫考語於下送撫按官再加詢訪另註考語於冊齎送本部遇有大小員缺臣等直照各冊所報叅以平日見聞疏名上請委用各官若毀譽失真取舍欠當或耽延歲月廢置不行者從本部劾奏以為徇情不忠之戒從之○巡按直隸御史郭畧山覆勘宣府戍臺嶺張雄等遊兵被賊圍困之時宣府副總兵鄧指揮僉事白玉與大同副總兵黃鎮俱分陣策應事雖未濟終非表

于畏敵王能策救王震人馬其奇兵等營士馬潰圍而歸實由
總兵張俊應援之力因極言各官罪固難容功有可錄勸懲不
宜偏廢兵部言如東山奏則各官之罪似皆可贖而白玉之功
尤宜加勸得旨王俊俱准贖罪王仍賞誅旻二表裏玉既受
賞後自陳其功乞陞陞陞一級部擬實授都督僉事特授著都
督同知○甲子陞南京吏部左侍郎楊廷和為南京戶部尚書
南京禮部左侍郎劉忠為本部尚書○改總督漕運都察院右
都御史洪鍾為南京都察院右都御史文宇院事○舊制各處權
收錢鈔入內供應者俱收本色鈔貫成化間錢鈔中半兼收弘
治間折收銀兩輸承運章至是司鑰庫太監龐璟奏錢鈔缺乏
支放不給宜如舊制仍收錢鈔戶部覆議可如所請且欲免差
部官監收而領以府州之佐從之○運大僕寺馬價銀三萬兩

於宣府○慶成王府輔國將軍表採造低銀令本府儀賓胡世
福強買物貨因挾勢歐人都察院上其罪狀詔世福違問表採
賄書切責○乙丑陞通政司右通政盧亨為南京太常寺卿○
丙寅以施置兩淮等處鹽法右副都御史王瓊總理漕運○浙
江左布政使林符以疾乞休吏部言符歷官無過恬退可嘉詔
陞都察院右副都御史致仕○貴州布政司右叅議林鑽乞致
仕許之○丁卯轉浙江右布政使李贊為本司左布政使○太
監李榮傳旨廢順天府涿州學生高榮為中書舍人文筆殿辦
事錦衣衛百戶張容為正千戶舍人李昱扶鳳李曇黃福劉景
祥溫和黃成穎文范黃谷本谷椿俱錦衣衛實授百戶世襲管
事○戊辰陞光祿寺少卿張綸為通政司右通政提督膳贖○
己巳寧王宸濠奏封國以承原設護衛臣祖寧靖王於天順初

偶因微事干冒朝廷所司深文奏革為南昌左衛今臣府止有儀衛司校尉缺人供役乞仍改南昌左衛為護衛賜府管轄事下兵部覆議寧靖王先因違法朝廷遣官查勅率因護衛旗校撤置所致故從而革之仍禁約前項人員不許出入王府蓋此革皆黨惡之徒朝廷不令近王左右者正所以保全宗室也今奉成命五十餘年矣而寧王乃有此奏雖稱衛從缺人不過奉迎詔赦祭祀山川而已其於事體關係甚重非臣等所敢擅擬得旨王既奏本府缺人供役原革護衛准回本府供役蓋劉瑾受深重賂而陰主之也○改撫治鄖陽等處右副都御史汪舜氏為南京都察院左副都御史時吏部以順天等府巡撫都御史柳應辰與舜氏並薦有旨應辰再不必推○陸順天府府尹余俊為南京工部右侍郎時吏部以副都御史艾璞柴昇薦有

首用俊璞不必再推俊本俞姓而入謫為余蓋瑾方秉筆其事恣如此俊初為布政被劾時瑾尚未顯俊調知其必秉政賂之瑾深德焉故卒頌其庇○陞大同府知府胡汝礪為順天府府丞○陞浙江按察使邵寶為浙江右布政使一疏刻金星犯畢宿天高東北星○庚午兵部尚書劉宇言臣頃建議急選將材今已三年舉至者百無一二誠恐疆場有警倉卒求將不亦晚乎宜照節行事例移文中外府部寺院科道部屬等官限一月之內撫按都布按三司知府等官限三月之內但有謀勇出眾體貌魁梧曉陽軍法堪充將領之人不論資格門第不拘名數多寡不分已用未用速行訪保一體明揚本部待舉至之日叅酌議擬會同內外文武大臣選試奏請簡用其各官有薦舉徇情及遲延不舉者聽科道官糾舉上曰然將材必先預蓄其

命內外諸司從公逆訪毋覩為異常互相推託有負朝廷用人之意○太監李榮傳旨陞錦衣衛五千戶張容為本衛指揮僉事同覃泰南鎮撫司管事百戶谷大比為指揮僉事同朱成象房管事百戶魏英為正千戶合人丘安馬魁為錦衣衛實授百戶俱與世襲管事○亥刻順聖川西城更鼓考束換竿上有火光入如碗俄兩作而滅○辛未陞賁州道監察御史顏順壽為光祿寺少卿○陞河南布政司左叅政屈直為浙江按察使○整理兩淮長蘆等處鹽法右副都御史王瓊奏淮安分司臨淮等四場在淮河之北而淮安壩批驗鹽引所在淮河之南其淮北鹽課俱赴所稱掣岸高水低難為船運日掣不過三千引兼河道寬廣私鹽難禁守掣面船多溺風波欲將所移於河之北岸便戶部議覆從之○兵部尚書劉宇言驛站之設所係甚重

馬匹鋪陳俱有等級承平日久北方生齒漸繁土民以近就役南方以銀就工揆之情法兩為便利但因徵解不時困於借貸減價數多用度不足以致法敵民疲驛政大壞宜著定例每年除工食芻豆已有定價鋪陳帶徵三分之一俱仍舊焉有不時物故宜每歲全給其價自正德三年為始係會同館者上馬徵銀四十五兩中馬四十一兩下馬三十八兩三錢三分係南京會同館及各驛者上馬徵銀四十二兩中馬三十八兩下馬三十五兩三錢三分或於欵糧內帶徵或於丁糧上均派或於義倉內支給每年限十月內徵解本處司府收貯係兩京會同館者限年終解赴兩京兵部其河南山東北直隸各驛者聽呈巡按御史通查所屬有江南馬匹驛水每年正月內差官率每驛馬天一名齋文分枝該管巡按御史轉發各司府領回前報發

各府掌印官如未及置買鋪陳之年許除其銀貯庫其餘工食
芻豆馬價盡給之馬夫其正德二年以前各驛逋負俱如給事
中郭軒所奏事例徵解不許那移侵欺馬夫借貸銀兩不分違
近多寡債主不許加利逼取四川湖廣福建廣東廣西雲南貴
州河南山東山西陝西及南北直隸府分原無編僉外省馬頭
者驛站夫役支應丁徭殊無定例有司任意派徵其弊甚多至
於邊關軍站濫費尤甚亦合通行撫按痛加興革若有物故馬
匹置買鋪陳或修造紅站船隻須申請待報委官勘明方許置
買修造計處之役務在遵行誠有不便許撫按同部布按三司
官會奏上請從之○壬申以河南左布政使李瀚為順天府府
尹○黜工部郎中劉汝靖為民汝靖丁憂家君以侵奪官地為
東廠官校所發逮繫錦承獄獄上詔杖三十而黜之

大明武宗毅皇帝實錄卷之二十七

正德二年六月癸酉朔以附 孝宗敬皇帝神主遣駙馬都尉
蔡震告 大廟○遣內官祭中霤之神○以河南右布政使張
子麟為本司左布政使○甲戌奉安 孝宗敬皇帝神主於
太廟○乙亥夜流星如碗色青白光濁地起自中天雲中東北
行至雲中尾跡後散○丙子陞河南布政司右叅政南陔為本
司右布政使○湖廣龍潭安撫司護印致仕安撫田正差把事
崔林等貢馬而馬墜崖死禮部劾其不由布政司起送生違例
詔減半給賞○虜入寧夏鎮北等墩殺掠人畜分守都指揮使
劉端守備不設下巡按御史 逮問以情輕律重詔免摘成降一
級帶俸差操○戊寅降刑部主事李璋為興國州判官許承芳
為襄陽縣知縣先是刑部侍郎部志義之子存為其父乞祭葬

詔下刑部鞠之璋擬序不應贖杖不稱旨承芳以署印遂并下
錦衣衛獄都察院擬璋選制承芳不應律俱贖杖選職瑾猶不
滿令杖璋二十與方各降職○天刻萬全右衛洗馬林堡大雨
雹雷震狂風傷禾拔木毀堡墻塍口折旗竿○陝西等處總制
都御史楊一清奏花馬池一帶墻壞墩臺已於今年二月興工
修築但臣近以養病歸各鎮巡撫官與其謀者又以遷去恐此
後人務苟簡事難經久入慮成功之後不能設法防守欲責成
新任各巡撫并鎮守官如初擬兼待修理務期成功過冬仍分
兵慎守以絕虜患事下兵部言一清身任總制特建前議將為
永遠之圖今已興工其糧資口糧已費官帑銀十餘萬兩又助
以戶役銀十六萬兩以至搗勞藥餌之需撥木採運之勞皆其
計慮所及一旦付之新任及別用未諳世務者則人為異同財

用徒執邊方保障之功一隄再難就緒矣以臣等愚見須專以
諸疎大臣一人任督各鎮巡官秉時修舉務期經久仍規畫方
畧部署官兵慎固封守庶垂戍之功不至廢弛而防邊之計可
圖又遠邊曾推兵部左侍郎文貴右副都御史王蘊曹元以請
得旨官不必差修邊之役姑竄之所餘未用錢糧令巡撫等官
覈實見數輸送於京○庚辰太監李榮傳旨以都知監右少監
韋祥分守陽和等處無管神銃召侯富還○榮又傳旨陞帶俸
百戶王橋王垣王棟各人張宗說為正千戶王楷王模為百戶
俱錦衣衛世襲所鎮撫木德為正千戶勇士朱成為百戶朱鐸
為所鎮撫俱錦衣衛帶俸南京錦衣衛王樹王柱王溥王淮王
漢王潮俱復職俸如舊宗說尋復改勲衛○辛巳改起復南京
太僕寺少卿陳大章為太僕寺少卿○命岷州衛指揮使龐壽

守備西固城地方以都指揮體統行事○壬午兵部請會推宣
府副總兵內批特以叅將劉汝充之○癸未以取回巡撫保
等府兼提督紫荆等關都察院右僉都御史韓福總督蘇松等
處糧儲○甲申命守備朔州都指揮金事施濬充右叅將守
順聖川蔚州等地方○乙酉兵部言錦衣衛中所鑿與司寇帶
總旗李通欲比例襲父順副千戶職於例不應內批太監李義
奉侍累朝勞動可嘉通其孫也准襲○丙戌南京都察院右副
都御史汪舜民卒 氏字從仁徽州婺源縣人戊戌成進士
授行人擢河南道監察御史巡按陝西甘肅等處多所舉劾從
父奎以御史言事廷杖舜民杖版之坐謫雲南蒙自衛經歷歷
遷廣東東莞縣知縣擢江西按察司僉事詳讞明允劾決如流
擢雲南副使孟養餘孽思六叛撫孟睿承檄往撫定 以母憂

歸服闋赴京會淮揚大仗議遣官賑濟之用薦改注山東理共
事無徐州兵備以便宜出納奏停不急之徵流冗多役業摧福
建按察使盜竊福清縣庫怨家有所誣指獄已成奔氏廉得真
盜而罪誣者脫三十人於死擢河南右布政轉左擢都察院右
副都御史撫鄖陽者一月例召還道改南京都察院遂卒奔氏
有才畧平生亦矯矯以風節自勵者○戊子右軍都督府管府
事武定侯郭良卒以字存忠其先臨淮人高祖英封武定侯再
傳至珍當侯而為其從弟珰所奪後珍子昌復侯良其子也幼
而孤未襲及長珰子力與爭遂罷侯而授良錦衣衛指揮僉事
至弘治壬戌良母以請始復得侯至是卒報明賻葬祭如例良
世勲戚貨中落獨好聚書為詩樂與文儒交其為指揮嘗中武
舉推理衛事既侯掌中軍都督府事領京營牧馬虜犯大同克

左恭將簡兵使命不果行而罷因上言備邊六策蓋武弁中之傑者○賞大同等處獲功在京官軍一千五十二人宣府官軍六百一十二人大同官軍一千六百一十二人山西官軍四十四人陝西官軍三百人計銀四千四百二十八兩絹七百七十二疋布二千九百八十一疋是賞仍有衛一破敵先入賊陣三次當先之名邊功自此益濫矣○己丑江西鎮守太監姚舉奏今年三月以來廣東強賊梁世昌等起興寧縣流劫委官督捕雖擒斬數多而我軍亦被傷死誠恐潛匿他境殄絕無期乞令廣東守臣會兵緝捕事下兵部言賊之巢穴地連兩省必須會剿庶克有濟宜命廣東守巡官調兵往赴相機會剿從之○庚寅陞浙江布政司右叅議馬輅為本司右叅政督理糧儲○慶成王奇湏奏本府原賜侍衛官軍近改隸太原右衛供役缺

人之取回本府管束更番往大同操備兵部言王臨侍衛中軍
之謀教人無算抵法者十餘人王亦議疏命服 先帝從該部
奏處止留正軍百人改校尉界之餘皆改隸正所以保全之也
王請不可許得旨如王奏俱回府仍舊供役○命都督同知王
鑑孫隆為署都指揮同知椿應襲祖職指揮使以武舉中式例
陞署職二級故加陞○辛卯賜大同左副總兵溫恭大紅織金
飛魚紵絲衣一襲從恭請也○後錦衣衛帶俸指揮使邵英實
授百戶邵喜職弘治十八年登極之詔英革為正千戶喜革職
至是以成曉陳乞許之○壬辰命廣東都司僉書署都指揮同
知何清掌都司事神農衛帶俸都指揮僉事于大經佐僉僉書
○癸巳陞工部郎中白圻為浙江布政司右叅議○以濟寧州
稅課局稅錢全給涇王從其請也○甲午陞兵部左侍郎文貴

子三畏為國子生○乙未歲給徽在王宮春春贍米三千石從
徽世子請也○丙申改和縣舒黃張羽况光洪乾吳袞羅縉嚴
結田埤仇惠王璠謝琛推官馮顯林李瓊李雲賀泰為試監察
御史景浙江道羽江西道顯李瓊河南直光雲陝西道範袞雲
南道縉湖廣道結山西道泰廣東道埤廣西道惠貴州道璠山
東道琛南京福建道○以浙江都司都指揮僉事牛洪掌印管
事○太監李榮傳旨以御馬監太監何仁分守大同右衛地方
宋彬改調左衛守備蔣慈恩薨○丁酉修歷代通鑑纂要成少
師兼太子太師吏部尚書華蓋殿大學士李永陽等於文華殿
進呈賜永陽等宴於禮部以 英宗敬皇帝禪於未舉不簪花
作樂○巡按四川御史楊璋奏四川游在一隅人民戀土耕種
鮮有營生○四川者蓋由山川阻隔道路不通聞湖廣夷陵州

有小路僅十日可抵夔州宜開闢寬平量置驛鋪則可以通商
利民而於公務亦便 上以年久不行竊其議○戊戌 孝莊
睿皇后忌辰 奉先殿行祭禮遣駙馬都尉黃鑄祭 裕陵○
陝西固原衛地方驟雨河漲平地水高四尺壞城垣廬舍人畜
有溺死者○已亥巡撫大同都御史崔叅奏大同芻糧告乏請
給淮浙引鹽課銀及時糴買戶部覆奏欲以兩浙運司見解到
部銀兩及兩淮運司弘治十八年見在鹽課開賣二十萬引仍
查一切私鹽并沒官掣割等項商鹽依時值易銀併送大同以
備邊餉詔怒叅擅奏及鎮守太監總兵坐視不會奏俱令具狀
自劾以聞○庚子 孝穆皇太后忌辰 奉慈殿行祭禮遣駙
馬都尉黃鑄祭 茂陵○辛丑命右都督毛倫生劾勇營管操
○點監叅御史高胤光為民胤光養病家君以借用官車為東

廠官校所發違繫錦衣獄擬贖使詔故而黜之

自時以聞

斷事歸

走一

治

公

其

相

議

其

其

大明武宗毅皇帝實錄卷之二十七

大明武宗教皇帝實錄卷之二十八

正德二年秋七月壬寅朔享太廟。○道內官祭司門之神。○
韓胡洞等募寺僧募首小和尚等各來朝貢方物賜宴及鈔
錠綵段等物有差。○癸卯通鑑纂要進呈後司禮監官印至內
閣傳示。聖意令刊刻板本中官督刊刻者檢其中有一二紙
裝黃顛倒後痔至內閣見示欲更定其序耳。是日值大學士李
東陽家居。惟同官焦芳王鏊在閣。芳以爲編纂總於東陽。非已
責之。侵其人。不知禮遇。其人怒。遂以白於瑾。瑾方欲以事裁抑
儒臣。初一日早朝。畢集府部大臣科道等官於左順門。以進呈
本出示編摘其中字畫之濃淡不均。及微有差訛者。百餘處。以
爲罪。給事中滿鐸御史楊武等遂劾禮部左侍郎兼翰林院學
士劉燾等受命編纂。光祿寺卿周文通等職專謄寫。不能研精。

其事俱宜究治東陽等夫於檢點責亦難辭瑾矯詔是其言令
所司詳覈書內差訛及謄寫官姓名以聞於是東陽等奏謂其
書卷措浩穰事務繁冗日期已定校閱不周舍卒之閒致有差
錯臣等不能無罪有旨卿等改務繁冗其勿問既而纂修謄寫
等官各具疏自劾乃奪璣及學士劉春太常寺少卿兼翰林院
侍讀費石侍讀徐穆編修王瓚俸兩月文通及吏部稽勲司郎
中沈冬魁大理寺左寺正趙式中書舍人喬宗方英李洪徐富
鴻臚寺序班汪麟等俸三月太僕寺少卿李通禮部祠祭司郎
中胡清大理寺左寺副何澤右寺副劉學右評事李程中書舍
人王拱劉訊鴻臚寺序班周令林應禧錢祿張天保等俱令致
仕中書舍人沈世隆吳瑤鴻臚寺主簿董漢序班郭歲沈秀康
世鳳未昇何珍張祚張堯及舉人華淳監生張元登邵又思汪

倬王壻高喬張恒許晉黃清汪克章等俱為民時東陽等詳覈
騰寫差訛者惟沈世隆吳瑄張恒華浮邱文思五人而瑾併點
二十餘人其專恣如此○復除服闋按察司僉事查煥於山東
○先是蓋發唐家嶺兵部尚書劉宇恭巡視居庸關御史王漢
雖嘗以病在告未許更代而夫於奏報難遲其責有旨械繫鎮
撫司考勒漢推避擅繳勅書印信而掌道御史邢昭擅與杖
印呈院著經歷丹繼志亦不稟查換杖三十為民昭繼志杖二
十昭降二級與繼志俱調外任昭為高密縣丞繼志為長子知
縣○山東兗州府沂州地震有聲如雷○甲辰巡撫湖廣石副
都御史湯全乙致仕許之賜來傳歸○乙巳仁孝文皇后忌
辰奉先殿行祭禮遣喇馬都尉游泰祭長陵○以兵部右
侍郎韓重為南京工部尚書○陞大興隆寺僧人真泰為僧錄

司右溝經定曉為左覺義與右溝經住道俱無大恩隆寺住持
僧錄司右溝經燕壇任文明為右善世兼水恩寺住持道錄司
左玄義張溥榮為本司正一進士劉奇清為右玄義兼宣靈廟
住持俱司禮監太監李榮傳旨也○陽曲土府輔國將軍司章
乞請主母丁氏封號禮部議例不當予 上以奇渾母年邁七
十子孝行可嘉許封夫人不為例○鄆府盟津王允道先以罪
革爵為庶人幽於高墻既而以恩赦回至是奏請復原爵 上
從禮部議不許仍歲給半祿贍之本邑折色均夫○丁未命致
仕禮部司務孫聰改注兵部赴大同鎮守太監侯能下贊畫軍
務聽瑾之妹夫也巡撫大同都御史崔巖及能會薦之因得起
用○戊申順天府豐潤縣有隙地曰魏家店為頃一萬二千有
奇縣民諸暨及梁城千戶所指揮楊輝輝之叔華等計五百四

十戶以其業相隣也於界內積漸開耕一千七百餘頃阜城等縣流民高穩等又開耕一百七十餘頃英國公張懋莊田之在車輛山者亦與魏家店隣其管莊之僕趙文才乃爲僞契云界內地其主皆嘗以償買之因聽穩謀侵居民劉欽等所墾招聚流民佃之而私其租入雖殺雞鵝等物則納於懋之子指揮銘欽等夤忽於官文才堅不就訊兵備官乃諭逐流民爲文才佃種者各歸其鄉穩等無所恃遂以前地赴京獻於官弘治十年初遣中官偕戶部郎中王瑋往勘定成熟地一千八十二頃繼遣郎中王勤會巡按御史金猷民往勘足蘆葦及水占地之可稅者一千二百餘頃因立爲皇莊而命中官張瑄等督理之文才固以界內近來項畝爲其主之業不聽撥付勘官如其言築五封堆塚奏所勘界畝未明輝及文才等欺隱地稅屢遣戶部

郎中何文燾員外郎胡經胡雍刑部員外郎陳輔順天府通判
杜萱父移文巡撫都御史柳應辰勘處皆據文才亮慈僅如前
造冊繳報雍之往也文才又耕華父鑿等聚衆拒阻且擲石傷
雍雍隱忍亦不以聞於是遣司禮監左監丞張淮戶部左侍郎
張縉都察院左僉都御史張篤錦衣衛都指揮僉事楊玉同往
覆勘縉等具奏成熟地視舊增九百八十二頃但其地鹺窪每
畝宜減租銀一分四釐庶舊額不虧而進納無誤蘆葦水占地
視舊增二千五百三十餘頃宜聽墾等隨地所產易銀類進其
原勘不堪用地六千四百七十餘頃宜聽居民耕牧因勅應辰
雍萱及懋銘俱有罪劾文縉經獻民等則多去任選官且過赦
宜免死詔執銘及雍萱等下鎮撫司考訊懋令自具罪狀勒等
承委勘地不能盡心以致歷年奏擾事久不決在外見任者行

巡按御史逮至京鞠之致仕并去任改選者所司仍備查處治已而戶部查履文繙經獻民等七員俱在外見任富遠問致仕者順天府治中周欽等二員去任者應辰及彌等四員復命錦衣衛遣官校往執之惟勤等五員已死者免○改守備索荆關都指揮杜雄於大同朔州城以金吾左衛署都指揮僉事崔瀨代雄○命浙江看都指揮僉事陳璠軍政管屯蕪局事陞杭州右衛指揮同知張奎為看都指揮僉事代璠軍政兼管運糧○雲南師宗州賊首阿本等不聽撫諭率眾敵役官軍鎮守太監崔安總兵官沐范巡撫都御史吳文度巡按御史陳天祥等議遣左叅議陳一經等督兵二萬餘人分為三哨自師宗州羅雄彌勒三路並進入於盤江賊巢後路分兵守截前後斬獲四百七十六級生擒一百二十九人俘獲賊馬三百九十一人牛馬

器械甚衆自首賊首二人德撫授降四百九十五人惟賊首阿
本未獲捷至呂安等俱寫勅獎勵差未人各賞綺衣一襲所鈔
千貫○河間府景州知州馬馱與致仕僉事孫博構怨博發其
非刑殺人及科罰事命大理寺官同巡按御史勘問坐馱故劾
平人致死論斬馱奏辯復命刑部錦衣衛官往勘又經審錄無
異而馱訴不已上特宥其死杖之百免遣衛軍○己酉李
宗敬皇帝禫祭上免朝遣駙馬都尉蔡震祭泰陵諸司皆
分官陪祀○以巡撫陝西右副都御史曹元為兵部右侍郎遂
命蓋取修邊銀輸送京師○命金吾左衛指揮同知程鵬守備
儀真高郵等處地方采以鵬陳乞陞署都指揮僉事○陞陽和
衛指揮許鑒為署都指揮僉事免左叅將分守大同東路宣府
前衛都指揮僉事陳勛免右叅將分守大同西路平虜衛指揮

同知劉繼守備大同左衛城王林衛指揮僉事徐俊守備陽和
城一寧王宸濠奏請委方氏徐氏封號詔封為夫人○庚戌賜
鄭府繁昌王聖學心法易經集註各一部○湖廣散毛宣撫司
宣撫章顯琮等遣祀事黃子虎等度貢馬以方物賜宴并鈔
錠綵段等物有差○翰林并好地平等族番人乂麻哈并藥疋
等各來朝貢馬及方物賜宴并鈔錠綵段等物有差○平虜衛
地震有聲如雷○辛亥錦衣衛原任指揮同知李英王榮聞住
正千戶王款百戶萬巖張贊劉智各來復原職百戶鄧喜求代
姓英指揮使下兵部議不可詔俱免之不為例英以保母恩餘
皆成晚云○給遼東清河等堡夜不收并墩軍死於賊者二十
四人之家各銀五兩其子孫仍陞授一級其有父母無子孫侍
養者給銀倍之○福建武平縣大風雨毀解宇城樓及居民房

復○士子 太皇太后聖旦命朔朝賀賜百官宴於千門○賞
兵部尚書劉宇銀三十兩紵線二表裏仍磨子為錦衣衛賞後
百戶宇泰先為總制特修堡岩編夫甲繕器械有勞乙行巡按
御史閱實至是覆奏因特與賞蔭而同事有功者俱得陞賞于
復辭蔭不允乃請以次男俸受蔭人之量加資級及世襲見任
上竟從其請聞者莫不鄙之○癸丑命巡撫江西都察院右副
都御史柴昇巡撫陝西巡撫四川右僉都御史劉燾巡撫湖廣
兼贊理軍務○命左春坊左諭德兼翰林院侍讀傅珪侍讀顧
清為應天府考試官○命兵部左侍郎史貴清理軍職貼黃○
陞錦衣衛指揮使趙良為都指揮僉事正千戶洪俊等十一人
各一級賞總旗李淮等各紵線一表裏銀五兩以唐家嶺復賊
功也○司禮監太監劉瑾御馬監太監谷大胤各奏送差

官校擒獲僭號賊首張華請論功陞賞兵部尚書劉宇因據瑾
等所奏分別陞賞等第而極言大用瑾聚劄勝有方其功尤偉
賞不可以例徇詔大用瑾聚各歲加祿米十二石陞指揮谷大
紀千戶朱德于永百戶朱成劉景祥立成各二級指揮使童祥
等二十三人冠帶小旗李經等六人副千戶楊故等八人各一
級俱與實授世襲且凡任賞為從有功官旗勇士朱勝等三十
五人彭鈺等十一人徐瑾等十八人人絳線一表裏銀五兩○
陞錦衣都指揮葉廣俸一級正千戶朱傑陸宣等二十六人陞
賞有差俱以擒獲張華賊黨功也○乙卯周王睦搆奏本府祿
米自永樂洪熙年間一再加至二萬石弘治功止如定制文給
歲用不足乙如舊加賜戶部覆議加賜乃先朝特恩非祖
訓定制也詔以周王始封祖定王太宗文皇帝同胞至親也

惟歲加二千石各王府不得復以爲例○英國公張懋以其子
銘猷管莊之僕趙人才克慈善民奉旨自劾上曰懋爲國大
臣不能制其家慢民主事法當元問但念其先世勲勞特宥之
○浙江台州府知府徐鵬舉奏宋儒朱熹仕於浙東講明道學
修舉荒政添河築隄民享灌溉台人德之立祠以祀但祀典不
出於朝廷歲遠則廢乞令有司撥人役護視祠宇歲供祭品每
春秋祭主以本府正官庶報功之典可久而台人之願亦伸矣
禮部議覆上曰朱熹有功斯道遺愛在台固宜有祠其如鵬
舉所奏行之○南京監察御史郭邦奏孝陵行香諸司大小
官通行陪祀而怠惰不至者甚多宜做天壽山諸陵禮制每
遇時序分官行禮仍置藉以備監禮官察舉禮部議覆天壽
山諸陵去京城百里外陪祭官往返必三閱日若孝陵則在

南京朔陽門外往返甚易與北不同且行香禮儀行之百年已
為定制但日久玩易不免廢弛宜令南京文武百官遵守如故
其有假托偷惰者聽監禮御史具名以聞庶乎人心知懼而典
禮不謬從之○陞賞涼州衛昌隆舖平產有功官舍旗軍六十
五人有差○丙辰中元節遣駙馬都尉馬誠崔元林岳祭長
陵獻陵景陵裕陵茂陵泰陵文武諸司各分官陪
祭○遣儀賓楊淳祭景皇帝陵夜○遣內官祭恭讓章皇
后陵夜○詔許遼東軍民舍餘并客商人等納銀冠帶仍免其
雜之差役以巡撫都御史鄧璋奏修邊費廣倉原空虛故也○
命徐廷宣府平例銀五萬兩吏部中兩准長蘆鹽共二十萬引
以守臣奏營勢方熾故也○丁巳署水運庫太監李時以九江
等七處鈔關舊收銀兩近為司鑰庫所請改收錢鈔而比者銀

兩止之乙仍舊收銀史開浙工守家礦坑并督催雲南續通之課下戶部集議諸副正德三年四年俱收錢鈔送司鑄庫以後仍收銀送水運庫若開礦則所得不償所費課多小民倍納先平墜死礦夫數百害多利少况奉詔填塞水敗輕議宜行守臣劾報可否議之而雲南通課宜查追解納及令各處一切賦罰金銀盡輸內庫詔准議○戊午 太宗文皇帝忌辰 奉先殿行祭禮遣附馬都尉林岳祭 長陵○己未巡按雲南御史陳天祥請仍送金帛兵備副使下吏部議得旨兵備近已裁革天祥何乃妄奏其令具自劾狀○虜五百餘騎入葦浪鎮羌茅堡鼓掠人畜按伏指揮僉事朱欽防守不嚴下巡按御史達問擬請戍以情輕律重詔免戍降二級帶俸差操○詔錦衣等衛校人匠一千名月原冬衣如例後有缺仍令僉補○命山東修理

曹子廟從巡按御史金洪請也○福建建寧右衛風雨迅雷擊
碎臨江門新建城樓柱三甓甃如故○庚申仍以河南府稅課
司錢鈔給賜伊王成化弘治間王奏歲祿止二千石食用不足
乞稅課 憲廟 孝廟皆允其請迨以內帑缺用諸稅盡取還
官王復陳乞從之○辛酉青石山等族番人中小等各來朝貢
馬及盛甲等物賜宴并鈔錠綵段等物有差○陞賞大同會寧
等處有功官軍四百五十二人有差太監侯能藏加祿米十二
石都御史崔歲賞文綺二襲白金十兩總兵吳江監丞常忠恭
將楊彪蔡瑁遊擊將軍溫恭都指揮僉事李鑑各陞一級御史
郭東山郎中王冊副使莫景和叅議呂鎰各賞文綺一襲白金
五兩○巡撫遼東右僉都御史鄧璋以修邊預備無蓄言先年
所定軍職免比試併給納銀之數太重欲更定指揮入銀十五

兩千戶鎮撫八兩百戶所鎮撫五兩總小旗三兩侯儲足而止
詔免之而罷修築之議○錦衣衛減級百戶胡璽求復原職指
律乞事許之璽宣廟章皇后姪孫也○壬戌給成山伯王鏞
先世誥券二十二道初鏞之曾祖真洪武中從軍陣沒以功追
封金鄉侯謚忠壯子通襲武義伯又加封成山侯錫之誥券宣
德初伐交趾夫利降為齊民盡奪其所封錫者燬之天順初通
子琮復伯爵傳鏞而誥券未給因其請還之○慶陽伯夏儒奏
請追贈三代許之給誥券如例○太監李榮傳旨遣御用監太
監甄瑋往湖廣太嶽太和山奉安聖像○福建疏寧縣災○癸
亥南京協同守備武靖伯趙承慶卒承慶父輔成化間以軍功
由都督同知封伯後進封侯輔卒承慶以成化二十三年襲伯
爵弘治初專管操江注南京前府掌印後轉協同守備掌南京

右府事元年劉瑾專政斥逐輔臣邨報至承慶首傳之言官乃
連疏請留大學士劉健謝遷而罷黜太監高鳳坐是忤瑾遂罷
官削祿至是卒賜祭葬如例○甲子鎮守雲南太監崔安奏先
平銀場礦生之時俱使開辦官場指揮等官袁斌等二百七十
三員仗憑私用後因詞遠礦微採辦艱難久不交納自弘治四
年至十八年員課六萬八千九百餘兩欲逮斌等如數監追戶
部言監追於衆恐有不堪且仍行鎮巡官查蓄除弘治十六年
以前採辦不數以致未完者勘明除豁內有侵欺者乃究之十
七年以後通員之數則稽其多寡立限比較詔鎮巡等官依期
完解不許仍怠○乙丑熙翰休院編修謝玉為民初至乞歸者
至是復以疾請劉瑾怒其久遷及至焉○丙寅陞貴廣西富賀
等縣廣東連州等處平賊有功官軍五千九百五十三人有差

太監潘忠誠加米十二石總兵毛銳四十五石巡撫都御史熊燾
已致仕賞文綺二襲白金十兩都指揮李銘王春紀功御史張
津陳荻各文綺一襲白金五兩叅政王臣翁健之副使鄭嵩
事吳廷舉各文綺一襲叅政管琪叅議鍾久俊僉事丁隆李希
顏各白金三兩○陞貴遠陽東州并開原鎮北二堡有功官旗
軍合五十三人有差○丁卯仍以萬縣鹽銀之半給寧王 先
帝時嘗從王請賜以鹽銀近以內帑缺用諸稅盡取還官王復
請從之○改嘉祥長公主東安縣香火地土為皇莊本府闕者
魯才奏本地逐年通欠租銀當一萬六千餘兩乞賜修理墳墓
詔令戶部以見在部銀六千兩與主家以一萬兩輸內承運庫
而本地通租之數付戶部徐追之○尋王奏乞賜德安府岐王
遺下劉家偏稅課局揚子港并東山畚河泊所錢鈔以供祭需

養贍從之。○錦衣衛直革帶倭指揮同知柏俊乙復原職指揮使并爲其叔指揮李等求還原職詔皆優之。俊憲廟賢妃之姪也。○錦衣衛百戶楊篋孝廟保母之姪也。求復革去指揮僉事原職詔許之。仍令世襲。○戊辰以災免河南開封等府隲陽等衛山西大同府并大同等衛夏稅有差。○命發太僕寺馬價銀三萬兩於大同補買戰馬免山西清涼等縣民三千名戍戍遂止。令人出銀一兩二錢以功買馬從鎮守大同太監侯能奏也。○命杭州右衛指揮同知楊輅從督捕盜以都指揮體統行事。○賜鎮守山西副總兵著都督僉事李興大紅織金蟒衣一襲從其乞也。○曉刻大星犯積尸氣。○福建長泰縣大風雨連三日。伐平地水深二丈。文廟室廡門齋頹塌。漂民各八百餘家。傷禾稼五百餘頃。溺死男婦五十餘人。牲畜財物甚衆。○庚

于復除賑附按察司副使王懋中於福建○陞江西按察司副使司東為山東按察使○使翰林院管孔日事中書舍人劉訊官訊坐謫為通鑑纂要差訛罷職乃奏辨所司准出入錢糧收掌文冊而謫錄實非所預之宥其罪優部為請復之○太傅憂雲侯周壽泰所貢昌平州等處田土一千六百餘頃乞蠲除糧草從之○整理鹽法右都御史張憲請勅福建清軍御史兼管所屬鹽課歲終奏報并令巡海副使帶理巡鹽聽鹽法御史提督從之○憲復查奏福建鹽法當興革者三事一欲將福興漳泉四府鹽借行於江西廣信建昌撫州三府發賣仍委官查驗不許私販越界一漳之柳營江泉之新橋等處俱有私鹽船隻宜設此驗把截許其首報盤驗每引納銀一錢通收本布政司官庫以備剿賊給賞之用一查得未中鹽課數少發到勘合數

多羨商人報中者稀勅合難完宜令運鹽司量留五十道關中
填繳餘繳部戶部屢議疏通鹽法恐聞借行之端難禁越界之
弊若欲縱其納銀私販則私鹽盛行公鹽阻礙俱難佳行獨查
繳勸合宜依所奏詔從之然憲謂江西三府與福建接壤往往
私質福鹽而淮浙之鹽不能徧及官民俱不獲利則亦未為無
見也○福建南靖縣連三日風雨不止水深丈餘葉沃民居及
禾稼甚衆○辛未南京戶部尚書楊廷和以陞秩具疏謝其畧
曰臣歷事三朝存更八任叨居禁從久侍經帷近者轉官吏部
進授左銜曾幾何時驟膺峻擢竊惟戶部乃國計所關尚書實
經總其要兩京之政理繁劇雖殊官府之建置職守則一况
祖宗根本之地財用不可不充而東南因循之除氏力尤所當
恤再命而偃甚欲循墻數日以來未敢視篆仰窺 聖意倍感

憲懷立以治繫之廷堪任全段之事蓋謂以事可以澤物因武
之劉司謂經術本以舟楫乃責其實效此造化曲成萬物之德
聖主派勸葦菜之議也章下禮部○伊王奏請給食鹽止二十
引乞照襄王例給三百引於兩淮運司闕支從之○命杭州前
衛指揮使江洪守備溫處地方以都指揮體統行事○錦衣衛
千戶楊瑾求復指揮僉事并其弟謙原任鎮撫詔皆允之謹
憲廟恭妃兄也○復開白塔河及江口大橋滿家通江四開尤
是總督漕運都御史洪鐘言蘇浙運舟由下巷口并孟瀆河泝
大江以達於瓜洲者遠涉二百八十餘里往往覆於風浪惟孟
瀆河對江有夾洲可抵白塔河口舊設四開徑四十里至宜陵
鎮再折而北即抵揚州運河於舟行甚便請開濬如舊至是成
明武宗敕皇帝實錄卷之二十八

明武宗毅皇帝實錄卷之二十九

正德二年八月壬申朔復除裁革山東按察司副使何傑于江
西○給隰川王府鎮國將軍聰隨聰潢歲祿各一千石以隰川
王言其由輔國將軍加封例應增益也○南京戶部尚書楊廷
和等奏近欲疏通錢法凡解戶口食鹽及商稅魚課鈔錢赴部
者必歷代舊錢與洪武等錢中半無收似洪武永樂等錢貯庫
雖多給領尚少况弘治通寶錢未完布未行使解戶措解不
及官府收受亦難若令每洪武等錢折納舊錢二文愈見員累
請自今解到錢鈔不拘中半之數新舊錢俱暫與收受候弘治
通寶錢造完日照例中半無收仍行巡城御史等官訪有阻格
及私鑄私用者嚴加究治則錢法疏通官民稱便戶部議覆從
之○蔡酋以南京都察院右都御史洪鐘為南京刑部尚書○

命義勇衛指揮使郭子總督廣東備倭以部指揮體統行事字
孚乙陞遂陞著部指揮僉事○甲戌著南布政司左叅政于鳳
皆乙終毋食許之○鎮守延綏總兵官張安泰初奉勅諭上關
每年戶部運到銀兩遇有動支須與鎮守巡撫管糧等官會同
支給緣本邊倉庫錢糧自戶部運送之外各處解納者尚多近
者吏部移文奉有明旨則臣等皆得管理未知宜何所從詔如
吏部所奉旨○乙亥復除裁革貴州按察司副使王倬于廣東
○鎮守浙江太監劉景題近奉旨收買果品及捕雜禽鳥輸送
京師其裝載器具乞如宣德成化年例量收商人腳價以備置
造從之於是採選四出東南騷動矣○遣大慈恩寺都綱剏已
也夫克正使大能仁寺都綱頭南短疋克副使齋誥勅實物住
封靈藏贊善王端疋監皆以其徒刺麻十人與俱而差未使臣

判麻呈吉等優奏遠齋賞賜徒從稀少不便防獲乞更容徒二十人
以行禮部覆奏上以其累請仍添與十人○丙子以裁革山西布政司右叅政王瑛為雲南左叅政○錦衣衛遇例降級百戶姚瑾求復原職止千戶詔特許之瑾憲廟安妃之姪也○丁丑釋奠先師孔子遣戶部尚書兼文淵閣大學士王鏊行禮○戊寅祀大社大稷○太監李榮傳旨取太倉庫銀二十萬兩太僕寺馬價十五萬兩貯于內承運庫○後軍都督府都督僉事戴廣卒廣初襲祖職為大寧前衛正千戶正統天順間屢立戰功歷官至都指揮使掌統圍營受勅守備偏頭關成化癸巳虜人逢黃率所部禦之多所斬獲久之乃論功遷都督僉事召選神機營管操俄命本府僉書管事卒于官子綸先歿無他子承襲綸妻李氏主其喪乞祭葬詔如例給之○夜流

呈如坪邑青白老蜀地起自羊角正南行至雲中沈沈有聲如雷○已卯遣戶部侍郎張璠祭京都太倉之神○陞都察院右副都御史張鼎為南京都察院右都御史○廣西南寧太平二府地震有聲如雷○庚辰順天府鄉試命翰林院學士劉春侍讀學士吳儼為考試官○巡按直隸御史趙斌奏弘治十二年清出順聖川佃種餘地堪稅者二千八百三十五頃有奇每頃定擬租糧三石草四束未納今又於蔚州衛小關村清出地一十六頃有奇欲將前後地土自今年為始平學地每頃徵細糧三石次者二石其順聖川等處所員糧草除革前免徵自餘仍行宣大巡撫管糧等官照冊徵收戶部屢議從之○命安遠侯柳文克總兵官鎮守兩廣地方○改保安新城守備指揮僉事王忠于萬全左衛四海冶堡守備指揮僉事張勛于馬營堡以

保安衛指揮同知朱壽宇備保安新城宣府都指揮楊玉宇備
赤溝堡宣府左衛指揮同知時春宇備保安舊城宣府都指揮
僉事周顯志宇備四海冶堡萬全右衛指揮同知陶杰宇備新
河口堡○工部以接濟工程請令陰陽僧道醫官有缺許其生
徒及仕宦子孫農民納銀送部免考授官其等有四軍民客商
人等許納銀授以正七品而下散官榮其終身仍免雜徭其等
有二氏間子弟許納銀恭充都布按府州縣諸司承差知印吏
役其等有八詔皆從之時方修理南海子殿宇橋梁製造元寶
燈人及諸項工程所費動以萬計自正月以來蓋已用銀二十
萬兩故為允權宜之術也○辛巳 今上皇帝生于安陸之
蕩湖○命費西按察司僉事胡猷提督學校○命營州俊也衛
指揮同知楊瑞宇備薊州薊慶地寧以都指揮體統行事○壬

于運順天府官祭宋丞相文天祥○大學士李東陽疏曰近以
衆病懇辭伏蒙 皇上慰諭不允繼又命醫調治遣內臣頌賜
酒肉等物臣受恩稠疊無以自容致違 聖諭用心調理冀復
苟全而閱月以來病勢不解竊惟臣之於君報德之心無私而
趨事之力有限臣稟賦羸弱生而多疾早竊官職勉強驅策已
經四十餘年精力消磨氣血凋耗其所餘者能復幾何今膏肓
日昏病日益增藥餌雖良猝難取效凡卑官散秩尚不可容瘵
曠之人况輔導之親臣災測之重任不能贊理政機乃徒叨冒
祿位雖 聖德優容不加譴斥而臣心內者誠不自安伏望
陛下大度同仁容允下物祭臣衆病之跡實自累年控訴之情
已非一次解臣職務特許退休則臣雖莫酬既往之恩猶免積
將來之咎此臣倦倦犬馬之私不能自己者也 上曰卿輔導

有平德望又著朕方切叱倚宜亟起供職慎勿再辭○廣東韶州府同知韓統征獲賊賊死詔贈朝議大夫廣東布政使司右叅議錫之誥命○給周府永寧王府輔國將軍同卿所遺宮眷子女養贍米歲五十石從周王請也○命漕運叅將都指揮僉事梁璽三千營生司管操○癸未陞都察院左僉都御史張鸞為右副都御史○命廣寧衛授降帶俸達官都指揮僉事羊合子守志襲指揮使於原衛帶俸○甲申中書舍人吾嵩服闋後除原職○太監李榮傳旨光祿寺卿著鴻臚寺事楊容令奪情起復○降病痊工部都水司主事歐陽璣為浙江崇德縣知縣責其養病平久也○命遼東著都指揮同知莊椿克叅將協同漕運無子淮安地方○命前軍都督府帶俸都督僉事藍敬右府依貳僉事○乙酉靖江王約麒奏請全賜桂林府稅課司三

手鈔科以助弗給戶部執奏係近平題准選官之數難從所請
上特命與之○掌詹事府事禮部左侍郎兼翰林院學士劉燾
等奏端門內之左有芳五間乃詹事府及左右春坊司經局候
朝之所兼直諸司印信文卷什器於其中通因著門事右少監
李顯等奏乞皆以與之緣近侍諸司端門內各有直房望念臣
等春宮官屬嘗欲微勞祗候出入無所棲止持劄該部查照卷
茶祭請定奪詔既有入禁在內准留與兩間○廣西太平府地
震○丙戌賜手勅少師兼太子太師史部尚書華蓋殿大學士
李東陽加俸一級太子太保吏部尚書兼武英殿大學士焦芳
進少傅兼太子太傅謹身殿大學士戶部尚書兼文淵閣大學
士王鏊進少傅兼太子太傅武英殿大學士吏部尚書許進兵
部尚書劉宇俱加太子少保○蓋造約房公解前後廳房并左

右廂房歇房時 上為葦葦盡感朝夕處此不復入大內矣○
永和壬辰降祭原賜隨侍官軍近改諫太原衛乞取回仍聽管
束改作草收所如舊輪戍大同事下兵部議宗藩聽隨侍官軍
之謀往往債事且邊方軍伍虛甚防守缺人王所請不可許得
旨如王請已後各王府不得援例○丁亥勅南京戶部尚書楊
廷和今特命爾內閣辦事勅至爾即馳驛來京毋或稽違故勅
○太師兼太子太師英國公張懋奏乞養疾特許之○涇王奏
歲祿萬石內僅支紅使米二千石欲比榮府例加支戶部言各
府常祿益墮土產以便小民輸納也山東粟多稔少其請難從
詔以王既系奏再改支稔米五百石不為例○以旱災減免南
京錦衣等四十二衛屯糧三之二○四川天全六番招討使司
土官招討使高勳遣合化高文望等貢馬謝文職恩賜宴賞寶

鈔錄段馬價如例○戊子大學士李東陽奏項拳手勅加臣俸一級夫爵祿之待人臣必量才以授計功以進臣病質衰頹藥物過於飲食時註門措退憂半於趨朝嘗承○聖諭曰國弘治化臣實未能有圖曰勉副重託臣實無能求副加進少師之官又進一級之祿求走得進心莫自安願尚有餘之寵以歸朝廷還無功之賞以待天下臣感始終之恩當衛生死之報矣○上曰卿夙陳衷病已有旨再四○也留今茲加俸益錄舊勞朕方圖治任賢卿尚體古人許國之義毋使固辭○太監李榮傳旨以太子太傅伏乞伯毛蛇鎮守淮安等處地方無克漕運總兵官召郭鎡遠○陞鎮守金甌衛地方右叅將雲南左衛指揮僉事沐崧為著鄧指揮僉事○錦衣衛原任指揮使降級正千戶孫輝查革副千戶冠帶小旗石斌開任百戶吳克乞復原職調

衛署指揮僉事劉寶副千戶劉璠所鎮撫劉勤求復錦衣衛詔
聽輝寬復職寶等復衛誠陞百戶輝誠威里寬保母葛寶等都
督劉寧弟族也○己丑命都察院右副都御史張鷟清理軍職
帖黃○唐寅復除服闋福建布政司右叅議蔚春于陝西改福
建按察司裁革僉事院着于江西○湖服闋陝西按察司僉事
劉道立于廣西以考察才力不及也○巡按陝西御史李高奉
命閱稅邊鎮劾奏陝西行都司都指揮僉事陳瑄等十四人管
操都指揮同知李清等七十六人守備馬寧都指揮同知徐應
等四人及分守肅州右叅將都指揮僉事吳鑑協贊著都指揮
僉事楊義整飭固原等處兵備副使高崇熙李瑞澄蕭紳等各
因循怠玩戎務廢弛其甘肅監鎗太監等官沈讓姚遠梁玉接
管太監張昭巡撫都御史畢亨等亦難辭責得旨遣備廢弛本

當先問姑從輕貸銘瑄等各奪俸兩月讓亨等既去任昭代理
未久俱宥之令加意整飭邊務毋得仍前怠玩○辛卯呂總督
蘇松糧儲右僉都御史歸福蒞都察院事 賜郝府東垣王四
書禁註聖學心法各一部○壬辰巡按黃西御史張津奏廣西
修仁荔浦二縣封官項畝節使復賦占墾致糧多通負道崇官
民請暫停擅稅并行總督等官從宜撫捕其占墾田培責令還
主庶幾不夫原額戶部議從之○太監李榮溥旨羽林前衛
指揮僉事安欽以都指揮體統行事於定州管理達官軍餘操
備○陝西巡按御史李高兵備副使張天衢蘭州知州姜閔俱
謫戍初閔與甘肅廷擊將軍徐謙有隙因謙麾下百戶劉欽王
欽累騎而行與閔過衝其導從閔叱而縛之欽部下軍士遂率
衆入州喧閔避伏木下以爲無主之也因并訐謙貪淫狡昧

之事以至於高會虜入莊浪搶掠西寧兵備副使亦以諸將領
夫事之狀呈於高，高委天衢鞠問，坐謙貪滿，及夫事罪以獄上，
無奏辭，亦許高天衢，又聞交通，鞫球之情，命刑部右侍郎陶瑛
錦衣衛指揮余真往訊之。瑛等言各奏多非情實，因劾高夫憲
體天衢情涉交通，聞肇啓禍端，遂非誣衆，奏上，俱發肅州衛丞
遠克軍事內指揮同知星拱辰以首唱應調衛，止令納米，正千
戶楊銘以提調墩臺防守不密，應克軍止降級，謙以御衆尺嚴
分守莊浪副總兵忙琮以守備不設計，皆當逮問，止奪俸三月。
蓋瑩方欲右武左文，而從真所上獄辭於謙等，亦多從末減，故
瑩得以高下其手也。後琰真自陝歸，報命內批陞真為指揮同
知。○癸巳，憲宗純皇帝忘辰，奉先疑行祭禮，遣駙馬都尉
馬誠祭。茂陵○命都指揮僉事徐勇掌江西都司印。○錦衣

衛都指揮使葉廣卒廣字大用浙江青田縣人由總旗成化間
以役事有功歷陞副千戶永平兵部推鎮撫司理刑掌印弘治
癸丑陞指揮僉事管衛事績以奉勅提督官校巡捕有功累遷
都指揮同知正德元年進今官掌衛事至是卒贈右車都督府
都督同知廣器局赴碩敏而能斷過事不苟又能體悉羣情不
過苛刻讞獄以公平見稱于時，晚刻土呈犯蓋臺上呈○乙
未祭太歲風雲雷雨嶽鎮海濱山川月將等神○丙申吏部擬
服闋都御史鄧屏起用都御史洪漢總督蘇松諸郡糧儲詔以
漢因事罷察勿得再舉令別具二人以聞○四川守臣請仍設
兵備副使詔以兵備官已革便奉不尚事體其併陝西三邊兵
備革之○勅錦衣都指揮同知高得林掌本衛印弄提督官校
解之○丁酉命都指揮僉事梁翼補中都留守○正留守○陞

揚州宣慰使楊斌爲四川按察使仍蒞宣慰事舊制土官有功
惟賜衣帶或徃貢部下人無列銜方面者斌校橫不受兩司節
制諷安撫羅忠等上屢平普安蠻賊功陰重賂瑾故有是命後
數平卒致交受亂離之亂○以邪端襲元江軍民府土官知府
○華靖江王府五輔國中尉約羅爵坐醜酒歐死其妻之母及
妻家養子入替出城故也○已亥陞四川左布政使羅鑿爲都
察院右副都御史總督蘇松諸郡糧儲○南哈及阿著等族舊
人居藏少并剽節等各貢馬及盛甲等物賜宴并綵段寶鈔如
例○夜寧曼衛有大星自正南起流往西南而墜後有赤光一
道闊三尺長五丈○庚子長蘆都轉運鹽使司運使邢霖乞致
仕許之

明武宗毅皇帝實錄卷之三十

正德二年九月辛丑朔錦衣衛指揮使朱成進大興孫田家莊地八頃五十四畝有奇崇城縣民王增進通州墳莊地五頃四十七畝有奇及神樹地十二頃四十七畝有奇為皇莊且乞蠲其稅詔從之令少監成玉管理凡以地獄官者多非已業朝廷不究其實遽從而納之以致小民互訟屢奏皆比類也○太監李榮傳旨陞錦衣衛指揮同知于永為都指揮同知協理堂事永以夷教挾左道方有寵于上也○曉刻金星犯進賢星○壬寅陞山西右布政使李善為左布政使○命羽林前衛指揮都指揮僉事戴儀三千營坐司管操○癸卯巡撫都御史艾璞擒獲海賊范天泰餘黨以其獄上謂天泰已平其黨范安等二百六十一人便肆剽掠陳宗海等二人合處分財皆當所張進

保等十三人平初出切其情可矜黃永吉十二人以使藝從逆其情則重刑部覆奏得旨安及宗海等處決如律其中有稱冤者仍與辨問以開達保等有死發南丹衛永吉等發靖州衛俱充軍其蘇州衛指揮僉事朱傳等以守禦無謀俱逮問初天泰就擒止擬戍邊其黨以為首惡猶得減死論故優敘其所為縱橫海上蓋刑不當罪人無所懲也○贈故錦衣衛都指揮使葉廣為右軍都督府都督同知陞副千戶楊輝為指揮僉事百戶張袞二級總旗王廷等一十九人俱一級楊輝等處廣輝事廣平輝等自陳有功未及錄故有是命○陞兵部尚書劉宇為太子太傅尚書如故時昌平州強賊張華等就擒劉瑾谷大用各部下官校爭議陞賞奏行巡關御史林茂達嚴贊茂遂因言宇居本兵有先事建謀相機決策之功故有是命宇優上疏辭免

不乞一役流星如蓋色青白尾跡有光起自羽林軍南行至近
濁○甲辰 孝恭章皇后忌辰 奉先殿行祭禮遣駙馬都尉
崔元恭 景陵○命金吾左衛著都指揮僉事芮天錫充右恭
將分守馬蘭谷地方○陞弘農衛指揮僉事呂璽為河南都司
署都指揮僉事管理屯田○乙巳陞翰林院編修王瓚為侍講
以九平秩滿也○陞江西左布政使戈瑄為南京都察院右副
都御史○陞永平府知府張預為長蘆都轉運鹽使司運使○
丙子陞山東布政司左叅政倪阜為四川右布政使○戶部郎
中郝海工部員外郎畢昭等奏修復大通橋至通州河道及關
十二壩四十一凡用銀四萬五百七十兩有奇議者謂漕粟自
張家灣入京輒車甚費故欲開河通船以免陸運之艱然地勢
水勢高下懸絕河雖開而無所濟也○巡按浙江御史楊滋奏

歸併稅課局曰海寧之堵山湯鎮曰嘉善之魏塘曰會稽之倫塘曰永嘉之南溪曰平湖之乍浦當湖曰富陽之新城曰餘杭之石澗曰臨安之青山曰秀水之新城及德清蕭山餘姚海鹽崇德長興慈谿定海寧海蘭谿東陽義烏浦江永康樂清瑞安平陽龍泉慶元青田凡三十處俱以課鈔數少無商往來故併之其課令所屬府縣及附近河泊所帶管每處留備典一名每課鈔及萬錠量留地欄八名餘蓋革去原設官員起送別用○賜孝節衛女五都督同知幹羅脫佛從衛右都督打吉六奈皆從其陳乞也○韓胡峒寨檢列守番僧領占朵兒只達其弟小和尚未朝貢因請令裝其職事許之○鎮守四川太監羅喬秦威茂州所轄卜南付曲山等寨自弘治四年反不服征徭十七年吳王楚未歸乞為白人無請衣巾願納糧差白人者其俗以

白爲善以黑爲惡也禮部覆議番人既知向化宜照例量令入貢給賞以示恩威鎮守等官亦請少加賞勞詔是之歲給諭樞米十二石賜大紅蟒衣一襲巡按御史王際泰將馬隆各賜文綺二襲○丁未後除服閱雲南左布政使李詔於江西○以裁革雲南布政司右叅政姜洪爲山東左叅政○司禮監太監李榮傳旨諭九卿今後建言民情非泛言并於例有礙而有可行者即與封進不必類奏各處鎮守等官既推選聞望老成者任用之何乃又立資查機務等官以系政體其悉革之各平納粟上銀納馬等項事例酌量輕重給與冠帶品職以榮其身而已敢有分外賣緣求乞見任者諸司其叅奏逮治必罪不宥○戊申賜崇王龍陽縣地方沿河兩岸新興洲等處田地五百三十頃有奇因王請也○申男子自言之禁令錦衣衛五減兵馬限

三日盡逐出之有留京師者並以元時宦官竊據者澤及九
族悉民鏡闕其子若孫以圖富貴有一付至數百人者雖嚴禁
亦不之止也○辰刻日上生肯氣一道色亦黃鮮明良久散○
庚戌陞戶部右侍郎王佐為左侍郎總督漕運右副都御史王
瓊為戶部右侍郎許吏部擬提督倉場右侍郎林洋當選而以
瓊陪有旨特用瓊為○壬子裁革廣西歸沐州橫州宣化縣貴
縣各稅課司從總督兩廣軍務都御史陳金請也○夜流星如
盞亦已光喝也自奎宿西行至室宿○癸丑命直隸武平衛指
揮僉事馬雄守備河南南陽等處地方○太監李榮傳旨以御
馬監太監鄧士鎮守甘肅等處地方召楊定遂○甲寅陞順天
府府尹李瀚為都察院右副都御史總督漕運○乙卯江西按
察司提調學校副使蔡清乞致仕許之○錦衣衛都指揮僉事

趙良秦緝事正千戶文恭等十八人擒賊有功已陞用命各陞一級以良提督勤勞陞都指揮同知○命金吾右衛署都指揮僉事張瓚領班宣府備禦○裁革浙江馬金鎮巡檢司○命金吾右衛都指揮僉事盛瑾守備河州地方○錦衣衛百戶谷大先自陳擒賊功少陞一級已後例加陞得旨遂陞為正千戶大亮太監大用之尤也○加懷寧侯孫應爵折色祿米歲二百石從其請也○賜秦府西安府稅課鈔從秦簡王妃廖氏奏請也○丁巳命以光祿寺帶俸通事著正舍誠鴻監寺通事序班王永俱為大通事○巡撫甘肅都御史才寬等奏報明水湖之捷上賜勅獎勵資齋奈人綺衣一襲鈔千貫初達賊駐明水湖寬等議令副總兵白琮把琮恭將吳鉉建擊將軍徐謙出兵擊之賊退以捷聞凡斬首四十一級得馬五十八匹牛羊一千

有奇○復錦衣衛指揮僉事呂文英職文英以畫士歷官例幸
為百戶至是因自陳乞復之○戊午陞陝西左布政使胡富為
順天府府尹○陞戶部郎中王崇文為江西按察司副使從調
學校○巡按山西御史周廷徵奏河東運司鹽每引定價四錢
今歲鹽花生結傍辦之課約有一百七十餘萬引但商以價重
無報賣者若不迫強處置恐過時不售不無消折之患宜斟酌
於前估量減二分戶部覆奏從之○命廣西右都指揮僉事麻
林吳瑞於本都司列衛僉書○命直隸寧山衛指揮使熊備守
備大同右衛地方以都指揮體統行事○己未陞禮科右給事
中潘鐸兵科右給事中趙鐸刑科右給事中馬騏俱為本科都
給事中以給事中陞左給事中者五人徐忱吏科薛金禮科李
貢兵科安奎刑科王珣工科陞右給事中者三人潘希曾吏科

胡堰戶科胡洪工科一夜流星如彗色赤光燭地起自天津西行至近瀾○唐申轉陝西右布政使夏弟為左布政使○陞河南宣武衛指揮同知徐節為者都指揮僉事提督捕盜○太監李榮傳旨印發監左少監張溫提督正陽九門巡城點軍○三法司會同府部諸大臣及科道官於承天門外審錄重囚得情有可矜者二十三人父母告其不孝而復息詞者六人自宮者一十三人有詞者二人情有矜疑者五人共獄上請得旨可矜者免死俱免邊衛軍其不孝曰人仍繫獄二人杖之百俾歸養自宮者以平幼亦繫之有詞者再問情有矜疑者釋之○辛酉初晉莊王世子奇源世孫表榮皆未襲而薨先帝追封奇源為靖王表榮為懷王靖王之次嫡庶人表樵表樹表秩表指皆封鎮國將軍矣復以加封郡王請禮部尚書李傑等議以為違

封王爵者之子視實封者不同且仍舊命會廷臣論祖訓詳
議可否以聞乃議謂追封罷上之子加封郡王事例祖訓無
之先年周悼王庶子懷棟等乞加封先帝亦未嘗許然父既
追封其子亦親王之子似於加封亦且惟皇上推廣祖訓
斷自宸衷著為定令於是袁撫等皆加封郡王有旨祖訓條
章既無世子未封沒後所生子孫不應封爵之例其查奏擬起
於何時出於何人禮部查覆後股陸等之加封者原任禮部尚
書張升所奏故也遂非升等擅擬疏并致任後所得散官及人
夫月米李傑并該司官各具狀自動傑疏謂前此議擬追封王
爵之子不得加封郡王實致任尚書張升等主臣及今南京吏
部尚書王華時為左右侍郎陝西叅議張琮韶州府知府董沈
吏部考功司員外郎劉台為儀制司郎中員外郎主事雖不與

議亦不應是若履泰俱有罪有百傑師同委罪於并并華俱令
致仕台同外任并琮允俱降二級張崇白鐵時為左右侍郎自
初迄無著名并新任郎中許孚等二人亦拿三月俸悅而吏部
以琮守制殿學以并進奉為廣信府同知台為泰州同知○南
京錦衣衛降級百戶黃林泰已沒指揮急事職上命為正千
戶仍改錦衣衛是任林已改太監賜姓也○壬戌戶部侍郎林
泮等言勘道河南等處赤地一百二十九頃有奇鹿邑等
縣田地七百五十七頃有奇均無糧稅光朝以賜徵府仍該
給與本府官軍民佃明等積欠稅銀七千一百九十六兩有
奇亦公道徵給發因言知縣李鈞等輕信明等訟奏以前地為
有授回土轉中土官收撥軍民耕種而叅政劉鈞御史鄭陽都
御史陶琰亦皆駁於是不行勘駁俱合究治上是之明等

及訥等并約陽俱令錦衣衛遣官校捕祭至京送鎮撫司鞠問
琰侯公差司日別議○癸亥以明日萬壽聖節遣駙馬都尉
蔡震馬誠尊泰祭古長陵款陵景陵裕陵茂陵
泰陵儀賓陽享古景皇帝陵設○遣內且祭泰讓章皇后
陵設○太監李宗海旨錦衣衛所鎮撫朱祥陞本衛百戶○甲
子萬壽聖節上旨奉先殿奉慈殿太皇太后皇
太后宮行禮畢出御奉天殿文武百官及內苑使臣行慶賀禮
○免百官宴賜以節減沙○丙寅復除裁革陝西按察司僉事
杜訓丁湖廣○給荊州并岳陽等處守墩架炮夜不收官軍
民各衣鞋凡五十七百七十八石○光祿寺卿孫文等奏請禁
今後鋪戶非奉明人不許擅造曲紅器並違者罪之器並沒入
官初本守供應器以是缺收買估價進納後因價重歲領工部

銀二千兩不足支給本寺乃備匠自造價省而器皿積多費解
遂停並是鋪戶陳海等懇業已造完九萬有奇已進納第如本
寺造器之價給償交等以爲此宜俯從但頁辦停已四年而復
之恐鋪戶預造並恐圖利求甚又啓幣端故有是奏○丁卯陞
福建按察使李育爲陝西右布政使○國子監監生孔水謨奏
保孔子六十四代孫乙入火官膳錄禮部爲之請上曰承詔充
聖之後其仍令明經習禮以科第出身○復晉府革爵庶人鍾
鏡仍爲陽曲王因其母彭氏奏也○戊辰夜水木金三星聚于
亢宿○萊州府地震有聲○己巳太監李榮傳旨御馬監太監
谷大用之父奉御用益太監張永之父父俱陞錦衣衛指揮使
○庚子陞遼東行太僕寺少卿茹欵爲山西行太僕寺卿○陞
山西按察司副使夏崇和爲福建按察使○河南按察司副使

鄭瑞已便道省覲許之瑞山東臨沂人特謹守政法禁甚嚴人無敢化瑞初赴河南過家不得省母及奉賀表未京將遂任乃得過家乃陳情以請云○初徹馬兒竿差納麻及其光伍判馬力米貢獅子 孝宗皇帝命留京馴演賜名頭目至是乞官上俱命為錦衣衛百戶 雲南府及安寧州新興州皆地震有聲如雷搖撼民各有至死者嗣是三日連震數次○以明日十月朔定驛馬都尉馬誠拜秦黃瑞分祭 長陵 獻陵 景陵 裕陵 茂陵 泰陵議賈周成祭 恭仁康定景皇帝陵寢○建內官祭 恭讓宣皇后陵設○都督急事歐督平督徐州人張祖指揮使職以事功歷陞都督急事督署免恭將鎮守仰度地方以病請老都御史秦紘疏乞多設戰陣有守有為乃後起家鎮黃西復填胡虜所至夷人畏服弘治十八年以老解

職至是乎賜祭葬如例

明武宗毅皇帝實錄卷之三十

明武宗敕皇帝實錄卷之三十
正德二年冬十月辛未朔五
察御史下詔為山西按察司
求行太僕寺少卿
珩致仕奪司
於闕下先是
尚寶殿與御史奏劾
珩亦波又馬
早陽府同知許
西鎮守巡按等
池官塘俱是
城者志悻遺

有左○奉寧等衛都督李素等遺頭目納侯等貢馬賜宴給
賞有左○陞大同遊擊將軍者都指揮公事馬昂為者都指揮
同知錄其舊項後兵斬獲功也○命中都留守司署副留守梅
純復為李陵衛指揮使純寧國大長公文之曾孫也初由進士
選知縣後襲祖職為指揮使陞者副留守至是自陳願回原衛
以便奉祀從之○旣刊五星犯上將星○乙亥命晉府加封郡
王表樞夫人蘇氏表鞠夫人高氏俱進封為妃○各卜等族番
人亦希誠等貢馬又屬甲賜宴給賞有差○夜月犯羅喉中星
○丙子陞禮部左侍郎兼翰林院學士劉繼為禮部尚書南京
吏部右侍郎黃珣為本部尚書吏部左侍郎梁儲為吏部尚書
兼翰林院學士尋掌誥勅仍國史副總裁勅吏部以禮部尚書
缺會舉南京禮部尚書劉忠典劉機詣南京吏部尚書缺以梁

儲黃均請故三人皆得命也。○修河南鈞州城改調陳州衛後千戶所為鈞州守禦千戶所以防盜警從微世子祐種之請也。○錄平強賊張華功太監張英吳軻各歲加祿米十二石都督神英都指揮楊敬父官旗黃富等二十三人各陞一級指揮周運等五十二人各賞銀幣布鈔有差指揮楊勇等一百八十六人准贖罪先此嚴衛以功獲陞者已十數人多冒濫云。○丁丑大理寺左少卿汪宗器乞休以終母養命進光祿寺卿致仕。○降大理寺署寺正田中為蘭谿縣丞著寺副張雲鶴為寧遠縣丞右評事魯鐸為河內縣丞初英國公張懋家人趙文才等以侵占官民田經刑部問擬減等徒杖罪大理寺評如所擬詔以文才等律輕情重該寺不行參啟難居法吏故有是命。○陞江西都司都指揮僉事李清為中都留守司副留守。○太監李榮

傳旨錦衣衛帶俸指揮叟事馬山魏英張富同掌泰理本衛南鎮撫司事○戊寅授庶吉士崔銑嚴嵩湛若水陸深翟瑩徐縉為翰林院編修段汝璣孔暉舒舒詒張邦奇為檢討邵天和等為給事中天和文科張九叙馬卿戶科參潮高滄兵科林文迪胡鐸刑科劉寓生等為監察御史寓生陟西道東艾浙江道黃如金四川道傅元河南道王章等為主事章南京吏部趙中道刑部○命致仕光祿寺卿張駿文學殿辦事如故免廷見駿年幾八十已致仕後召用既至以老疾乞調理平復乃供職吏部因其病痊為奏故有是命○禮部奏上卿府汪妃皇后尊謚請儀從之○己卯以刑部員外郎盧宅仁為廣西按察司僉事○庚辰戶部奏武平伯陳勳襲爵之物應給秣米千石折十之六已奉有成命矣今輒奏欲支本色七百石貧冒請求宜勿與詔

如所奏與之不為例○辛巳陞吏部右侍郎江澗為本部左侍郎禮部右侍郎白敏為吏部布侍郎太常寺少卿兼翰林院侍讀費宏為禮部右侍郎太常寺卿管國子監事李冕為南京史部右侍郎○陞尚寶司少卿劉準為本司卿○巡撫雲南卻御史吳文度奏楚雄府稅課司加增課鈔非原額積歲遺累民乞蠲免戶部覆奏止如原額并後奉勘合所加辦納共同如唐凱所增鈔稅自弘治十七年以後未完者宜悉蠲免從之以凱增課額全巡按御史逮問○寧王宸濠奏令纂修孝廟實錄百臣之若喪以禮嘗蒙降勅集諭又寄詩進封土毋為妃請頒朝祀禮樂詣改葬祖寧靖王皆荷溫旨集答乞付史館奏下禮部議謂本府事蹟俱美行可錄而寧王好文秉禮孝敬可嘉宜獎諭以勵宗室得旨寧府事蹟送史館仍寓勅褒諭豫喜參

欲以此籠虛譽且厚賂逆瑾凡有所請無不如其意者○壬午
調太常寺少卿揚旦外任以省親還限故也○沈州雷震○祭
未轉大理寺右少卿王禹為左少卿以太僕寺少卿藍章為大
理寺右少卿○復錦衣衛都指揮僉事吳玉職物不以職晚傳
陞例降三級互是陳乞復職從之○陞杭州前衛指揮使許均
為浙江都司署都指揮僉事○夜火星犯太微垣上將星又土
星○甲申兵科給事中守官王翊等奉命至遼東查盤淨歲運
送官銀所禮賞并關中徵收誘類糧料草束至是其奏查盤過
定邊等衛各倉場糧稅溢爛虧折之數因劾知州章英等承委
監收失於詳驗管糧郎中王蓋劄譯分守叅政今陞巡撫寧夏
都御史員政右叅議方鉅職專錢穀失於鈐束原巡撫今陞南
京右都御史張萬政仕侍郎馬中錫先任都御史節璋既經撫

臨失於督察俱有罪詔以違儲國家重計萬等不盡職務以致
錢穀告乏俱令錦衣衛捕逮至京送鎮撫司鞠問○乙酉大學
士李來陽等言處決重囚三五覆奏自唐太宗以後歷代遵行
未嘗有改我太祖著為定制每法司決囚必得刑科三覆奏
然後批出行刑此乃體天地好生之心為聖王不步之法也非
日刑科物覆奏本幸未發行仍望批一是字少待三覆本內方
纔批出處決不過遲數日之期而可以存百年之令典臣等再
四等度不敢緘然代聽采擇○大理寺左寺丞費鎧乞養病令
致仕○陞太醫院御醫施監為院判以九年秩滿也○丙戌南
京戶部尚書楊廷和奏臣奉勅旨內閣辦事仍命馳驛毋或稽
違今已至京朝見訖臣頃自翰林遷貳南師曾未踰月張典戶
曹史事未諳方施勉以自效 聖恩無量忽寵渥之存加特降

繪音召入內閣顧茲累朝之典傳自 祖宗爰以舊學之臣置
諸左右較則盛事惟勅留却馳驛長京蓋遠探於行役月八如
渴乃申戒於稽違捧誦命辭感切心骨載幅日表誓竭葵誠疊
荷殊恩疏陞等秩竊惟內閣乃深藏之地辦事則機務所關雖
運官無宰相之名而責任有鈞衡之重非宏才無以濟當世之
務非碩望無以服天下之心臣雖至愚嘗聞古訓德薄位尊者
殆力小任重者顛以臣之才實類於是再三自忖愧汗交流伏
望俯察愚衷收回成命別選茂異以副旁求庶 皇上簡在之
明仰無所負而微臣自知之義讓亦非虛 上曰卿春宮舊臣
學行素著特茲召用不必再辭遂改戶部尚書兼文淵閣大學
士○命秦昭王庶長子惟焯襲封秦王○陞國子監司業周玉
為祭酒○以兵部尚書郎中董貞外郎夏昇為尚寶司少卿○湖

廣布政司右叅議華山以病乞休許之○賜鄧府廬江王大學
衍義從其請也○戊子 誠孝昭皇后忌辰 奉先殿行祭禮
遣射馬都尉蔡震祭 獻陵○以太常寺寺丞趙繼宗為本寺
少卿初繼宗以黃冠為樂舞生進寺丞至是少卿缺吏部以起
復清黃通政黃寶提督四夷館少卿張志淳請竟補繼宗云○
太監李榮傳旨陞刑部左侍郎王鑑之戶部右侍郎林泮各陞
一級錦衣衛指揮使韋順為都指揮僉事○牒刻月犯井宿東
扇北第一星又天璣西北星○己丑以刑部郎中彭景為湖廣
布政司右叅議○以旱災免山東濟南等府濱州等七十州縣
濟南等十衛肥城等六千戶所存留夏稅子粒有差○巡按互
隸御史閻縈奏揚州府通州及海門泰興二縣田地草場自永
樂等年以來陸續坍沒入江者計二千五百三十餘頃遺下稅

種黃豆馬草租鈔以石以包以貫計者共一萬五千六百九十
有餘俱累見在人戶及里甲陪納宜悉蠲免戶部覆議所徵稅
糧俱起運存留歲用之數未易除免宜行巡按御史委官詣州
浚之所從實踏勘所冊嘗近自漲出為洲或被勢豪據為業者
覈其頃畝撥補耕納之所虧稅糧如或不足仍查各州縣遠年
籍冊內有空閒未稅田地照畝撥補以足原額若冊沒足實別
無田地可以撥補則起存歲額查照折銀事例處之如此則常
賦不虧而民亦免包陪之累矣議人從之○初鎮守延綏總兵
官都督同知陳瑛以失機謫戍遼東三萬衛至是乞復指揮使
職詔宥之陞正十戶本衛帶俸○庚寅陞衡州府知府劉璣為
太僕寺少卿○陞大理寺右寺丞楊潭為左寺丞江西道監察
御史王憲為大理寺右寺丞○降守備周原都指揮僉事張俊

為國原衛指揮使愷坐賊入境殺掠問擬謫戍以部下有新獲
功宥之辛卯魏國公徐備與無錫縣民鄒整等又妙相院僧
爭田巡按御史曾大有委蘇州府推官其泉常州府推官伍文
定督無錫縣知縣徐海體究皆以備奏無實既而是兵科給事
中徐忱錦衣衛千戶屠璋往會巡撫都御史艾瑛及大有查勘
忱等復委常州府知府楊二和通判劉昂鎮江府知府丘經長
洲縣知縣李珏吳縣知縣劉恒宜興縣知縣王銀無錫縣知縣
馮應奎至所爭之鄉復畝體究鄉民皆云備家初無田土忱等
乃斷給僧民備復奏改差大臣勘問上重命戶部左侍郎王
佐司大理寺右少卿王昂錦衣衛指揮欽事周賢往勘之於是
佐等具題至彼備查始末文卷勘分圖籍黃冊並無洪武初欽
賜魏國公莊田文冊僅有備家所收無錫佃戶勘合二紙可據

又據無錫民許誅等招捕中山武寧王以收取吳越有功賜莊一所
所在鎮巷口號徐府莊又田八十三頃六十畝在泰伯延祥
膠山等鄉又妙相莊各有佃戶管理武寧王薨其子襲爵至永
樂初赴鳳陽閒住田遂荒蕪墾等召祖父以已業相隣混收入
冊今宜仍斷還本府備所奏山場并觀燈樓則無實難以追究
因劾大有輕聽草訟備執已私璩忱璋奉命勘事不悉心研究
擬斷不當泉等阿附大有輕信妄供情已失真二和等依聽璩
等指使復踵前勘事愈不明昂等亦扶同物報俱宜究問上
是之人有等命錦衣衛差官校械繫至京送鎮撫司鞫問後璩
逮繫獄具命錦衣衛杖之五十全家遷海南為民備家原賜莊
田世遠湮沒為民業矣許祿者為縣吏以罪罷黜乃見備導之
爭理訟久不決又據專政浦賂之故復遣佐等勘處觀佐等所

具獄辭皆出祿口而欲連坐前後勘官遂與大獄蓋不敢拂瑾
之意也○註鎮守遼東總兵官署都督僉事韓輔於中軍都督
府鎮守薊州總兵官署都督僉事溫和於左軍都督府俱僉書
○壬辰詔安仁伯王濟歲支祿米如慶陽伯夏儒例本色七百石
折色三百石○甲午命後軍都督府右都督毛倫充總兵官鎮
守遼東地方陞錦衣衛都指揮僉事劉祥為左軍都督府署都
督僉事充總兵官鎮守薊州等處地方○乙未翰林院侍讀朱
希周病愈優任○轉福建右布政使郭紳為貴州左布政使○
戶部言南昌左衛官旗一千五百員名原駕淺船一百三十五
隻運糧四萬五千六百五十有奇今改為寧府護衛宜移文鎮
巡等官計處分派所屬地糧衛所為之代運從之○徐聚興者
洪武中從征有功歷陞元帥賜揚州江都縣田共九百一十三

畝有奇世襲萬全左衛指揮使其後子孫不能守其業之也
烏業至是其裔孫保聰罷後史載義謀妄指旁近民產四千三
百餘頃皆賜田也疏進為皇莊 上命戶部侍郎王佐等督守
備巡按等官踏勘佐等方勘徐備莊田於無錫闌是命後趨江
都既勘畢具奏江都柴縣田地大數不又六千頃畝若如保奏
則所餘無幾豈堪立縣其虛妄明矣蓋聚興原賜田地俱保父
洪立卷黨之得價數千兩今止餘瘠地四十八畝并契外田九
十畝又鬻而本割者一百二十餘畝則保所獻皇莊之數耳保
固可罪而義代為草奏尤首惡也詔以保妄獻官民業田義代
寫奏草罔上害民情罪可惡令巡按御史各審四下仍枷項三
月滿日併妻子發充雲南瀾滄衛軍墮佐及大理少卿王嵩各
俸一級錦衣衛指揮僉事周賢官一級量出餘地令給無田民

種之如例起科前此未有因勅事而加陞者蓋佐等勅處徐備
莊田能阿瑾意故有是命○命贈都督同知葉廣子蕃襲錦衣
衛指揮僉事廣起總旗歷陞都指揮使不由軍功無承襲例其
妻張氏奏廣嘗擒賊有勞乞恩廕焉上特許之不為例○錦
衣衛都指揮同知高得林奏本衛五所旗校及七所鎮撫司士
軍數少乞以戶內餘丁收充軍後五千人給之月廩冬衣以充
諸役上從之仍命以後不許援例改充校尉蓋自有收充之
請而生食之蠹日滋矣○丙申奉府保安王誠澈之夫人廖氏
已進封為妃未冊而卒王乞祭葬從妃禮下禮部議宜追封如
例祭葬許之○福建布政司右叅議黃華乞致仕許之○免雲
南武定縣江蒙化景東鎮沅等府羅維霑益等州又羅次縣掌
印官朝覲以撫按官奏土獍弗靖故也○閩中兩淮鹽課十萬

引兩浙鹽課七萬引長蘆鹽課三萬引於寧夏以資餉不充故也。審府沁源王府已故輔國將軍銓鎔及其子奉國將軍勛潑與惡少年賭博因主令劫財分潤刑部上其獄詔降勛潑為庶人。丁酉增唐王鹽七十引改折鈔林米二十石為本色從王請也。丙降旨御馬監太監^兵聚司設監太監馬永成御馬監太監魏彬之父俱贈錦衣衛指揮使母隨父職合與祭一壇恩禮滋施蓋前此所未有者。復錦衣衛指揮僉事胡喜孫兒職喜孫兒係母屬也先例革至是乃復。戊午以翰林院編修^學鐸為國子監司業。賜衡王青州府稅課局鈔以王請也。己亥陞河南布政司左叅政車璽為福建右布政使。復除裁革四川布政司右叅議史學于福建。免福建漳州府知府羅列朝覲特廣東多寇與漳臨境列能安戢防禦故守臣疏請留

之○戶部議從漕運等衙門所奏事宜一均耗米以救因弊查
得南京各衙所運船泊於儀真壩上官軍往浙江江西南互隸
等處交兌者其往返之勞與江北官軍至江南交兌者同欲援
江北例每石加與過江脚米六升一石實徵以便轉輸謂徐州
廣運倉應貯米以備轉輸通州而乃歲貯淮鳳等府夏稅麥四萬
餘石運軍歲支行糧僅十之四餘皆久貯腐爛欲將其麥改納
於徐州永福倉以爲官軍月糧而以永福倉秋糧粟米改納此
倉斯可久貯以便轉輸矣一完正賦以足軍餉謂建陽衛月糧
三年之間止闕六七月安慶九江二衛則過期不支鎮江衛行
糧則違例支麥處州衛則支半年不得此皆經管官員坐視
不爲催徵故也欲移文南互隸總理糧儲都御史并江西南江
二布政司查勘所欠軍糧足何有州縣將各掌印管糧官參問

作急徵乞補支庶常賦又期而運軍食是一疏通水次倉諸以
固邦本謂先年浙江等布政司南直隸等處稅糧民運並准除
臨德四倉收貯以待各衛官軍支運赴京者後欲軍民兩便多
改於附近府州縣水次交兌近年併支運七十萬石亦令改兌
但七十萬石之外猶有交兌不盡者民仍運赴四倉又無支銷
以致陳腐今臨清倉見粟六十餘萬德州等倉亦皆收多支少
欲將浙江江西湖廣正兌種米三十五萬石石折銀六錢為銀
二十一萬兩起解赴京每石又得折耗銀一錢五分給與三省
極邊衛分運軍充作腳價乃令赴臨德等倉支運如所折之數
赴通州倉上納如此則臨德等倉米不積腐而三省漕士便於
支運歲漕額外又得三十五萬石折銀誠一舉而數得矣議入
從之○物武成中衛軍餘鄭旺有女名王女兒者幼鬻之高通

政家同以進內弘治未旺陰結內使劉山求自道山為言今名
鄭金蓮者即若女也夜周太后宮為東駕所自出語寢上
聞孝廟怒磔山於市旺亦論死尋赦免至是又為浮言如前
所云居人王璽覬與旺共厚利因潛入東安門宣言國母鄭若
幽若干年欲面奏上東廠執以聞下刑部鞠治擬妖言律兩
人不承服大理寺駁讞者再乃具獄以請詔如山例皆置之極
刑云

明武宗毅皇帝實錄卷之三十二

正德二年十一月庚子朔欽天監進正德三年大統曆上御
奉天殿受之遂賜文武羣臣頒行天下○卒止少傅兼太子太
傅吏部尚書謹身殿大學士焦芳既得誥贈三代自陳前此誥
讀有勞父母沒時官未及三品不獲祭葬乞特賜以光泉壤詔
有司如式營葬仍與祭一壇蓋特恩云○壬寅陞河南懷慶府
知府徐以貞為河南布政司左叅政故事外官陞任皆公差人
順齋憑昇之遂赴任至是復命以貞赴部領憑皆劉瑾紛更也
○命豐湖伯曹愷效勇營坐營東寧伯焦淇振威營坐營○癸
卯改陝西道監察御史許讚為翰林院編修讚吏部尚書進子
也進起用後疏又避嫌例改其子給事中誥為檢討至是又改
讚為○巡撫雲南右副都御史吳文度奏阿迷州求山口與廣

西維摩等府州王弄山等長官司接境宣德間設巡檢司以土
官族人普覺為巡檢後因罪廢止委官署印屢致盜起乞以州
民普納繼任前職吏部請移文度臬酌送卻除授或地方有
警即授以兗帶令其蒞事從之○初汝王奏本府原賞獲輝二
縣三橋坡田地乞踏勘頃畝通給管業下戶卻行守臣勘報前
地共一百三十一頃有奇已給該府者七十頃其餘亦退灘無
糧地也於例可以撥給詔止以原賞地與之○復以瑞衣衛降
級百戶萬瓚為正千戶革職魏勳為所鎮撫瓚英廟宸妃之
姪勳德妃之姪也○命遂安伯陳德神機營中軍坐營○陞保
定中衛指揮僉事田宗為大寧都司署都指揮僉事以分守副
總兵韓玉言改官統領馬隊奇兵聽從調用故也○銓註濟州
衛署都指揮僉事魏瑞于中都留守司管領京探○甲辰 茶

讓章皇后忌辰遣內官祭陵寢○守備劉家口左監丞高永
乞無分守燕河營等處兵部議不可有旨特許之○寧夏衛地
震○乙巳行聖公孔罔詔請封其繼嫡母袁氏生母江氏吏部
議嫡母在無生母世封之理乃止封袁氏為衍聖公太夫人○
英廟貞妃王_氏薨妃廣寧衛人父曰清天順丁丑冊封貞妃至
是薨年八十有一較朝一日祭葬如例謚榮諡○衛王奏平度
州原賜莊田三百五十頃可稅者一百六十頃給民佃納子粒
而豪民多假災傷逋負且政府中人至死乃命司禮監及戶部
官各一員勘處特戶部右侍郎王璠方詣清河縣踏勘地土遂
以委之萬全部司開平衛地震有聲○給賜代府庶人成缺
長子聰濼并長女養給米麥月三石從襄垣王請也○革監察
御史金洪利部員外郎趙庶職令部御史張泰致仕奪御史邢

纓都指揮費梁侉各三月御史李春侯有京秩員試用之初陝
西三水縣民趙恕妻梁氏與所私謀殺恕論斬繫獄久矣既而
恕以他事入獄獄卒馮弄聽恕與梁氏通有孕_孕恕遂自誣謂梁
氏無謀殺之情也洪特按陝乃改辯梁氏罪止杖春代洪擬斬
如初及庶往錄囚奏獻如洪所辯復移御史秦昂鞠之卒如春
擬於是洪庶俱革職而春獨以擬罪合律被錄秦以併問失於
參駁纓梁以會奏失於阿從亦坐焉然秦內物無秦與梁名衙
而處斷輒及之恕昇又持謫戍邊衛蓋瑾欲假法以警動百司
也○戊申以明日冬至節遣駙馬都尉馬誠游泰黃鑪分祭
長陵 獻陵 景陵 裕陵 茂陵 泰陵文武衙門各分官
陪祭○遣儀賓周敏祭 景皇帝陵寢○遣內官祭 恭讓章
皇后陵寢○己酉冬至節 上詣 奉先殿 奉慈殿 太皇

太后 皇太后宮行禮畢出御奉天殿文武羣臣及四夷朝使
行慶賀禮 太皇太后 皇太后 皇后免命婦朝賀○免百
官宴賜以節錢鈔○吏部題襲封衍聖公孔聞韶奏擢尼山洙
泗二書院前代各立山長本朝永樂間襲封衍聖公孔彥時等
各即遺址重建書院而山長失於請中但官制並無山長職銜
請如三大學學錄之制二書院各設一員聽本齋推孔氏子孫
除補世職典院事從之○辛亥降四川道監察御史鄭陽為直
隸旌德縣主簿陽巡按河南生勸獲徵府社田械禁詔獄具疏
自辨劉瑾以他愆降陽四級仍外除○夜月犯罪宿西第一星
○壬子陞大理寺右少卿藍章為都察院左僉都御史巡撫寧
夏○其著都督俞才揚敬于後軍都督府帶俸○寧夏守臣秦
本鎮乏馬兵部擬發馬價銀三萬兩給之得旨仍遣科道官各

一員往覆先後給銀買馬之數仍令會同鎮巡官覈本鎮諸倉
所貯糧草延綏甘肅亦各遣官覈實○降四川按察司副使匡
冀之為浙江桐廬知縣奪巡按貴州御史董誥刑部員外郎朱
鐵錦衣衛千戶賈珍俸各三月初冀之之巡按貴州也聽千戶
王銳與百戶徐鐵互爭之獄欲毀銳所造違式廳樓銳繫而逃
又遣人追之銳方凌河其僕有溺而死者銳乃搆賊罪託奏冀
之銳死其子儀累懇不已命鐵珍會誥即訊之因勅冀之所處
未善然亦因公况已遷俸應記錄經赦例應免科有旨謂冀之
君風憲違威逼人潛死以慘酷罪之誣鐵珍勘事扶同亦各奪
俸蓋皆瑾任情裁處視律例無足據矣○癸丑山西都指揮俞
事表果先充叅將守代州失事論戍邊衛至是奏辨嘗於獨
河堡有功乞以贖罪乃宥之○甲寅故內官監太監沐敬從孫

沐聰奏宣德間賜渚縣新河里莊田今止存五頃有奇乞免徵稅戶部執奏著令已故太監莊田當還官願種者照例徵納子粒詔特與沐敬墳所修理徵納子粒俱免之○乙卯改都察院右副都御史張鸞為大理寺卿○月食命次日免朝○丙辰授三氏學生員孔閻禮為翰林院五經博士王子思廟祀事特襲封衍聖公孔閻韶奏以子思廟在鄒縣而去魯五十餘里主祀缺人請擇族中之賢者授以博士世職俾主其祀且以母弟閻禮名上 上曰顏孟二子皆有世官奉祀而子思廟在鄒者獨無此闕典也閻禮可授翰林五經博士俾世主其祀○兗州府濟寧州及魚臺縣見星紅如火而墮天鼓鳴○丁巳陞致仕大理寺左少卿劉獄為都察院左僉都御史巡撫遼東贊理軍務浙江嚴州府知府李春為大理寺右少卿○給楚府故崇陽王

約徵祀李氏及其故長子榮澤夫人周氏養贖食米歲二百石
○朝鮮國署理國事晉城君李暉遣陪臣沈貞等貢馬謝恩別
遣陪臣成希顏等公幹貢馬各賜宴并金織衣絳段紗絹有差
○己未給大祀登壇廚役七百名淨衣生綱七百疋湖白綿布七
百疋中白綿花三百五十斤從太常寺奏也○給散正德二年
秋季分在京軍官俸銀計五府都督同知等官神英等并錦衣
等七十八衛司所都指揮指揮千百戶等官都指揮同知高得
林等二萬三千九百八員共米三十九萬四千七百一十三石
有奇每米四石折銀一兩共該九萬八千六百七十八兩有奇
自是武弁之冗食者多矣○吉府奏乞衡州府蒸湘水利錫坑
湖塘等處錢貨工部覆奏許之又乞湘潭縣商稅戶部覆奏如
憲廟旨聽王收用三年戶科論王受賜之多其請不當與因

劾承奉長史等官不能以正輔導尚書顧佐等不能隨事執奏俱有罪詔是其言數承奉長史之罪而恕之佐等置不問仍令該部移文諭各王府毋得分外妄求○廣西布政使俞源奏地方連年用兵費用浩繁乞將未解贓罰銀三千七百餘兩存留備用詔仍解京庫交收○辛酉總督兩廣軍務右都御史陳金等奏岑猛占據舊巢要求府佐不欲赴平海衛累遣叅政王臣副使鄭岳往田州撫之許為奏改近地頃已悔罪聽撫將赴軍門從征自劾矣因劾掌田州府事叅政謝湖受官之後不即赴任為猛所拒納其餽遺而徇其要求宜速問以為曠職者之戒臣岳等受委招撫能服強羸宜有以賞其功革下兵部覆議詔以猛既悔罪性改附近衛所聽任殺賊臣等賜勅以獎勵之湖令錦衣衛遣官校逮繫至京考訊○是日至丁外每辰刻木星

見午佐○壬戌召巡撫延綏右副都御史曹鳳益院事○調南
京江西道監察御史郭沃為江西農城縣 丁憂勒令不謹
也○癸亥陞文華發書辦等官張駿等有差駿由光祿寺卿陞
禮部尚書周惠時由尚寶司丞陞光祿寺卿揚立由大理評事
陞太僕寺卿高岱由評事陞鴻臚寺左少卿華英由鴻臚
寺丞陞光祿寺少卿紀世梁朱天麟由中書舍人陞太常寺寺
丞高榮由中書舍人陞尚寶司丞王果等十一人由序班陞中
書舍人黃璽等三人由書辦官陞序班先是通鑑纂要成劉瑾
欲裁抑纂修官以璿為不謹得譴命右少監陶錦提調駿等改
璿至是駿等駭畢進呈乃皆超進官秩裝漢石後寶瑄等七人
亦陞文思院副使若張暉之陞光祿寺少卿儒士姚龍之授序班
又不任璿寫之列瑾之專恣如此一甲子寧憂衛有星自東北

沉西南墮而有聲數小星隨其後○乙丑陞金吾左衛指揮同
知劉玉為署都指揮僉事充右叅將分守燕河營真定衛指揮
僉事朱忠為署都指揮僉事守備永平城地方○丙寅以明日
上 貞忠安和景皇后尊諡冊寶遣新寧伯諱祐祭告 天地
謝馬都尉黃鑄祭告 宗廟忠安伯張偉祭告 社稷○葬
英廟妃王氏○賜涓南榮順王管府軍鎮國將軍膺鈺四書集
註一部○大學士李東陽等言歷代通鑑纂要成蒙竇臣等各
白金十兩誅弊二隻臣等并賜減激錄前項書籍光該本院官
生務寫校因查有失錯并編纂等官各奉旨罰俸致仕為民臣
等具本認罪持蒙宥之竊思編纂稽錄皆臣等統領今各官罪
因當隨而臣等願獨受賞心實未安其為民監生張元澄許登
汪淳黃清王瓚江克章高崙原係吏禮二部奉旨考選搭寫實

錄人數後因搭寫纂要缺人乃借撥貼爲罪在臣等各生員有資格出身一旦通行革退艱難困苦情實可憐伏望 聖恩敕其小過錄其才長許元澄等仍復監生退回原該衙門各依本等資格應後聽用及其餘致仕爲民搭錄入員乞勅該部查出字樣失錯量爲區別簿示懲戒少垂恩宥實天地無棄物之仁也得旨張元澄等准復監生應役其餘已之○總督兩廣軍務右都御史陳金奏近差司禮少監常壽會科道查盤兩廣歲報底冊欲將各司府所貯銀兩貨物解京其梧州鹽糧軍賞銀兩量留三分之一餘亦解京臣等查得梧州鹽糧銀凡四十萬七千兩有奇廣東廣豐庫內銀凡三十七萬四千兩有奇盡數輸送入京以資國用未爲不可但今兩廣流賊聚衆搶劫而柳慶地方猖獗尤甚方議用兵分勦非糧無以給餉非賞無以勸功前

報乞各量存十五以備有警支用詔以邊方既有事准五十萬
解京其餘留備軍需之用自後凡新舊收支數目每年於備細
開奏以聞○命分守遼陽副總兵都指揮僉事郭振生顯武營
管操○湖廣京山縣民潘書倫謀奪其姑夫李志元之產誣以
為盜而殺之論斬繫獄久矣大理寺寺副傅習往錄罪囚謂書
倫情可矜疑詔再問巡按御史李天賦仍擬前罪以請得旨令
都察院備查嘗鞫是獄者職名於是副使毛憲以嘗擬書倫誣
告徒罪副使張過以附會傅習妄行奏獻典史熊祉以迷人遷
誤致書倫得遂殺人之謀景陵縣掌印官以相視人命聽信扶
同併習俱令巡按御史速赴鎮撫司杖訊憲之擬徒也都御史
閻紳字失於查叅可罪第以既致仕宥之天賦次有京堂缺擢
用御史翁理陞俸一級則以其治獄當罪也○丁卯上書貞惠

安和景皇后冊寶遣儀賓楊淳詣景皇帝陵寢行祭告禮○
安仁伯王濬卒濬字尚勳南京上元縣人孝貞太皇太后之
季弟也成化壬寅授錦衣衛百戶弘治庚戌陞千戶壬子遷指
揮使乙卯進都督同知轉左正德丁卯封安仁伯至是卒上
為輟朝一日命禮部諭祭者十六工部治葬賜白金百兩衫幣
四襲寶鑑三萬緡米五十石布五十匹為賻仍特贈為安仁侯
濬无源封瑞安侯清封崇善伯榮寵冠于一時然皆謙慎守禮
在戚里中以賢稱○戊辰戶部覆議督漕都御史王瓊所奏江
北軍旗過江領先往還道遠其行糧當增二斗如江南免軍人
三石宜聽於淮徐等倉支與米麥督糧都御史儲巖所奏屯田
災傷未經覈實每歲拖欠子粒遂以民糧補撥其虧損京儲甚
多欲視相近民田一體踏勘必實災而後蠲除則舊無報災不

勘之例宜申明霰實從之丁巳已陟山西左布政使杜忠為都
察院右副都御史巡撫延綏

明武宗毅皇帝實錄卷之三十二

明武宗毅皇帝實錄卷之三十三

正德二年十二月庚午朔上親視郊牲○陞鎮守密雲等處右叅將都指揮僉事吳玉為署都督僉事充總兵官鎮守薊州永平山海等處地方以分守萬全右衛左叅將都指揮使孫成充副總兵分守遼陽等處地方○辛未賜周府河陰康簡王庶第二子鎮國將軍安汝蜀府慶符王庶子鎮國將軍中嫩俱襲封郡王蓋自秦府保安王誠淑得襲兄爵之後各王府凡兄終而無嗣者其弟皆援例以請朝廷亦遂聽之所司不敢執奏矣然工爵既多祿給益不可支識者蓋深憂之恐無善後之策也○壬申陞山西右布政使胡瑞為本司左布政使○以水災減免遼東定遼左等二十衛所七糧有差○甲戌降都察院左僉都御史藍章為撫州府通判舊制僉都御史係四品官不得乘

轉章巡撫寧夏奏陳山路崎險曷復霜雪乞肩輿以行詔以章
不恤軍士奉已自便而降之○陞陝西按察使曲珪為都察院
左僉都御史巡撫寧夏○巡按直隸御史趙斌奏奉命至大同
清出無糧餘地五千九百五十九頃有奇應徵糧一萬一千七
百餘石至宣府清出原設聽撥屯田地四百五十三頃四十畝
有奇失額并無糧餘地二千一十頃八十畝有奇應徵糧七千
九十六石穀草四千四百四十餘束宜行兩鎮巡撫都御史及
管糧郎中自今年為始照冊以時催徵止供軍儲不許別用庶
清查不為無益戶部覆議移文巡撫管糧官轉行都司衛所照
數造冊以備稽考從之○總督漕運都御史王瓊奏漕運舊規
北直隸一總用通州等九衛正軍一千餘丁七百運米五萬四
千餘石近以有警掣回團營操練蓋一時權宜之法耳宜復舊

為便兵部覆奏京營所以拱護宸居已回操練者難以復充運卒矣宜於各衛餘丁內選補千名并原掣回七百名仍舊灣運從之○乙亥陞山東布政司左叅政姜洪為山西右布政使○給晉府庶人表揆之子撞兒及其妻妾使女口撞誦布如例○虜入定邊後衛長靜等堡殺掠人畜頗眾都指揮武欽千戶都璋李綱下巡按御史還問生守備不設擬謫成而欽等奏欲以功贖罪詔宥之璋綱降二級欽降一級帶俸差操○丙子命守備山海關者都指揮僉事楊恭克右叅將鎮守密雲古北口等處地方陞寬河衛指揮使王福為署都指揮僉事代恭守備以萬全都司署都指揮同知楊玉克左叅將分守萬全右衛地方兵部原擬福與錦衣衛指揮僉事王春堪鎮守密雲而恭徒內降云○丁丑陞陝西按察司副使邢義為本司按察使○內官

監左少監杜祥等奏求安縣小民聞欲進徵先年所負兒蔣子
粒銀兩逃竄者多蓋其銀皆奉詔蠲免之數也戶部覆議言所
負銀兩本部先將馬草折銀代為進納故令縣民補解但其間
有被災應免者且歷年積欠不可併於一時宜行順天府轉行
該縣查勘災傷之年若干如例蠲免其無災之年有逾員者則
令遞年秋收成帶徵補解在逃佃戶務令招撫復業從之○命
金吾左衛都指揮僉事龐通充左叅將分守雷巖高峯地方蔚
州左衛署都指揮僉事劉全守備清涼地方○山西寧化王府
奉國將軍奇澤因入詐騙妄冒繫之忿僉事李情之發其事也
又恨情以其從人改發他府因許奏情擅答儀賓軍職等情奏
下都察院行先差刑部錦衣衛官會同獄上擬情時徒還職詔
以情不諱憲體免贖降為湖廣鄖陽水驛驛丞奇澤有玷宗室

梳其命服令戴頭巾習禮○戊寅海西葛林等衛女直都指揮
等官答魯哈等來朝獻馬及貂皮賜宴并綵段衣服等物有差
○封朝鮮晉城君李懌為朝鮮國王先是懌兄愷自陳久病欲
令懌襲封已命懌署理國事陪臣盧公弼等優奏請封懌上
命禮部會議以成命已出若因陪臣續請而遽允襲封似非朝
廷所以重待朝鮮之初意而其國事高下繫於二三陪臣之手
矣且愷病已昏憤則舉國之人惟懌所制其詞合請無足訝
者但其母妃見存倫理攸屬俟使上請然後議之上以為然
至是其母妃奏懌長且賢堪付重寄於是禮部具奏愷以痼疾
而辭位懌以親弟而承託受命母妃請命天子授受既明友
愛不失道國臣民舉無異詞且俯順其情於是遣太監李珍齋
詔勅卷服文綺往封并其妃尹氏皆錫之誥命焉○陞金吾右

衛指揮使趙玉爲署都指揮僉事銓註河南都司掌印。庚辰
陞湖廣按察司副使魏英爲本司按察使河南按察司僉事仲
本爲陝西副使。鎮守雲南太監崔安總兵官黔國公沐崑等
奏鎮守金橋太監張誠奉旨取異寶金銀珍珠等物若欲支官
庫銀則金擄在庫公樣田并麥糧折色贓罰等銀僅餘萬兩若
欲差官深入邊方則孟養緬甸孟容木印孟乃等處見今諸夷
仇殺撫勛未寧恐毒細難防蒙端易啓戶部覆議誠初奉旨亦
不許指此擾民乞移文鎮巡支布政司所貯鹽價并各庫公樣
田等銀止於內地如特價收買從之。辛巳改裁鞏山東布政
司左叅政馬炳然爲河南右叅政。唐千五百餘騎入涼州未
昌等堡殺掠入高陝西行都司都指揮僉事趙欽玉登涼州衛
指揮司知蘇濟兆州衛指揮使后玉百戶趙俊下巡按御史遠

周生守備不設俱擬謫戍而澄所部無大亡失上以澄情輕律重宥之降一級帶俸差操餘照例發遣○壬午給故交城榮惠王宮眷食米歲百石○旌表孝子雷瑜等七人節婦張氏等九人瑜陝西蒲城縣省祭官李大經山西臨汾縣人劉強直隸榮城縣人許嗣聰山東長山縣學生梁瑾山東聊城縣人謝恩福建邵武縣人趙鵬直隸定州人俱以父母沒廬墓三年表其門曰孝行張氏山東城武縣生員丁寅妻李氏山西趙城縣監生賈澄妻孫氏浙江慈谿縣民劉鉞妻蕭氏南寧衛舍餘陳綱妻張氏順天府永清縣民李旺妻楊氏浙江天台縣民鮑崇寬妻張氏直隸真定縣生員吳松妻裴氏山西澤州民韓衣妻王氏澤州民田鐸妻俱年少天亡無玷表其門曰貞節曰太監李榮傳旨令禮部查寧王宸濠孝行禮部疏其孝有五一其父原

王病親嘗湯藥祈以身代事其母妃徐氏孝敬如之又嘗捐百金助修白鹿書院禁官校侵漁小民興輔臣講論書史不近倡優不禮浮屠御史陳銓嘗表上其事 孝宗皇帝降勅褒獎請封其生母馮氏為妃一請頒賜廟祀禮樂一其祖母王弄地不吉乞遷葬一請封其庶祖母胡氏奉入 上命加王祿米二千石賞衣龍紅文綺三匹絹一匹嘉其輔導官能盡厥職賞奉飛魚文綺三匹長史各孔雀文綺一匹仍賜書諭王無違於諸宗室濠在府欲矯飾細行取名如請封生母諸事皆無大過人者時恆逆瑾擅權受濠賂故假孝行以深賞答之濠於是內恃瑾庇外獲威福放肆驕橫貪暴淫虐莫敢誰何矣○登未獲錦衣衛降級指揮僉事孫銅原職銅 宣廟章皇后之姪孫也○甲中山西太原等府澤潞等州太原等衛各以旱雹告災今

年夏乾并子私視其災之較重停免自差○乙酉陞巡撫宣府
都察院右副都御史劉璟為刑部右侍郎○除山西布政司參
議呂瑾名仍杖三十物錢為南京御史與同官李熙王蕃貢安
甫葛浩姚學程陸崑等劾論武昌知府陳晦不謹事至是巡撫
官湯全等劾無實跡追罪之熙等先已除名仍逮問○雲南鄧
川州土官知州阿驥差入進象四隻賜驥及其妻綺羅絹匹差
來入賞衣服有差○陞西安左衛指揮僉事揚宏為署都指揮
僉事守備固原地方先是固原以鎮守武臣駐其地因改守備
為備禦至是顯巡官會奏固原重地宜仍設守備便且薦宏可
用從之○巡按四川御史陳獻等奏鹽井倉大使王贊副使印
光宣劉忠等坐飽爛米豆共一百四石有奇久繫未充其數難
不甚多在詔旨例應奏請裁處戶部以詩宥贖等勿追乃停巡

撫官管種黍政久經收官之俸絕爛正數外責令倍償仍別差
科道官一員再往詳覈其數以聞○丙戌陞河南布政司左叅
議馬馴為四川右叅政○給故礮山王之妃及宮眷人等養贍
米歲百石從制世子請也○丁亥復除裁革陝西布政司右叅
議周載為本司左叅議○禮部言明年正旦例賜群臣宴詔免
宴賜以節錢鈔○戊子復除服闋江西布政司右叅議周鼎于
河南為左叅議○內府供用庫奏新正在通黃蠟等物不足應
用請下所司議處戶部覆議先行順天府如特價收買黃蠟三
萬斤燈草二千斤蒲杖一千斤而以本部及大倉收貯銀給之
其司府州縣歷年逋欠物料則各官今方朝覲在部待事畢之
日如數開單責令回任追徵完納詔收買勿動大倉銀累年逋
負令分派原欠府州縣限明年三月終完解不完者巡按御史

疏名以聞遂問重治。山西太原府地震。○己丑令四川布政
同左叅議張宦順慶府知府張賢俱敘仕初宦與賢不相能都
察院謂宦不能持法賢傲慢上官宦調用上是之已而吏部
擬調宦于山西乃詔與賢俱敘仕。○免直隸揚州等府并徐州
淮大等衛所今年分種草子粒有差以水旱災故也。○陞分守
錦義右叅將都指揮使胡忠為署都督僉事論其領哨部下有
斬獲功也。○庚寅給事中安奎等奏寧夏大沙井驛新舊草燒
毀一十四萬三千三百束有奇典守者捏稱絕爛成灰已監候
究問其先任巡撫都御史劉憲法令欠嚴管糧僉事夏時等督
理不謹俱有罪戶部議逮典守者究問憲特以遷官去任應否
逮問以請。上是之其典守者欲究火所從起從重處治憲時
令錦永衛道官校逮繫至京送鎮撫司究問。○太監李榮傳旨

召鎮守并肅御馬監太監鄧玉還令往南京本監開住部知監
太監楊定仍鎮守并肅等處地方○辛卯以服闋翰林院庶吉士
閻楷為禮科給事中○錦衣衛都指揮同知于承致任持許其
子承襲指揮同知承色目人善陰道秘戲得幸于豹房左右皆
畏避之又言回回女哲潤堪祭大勝中國上悅之特都督昌
佐亦色目人承繪旨索佐家回女善酒域舞者十二人以進又
諷詩召侯伯故色目籍家婦人入內教之內外切齒後上欲
召承女入承以郵人白曰子女克名以入懼事覺乃求救仕○
准復顯靈宮右正一劉雲徹為真人仍與原給印誥上初即
位幸雲徹真人誥已會官燒燬矣至是陳乞仍復給之○壬辰
朝鮮國著理國事晉城君李懌遣陪臣同知中樞府事李雲樞
等賀正旦節貢馬及方物賜宴以綵段衣物鈔絹有差○著承

通庫軍太監蔡文等奏雲南銀場通課數多乞查究并請仍開
浙江福建四川諸礦穴開辦銀課事下戶部覆議雲南所欠課
程宜行鎮巡官查處完解及將未解年分典司官吏疏名具奏
以候裁處浙江等處礦穴近以朕微利少特議封閉必須行令
各鎮巡官查議可否非一時所敢輕擬詔該庫累奏國用不敷
令各鎮巡等官查照先年事例開礦開辦不必行查○命史料
給事中張瓚性四川刑科給事中林文迪性宣府盤穀邊儲○
命神武左衛都指揮僉事章縉守備涿州地方○莊浪管領土
官軍餘都指揮曹經奏其先世將皆有旗牌督兵殺賊欲給賜
備用兵部言經之先官至遊擊將軍以上故得給旗牌經猶聽
鎮巡節制所請不可許○上特與牌二面旗二副○甲午春
節順天府官進春○上御奉天殿受之群臣行慶賀禮賜群臣

宴于午門。陞勸守大同左副總兵部指揮吳事溫恭為署都督僉事充總兵官。甄守仁同地方。命定邊後衛都指揮使回鶻克右參將分守錦義地方。改順德府沙河縣西王巡檢司仍隸刑臺縣。乙未改南京禮部尚書劉忠為南京吏部尚書。陞吏部左侍郎江潮為南京禮部尚書。以張坤襲安鄉伯爵。○大通等寺番僧那爾卜等來朝貢佛像駝馬等物。賜宴及絲段衣物有差。○丁酉司禮監右監丞高金部員外郎馮顯奉命往山東沂州勸處涇王所奏請地上還奏粟潞湖泥塘湖等處地已賜王為業者二百五頃有奇其餘堪種地七百七頃八十畝拋荒地六百二十七頃一十二畝有奇雖係空閒但非原賜之數沂州東西門窯地五頃二十餘畝民間額稅猶未開除邳州蕭縣地四百餘頃俱有湖澤會于漕河又為裁輔地難

以給賜因劾前此承勅官開報未明以致累奏煩擾見任淮安
府知府趙俊違勅避事蒲縣知縣周廟勅報欺隱各有罪戶部
覆奏上命錦衣衛差官杖逮繫後廟至京究問其先年勅官
已遷官去任者俱令所司詳具以聞戶部查見任者巡撫都御
史張縉等六人餘皆致仕或裁革具奏裁處有旨地土原賜與
王者如舊管業窯地及餘地俱給佃徵糧與漕河相干者不必
動且戒諭王府宜遵前旨不許例外奏擾縉等奪俸兩月遷官
去任者宥之○註署都督僉事吳玉於前軍都督府帶俸○宥
雲南都司已故都指揮同知劉桓罪許其子璽承襲指揮使先
是桓以都指揮僉事領兵征進貴州坐失陷平夷所問擬謫戍
其母奏辯移巡按御史劾報謂桓有新獲功可錄平夷所非其
統屬罪可原兵部具奏乃得是命○罷鎮守甘肅總兵官劉勝

本鎮間住以寧夏副總兵銜勇代之塔以都御史才寬劾其年老廢事勇則直由內批云○命鄭府東垣王祐擇襲封鄭王章繁昌王見寔祿恭三之一鄭簡王有子十二人嫡長見滋早薨嫡孫祐杓襲王爵以未名而亡次三庶子見瀛以事章爵次四庶子見湏即祐擇之父初亦以事褫冠服令讀書習禮歿謚為東垣端惠王蓋未嘗章爵也及祐杓薨無嗣簡王夫人張氏知祐擇當襲敵奏見湏生性有罪殺不宜封欲規奪王爵以與其子見寔而見寔於庶實為次九事下鎮巡等官查議皆歸祐擇張氏奏辭不已上命禮部於宗人府查王牌倫序以聞及奏上乃以王爵與祐擇繁昌府教授以輔導天職命巡按御史速問以裕祭太廟遣駙馬都尉馬誠游泰告懿祖皇帝熙祖皇帝○遣太常寺官祭五祀之神○遣旗手衛官祭旗纛

之神○戊戌禘祭○太廟奉○懿祖皇帝○熙宗皇帝神主詣
廟享祀○以明日正旦節遣射馬都尉蔡震崔元林岳分祭
長陵○獻陵○景陵○裕陵○茂陵○泰陵○遣儀賓楊淳祭
景皇帝陵寢○遣內官祭○恭讓章皇后陵寢○是歲湖廣
靖州等處自七月至十二月大疫死者四千餘人福建寧郡
武二府自八月始亦大疫死者衆早溺埋蟲迹作○是歲戶九
百一十四萬四千五十六戶口五千五百九十萬六千八百六
名口田一百六十九萬七千二百三十三頃一十六畝九分二
釐七毫五絲四忽九微五纖田賦二千二百一十六萬七千三
百七十六石九斗八升一合四勺五撮五圭三粟三粒七微麥
四百六十二萬六千六百四十八石七斗三升九合一勺八抄
三撮七圭七粟九粒四微五纖絲三萬一千五百五十三斤一

兩三釐一忽四微五塵綿一十六萬九千六百斤一兩九錢八分八釐七毫七絲絹一十二萬六千七百六十七匹三丈六寸六分二釐一毫八絲三忽布一百六十六萬六千四百六十四匹四尺四分綿花一十一萬二千八百九十四斤一十一兩二錢二分二釐四毫三絲三忽草二千五百九十四萬四千二百四束包六斤五兩二錢八分九釐三毫三絲九忽七微六纖戶口鈔八千七百九十七萬六千六十七貫七百七十八文五分六釐織課鈔七千三百九十二萬七千一百九貫折米三萬三千三百三十六石七斗四升七合三勺監課二百一十八萬二千四百引九十一斤九兩三錢三分六釐折米五千七百八十七石四斗折布四萬六千六十三匹一丈八尺五寸五分八釐茶課一十一萬三千三百一十一斤九錢七分屯田一十六萬一千

三百二十七頃一十八畝四分四釐四毫七絲一忽糧一百四
萬一百五十八石三斗九升一合五勺八抄九撮金銀課三萬
二千九百二十兩水銀二百二十九斤硃砂四十六斤八兩價運
四百萬石各處運納一千一百七萬五千六百一十九石八斗
四升一合三勺三抄三撮七粟六粒減免糧一十七萬一百一
十一石八斗一合九勺三抄三撮五圭

明武宗毅皇帝實錄卷之三十四

正德三年春正月乙亥朔上詣奉先殿奉慈殿太皇太后皇太后宮行禮畢出御奉天殿文武羣臣及天下朝覲官四夷朝使行慶賀禮太皇太后皇太后皇后俱免命婦朝賀○辛丑宣宗章皇帝忌辰奉先殿行祭禮遣駙馬都尉林岳祭景陵○癸卯孟春享太廟○遣內官祭司戶之神○武進伯朱潔卒潔字源清山東沂州人弘洪己酉襲父霖爵嘗坐三千營轉五軍營又嘗領將校入直平生無所著見至是卒子本嗣爵○甲辰以大祀天地上御奉天殿誓戒文武羣臣致齋三日○丁未大祀天地于南郊祀畢上還宮謁太皇太后皇太后畢出御奉天殿文武羣臣行慶成禮○陝西涇陽縣天鼓鳴○戊申以大祀慶成上御奉天殿

大宴文武羣臣天下朝覲官四夷朝使○己酉以上元節賜文武羣臣假十日○辛亥吏部會都察院考察天下來朝并在任去任丁憂考滿各司府州縣等官請如例以老疾者致仕罷職不謹者冠帶者冠帶閑住貪酷及為事在逃者為民才力不及者調用時同知以下及雜職皆得俞旨惟方回知府行太僕苑馬寺運鹽司官六十八人令備查逐年考語實跡并年甲以聞於是部院復條列各官歷年考語及部院詢訪之實乃詔如例發落致仕則浙江右叅政梁澤湖廣右叅議華福山東副使韓春運使連盛雲南副使彭綱丁羽福建運使李紀僉者潘珏廣東僉事許胆甘肅行太僕寺卿陳寬遼東行太僕寺丞傅樹山西行太僕寺卿袁宏台州知府徐鵬舉紹興知府劉麟南安知府鄧應仁廣南知府廖鉉高州知府徐鍊石阡知府謝崇德冠帶

間住則江西布政使李韶湖廣僉事姜實河南左叅議蔡相
廣西右叅議錢灝僉事沙立福建副使陸稱山東運同張瓚陝
西左叅政唐錦舟副使劉淮僉事官賢黃璫苑馬寺少卿劉崇
行太僕寺少卿郭洙四川僉事賈澄李嶽山西左叅議相樞雲
南僉事朱儀貴州僉事彭程廣東僉事鄧榮馮夔饒州知府侯
溪南昌知府祝瀚辰州知府陳堯弼荊州知府王綬襄陽知府
陳篔建寧知府沈瀚鳳翔知府王軒蕪州知府王用鎮遠知府
戴仁恩州知府趙渾雷州知府李敷南雄知府吳珍廣州知府
袁煥潯州知府陸琪梧州知府河文進調用則福建僉事陳大
紀河南副使閻壘臨安知府項經成都知府費愚為民則都勻
知府黎臣臨江知府王資良廣西知府毛超遂附批翰林院學
士吳儼惟慙不修令致仕養病御史揚南金無疾欺詐令為民

後有托病請假及丁憂違限不起復者通奏懲治儼居家嚴肅
瑾知其富有所需不應且詔之其主順天試也鄉人太醫沔使
王王以其子托又拒之嚴甚王復騰謗於瑾南金嘗為劉宇所
捷不堪泐忍而去宇銜之亦謗於瑾故皆得罪一時中外聞者
無不駭異○光祿卿孫交奏自正德二年內添收人匠勇士官
校六千六百六十一人其直米人日八合歲添搜粟米九千五
百九十石有奇非每歲會計之數本寺無從支給欲依例暫移
京倉闕支以俟明年會計加添下戶部議依近例於京倉支與
新米其糶米每石加春折二斗從之○癸丑上元節免羣臣宴
○甲寅命大同遊擊將軍馬昂充大同左副總兵分守獨石馬
營左叅將楊英充寧夏副總兵○攬頭嚴傑監追餘銀十八兩
繫詔獄二年矣而不能完納乃送刑部擬罪刑部發南城驗其

家產已盡如例類奏得旨錢糧事重自後有犯者遇赦不原即
家產追盡乃令錦衣衛枷號三月送兵部定擬永戍邊衛且責
刑部往往玩法徇私今又曲庇傑捏稱召保營辦完納以應故
事令查原問官以聞於是尚書屠勳等上原問官為員外郎盧
宅仁今陞廣西按察司僉事看本官為署員外郎主事王銓并
自幼有罪詔巡按御史逮宅仁至京并銓送都察院治之勳等
待各官獄成以名上後銓坐降二級為福建崇仁縣知縣宅仁
奪俸三月乙卯英宗睿皇帝忌辰奉先殿行祭禮遣駙
馬都尉馬誠祭裕陵○丙辰天下朝覲官事畢辭還任賜之
勅曰朕受天命嗣祖宗大業為天下之民主夙夜惓惓念
吏治多弊民生未安每因事申飭所司務遵成憲以共厥職爾
等畿甸藩服之臣雖職任不同分地各異皆與有民事之責茲

當述職來朝已令吏部都察院詳審甄別黜其尤不職者以示懲戒俾爾等仍選舊任中間廉恕公勤克舉其職者宜加益勵翼緒續前功間有職業不修幸免黜罰者亦宜改過自新用圖後效大抵司牧之官須上遵法守下勤民事寓撫字於催科以刑罰樹教化隨事盡心隨材効力俾四方小民皆安享太平之福斯稱朕承天法祖廟精圖治之法爾等其敬之念之故諭○丁巳給安鄉伯張坤歲祿千石本色折色中半兼支○命以陝西茶馬二百三十四匹給固原衛從鎮守陝西署都督僉事曹雄請也○戊午陞刑部左侍郎王鑑之為南京右都御史○己未吏部左侍郎缺會推刑部左侍郎王鑑之禮部右侍郎費宏以上且言本部有右侍郎白鉞見在不用復推禮部左侍郎張濠南京兵部右侍郎孫需亦不用乃轉鉞為左命再推應

陞右者二人以上復推掌太常寺事禮部右侍郎田景賢兵部
右侍郎曹元亦不用復推戶部右侍郎王瓊工部右侍郎胡諒
竟改瓊為吏部右侍郎是缺自王璉之費宏而下會推凡八人
及瓊乃己蓋瓊賂瑾必欲得此耳○平涼府地震聲如雷○庚
申兵部議上武舉條格參酌文舉會殿二試例每遇文舉鄉試
之年預行兩京十三省有能究極器指通武藝堪應武舉者
具報所在官司軍衛送都司有司送布政司從撫按同三司考
試無三司者從撫按考試兩京亦送巡按考試俱送兵部次年
夏四月開科初九日初場較其騎射人發九矢中三矢以上者
合式十二日二場較其步射亦發九矢中一矢以上者為合式
俱於京營將臺前較閱十五日三場試策二道論一道於文場
試之先期請命翰林院官二員為考試官給事中并部屬官四

員為同考試官監察御史二員為監試官陞辭入院試卷皆備封謄錄編號上書馬步中箭若干送入內庫看詳分配等第其答策洞識韜畧作論精通義理叅以弓馬俱優者列為上等策論頗優而弓馬稍次者列為中等之前弓馬頗優而策論處知兵法直說事狀文藻不及者列於中等之後其或策論雖優而弓馬不及或弓馬偏長而策論不通俱黜之以俟後舉及期若遇風雨騎射不便則移期事竣將有事於場屋官員及中式之人梓其姓名錄其弓馬策論之優者為武舉錄進呈仍張榜於兵部門外次日引見畢預事官俱赴中府用樂宴并請命內閣重臣一人主席宴畢該營備鼓樂職方司官二員送武舉第一人歸第其中式作論一道答策二道馬上中四箭以上步下中二箭以上首官員加署職二級管一人若係百戶以上官照例

加陞係百戶以下者特授千戶職銜送團營贊畫以示崇異第
二名以下總旗授以試百戶小旗生員舍人授以試所鎮撫軍
民授以各衛試知事俱月支米三石作論一道答策二道馬上
中三箭以下步下中一箭以上者官員量加署職一級總旗授
以署百戶小旗舍人授以署冠帶總旗生員授以試知事軍民
授以試巡檢俱月支米二石通送京營總兵官處量用有願回
原籍者咨撫巡官依秩委用議上從之賜宴名曰會武是議也
發於 先帝至是始備其制云○命山西行都司都指揮同知
潘浩充大同遊擊將軍萬全都司都指揮僉事王本充左叅將
分守獨石馬等處○賜甘肅左副總兵都指揮僉事白琮大紅
織金飛魚文綺一襲從其請也○秦寧等衛都督字來罕指揮
等官帖木兒字羅等遣頭目捕思該等貢馬賜宴并綵段衣服

有差○致仕南京工部尚書侯瓚卒瓚字奉璋保定雄縣人也
景泰五年進士授戶部主事陞員外郎歷鳳翔知府山西右叅
政入為光祿寺卿進都察院左僉都御史巡撫甘肅成化七年
哈密王國久為土魯番所侵瓚經畧致赤斤蒙古之兵復哈密
剌木八城歸其男婦千五百餘人又巡邊擒斬逆賊若干數賜
白金文綺進兵部右侍郎尋調南京禮部右侍郎轉南京戶部
左侍郎躡請歲輸米應入倉者即水次給官軍三月省腳價米
三萬餘石以備他費定為令進南京工部尚書改南京兵部尚
書叅贊留務踰年仍改南京工部弘治十年以老乞致仕十八
年進階一級至是卒年八十有一子觀舉進士亦至尚書○詔
度神樂觀道士一百名以詔度天下僧道而本觀獨不與且樂
舞生徒人充役故也○辛酉溼王奏本府軍校月糧止給本色

六斗乞如汝府例月加二斗從之。○海西等處兀者等衛女直都督等官幹黑能等來朝貢馬及貂皮賜宴并綵段有差。○命懷安衛指揮同知宋贊守備龍門城興州後屯衛指揮僉事王玉守備三河城義勇左衛指揮使孫鑑守備真定地方玉鑑以都指揮體統行事。○兵部奏各營把總指揮預銘等部下在逃軍馬數目不齊請將十名以上者究問五名以上者量罰不及五名者免之。其領勅官圍營都指揮同知賈昂神機營署都指揮僉事張安三千營都指揮僉事羅傑五軍營都指揮僉事王欽請自 上裁得旨十名以上者法司究治五名以上者免之。賈昂等不能撫恤鈴束以致逃竄昂奪俸六月安傑欽羊之拐馬在逃官軍令所在報捕送官如平人捕獲者兵部即賞銀伍兩隱者同罪都察院仍張榜禁約三月內自首者免罪。○壬戌

轉江西右布政使馬龍為本司左布政使○給安仁伯王桓歲祿本色七百石折色三百石○科道官查盤各邊糧草太子太傅兵部書劉宇先任大同巡撫耗費者多給事中胡珝御史王鑑為之掩劾其接管官下鎮撫司獄宇懼其連及自陳臣在使巡撫之時正值虜賊猖獗地方殘破募軍市馬築堡修邊歲無寧期出入鋒鏑萬死一生至於收放糧草不過提督大綱豈能一周悉若果事有干臣科道豈容不劾况臣已授官傅之職委托司馬之任伏望少垂優禮將遠年巡撫任內事聽與開釋許之○癸亥陞翰林院編修豐熙為本院侍講以九年秩滿也○勅刑部員外郎沈思致仕以違假限年餘故也○宥致仕戶部左侍郎王儼罪仍令致仕儼在任時奉命整理宣大糧草劉瑾遣官查盤有泥爛者監臨官皆被逮儼亦械繫來京下錦衣衛

獄至是奏辯以奉命變處與巡撫專理者不同所司為請始得
免○甲子陞巡撫雲南右副都御史吳文度為戶部右侍郎南
京大理寺卿韓邦問為刑部左侍郎○四川播州宣慰使司遣
長官都勲等貢馬這多等族番人班的等貢馬及盛甲各賜宴
并綵段鈔錠有差○乙丑貴州永寧衛指揮僉事鄒律以韓職
回籍日久且行檢淫汙為巡按湖廣御史所奏得旨永遠編戍
雲南湖滄衛○丙寅命建平伯高震五軍營圍子手坐營管操
○湖廣四川貴州廣西土官衙門各遣通祀頭目貢馬及降香
等物賜宴及綵段鈔錠有差○致仕南京工部尚書胡拱辰辛
拱辰字共之浙江淳安縣人正統己未進士授黟縣知縣有惠
政催監察御史常䟽八事皆切中時弊 英廟北狩拱辰屢䟽
以選將保邦修德輯災為言尋陞右叅政轉左右布政使歷左

右副都御史南京工部尚書成化中儲位尚書拱辰率諸大臣
疏乞蚤定國本拱辰平主清謹所至以興利除害為務在貴州
兩廣四川督勦叛夷為都御史時提督孫江勞績可計者甚多
年七十懇乞致仕而歸弘治辛酉 孝廟特賜之月廩歲隸
今上嗣極又遣官以璽書存問賜廩隸有加焉至是卒贈太子
少傅謚莊懿賜祭葬如例拱辰卒時年九十有二大臣退居林
下享有榮壽若拱辰者代不多見人以之方諸魏文靖云○戊
辰陞湖廣左布政使顧源為都察院右副都御史巡撫雲南○
陞廣東按察使林廷選為江西右布政使○以斬獲邊虜功賞
錦衣衛大同綏德等衛官旗軍舍共四百四人有差計銀一千
七百一十兩絹三百八十八疋布八百九十六疋是賞有三次
常先衝鋒破敵衝入賊陣并運謀設策等功然所獲賊級裁八

預達馬一匹而已○命萬全都司都指揮僉事李珍掌本都司印○先是巡撫四川都御史劉纓巡按御史揚璋及叅政吳彥華副使張貫叅議郭祥鵬等建議謂蜀僻一隅道路難通北有連雲之阻東有三峽之險而巫山縣與夷陵接境有間道可以抵夔請開道置傳奏未下纓璋貫祥鵬俱去任彥華即興工開道既而有旨罷罷御史王璟代璋復以請蓋未聞報也遂以遣旨械繫纓等皆下錦衣獄鞫問擬贖杖得旨彥華革職為民纓罰俸半年祥鵬降三級為金華府同知璋冠帶閑住貫璟如擬○徽府世子秦土民趙朋等拖欠子拉霸占地土朋等亦奏世子貪暴狀詔遣司禮太監戶部刑部侍郎錦衣衛指揮各一員勘訊朋等坐謫戍邊衛辭連河南叅政劉約南陽知府李智又各州縣踏勘官俱落職刑部左侍郎陶琰以先任巡撫亦令聞

明武宗毅皇帝實錄卷之三十五

正德三年二月乙巳朔陞巡撫湖廣都察院右僉都御史劉纓為南京大理寺卿○以浙江右布政使邵竇為湖廣左布政使○光祿寺丞趙松歸省違限吏部據例當復職命罰俸三月且曰省親丁憂養病皆托事營私玩法曠職者也今後凡違限三月者宥之四五月者罰如松六七月者違問八九月者致仕十月以上者削仕籍及吏部查奏違限者凡百四十六員以請詔俱令如前旨惟養病者無限令巡按官覈其真偽及已痊與否奏請裁廬病痊起用者所在有司亦覈實以聞既而復有旨凡養病一年以上者令致仕○錦衣衛都指揮同知揚王大禮寺右少卿季春奉命往會福建清軍御史勘于茂之獄王奏往時勤事官少卿坐於中都指揮坐於左御史並坐於右但臣與

春俱堂上官御史係院屬官與臣並坐體統有碍得旨各遵品級資等序生玉瑾黨也致驕橫如此○庚午陞江西按察司副使楊錦為廣東按察使○辛未陞四川布政司右叅政安惟學為浙江右布政使○調兵科給事中王廷相為直隸亳州判官以丁憂不赴部領勘合故也○太監高奉傳旨錦衣衛千戶張寰陞指揮僉事冠帶舍人王德馬到姚文朱福陞實授百戶關義陞冠帶總旗教坊司右司樂蘇祥陞右韶舞教師鄭職為排長時馬到已任實授百戶旨所授乃其兄馬鉞誤作馬到兵部以聞得旨聽鉞實授百戶到鉞宦官馬永成家人也○壬申陞直隸大名府知府石祿為山東布政司右叅政仍掌府事先是工部尚書李鏗等以修造工料不足乞行右司府召募農民人等為義官承差吏員納銀應用至是奏祿未及半年解過召募

所納銀二萬三千餘兩請陞祿秩以風天下從之○先是湖廣布政司差汚陽州陰陽生韋經等輸本州歲造子箭至京寄民家久未納官而逃為劉瑾訪獲差錦衣衛官披執經等并右布政陳良器經歷張敏德汚陽知州何璋等至京下詔徹仍究歷年經管官左布政徐源朱瓚韓鎬朱欽顧源右布政陸珩張本畢孝左叅政金福都事陳京孫寵照磨杜芳汚陽知州張弘宜彭萬里同知馬全陳謨判官林洪等令各巡按御史還問時源本瓚欽孝珩俱已致仕鎬福全俱死寵謨與顧源以覲至京己革職弘宜降用珩獨奏辨輸物後九月始上任尋入覲遂轉他職非其經手乃准辨○癸酉陞河南左布政使張子麟為都察院右副都御史巡撫湖廣兼贊理軍務○陞江西按察司僉事王啓王純俱為副使啓本司純河南○以山西領班領楷揮僉

事周隆補山西都司僉書濟州衛都指揮僉事緡綱補山西行都司僉書萬全都司都指揮同知守備獨石地方馬補補萬全都司僉書○甲戌命少傅兼太子太傅戶部尚書武英殿大學士王鏊掌詹事府事吏部尚書兼翰林院學士梁儲為會試考試官○先是祭王晏請之國不果至是復請遂命欽天監擇日啓行兵部工部侍郎各一員整理之國事務○陞山西按察司副使馮清為甘肅行太僕寺卿湖廣按察司僉事杜馴為陝西行太僕寺少卿浙江僉事陳璘為陝西苑馬寺少卿江西建昌府知府舒崑山山東青州府知府彭桓俱為布政司右叅政崑山浙江拒陝西○淮王祐祭奏在英廟時嘗賜與饒州河泊所沿城長港一曲并稅課司為業蓋已六十餘年矣近戶部奏擬還官緣非陳乞之數請仍給與從之○乙亥陞福建汀州府

知府蔡餘慶為福建都轉運鹽使司運使○工部尚書李鐸侍
郎張泰查奏惜薪司年分坐派柴炭及提都山廠侍郎張憲吳
洪胡諒督完拖欠之數得旨供應事重惜薪司累奏拖欠數多
積年提督官不能悉心查究其尸位素餐可知吳傳其俸令督
完以聞鐸泰坐視因循亦令自劾○丙子刑部尚書屠勳乞致
仕詔以勳歷事有年加太子太保寫勅給驛以還仍令有司給
食米月四石役夫歲四名時勳任尚書未及考仍特命與誥命
○陞河南按察使朱恩為河南左布政使○陞直隸真定府知
府彭澤為浙江按察司副使○太監高鳳傳旨以尚衣監太監
趙榮鎮守湖廣等處地方○丁丑擇莫先師孔子遺尸部尚書
兼文淵閣大學士楊廷和行禮○陞監察御史董紱陳順揚滋
盧胡刑部員外郎江潮嚴州府同知張揮饒州府同知茹鑾蘇

州府同知何宗理俱為按察司僉事。紐順江西、滋陝、西、湖、廣、潮、廣、東、禪、鑾、福、宗、理、山、西。○戊、寅、祭、大、社。大、搜、遣、新、寧、伯、譚、祐、行、禮。○遣、順、天、府、官、祭、先、農、之、神。○賜、遼、府、光、澤、王、寵、溱、皇、明、祖、訓。仁、孝、皇、后、內、訓、各、一、部、從、其、請、也。○南、京、國、子、監、祭、酒、章、懋、己、得、請、養、病、而、歸、詔、病、痊、有、司、以、聞、仍、召、且、至、上、疏、謂、年、逾、七、十、無、病、亦、合、告、休、况、病、已、沉、痼、豈、可、贊、名、任、藉、懇、乞、致、仕、以、全、素、履、許、之。○吏、部、推、補、浙、江、台、州、等、府、知、府、二、十、六、員、皆、用、之、惟、夔、州、府、者、令、別、推、二、員、且、命、以、後、內、外、官、五、品、以上、有、缺、俱、推、二、員、請、旨、理、之、紛、更、舊、制、皆、此、類、也。○己、卯、遣、戶、部、侍、郎、林、泮、祭、京、都、太、倉、之、神。○遣、順、天、府、官、祭、宋、丞、相、文、天、祥。○陞、河、南、按、察、司、副、使、宋、禮、為、本、司、按、察、使。○庚、辰、陞、南、京、刑、部、員、外、郎、李、瑾、周、頊、浙、江、紹、興、府、同、知、錢、朝、鳳、俱、為、按、察、

司僉事瑾廣東頃雲南朝鳳四川舊制吏部擬陞內外官當推兩員者必擇其資望所及者為首其次謂之陪點復令別推與特陞陪點者百無一二時諸司僉事有缺吏部推御史羅善王欽堪廣東瑾頃堪雲南松江府同知金山及朝鳳堪四川而內批乃爾蓋自劉瑾用事每命別推且多從陪點或連點二人間又別自批出揣弄威福使人莫測其官高地善者雖未必皆先賄賂而既陞無餽謝鮮不被禍者○勒服闋稱病四川道監察御史吳學為民學違限八月吏部擬致仕劉瑾矯命點之○辛己陞南京都察院右都御史王鑑之為刑部尚書時吏部舉南京兵部尚書何鑑為首鑑之己陞南京右都御史未行內批遂用之蓋眷勲之去亦為鑑之所擠云○以靜海縣無挖地六千五百四十二頃有奇賜皇親沈傳吳讓○未時西北風有聲揚

塵四塞至日入○壬午陞戶部郎中秦全為河南按察司副使
提調學校刑部員外郎阮淮大理寺左寺副孫炯江西廣信府
同知俞振英俱為按察司僉事淮浙江烟湖廣振英陝西○科
道官交劾邵武府知府盧濬平樂府知府戴思長蘆運使徐文
英兩淮運使李宗高湖廣按察司僉事趙璧等皆考察所遣宜
罷黜吏部請黜濟等四人而留璧從之○以沂州秦溝湖等處
無稅地七百七頃八十畝賜涇王前地嘗遣官勸明令有司召
民佃種至是王復乞乞乃許之○罷遼東都司掌印都指揮僉
事李寧以總兵官毛倫劾其不職也○癸未吏科給事中邵天
和奏各王府官多妄引事例黃緣奏保并劾徽府審理副閹端
求增五品俸級請執端及輔導官至京處治詔上行各王府知
之○命興州後屯衛署都指揮僉事吳昂守備黃花鎮錦衣衛

指揮僉事左信守儀代州地方○甲申遣太僕寺官蔡司馬之神
○陞戶部左侍郎王佐為南京戶部尚書○浙江守臣奏溫處
二府銀坑私治間以課額不足累民陪納奏准開塞近緣承運
庫建請復開移文查勘惟陳家嶺等四坑可辦銀課小若等十
有六坑礦脈甚微古桶等七坑脈已盡絕事下戶部覆奏上
以銀礦可採者既不多命仍舊封閉但令浙江布政司每年措
置贖罰等銀二萬兩解京應用○太監扶安傳旨管神機營左
哨并奮武營御馬監太監吳軻調神機營把總以右掖三司御
馬監太監張景昌代軻尚衣監太監杜甫代景昌○乙酉令南
京刑部員外郎劉演致仕演病痊赴部吏部擬復職有旨責吏
部不遵新旨查開演病痊年月姑貸堂上官罪文選司郎中劉
永等各奪俸有差○命遼東都指揮僉事崔賢學都司事○先

任巡撫大同都御史周南督理糧儲戶部郎中孫祿以擅草泥
爛下錦衣衛獄上曰邊儲重計南祿等不能嚴督驗收致有
泥爛仍徇親屬押赴大同陪償吳完日奏聞處分○丙戌陞工
部右侍郎張泰為南京都察院右都御史○賜寧夏副總兵楊
英大紅金織蟒衣一襲從其乞也○陞錦衣衛正千戶苗肅為
署指揮僉事初肅以署總旗隨太監苗達征宣府累陞至正千
戶至是又比例乞陞遂得是命○丁亥景皇帝忌辰遣儀賓
周鉞祭陵寢○賜考即兀衛都督僉事捨剌罕蟒衣從其乞
也○戊子賜肅王次子淳化王真泓孝順事實一部從其請也
○副都御史抑庵辰按察使金獻民副使胡經陳輔知府何文
縉治中周欽等既繫獄擬比奉制按事報不以實律贖徒得旨
免贖俱勒為民○陞都察院右僉都御史韓福為戶部左侍郎

○給誥勅董卜韓胡宣慰使司灌頂圓通妙濟國師剃髮短竹等共六道○靜寧等寺番僧族岑星吉等加石等族番人南仲蕭等各來朝貢佛像駝馬賜宴并綵段繒紗有差○贈故甘肅副總兵都指揮同知魯麟為右軍都督府都督僉事賜之葬祭都指揮例無祭葬麟子經緩祖鑑例陳乞禮部言麟世守邊方累立戰功又任鎮守比其他不同詔特與祭三壇及齋糧三十石麻布三十疋造墳安葬○曉刻月犯心宿西星夜月犯天江星○己丑建州左等衛女直都督脫原保等各來朝貢馬賜宴及金織衣綵段等物有差○山西大同暴風大作天日晦冥屋瓦飛動三日而止平虜衛草場災○庚寅陞光祿寺寺丞趙松為本寺少卿時吏部疏無松名松初以違限事厚賂劉瑾因徵福馬○太監高鳳傳旨錦衣衛冠帶舍人谷大寬陞副千戶大洪

大原勇士黃質俱實授百戶大寬大洪大原俱太監大用弟也
○辛卯慶成王奏本府宗支數多各將軍所生子女或冒報歲
數無憑查考乞令各將軍府查報禮部議覆上曰宗支事重
王既有奏宜集收主人等及官眷研審果有朦朧奏來究治金
後須保勘奏報仍通行各王府一體遵行○永寧宣撫等司及
南丹等州各差通把官族頭目龍大川等貢馬及方物賜宴及
綵段鈔錠有差○辰刻黃霧四塞至己昏濁蔽天隨雨土霾至
日入夜五更轉西北風愈猛○壬辰命會試正榜取三百五十
人○改南京工部右侍郎俞俊為工部右侍郎俊以首路劉瑾
未期歲已三遷轉矣○癸己陞提督贍黃通政司右通政張綸
為都察院右僉都御史○安南國王黎誼遣陪臣揚直源等齎
表箋貢方物朝賀賜誼綵段十襲錦四段仍宴直源等并賜金

織衣綵段等物有差○陞守備真定地方指揮使孫鑑為署都
指揮僉事從其請也○乙未清明節遣駙馬都尉游泰黃鑄崔
元分祭長陵獻陵景陵裕陵茂陵泰陵文武衙
門各分官陪祭○遣儀賓揚淳祭景皇帝陵寢○遣內官祭
恭讓章皇后陵寢○提督贍黃通政使司右通政黃寶服闋復
除原職○丙申陞南京都察院右僉都御史張恕為南京工部
右侍郎○伊府儀賓龐進輔奏河南盧氏永寧宜陽嵩縣四處
山場內產銀砂乞選差內臣同至彼烹煉以濟國用戶部議覆
河南中州要地國家自昔至今未嘗採辦必有深意存焉今進
輔輕言採取似有所圖詔令鎮巡并三司掌印官率進輔親往
踏勘礦洞應開與否務見明白不許隱情○戶科給事中段蒙
查勘山東濱州活鱗官民地一千二百七十八頃四十九畝有

奇可辨納存留以備常賦死讎官民地六百三十九頃八十七畝有奇可折納布鈔以寬民力因言去任巡撫都御史徐源朱欽坐視民患不為奏處以致陪償重賦詔以地既勘明依擬徵納源欽不恤民隱既去任姑宥之仍勒為民○丁酉皇太后聖旦命婦朝賀賜百官宴於午門○禮部尚書劉撰奏二月二十六日會試事畢臣與考試監試提調等官俱於四方赴朝房候陛見道下朱墨試卷五十餘插於至公堂被火焚燬詔看守執役人員下法司究治試卷既焚燬姑不問○致仕南京刑部主事陳言有罪謫戍邊衛弘治末考察廷臣言以有疾致仕尋奏辨得復職同時以不謹黜者兵部員外郎董俊亦援言例奏辨乃復令言致仕而言翹不已吏部謂其貪冒無耻命錦衣衛執之三十遣之○湖廣守臣奏荊州等衛倉庫空虛軍士月糧

連年不得闢支乞差官區處戶部議覆詔責巡撫并司府州縣
衙所官不能事事以致空虛可遣堂上官一人奉勅往處務期
倉廩充盈軍得實惠仍查拖欠數目及歷任各官職名奏來處
治於是命戶部左侍郎韓福兼左副都御史而行仍命福凡有
可行事宜即多方議處務見實効○註都督同知郭鉉於後軍
都督府署都督僉事李興於前軍都督府俱僉書○陝西固原
鞏昌階州各地震

明武宗毅皇帝實錄卷之三十六

正德三年三月戊戌朔 孝肅太皇太后忌辰 奉慈殿行祭禮遣駙馬都尉蔡震祭 裕陵○大亦轄等族番入容中鍋等來朝貢馬及盛甲等物賜宴并綵段絹紗如例○南京工部尚書韓重奏 太廟殿宇 孝陵牆垣及武英等殿當修理者工役頗多請行南京法司將一應贖罪米仍舊送部折收料銀以備支用從之○太監高鳳傳旨勲衛張宗說陞錦衣衛都指揮使○鞏昌府階州地震有聲○己亥鎮守宣府太監陳貴等勸報順聖川東城新城馬房焚燬倉廩料豆實震而災戶部奏請免完遂宥之○戶部請如例以銀送諸邊備正德四年雜本及折支官軍俸糧大同宣府俱五萬兩遼東十萬兩寧夏延綏甘肅共五萬二千八百七十五兩詔不許謂各邊既設屯田又有

各司府歲輸糧草天順以前初無戶部送銀之例其例始於成化二年蓋或因警報或以旱潦事變相仍行權宜接濟之術耳而其後遂為歲額且屢告缺乏得無盜取浪費之弊耶戶部其會多官查究事端從公議處經久長策以聞○庚子 上御奉天殿傳制道寧陽侯陳繼祖崇信伯費狂建平伯高震應城伯孫斌成安伯郭寧恭順侯吳世興鎮遠侯顧仕隆宣城伯衛璋武安侯鄭英遂安伯陳鏞平江伯陳熊為正使中書舍人陸爰牛綱劉奉行人孟洋陶驥涂敬曹做太常寺寺丞紀世梁鴻臚寺寺丞聶友忠兵科給事中白思誠翰林院編脩湛若水為副使持節冊封襄簡王第二子光化王祐攢為襄王崇簡王世子祐棖為崇王妃李氏為崇王妃徽莊王世子祐棖為徽王潘王庶長子西陽王詮鉅為潘世子妃宋氏為潘世子妃岷王嫡長

子舉榮為岷世子周府上洛莊惠王嫡第九子安瀆為上洛王
慶府慶王弟台濂為壽陽王秦府保安莊簡王庶第五子鎮國
將軍誠澈為保安王沂陽安裕王庶長子鎮國將軍秉揆為沂
陽王夫人籍氏為沂陽王妃晉府寧河安憲王嫡第三子奇云
為寧河王魯府安丘榮順王長子健撲為安丘王夫人孔氏為
安丘王妃鉅野恭定王長子當誼為鉅野王夫人孫氏為鉅野
王妃監生蕭本正長女蕭氏為岷府黎山王妃西城兵馬副指
揮揚世清長女揚氏為崇府慶元王妃東城兵馬副指揮鄧鉞
長女鄧氏為周府博平王妃南城兵馬副指揮盧鏗長女盧氏
為周府萊陽王妃南城兵馬副指揮高綸長女高氏為寧府瑞
昌王妃西安右獲衛納粟副千戶揚仁長女揚氏為秦府宜川
王妃○降中書舍人陰盈為直隸晉州判官以守制起復還隕

勅進士陳璋陳定之致仕以養病違限也○辛丑命養病南京
都察院右副都御史雍泰復原職仍提督操江○命分守延綏
左叅將鄧指揮僉事葉椿充副總兵鎮山西兼提督三關地方
○壬寅陞湖廣武昌府知府陳晦為江西布政司右叅政仍掌
府事以都人奏晦治有異蹟屢為上官旌薦欲借留以慰民望
故也○詔修會稽漢孝女曹娥廟從巡按御史楊滋請也○甲
辰給楚府故鎮國將軍均鐸夫人趙氏養贍米歲五十石○隴
州知州官倫到任違限詔免違問降二級邊方叙用○乙巳戶
部左侍郎韓福以奉命湖廣整理糧儲上言湖廣每年運送京
通二倉糧米約三十餘萬石脚耗等費倍馬及運貯二倉軍士
苦支領之難或以買銀僅得三錢有餘而已乞盡留前米每石
折收二石以給本處軍士月糧乃別處銀兩每石折五錢解送

太倉而給之京營軍士仍將起運南京之米亦如此例折兌則彼此俱便而兩無所妨詔許之○楚府縉雲王榮淋薨王楚王庶第二子也母宋氏弘治四年正月二十五日生十五年正月冊封至是薨訃聞報朝一日賜祭葬如例謚懷僖○丙午中宮千秋節命婦朝賀○巡撫雲南都察院右副都御史林元甫卒元甫福建莆田人成化乙未進士授工科給事中弘治中進禮科都給事中歷陞山東左叅政雲南右布政使陝西左布政使都察院右副都御史巡撫四川已而改巡撫貴州尋改雲南正德元年乞養病還至是卒賜祭葬如例元甫長身美鬚眉目朗秀襟度闊大不見吟域為給事中數諫諍占城冊封有旨遣元甫矣以言事忤旨竟罷不遣德府妃營葬欲大治瑩域元甫時為叅政堅執不可卒易人董之歷官三十餘年家無厚貲平

嘗博行孝友未嘗啓口及人過失僚友嘗被誣以身家保之竟亦不使之知也蓋一時長者云○丁未岷王奏本府狹陋欲乞雍王所遺空閒府第徙居之工部議王府建立分封自宜世守未有無故而遷者王欲舊園遷勞民費財恐諸藩效尤騷擾軍民宜治本府輔導官罪以為後戒得旨王府府第祖宗分封已定豈容輕議遷徙承奉長史等官不能以禮啟諫誠宜罪姑宥之○戊申詔增荊州等處操備軍士月糧高一石先是月糧止八斗鎮守太監王宏以軍士戍守勞苦為請乃增之○己酉改服闋南京刑部尚書周經為禮部尚書太子太保如故仍命移文取之○庚戌贈司禮監太監劉瑾父榮後軍都督府都督同知母劉氏一品夫人瑾本姓淡冒劉姓自稱賜姓云○辛亥命故清平伯吳琮庶長男傑襲爵○命吏部申明禁例仍令撫

按官詢訪在外官吏貪酷者奏黜廉能守法者旌擢之先是有
郭平縣民孫淮獲詔書進言天下多貪官汙吏已犯而罷黜者
以財請寄仍得復官賄賂公行此弊政之大者也乞遵高皇
帝之法警諭中外革故鼎新然後天下可理下吏部議以為法
禁固明久而生玩淮言不為無理故有是命○命少師兼太子
太師吏部尚書華蓋殿大學士李東陽少傅兼太子太傅吏部
尚書謹身殿大學士焦芳少傅兼太子太傅戶部尚書武英殿
大學士王鏊都察院學院事太子太傅吏部尚書兼左都御史
屠滂太子太傅兵部尚書劉宇戶部尚書兼文淵閣大學士揚
廷和太子少保吏部尚書許進吏部尚書兼翰林院學士掌詹
事府事梁儲戶部尚書顧佐刑部尚書王鑑之工部尚書李遂
通政使司通政使王敞大理寺卿張鑾充廷試讀卷官芳以子

黃中字以子仁提調官禮部尚書劉春以從子鶴年嘗與試當
避嫌 上乞春請而令芳字仍供事○馮建州右衛都督尚哈
紉絲蟒衣從其乞也○廣西忠州等州縣土官遺族日人黃紹
等來朝貢馬賜宴并綵段寶鈔有差○壬子 上御奉天殿親
策諸貢士制曰朕聞人君所當取法者惟天惟祖宗唐虞三代
之君皆法天法祖以成盛治載諸經可考也其有曰代天曰憲
天曰格天有曰率祖曰視祖曰念祖同乎異乎抑所謂法祖為
守成而言也彼創業垂統者又將何所法乎漢唐宋以降法天
之道殆有末易言者何以能成其治乎抑亦有自法其祖者矣
何治之終不古若乎朕自嗣位以來統統焉惟天命是度 祖
訓是式顧備有不易蓋者天之道廣矣大矣不知今日所當法
何者為切傳有謂刑罰以類天震懼慈惠以效天生育者果可

用手我太祖高皇帝之創業太宗文皇帝之垂統列聖之所當法以為治者布在典冊播之天下不可悉舉不知今日所當法何者為先且急史有謂正身勵己導道德進忠直以與祖宗合德者果可行乎茲欲弘道行政以仰承眷佑延億萬載隆長之祚子大夫應期嚮用宜有以佐朕者其敬陳之母忍○命兩廣州縣傳送安南陪臣阮銓等拒還其國時銓等以朝賀來至龍州物故陪臣楊直源等奏乞傳送還葬從之○命守備張家口堡都指揮僉事田琦充左叅將分守延綏西路地方以開平衛指揮僉事劉忠節代琦守備○甲寅改陝西行太僕寺寺丞陳璣為太僕寺寺丞先是璣在陝西與鎮守都督僉事曹維有隙維挾瑾勢撫奏璣罪過遂逮赴詔獄又獄具璣得復職與維俱奪俸兩月璣因求改任吏部擬改南京太僕寺復特命補在京

之缺蓋璣因是亦厚結于瑾矣○總督蘇松糧儲都御史華鑒請給符驗兵部議予之上令查宣德間例兵部覆符驗之領始於成化七年都御史孫昭後遂為故事得旨以為紛更不行○冠帶舍人廖鵬自陳公差過祥符擒截商巨盜六人乞錄其功兵部尚書劉宇為請於上得錦衣衛實授百戶濫賞冒功虎而傅之翼鵬之惡自是張矣○乙卯賜呂拱等三百四十九人進士及第出身有差○太監劉瑾奏各邊糧草缺乏馬匹能憑皆由官不得人是以開中商課接濟銀兩終歲不息至便權豪兇攬肆無忌憚而糧草批爛不堪今後商人必驗殷實之家方許報納批爛者照數追償仍枷號重治罪及經收之人州縣解納者如之其兇攬者論戍極邊至於馬匹不許濫收不堪以致贏損鎮巡官常加巡視諸鎮年終扣算造冊繳部照例每年

春後差科道官查盤點視若互相容隱一體重治仍差人緝訪及先行榜諭禁約事下兵部議瑾所言善邊急務不可少緩但各邊查點文冊未至有礙差官侍年終九月會戶部併奏差科道等官庶事歸一而人易守報可時上寓新房而瑾盜弄威柄無所顧忌凡軍國重務未有不先白瑾而輒敢奏請者府部大臣鮮與之抗至有陰使子拜為父而不耻以自驕固此令既出邊域震駭道路恐不敢言有所聞以目相授自是天下不復知有○上矣○丙辰賜進士恩榮宴於禮部命英國公張懋待宴○命兵部左侍郎文貴兼都察院左副都御史提督宣府大同延綏等處軍務時北虜臨邊住牧甚三十餘里久而不退兵部議推大臣素有才望久歷邊務者暫往經略凡邊防一切興革得以便直行事鎮巡官以下俱聽節制廷議推貴遂以命

之○戊午賜狀元呂紳朝服冠帶及諸進士寶鈔○城送巡撫
遼東都御史張萬馬中錫鄧璋分守叅政員政叅議方矩管糧
郎中劉繹王蓋監收知州趙瑾章英於遼東巡撫大同都御史
周南管糧郎中孫祿於大同各該鎮巡等官監造糧草而趣
其納畢仍解送鎮撫司奏請處治萬等以任內所收糧草有泄
爛者逮繫詔獄責令其家屬往任所陪償至是奏乞容家屬還
鄉鬻產償納而躬赴任所監候事乃可完故有是命二獄逮繫
朝紳頗衆中外駭震人不自保瑾僅蓋日職矣○太監高鳳傳
旨分守宣府萬全右衛御馬監太監宋彬調鎮守甘肅等處地
方而以守備黃花鎮都知監左監丞張昂代彬御馬監左監丞
范模代昂○己未狀元呂紳率諸進士上表謝恩○陞太僕寺
少卿劉璣為太常寺卿提督四夷館璣本隸士劉瑾以其同鄉

故拔自外郎甫一年已再遷矣○管糧戶部郎中劉乾及知縣郭謙通判田泰指揮李英以永平禦陽驛燒燬草求命巡按御史逮問乾恐廢事請遣官代管戶部謙奏乃命御史斌繫乾等入京送鎮撫司考訊蓋觸瑾之怒也○判廣容美宣撫司并石梁下峒等長官司遣通犯張世宗等貢降香方物賜宴并絹疋鈔錠有差○庚申狀元呂拱率諸進士詣先師孔子廟行釋菜禮○辛酉命武昌左衛帶俸都指揮僉事于欽備禦廣西地方○南京內官監太監劉瑯等奏本監工作浩繁各匠逃故者多宜如在京例收取千名及行江西撥造瑤瑠者百名分彙於南京詣衛以備用工部議南京工作較之在京頗少况充舊無例宜將物故者僉補在逃者俟拏其瑤瑠匠令在監詣曉者教習不必取之江西得者特許收七百名瑤瑠匠止令本監教

習瑯等擅創例再奉奏優必罪之○壬戌增陝西河南等處鄉
試解額初給事中趙鐸奏今天下人才日多而限於制額如河
南隸七郡取八十人山東六郡七十五人陝西八郡三邊山西
三府五州僅六十五人不無遺才之嘆臣以取士之額河南宜
量增而陝及山東西俱如河南之數禮部議覆命仍會翰林院
多官議處分派地方廣狹以聞於是陝西增三十五名為百河
南增十五名為九十五山東增十五名山西增二十五名俱九
十議入報可且以會試分南北中卷額數不均自今中卷內四
川解額亦添與十名併入南卷其餘併入北卷南北均取一百
五十著為定規劉瑾陝入卷中益政手職御批鐸之奏其風指
而大學士焦芳欲併增河南之數又陰附和之變亂舊章此其一
云○癸亥授第一甲進士呂紳為翰林院脩撰景陽戴大賓為

編脩二甲第一名焦黃中三甲第一名胡纘宗俱為檢討舊制
黃榜賜第之後惟一甲三名即授官在二三甲者或改為翰林
院庶吉士越三年學有成效二甲乃授編修三甲乃授檢討是
歲焦芳為大學士必欲復其子黃中為一甲而所對甚劣同事
以芳故不得已真二甲之首芳乃言於劉瑾廷試錄併刻黃中
纘宗策及吏部奏選排等遂內批特授黃中官又并及纘宗時
議以芳之官非瑾不進而瑾之權非芳不張既謀其身又汲汲
其子孫廢廉耻壞法制辱科目甚矣○陞河南彰德府知府劉
聰為太僕寺少卿○命興化府立祠祀宋陳瓚陳文龍叔姪文
龍家咸淳狀元為同知拒赤院事兼參知政事以廣州亂充閩
廣宣撫大使開闢興化製二大旗書其上曰生為宋臣死為宋
鬼出入前導以矢無他意後林華以城降元文龍被執咬都等

往來誘脅不為動過抗謁岳武穆廟大恸不食而死瓚文龍之從父也以布衣召募義勇三千人功授林華復與化獻賦於朝遂命為興化同知戰守備至元將攻圍日急力屈咬都執而欲降之罵曰吾家世忠義寧能從爾胡狗求活耶咬都大怒車裂以徇至是福建左叅政熊達大理寺評事徐元稔各踰請立祠以表其志禮部議覆上曰陳氏叔姪死于宋季忠節可嘉其令有司立祠春秋致祭○行人劉瓚奉命往周府掌行鎮平王喪禮還任愆期詔以瓚不謹調為浙江桐鄉縣丞○命綏德衛署正千戶趙福子宗漢襲陞署指揮僉事仍食正千戶俸初達虜入寇福挺身禦之為所得走解至是宗漢應襲兵部議宜持加陞不為常例從之○命守備平虜城兼管西路援兵都指揮僉事姜茂於大同城坐營而以都指揮同知林寬代義守備陽

和城指揮僉事徐俊守備大同左衛城指揮同知劉繼兩易其任從大同守臣奏也○甲子戶部左侍郎兼左副都御史韓福以被命湖廣整理糧儲建議請令兩京府部諸司當該及辦事吏典納銀免考候選以補湖廣今歲所留京儲之數湖廣及附近浙江江西兩廣四川福建南直隸諸處良民許充承差知印吏典各府州縣陰陽醫學僧道官秩許其生徒及仕宦子孫違補軍民人等授以正七品而下散官或冠帶榮身各納銀有差舍餘及軍民許補武職百戶七十兩千戶以上至指揮使每一級遞增五十定與衛所間住原有官者每陞署一級納銀五十兩俱止本身又軍職襲替未比試總小旗未併給俱許以納銀免又請度僧六萬人預給度牒分派兩廣福建及江南北諸郡其銀俱預解湖廣又留湖廣歲解缺官皂隸贓罰銀兩以濟急

用事下所司俱議從之惟度僧以正德二年己度三萬八令減其數之半承差知印吏典亦以二年工部已奏請開納至是止行於湖廣江浙南直隸四處云○乙丑是日大雨雷電兩電○丙寅命改武定侯郭良子勦襲父爵○給正一副教致虛冲靜承先弘道真人張彥頤誥命○招撫肅州叛番且卜苦等還居沙州等城先是番族互相仇殺其部下判麻朵兒只并綽兒吉等先後叛去擾我邊境蔓引日張累招諭之不從至是甘肅鎮巡官才寬等遣撫夷百戶董傑往諭撫之會判麻朵兒只綽兒吉等皆死其弟姪男且卜苦帖木哥等聽招傑隨輕重以所齎布帛羊酒等物犒賞之不足至捐私藏以助其費又為補修阿丹舊城廣沙州城各令居之奏至兵部以傑功可嘉得旨陞傑二級寬俸一級仍以重書獎勵之○下景州致仕判官張蘭獄

初蘭為父副都御史瑋乞祭葬禮部議請詔以蘭父致仕平父
軌來奏漫下鎮撫司治罪故事京堂三品以上經考滿者俱應
得祭葬蘭之請不與例違而文致罪之亦瑾之招掌也○丁卯
陞直隸河間府知府陳珂為福建布政司左叅政○甘肅鎮巡
等官奏永昌當虜衝舊選西寧山丹涼州莊浪四衛遊兵二千
人統以遊擊將軍專駐永昌有警應援其後調禦莊浪等處而
永昌單弱且山丹莊浪涼州亦不可無備宜選其遊兵於各鎮
惟西寧去虜差遠舊所選遊兵宜仍留駐永昌其遊擊將軍徐
謙乞改為叅將以守其地兵部議宜從其請詔別選堪任叅將
者以別各衛軍充選為遊兵即以餘丁補缺務使足用

嘗以保老稱年其並進並其明以就下能其特列多臣
爵之及進亦所以中其也兵將嚴直到每爵皆備多製和者辨
野西華去氣嘉嘉善飲嘉莊丹皇以留錄永昌其並學惟革利
生嘉年特上山十歲未意其亦不下每漸皇並其莊亦特令觀
人法以起學惟年畢歸永昌存考厥對其到歸察其具考厥師
考會季亦名嘉嘉漸首並區寧山世第世其東四開莊其二十
到五野區開其以到利其嘉嘉其市其下至泰效○甘肅羅興
到分軍隨之於下與國皇山文校畢其亦對多部學也○丁卯
野身多矣下服無自亦年特其亦堂三品以上監考其嘉其嘉
明武宗毅皇帝實錄卷之三十六終

大明武宗毅皇帝實錄卷之三十七
正德三年夏四月戊辰朔享太廟遣駙馬都尉馬誠行禮○
陞刑部郎中黃清為廣西布政司右叅議○命懷守大同左副
總兵署都督僉事溫恭於中軍都督府帶俸○己巳降大僕寺
少卿公勉仁為都轉運鹽使司同知福建布政司左叅政熊達
為夔州府知府監察御史李璽為鄧州判官以勘審罪人擬斷
不當也○貴州宣慰使司土官右叅政安貴崇遣舍人安宗等
貢馬賜錦段衣裘等物及賜安宗等綵段鈔錠有差○大同朔
州馬邑縣地震有聲如雷○辛未陞保定中衛指揮使陳璽為
署都指揮僉事領本鎮正兵○陝西涇州雨雹大如鷄卵淪沒
人口及壞廬舍穀麥○壬申戶部尚書顧佐等奏紫荊關最為
要害近遣給事中張顛御史林茂達查盤本關新城倉糧料僅

足官軍一月支用請發銀六千兩貯於揚州以備軍餉詔從之
仍令善畫以聽後用○卷四以遼東都司都指揮僉事馬深充
右叅將分守開原地方○甲戌先是戶部請如年例輸銀分給
諸邊有旨謂軍屯民運諸糧輩所以供邊者皆有常規乃復輸
銀與之且開中引鹽恐有盜取浪費之弊令是臣議處於是戶
部集議言各邊勅昏取給屯糧後以屯田漸弛屯軍亦多掣回
守城邊儲始唯民運是賴矣而其派運之數又多通負政歲用
往往不敷乃以銀鹽濟之吾此似無長策今宜令鎮巡官月覈
軍馬見存及改物若干以杜虛報冒支之弊如納銀贖罪入監
補官諸例亦聽暫行民運屯糧供贖限完納無可以少濟邊餉
詔如議具各邊折糧銀兩有羨餘者仍責鎮巡官稽覈奏報有
如前任情浪費者道過卒回察及訐人告訐○甘肅鎮巡等官

太監鄧玉等請開鹽茶以濟邊餉不允令所司嚴徵歲通且運陝西各府州縣在庫銀一萬兩濟之○乙亥令巡撫延綏都察院石副都御史曹鳳致仕先是有旨令鳳回院管事鳳以病赴任遲故罪之○開武職納銀補官贖罪例提督宣大等處兵部左侍郎兼左副都御史文貴經畧邊關諸墩堡計用銀五十萬乃奏令在京及北直隸山東山西河南陝西遼東宣府大同延綏有願納銀授軍職者聽實授百戶一百五十兩副千戶二百兩正千戶二百五十兩指揮僉事四百兩指揮同知四百五十兩指揮使五百兩都指揮僉事六百兩軍於原衛所民人在京者填註五府屬衛在外者撥附近衛所帶衛俱止令終本身不支俸如曾納銀冠帶者許照數減除如有職故陞者百戶陞副千戶副千戶陞正千戶指揮僉事陞指揮同知指揮同知陞指

揮使俱五十兩正千戶陞指揮僉事指揮使陞都指揮僉事俱一百兩百戶以上陞都指揮僉事者照數遞加俱不加俸原管事者仍舊管事其有罪問發立功者每年納銀二十兩免其立功許冠帶仍復原職立功滿日照舊帶俸差操兵部議可賞又乙開生員入監及僧道給度牒納銀事例禮部覆議生員願入監者原賻百五十兩增廣二百兩附學二百三十兩在京北直隸河南山東遼東赴戶部宣府本處山西并大同赴大同陝西赴延綏各巡撫官處告納又發僧牒二萬道牒二千於在京及直隸山東山西河南陝西遼東宣府大同地方每名納銀十兩或八兩無力者勒令還俗僧道官缺其徒納銀五十兩送部准其承襲俱從之○兵部左侍郎兼左副都御史文貴復請借太倉所貯者以濟急用戶部執奏詔特與太倉銀三十萬兩及太

僕寺馬價銀十萬兩待義民僧道農民生員輸銀補還貴迎合
劉瑾意欲毀古墩臺而更築之內造箭窠銃眼以伏兵制虜而
其實無用傳者謂所借銀尚未出京而入瑾之門者幾四分之
一矣○魯王為東阿王陽鏢請封其庶長子當澆為長子禮部
言考之 祖訓止開親王與正妃年五十無嫡始立庶長子為
王世子並無郡王生前請封庶子為長子之例 上特允之○
命府軍前衛帶俸都指揮僉事高鸞於權武生營管操○以陝
西行都司署都指揮僉事為寧克右叅將分守永昌地方○是
日昏刻月犯軒轅右角星○丙子賜鎮守大同總兵官署都督
僉事溫恭蟒衣一襲先是遣徽重地多以侯伯出鎮間有蟒衣
之賜其後邊帥貢緣得用於是陳乞紛至而飛魚蟒衣之賜不
勝濫矣○丁丑起用太子太保南京禮部周經辭免禮部尚書

新命。上曰：卿累朝舊學，行老成持，茲起用，豈可固求休仕，所辭不允。仍賜令駢驛赴京。○命南京園子監司業羅欽順為民，以送親還。限政也。○給事中安金監祭御史張彥奏查盤陝西邊儲虧折數多，并劾昂羊督糧石叅政李思明。安惟學、石叅議張勛、僉事曹時指揮同知王欽、固原兵備副使高崇熙、胡經、巡撫陝西右副都御史孫需、張泰、曹元、左副都御史楊一清、石僉都御史劉憲各情，罪不一戶部議覆多遷官去任。及見提等項會一清等亦各奏辯，詔以思明專理，惟學經接管一清、鮑制供難辭責，各違掣鞫，問勛、崇熙俟鞫審當違以請。時憲俟前獄結正，併以上聞。需、泰元欵非久任專理宥之。○旌表魯府鎮國將軍陽鉞妾周氏，仍許附葬。周氏以民家女入侍，陽鉞謹慎溫良，陽鉞辛年甫二十一亦自縊而死。事聞乃旌為貞烈。○戊寅

初遣太監韋霽至兩廣查盤銀兩總督軍務右都御史陳金等
奏梧州府見在鹽糧軍實銀四十餘萬兩及廣東布政司庫貯
銀三十七萬兩有奇乞量留以備急用有旨止解五十萬兩入
京尋解監糧銀二十八萬兩至矣需奏報廣東庫貯銀視前多
二十七萬戶部復以請命需於已解之外仍解五十萬兩各府
歷年收貯錢穀仍命需備覈其數以聞蓋瑾欲檢括遺利盡歸
京師於是天下倉庫多空虛矣○降府軍前衛左所正千戶王
得清為百戶以當操三犯在逃故也仍令自今三逃者革職永
戍邊衛遇赦不宥○太監李榮傳旨以都知監丞高奈守
備永平太平寨青山營地方○己卯致仕太子太保吏部尚書
王恕卒恕字宗貫陝西三原人正統戊辰進士改翰林廢吉士
授大理評事歷左寺監條陳刑罰不中六事出知楊州府屢折

疑獄歲饑賑濟多所全活揚人立石頌之天順中擢江西右布政使轉河南左布政使成化間陞都察院右副都御史撫治南陽諸郡流民以毋憂去會襄陽盜起招起復會兵剿平轉左副都御史巡撫河南還南京刑部左侍郎丁父憂服闋改刑部巡視河防復改南京戶部值雲南多事遂改左副都御史巡撫雲南勸鎮守中官不法事沒其部下所得金寶勲戚咸憚之使人至夷方無敢索其賂者居雲南九月疏二十上言皆剴切由是直聲動天下進右都御史尋改南京都察院兼督巡江天改南京兵部尚書為同事者忌復以尚書兼左副都御史巡撫南直隸會蘇松諸郡災傷請停織造罷貢廠奏免稅糧數十萬勅中官王敬千戶王臣科索罪敬被收臣梟首于市中外快之復南京參贊時刑部員外郎林俊經歷張敬言事下獄怒力救之因

請罷永昌寺役尋加太子少保左右有嫉之者俄有旨落太子少保以尚書致仕 孝廟在東宮間愆名即位首遣使召為吏部尚書加太子太保在吏部抑佞俾獎名節振拔淹滯人不敢干以私有內批傳陛怒輒言天下官以待天下材奈何徇私戚妨公義有違白或因此業已行之則曰天下事設未當雖十易何傷識者以為名言愆過事執論不合即引疾求去每恩詔勉留會大醫院判劉文泰阿當道意誣奏愆愆疏辯下文泰獄事既白而愆求去益力 上允之命馳驛送鄉賜買銀三千貫有司歲給祿米人夫令 上即位遣行人齎勅存問至是卒年九十三諡開 上輟朝一日贈特進光祿大夫左柱國太師謚端毅給葬祭如例愆方嚴偉特敬歷中外四十年以身負天下之重屢疏時政多所匡救大臣完名終始如愆者蓋不考得云愆

子承裕令為戶部右侍郎。○庚辰令南京吏科給事中陳伯獻為民以守制違限也。○總督浙江備倭錦衣衛都指揮俞夢魏文禮得請給旗牌都給事中趙鐸等劾文禮冒請侵主帥之權。○祖宗之制斷不可長詔業已給吏置之曰今有違例妄乞者令所司參究。○辛巳巡按陝西監察御史張或奉勅清理寧夏等衛屯地新增四十四百餘頃詔該部從輕議處遂轉或為戶部主事在彼專理屯事毋得輒遷改而戶部議違境地上多山場沙磧所收甚薄前地歲入宜視舊再減畝徵銀一分草一束徵銀二厘有拋荒者亟召人佃種從之。○壬午調建綏副總兵姜漢分守涼州地方。○癸未仁祖淳皇帝忌辰奉先殿行祭禮。○禮部郎中許淳為山東布政司右叅議。○禮應天府府尹沈銳為南京刑部右侍郎。○甲申命南京都察院右

副都御史缺吏部會准提督操江南右副都御史雍泰巡撫其
肅等處都察院右副都御史才寬南京工部右侍郎張愨都察
院右副都御史李翰兩以名上俱不允至是復推愨與都察院
右僉都御史張綸乃以命瑄馬○今武進伯朱潔子本襲父爵
○陞四川按察司僉事唐希介為陝西副使○夜月犯南斗杓
第二星○乙酉初荆府車校以荆廣人見滿故改屬武昌衛者
四百人後厚烇襲封累請復之於是許以其半給授馬○隴西
驟雷雨冰雹平地尺餘停田禾禽畜○丙戌令吏科右給事中
丘俊致仕始俊奉勅清理延綏糧儲以疾乞致仕反行勘復奏
病愈欲還朝先奏繳勅故有是命○都察院養病右僉都御史
王霖乞致仕許之○命陝西都司署都督軍僉事任勛充副總
兵協守延綏地方○丁亥曉刻月犯羅嵬中星○戊子令清平

伯吳傑仍如父綜祿米八百石米鈔均支○陞山西平陽府衛
指揮同知錢清為署都指揮僉事守備靖遠地方○己丑 仁
祖淳皇后忌辰 奉先殿行祭禮○司設監太監吳海請添給
各衛所幼匠二百五十九名布一疋綿八兩香燭匠二百五十
六名米一斗戶部執奏不當濫與以開例端有旨減給之○初
河南民賈斌與再從兄凱謀殺再從弟澤按察司坐尊長殺罪
幼律俱論絞而凱已死于械繫河南道御史開具獄情送大理
寺審錄掌寺事工部尚書楊守隨劾二兄俱坐過重敢行再問
左寺丞王鼎寺正魏訥評事林富皆列署姓名既而按察司改
擬斌杖罪巡按御史房羸從之以聞都察院又疑擬杖過輕以
請內批欲從厚擬令清軍御史馬駿再鞠怒守隨等輕出入人
罪并瀛俱逮問時守隨已致仕鼎已陞少卿富已謫駁丞吳至

是獄具鼎誦遠方知蹂瀟奪俸五月富仍行巡按御史還門守
隨罰贖罪未千石輸邊蓋劉瑾怨守隨故同事中之惟訥以巧
佞與瑾合既得陞通政司參議仍聽其辯置不問○昏刻火星
犯右執法星○庚寅戶部尚書顧佐等覆奏漕運糧歲四百萬
石京通二倉止收三百六十五萬石除各衛官軍歲支三百六
十一萬二千餘石所餘無幾又所在因災徵銀致虧國賦請雖
今全運原擬之數從之○命工部遣官脩造上清宮弘治八年
宮燬於火正一嗣教真人張彥頤以請命內官監差官會同鎮
巡官依式蓋造給事中王紱等疏言蓋造宮觀財力甚多必待
年豐乃可時通脩蓋寧益二王府孝廟是其言命待二府脩
訖舉行至是彥頤累以請工部請行江西會勘王府工程已完
與未且度歲時民力可否與工得旨寧益二府脩蓋年久不完

其充所司候事者以聞上清宮如前旨差官蓋造○辛卯賜武舉中式安國等六十名宴于中府○太監李榮傳旨御馬監官勇士旗軍係禁兵量務其令太監谷大用提督太監楊春同都指揮夏明等坐勇士營太監李堂同都指揮田忠等坐四衛軍營○壬辰陞四川左布政使李善為南京都察院右副都御史初副都御史缺吏部以右副都御史崔麓右僉都御史王顏請詔令再推乃以善補焉善瑾鄉人也○陞通政司右通政黃寶為應天府府尹○哈魯使臣寓亦虎仙等來朝貢方物不與通事皮俊等借來自持邊鎮文移投進鴻臚寺大通事王永疏請究治茲弊上命禮部查詳以聞至是駕亦虎仙亦素永有所需求且妄加凌辱禮部言哈魯乃邊境藩籬既已回化入貢所遣使臣程宜懷輯倘失其心恐生他釁時永方在豹房供奉寶

恃寵橫恣有旨令勿窮治特戒永後宜加慎以全大體馮亦虎
仙命禮部并大通事善諭之然馮亦虎仙實吳方巨蠹構結諸
番大啟邊釁被逮至京復為權姦所庇隨扈從南行後竟斃於
獄云○發陝西布政司銀一千五百兩給莊浪衛都指揮僉事
曾經買補馬匹以土軍報難編其追補也○癸巳陞山東道監
察御史湯沐于湖廣刑部署員外郎事王事陸傑於貴州松江
府同知金山於四川俱按察司僉事四川之缺吏部擬陞鳳翔
府同知翟敬而以山陪敬在弘治初嘗以翰林檢討供事親藩
坐累落職尋蒙恩宥免起用瑾矯旨責吏部徇私反覆數十言
令凡有落職請成者皆不得徇私起用○賞雲南師宗州豆温
鄉等處獲功官軍指揮僉事王晟等紗絹布疋有差○錦衣衛
左所正千戶石文長南京守備太監嚴之埏已嚴病文義乞馳

驛徃省許之○遷湯王廟於湯原里廟故在山西榮河縣北四
十里瀕河附湯陵陵為河所蓋而祭所屋宇卑陋太常寺卿喬
宇請拓地脩蓋事下工部移山西鎮巡等官會勘易原在縣治
北七里古有湯祠宜遷廟於此從之○甲午陞山東布政司右
叅政李祿為四川右布政使○樹王奏原賞平度州白峰泊荒
地三百餘頃為州民趙賢等占據詔令戶部左侍郎王瓊等往
勘之瓊等奏原地皆旱蕪荒蕪每年稅銀四百八十兩皆抑民
陪納傍有未稅地四百八十餘頃宜權撥本府為業其初開墾
民人三百七十九戶每佃地一頃須量免雜糧一丁先是陪納
地稅民人一千六百八十二戶皆宜除豁廢百姓不納無地之
稅王府得政有田之租詔從之然續撥地畝亦多奪民之產且
仍杖賢等一百成之邊衛人不堪其冤焉○寧化王府華爵鍾

鈞子奇浚詣闕言其父請居鳳陽乞加恩宥并請賜冠帶封號
有旨遣人送是貽書晉王嚴為之鈔東寢其奏不行其說謀反
與僧來者令巡按御史究治仍令此後諸王有私越關來者幽
之鳳陽宜移文各府長史司俾知之○守備龍門所等處都知
監右少監孟山請改守備為水守許之○華山西慶成王府儀
賓胡世福職坐恃強買物歐打平人罪也○乙未增造御樂庫
房庫在東公生門之南時樂官減贖交結權姦錢寧為上所
喜故特允其請○賜慶府安化王寘鐫母妃楊氏坊名貞節并
與之勅楊氏故恭和王遼嬖妃也遼嬖死楊水漿不入口者七
日與之同死至是寘鐫奏故有是命○丙申陞吏部文選司郎
中劉永為通政司右通政提督陞黃○寧王宸濠初以偽歸奉
行荷葉賞珠與至是復乞進獎先德上命翰林院撰文諭祭

其先王且令各府不得援以為例。○以御製文集孝順事實四書大全資治通鑑綱目歷代名臣奏議諸書賜寧王宸濠。○古北口等處官軍各添月糧二斗每年以草束折豆散支一月以鎮守太監王忻等言邊軍艱窘草束積久泡爛故也。○秦府庶人公鍾公鑄與承奉賈能構諂訐秦王長子惟焯庇能奏公鍾等欺其年幼不遵約束詔公鍾公鑄有違。祖訓幽之鳳陽高牆其所奏兩詞俱置不問。○丁酉陞陝西按察使潘楷為四川左布政使直隸保定府知府董傑為山東右叅政。○命貴州新添衛都指揮僉事史勇守備永寧地方。○都察院右副都御史張本卒本字孟瑞浙江錢塘人成化乙未進士授南京工部主事累陞知府歷襄陽青州吉安三郡吉安多巨室豪族本繩以法不少貸歷廣東叅政湖廣右布政使陞都察院右副都御史

巡撫江西以盜起不能撫捕為言官所劾乃致仕歸至是卒本性沉摯遇事敢為故治郡有能聲及其為巡撫也名少損蓋其局董福淺辰布為難

大明武宗孝皇帝實錄卷之三十八

正德三年五月戊戌朔寧王宸濠被勅嘉獎及祿米衮衣之賜
奏請來朝謝恩計上從禮部議不允○安南國王黎誼遣陪臣
黎嵩等來朝貢方物賜緞絲段十襲歸四段并宴嵩等各賜金
織文綺等物有差○己亥陸少傅兼太子太傅戶部尚書武英
殿大學士王鏊子延素為國子生○陞太平府知府周進隆為
雲南按察司副使○庚子陞大理寺左寺丞楊潭為本寺左少
卿○陞山東按察司副使黃珂為山西按察使○降刑部主事
宋冕為金輅知縣時有守衛官遺失關防令軍人自首者刑部
止擬軍罪不及官為緝事者所發下錦衣衛勘之冕坐原問失
詳降之○辛丑給雍靖王妃吳氏養贍米歲一千石○代府襄
垣王府管理府事鎮國將軍任恮奏臣父恭簡王與山陰康惠

王俱為郡王今兩府宗支繁衍凡遇迎接詔勅及慶賀 高壽
正旦等禮俱赴山陰王府同行非便乞如慶成永和王例合于
本府行禮庶盡報本之私亦息不睦之訟禮部議覆迎接詔勅
仍赴山陰王府行禮其諸合節宜如仕地所請從之。壬寅端
午節賜百官宴于午門。陞開封府知府陳澍為山東按察司
副使。下史料給事中查柳史張或於錦木衛徽先是查或
查盤寧夏等衛糧草恭奏慶陽府同知趙楫并寧夏等衛指揮
千百戶等官丁廣等一百三十餘員請治罪楫及廣等俱令死
按御史遠問虧耗之數如近例倍償有死者責其家充納詔以
全或而恭不分情罪輕重下獄考訊并斥戶部尚書顧佐等受
國重託尸位拘情令其買田奏益別墮禮權如此。錦木衛總
旗江廷男輔等二人以捕盜報功兵部移文給賞禮部查優賞

例各給銀五兩文綺一表裏達蓋為到壇理事者也。甲辰
恭宗敬皇帝忌辰 奉先殿行祭禮遣駙馬都尉馬誠祭
恭陵。兵部奏武舉中式女國等六十七名請依條格陞級用之
報可仍令分往陝西三邊聽鎮巡官編之行伍有舉調用使知
地理練邊務若謀勇過人有功可錄者擢用之不得做托公私
潛回鄉里。乙巳以大理寺右寺丞王憲為左寺丞刑部郎中
董恬為右寺丞。丙刻金星書見于申三日乃減。丙午給武
定候郭勛歲祿一千石本色折色均支。賞分守萬金寺處左
恭將都指揮周知楊玉飛魚文綺一襲。丁未廣西鎮安府土
官知府應策官男岑澄遣官挾恭贊等來朝貢馬匹銀器寺物
賜紗綾如例。戊申遣大常寺官祭都城隍之神。己酉 仁
宗昭皇帝忌辰 奉先殿行祭禮遣駙馬都尉游恭祭 敬陵

○詔禮部選擇字主工部增修四夷館房舍從提督諸事太常寺卿劉璣請也。○庚戌遣太常寺官祭漢前將軍壽亭侯。○伊王謨錚薨王去王第五子也世祀張氏景泰六年三月十一日生成化四年十一月封却城王十二年九月二十八日襲封伊王至是薨年五十四卦間輟朝三日遣官祭葬如例謚曰定。○辛亥南京國子監司業缺吏部推翰林院編修溫仁和檢討周禎可補又謂其官雖類故自宣德九年後以事簡不除者久矣至弘治末因祭酒章懋擬陞後字刻未滿未祿之官乃持以編修羅欽順往署監事令當補與否乞 聖裁有旨既事閱裁章其勿補字尚書許進以當補之人皆內閣大學士東陽谷云以司業為專譯南則月在譯後省補之同官其考意欲擠編修汪俊南並以俊為東陽所厚且疑裁大頭之待及弟以為俊所取

士陰相汲引而使其子黃中不得列名一甲甚恨後且移怒東陽及周東陽之舉不及俊遂大書于闕下劉瑾聞之謂人曰黃中昨在吾家試梅花詩亦甚拙乃以不得狀頭為恨即使石文我語進南司業可依次擬二人疏中須及近年添設之意者不能擠俊于是乃愧沮云。給武進伯朱本歲祿八百石本色折色均文。侍印文貴以修造借太倉銀戶部尚書顧佐古往年宣大邊儲缺乏嘗借太倉銀若干擬以河東運司鹽價補還至今補猶未足貴請不可許遂有旨查究所司經管官吏並以舉奏遲誤之罪佐及員外郎王相等各奪俸三月侍印王瓊已遷史却著其不具疏自劾改南京郎中趙鵬已陞知府降南安同知員外郎李增已遷直政司叅議降克州通判尚書孫文張縉王佐已落職緣事郎中陳仁已降調俱省之理始以附瑾得史

却璋後惟其謝淳乃改之尚云。賜協于貴州清浪寺盧右叅
將都指揮僉事致勇飛魚文綺一襲。蜀王竇瀚薨王恣王弟
二子也世妃梁氏成化十六年十月二十七日壬申治四年十
二月封世子弘治七年十二月襲封蜀王王是薨計聞 上報
朝三日遣官祭葬如制諡曰昭。壬子陞戶部右侍郎吳文度
為左侍郎太常寺卿劉璣為戶部右侍郎。貴州亦水衛文燧
軍民廩倉三百十六家及城樓一座倉廩二座男婦死者二十
人。癸丑賜慶府華昌王真鏞昔經四書各一部。晉府章魯
寧化王鍾錫第六子奇俊赴京乞食未晉王請治其越閩奏據
之罪 上仍諭王鈐束令山西巡按御史究治具同行省王鶴
等罪以聞。裁革雲南寧州流官知州詹顯惟土官弘治十六
年新添流官知州至是地無卻御史吳文度以夷方地缺奏請

載章從之。○兵部以開原獲功官軍千戶李春等十人名上詔
陞賞有差并賞太監王秩白金二十兩文綺二襲右叅將耿賢
白金十兩文綺二襲。○甲寅也禮貴州按察司副使沈岸以病
乞致仕許之。○乙卯汝王奏歲祿萬石上支稞米二千石餘皆
粟奉况過災輸不及數乞給銀以濟艱窘戶部請歲支粟米內
仍改千石給王用從之。○陞和州總兵秦志雷晉通判謝汝暘
飛必登為府同知知縣張元春等為和州故事州縣官吏卻照
缺銓補無每缺推二員詩守照用者自陞竊柄始出內批蓋雖
細此必預聞之而後可遂其漁獵也。○賜分守錦表二城右叅
將柳信傑使以賜飛魚文綺一襲。○命柳信傑事韓勳子璽代
焉者柳信傑事璽例應授指揮使以中武舉陞著一級云。○
秦州禮縣天鼓鳴如雷。○丙辰哈容所遣使寫亦虎仙既入城

伴人皮俊及方物俱不至通事王景以失察下獄矣禮部後以
巡撫甘肅都御史才寬等不能廉督為言有言數覓寺夫丁審
察之罪而省之仍召礼部移文邊關以復夷人進貢悉從舊制
審其可否乃行。命署都督僉事胡忠於中軍都督府僉書。○
丁巳陞巡撫陝西都察院右副都御史柴昇為史部右侍郎太
常寺少卿張志得為本寺卿仍提督四夷館。○降通政司右叅
議任良弼為江西建昌府通判以封奏不謹故也。○復置萬全
都司懷安衛儒學學建于國初設教授訓導各一員止統閩以
兵營裁革本衛生員俱入萬全左衛學肄業王走指操同知宋
贊等奏復之。貴州明濠蠻夷長官司長官田糧以疾免其子
慶去詣代從之。○鎮守四川太監羅喬奏月中逢黑虎寨各番
叛逆久矣今皆歸順請錄深入招撫不避艱險者之功詔陞千

戶王玉華英等二十七人各資授一級指揮章璽等五人各署一級威州知州崔瑄等三人各俸一級實叅將馬隆等五人各銀十兩文綺一襲巡按御史陳威銀十兩文綺二襲加喬棟米歲十二石仍以重書勞之。戊午賜韓府隴西王旭休歲食鹽三十引。辛酉崇王奏長子次子未受封用度缺乏乞賜頒給上曰朕念親親之情因欲從厚但稽之祖訓祿未自有定制豈敢有違已別有頒賜兵戶部具移文長史司啓王知之。壬戌陞山東按察司副使李遊學為太常寺少卿提督四夷館。○改巡撫甘肅等處右副都御史才寬巡撫陝西。○勅戶部署印中事員外郎夏從壽為民以養病遠限也。○命故萬全都指揮僉事張澄子輔代為若都指揮僉事輔例應築指揮使以父澄所部有陣獲功未陞而平特陞署職一級云。○改南京留守

左衛指揮同知朱璋于南京錦衣衛奏書。○癸亥賜山西臨泉王歲食鹽十引。○甲子大監字崇傳言以御用監太監郭通鎮守金盞騰衛地方。○命平江伯陳熊充總兵官提督漕運兼鎮守淮陽地方。○春刻土星犯靈臺上星。○致仕巡撫寧夏都察院右副御史王均平均字德潤山東曹縣人成化己丑進士授河南大原知縣調信陽推監察御史陞湖州府知府以簡靜為治民安之遷河南右叅政右布政使左布政使進都察院右副御史巡撫寧夏者邊久戩其骨剝遂引疾乞休家者六年平均寬厚質朴無赫赫權柄皆以至通顯然亦不療職也。○崇仁崇文崇獻皆中甲科而崇文亦至卻憲。○乙丑監察御史李璞奏命清查甘肅等十二衛古浪等三所屯田還奏舊額實屯軍莊所種共一萬一千一百五十五頃五十畝為糧十三萬三

千八百六十餘石起科并指辦邊儲合餘人等所種共一萬五千一百七十六頃六十畝為糧八萬四千五百七十餘石惟西寧一衛田皆可望其他衛所實屯地一千八百三頃及起科地一百五十六頃七十畝該糧二萬二千六百餘石光同地撫都御史劉璋委都指揮陳璋左奉議李時等相度不堪耕種已請開豁今清出各衛膏腴田地共三千餘頃內以一千九百餘頃補填所闕務原額之數并餘地一千四十五頃俱撥軍士餘丁承種庶幾屯糧不缺但填畜衛扒整邊境廢常出沒田半拋荒軍治及墩堡以便瞭望耕種及治璋等既除荒地不能列廢以足糧數其罪難辭詔添築墩堡令鎮巡官議處以閱璋違閱璋等既還官去任勿究也日貴撫按鎮守等官時加閱規條見差改。旌表孝子段興等三人節婦張氏等十四人與直隸吳倫

縣學士孔承堯山東曲阜縣人國子主簿是山永日伯縣冬主
俱以廬墓三年表其門曰孝行張氏襄陽衛右所俱丁孫通妻
黃氏襄陽中所軍何汝妻張氏直隸唐平府曲周縣主貞李傑
妻楊氏真定府深州主貞張琦妻鄭氏浙江錢塘縣行人也謙
妻董氏海平縣民朱俊妻孟氏河內陽武縣民毛寧妻顧氏北
縣民袁儒妻蘭氏孟津縣民馬友妻貞氏陝西渭南縣民柴昌
妻韓氏涇陽縣民金珍妻楊氏山東曲阜縣民孔彥塘妻俱守
節不或表其門曰貞節鍾氏江氏俱江西贛州府興國縣人鍾
之夫曰陳玉琳江之夫即玉琳子鳳翔也兩世俱寡以守節聞
表其門曰雙節○兵部尚書劉宇言左侍郎文貴以防邊通宣
府右侍郎曹元以治飭通通州軍械之煩尚書難以獨任請增
增侍郎一員分理從之○丙寅陞西安府知府劉綱為山西布

政司右叅政仍掌府事網以計捕贖賊有功巡按御史秦保之
故有是命。命金吾右衛指揮使盧英守備寧武關。太監劉
瑾奏弘治十五年壬正德三年預解通遼東大同宣府寧夏甘
肅榆林各邊年例并奏討銀兩共五百四萬六千七百五十三
兩有奇之差給事中御史分行稽覈雜買糧料車束用若干折
放過若干見在若干有侵盜浪費諸弊從實叅奏戶部因言數
年之內各邊又有解去折糧折車戶口食鹽農民贓罰鹽價諸
類及帶運馬車夾紗布折銀兩共五百十二萬四千五百七十
餘兩亦宜通行稽覈 上是之勅左去科道官如數覈實以聞

明武宗實錄卷之三十八終

明武宗毅皇帝實錄卷之三十九

正德三年六月丁卯朔陞山西左布政使胡端為都察院右副
都御史巡撫甘肅。戊辰降監祭御史陳玉為湖廣布政司照
磨王照剛在京諸司文卷有理沒違錯稽遲差錯夫差諸弊亦
如例舉劾瑾矯旨謂王能舉劾各官過失可懼然于公廉及有
過者不分別具奏難以覩覓徇私罔上不任憲職乃降三級調
外用。己巳先是有人令錦水衛不時查點六科給事中違者
指名奏治是日該直指彈余寘奏工科都給事中許大錫不至
詢其故則稱一日已死矣時逆瑾方羅織文臣大錫恐中傷實
縊而死焉於戲死乃人之所甚惡也以朝廷耳目之官與中官
之橫寧孰死以求免于禍豈亦可傷矣。降監祭御史朱榮為
嘉善縣縣丞袁巡按雲南奏劾洱海衛指揮章表等侵欺錢糧

宜行提問詔以參官不明降之。○兵科給事中潘希魯監察御史劉子薦奉勅查盤貴州湖廣邊儲劾奏施州衛千戶蔣廷玉行良臣受賄執法尸部覆奏詔并重經管官員于是希魯子薦以查叅未明責其回護欺罔遣官逮繫下鎮撫司考訊湖廣巡撫右副都御史湯全管練右叅議章福管屯副使金獻民劉懋都指揮僉事張頌并廷玉良臣俱全巡按御史逮繫在京併勅時全已致仕福獻民已去任皆即其家捕之具按官巡撫右僉都御史劉纓已陞南京大理卿亦令自劾。○益王乞每歲自遣官詣金山口祭掃主世德地張氏墓祀部議非舊制。上曰遣官祭世王之誠本主矣但朝廷歲時自有祭祀其已之還以書後王。○庚午陞兵部右侍郎曹元為本部左侍郎南京大理寺卿劉纓為兵部右侍郎。○蔭故太保禮部尚書胡濙孫順為中

書令人○尚衣監太監秦文奏內庫收貯各色絳絲紗羅織金
閃色蟒龍斗牛飛魚麒麟獅子通袖膝襪并首臂斗牛飛仙天
鹿俱天順間所織近欽賞已盡乞如先年例派南京及浙江蘇
松等府依式織造工部覆奏上可之今織各色花樣絳絲紗
羅凡一萬七千四百餘疋內庫集服成化弘治以來頒賞甚謹
自瑾用事停織陳乞漸廣有未束髮而僭冒者濫賞日增民力
益不堪矣○辛未陞監察御史呂潔為山東按察司副使提調
學校是缺吏部允再推而不用王潔乃用烏潔素乏文譽實中
官奴婿又墮鄉人為提學不能校閱取士入試命吏視故牘名
次填之蓋有已中選而後在列者考童主入學違食後陳卷于
几墮日無語顧門子擇其文長者取之山東人至今傳以為笑
○戶部郎中劉乾張希先為工部守督理柴利開糧儲委官監

收既而查盤以虧折元烟奏遷問刑部請如近例加倍陪償
侍旨送地按御史查繫之如數完納以聞。壬申授行人司行
人何紹正師董宇鐸鄒裕盧綸李陽春王鑾張龍吳玉榮沈昭
李淳許瀚中書舍人于聰李憲太常寺博士王壙推官屈銓俞
泰如縣唐錦為給事中紹正鑿史料鐸裕綸陽春戶科聰鑾禮
科錦龍銓玉榮兵科憲昭淳刑科壙瀚工科泰南京史料。貴
州赤水衛火災燬軍民房屋八十六家男婦死者二人。命戶
部員外郎牽津仍查常德府香爐洲等處莊田七處共六百三
十餘頃給賜榮王時法已奉勅清查王所乞新樂等村土田矣
至是三後有所乞故有是命。癸酉太常寺少卿兼翰林院侍
讀新貴起復令復原任。以陝西右布政使李貢為山西左布
政使。給事中姜奎御中張斌以查盤錢糧叅官不當下詔獄

加項華安時災者二人已病腫盡死莫救中救大學士李東陽
等言兩法司枷詵因北尚以威著皆家思宥宜宥全或或定與
罪名或別賜發落則採緝得宜威恩兩盡以全朝廷待士之體
于是俱獲釋為民○甲戌南京大理寺卿缺吏部會推相大府
府尹胡富南京光祿寺卿張賓以請詔以富為南京大理寺卿
而以賓七十令致仕○徽王奏保典醫副高成內使李杰等官
禮科都給事中潘暉論其非制宜治長史承奏罪上姑宥之
令不得更奏其有徇次應補者聽以聞仍令禮部酌論天下宗
藩○分大僕寺少卿劉聰督理京營及宣府居庸塞雲古口
水平山海等處馬政○乙亥汪懔寧侯孫應雷于後軍都督府
僉書管事○提督太徽太和山兼分守湖廣行都司太監李興
奏擒獲強賊田思明等二千九十餘名乞錄有功之人事下兵

却覆言備典所奏皆親報之例者以爲功則盜息民安在在皆然而要功決賞者多矣錫予之典不可輕授况鎮北官并無奏報宜行巡按御史嚴實待旨凡與奏不先行查于是令人言禮陞賈俊一級常聰葉塲陞署一級言昂等給賞有差。丙子陞貴州按察使劉景爲陝西右布政使。丁丑命懷寧侯孫應爵于神機五千營著都督僉事李興于立威營靖遠伯王憲于五單營右掖著都督僉事胡忠於伸威營各坐營管操。戊寅刑部左侍郎韓邦同以三品六年考滿史部具奏內批陞本部尚書令致仕。陞甯永昌院外木中丞等履獲功官單一十人有差賞著都督僉事江維綵陞一級銀五百。交城王府鎮國將軍奇沙聽其下侍佐撥置執事等府學主事趙鳳鳳友梁世臣等率同列入府爭之毀欄杆石抑僉事時中擬世臣杖罪令

後學奇泚啓字埋府事輔國將軍來訊訴于上上怒命科道
官勘問然世臣鳳等七人遠中罪之捕佐等處治章奇泚祿未
三之一賄劫切實令普王嚴加官束。已卯造內官祭中富之
神。陞雲南左布政使熊祿為南京元祿守御順天府府丞胡
汝礪為府尹湖廣按察司副使張賁為貴州按察使。巡按山
東監祭御史周熊奏據永樂十七年遼東定遼左等二十五衛
原額屯田共二萬一千一百七十一頃五十九畝該糧六十二萬
五千一百四十五石至是田止一萬二千七十三頃該糧二十
四萬一千四百六十六石外給保練倉餘共二千三百一十四頃
該糧三萬七千二十四石又地畝田園之類共一萬一千四百
一十二頃該糧五萬九千五百四十石皆元年創法徵之以補
屯糧者今奉勅會查新增田共一萬三千七百二十頃該糧一

十一萬三千三百六十六石連共四十五萬一千三百九十一石撥之永樂開田多一萬八千三百五十頃而糧反少一十八萬三千七百五十三石緣永樂年徵之屯軍者比今多三之一又今租細相折該去糧一十三萬六千七百七十石小實少糧四萬六千九百八十三石有餘皆官保軍永種遊故屯田從輕徵收之故耳又永樂年間常保軍士凡一十九萬以屯糧四萬二千有餘供之而實供者又得自耕造外軍無月糧以是違餉足用今軍止八萬有餘皆仰給于倉邊外之田無復故耕軍餉古語亦實坐此事下戶却覆奏乞將已清田糧行各衛徵納從之○故都督同知李文孫均奏祖文以令人累立戰功至右都督進封高陽伯後失事降都督僉事再陞同知自起用以來嘗大戰于延綏開荒川及撫安哈密各有成功未陞而卒乞比成

山伯王通等例後還原爵立祠賜誥以示激勸事下兵部會史
禮二部議履言文以邊方土人備經險阻抵冒鋒鏑似有死而
靡悔之意故平能建立功石若念此量增伯爵賜祠加誥於以
酬其汗馬之勞懲其幽壤之靈是于表恤死者之中而寓激勸
生者之意待古文既誤事謬爵本難加增但念其曾有邊功特
從隆典贈伯爵其餘已之○庚辰故叢城侯李望無子令其庶
長兄曼襲爵○時分守邊防副總兵都指揮使孫成織金飛魚
衣一襲從其請也○陞賈而防河堡有功官舍旗軍二十七人
有差○南京刑部右侍郎劉憲卒憲字廷式湖廣益陽人成化
戊戌進士歷知縣御史大理左右寺丞止德二年陞巡撫寧夏
右僉都御史尋夏衛大沙井擇草場大墩卓十四萬三千餘畝
憲行官報僉事費時遠聞未結尋陞南京刑部右侍郎時劉瑾

用事遣給事中閔齊邊備以該驛隱匿燒燬悅梅范桐報違憲
下錦衣衛獄責償納遂元獄中然其皆罪不同麓問者竟之惡
為御史時總閱各道章奏頗有名及為寺丞奉命經畧邊徼嘗
募兵數人虛靡無用益其才美雅者可觀而忠實則不足也○
辛巳陝西按察司僉事李充嗣字制遠限令致仕○降陝西行
都司甘州後衛署都指揮僉事楊埜為左所正千戶坐違守備
不設被賊侵掠律應滿成而所司言其情輕故也○保定中衛
帶俸指揮僉事李永以索賄操屬史王景致死保定知府童傑
受索妻媳移大寧都司驗治以白子地按御史姚孝及永奏辭
孝後委傑及都指揮袁忠勛報生永改授論斬後再辭再勘如
初通刑部員外郎劉麟以富錄王謂景素病羸其死也在事限
一月之外許永改做永遂免單永復訟寃且歷誣劾官諸不法

事下巡按御史楊武毅問皆無實然謂永道愆拙景非故殺擬
永遠充軍情似可矜因劾傑忠等嘗聽永獄者十八員推鞠未
明皆有罪於是都察院覆議永挾私殺人當死不減得充軍足
矣而復誣蠹勘官其惡可知况今御史覆勘亦但言其情似可
矜而非實可矜也詔杖永五十仍全家發甘肅衛永遠充軍麟
猶以擅出死罪降二級除邊任傑等皆奪俸三月○壬午開政
神木千戶所先是朝陽崇文門外大木二取調撥鎮胡永平遵
化等三十四衛所軍士一千八護視神木至足陳志等奏其搆
宗在厥朝夕直宿散處各衛往來勤苦乞比蕃牧嘉蔬事例改
設一所兵部覆奏從之設千戶所鎮撫各一員百戶十員吏目
一員○勅養病都御史周季麟江西按察司副使何琛陳恪福
建鹽運司同知錢承德紹興府知府劉麟為民降監察御史姚

壽鄧州判官李璽馬是方驛至先是李麟之為巡撫密雲人李成強奪軍餘王信所得魚忿爭相毆信怒其妻劉氏不能助已擊之遂傷而死成懇于衛官李琮琮將捕信信復投河死馬承德時為兵備副使委經歷劉永知劉淮鞠之方成信互訟時成姪順嘗從傍詭信永淮聽成及證佐于成郭得山証鞫劉氏之死由順順坐絞承德遂以其獄呈於李麟及琛代為兵備順嘗奏辯亦勘擬如初後麟以刑部員外郎審錄壽及恪璽以御史相承巡按皆不與辯至是順中懇得白乃釋順而執成等下錦衣衛獄發通州衛未遠充軍永淮坐誣勘論成遣衛季麟等亦皆以是得罪云○癸未陞巡撫陝西都察院右副御史才寬為刑部左侍郎○籍江西南康縣民吳登顯等三家先是設立西廠令太監各大用領之分遣還卒四出判民間陰事登顯等過

端午為競渡之戲蓋江南舊俗也邇卒歸報以為擅造龍舟遂
罹此禍自是四方傳聞遠近大怖偏州下邑見有華衣怒馬作
京師語音者輒相警告劫踞有司聞風密賂之冀免奇禍亦無
賴子虛唱以售姦獲利者天下皆重足屏息薰然喪其樂生之
心矣○詔許交城輔國將軍表杙襲封交城王爵表杙鎮國將
軍奇瀟之次子莊僖王之孫也莊僖王二子長曰奇溫襲爵薨
而無嗣奇瀟當立亦卒至是禮部以表杙宜襲從之○復罰唐
故唐人申鋒華陽王爵申鋒在 憲廟時與鎮國將軍申錫訐
奏各號爵職至是其子寅正襲封授代府武邑王聰沐例乞追
贈送其父母禮部議宜勿與復奉旨會議於是會吏部尚書許
進等上疏謂 祖宗以義訓宗室故凡有繼欲敗度者必革爵
以示懲 列聖以孝治天下故凡有為親祈恩者亦原情而加

宥中鐘與聰誅事不同科贈謚誠不宜與但寘汪之請情有可
惻蓋以身為郡王而公無封爵春秋祭奠稱謂無據宜原情酌
禮量與爵封俱使庶享庶幾君恩同法可並行而不悖文
上復申鐘爵而已其謚○甲申以廣西右布政使俞傑為雲南
左布政使○宣寧王成銘奏澤州知州胡軒侵欺錢糧等罪命
科道官勘問不實軒止坐公用那移得旨軒對品調別首成銘
革祿米三之一賜勅切責○乙酉給方山王府故鎮國將軍鍾
鍾夫人劉氏恭贍米歲五十石○總提督糧儲戶部尚書右侍
郎林津奏太倉庫銅錢二百二十五萬三千六百餘文皆成化
十六年發糶倉米所積粗雜錢請如原擬每文抵鈔一貫給直
謀密聖後衛官折支月俸從之令均派各府衛分○復錦衣衛
通例降級五千戶孫錦孫祿為指揮使錦祿 宣廟章皇后親

屬也○陞守備軍武備指揮使盧英為署都指揮僉事從其請也○丙戌陞浙江杭州府知府楊孟瑛為順天府府丞○鎮守河南太監廖堂奏保司府等官賢且樞某陞某調下吏部議多從其言吏科給事中何紹正等劾奏謂明揚人才固有常職銓叙品秩當出 聖裁今堂雜奉有壘書訪察賢否自當從公上達付之吏部况鎮守舉人才自昔所無堂乃徑情妄作專權自恣輒敢指名照缺陞調濶一己之私壞 祖宗之法紊亂成規漸不可長望特施宸斷置堂于法庶專權之咎懲而奔競之風息矣 上然其言謂堂保舉官員輒擬陞調有傷治體令從實自陳其所保奏官員仍令巡按御史察實以聞○濟州衛右所副千戶高鑑以受賄縱守衛軍降百戶調山西平遙衛其母賈氏奏年老不能隨行乞留婦李氏侍養 上憫其情特免鑑調

衛○戊子兵部言太僕寺寄收馬價專備京營及各邊買馬之用今各處借支奏給及支用羨餘之數既已查明合咨戶工二部將借支者補足行陝西延寧甘肅宣大鎮巡官將買補過馬價查明奏繳如支用不盡者亦具數奏報其味西二次詔兩行巡撫官將已用者造冊奏繳見在者解部發寺以候買馬認借支者亟還奏給者亟報支用有餘者亟送部交納如有違誤侵欺之弊聽舉劾治罪○大同總兵鎮守官節報虜警兵部言虜以盛夏深入大同使我疲於奔命今雖收斂人畜堅壁清野以待之然虜盤踞既久則在我防範漸疎宜移文提督機務左侍郎文貴督守臣嚴加防守及羅村西山等墩失事官軍宜行究治詔文貴等已勅之矣夫事者令巡按御史勘實以聞○命會昌侯孫鉅掌府軍前衛事○命中都留守司副留守李清大寧

都司署都指揮僉事朱忠河南都司署都指揮僉事呂璧山東
都司都指揮僉事周琮領班京操○勒山西巡撫右副都御史
徐節為民罰米三百石輸大同以充馬廣東布政使時強賊梁
苟龍等肆行劫掠督捕欠嚴為巡按御史所論劾也○己丑山
東布政司裁革左叅政魯煥乞致仕許之○給遼府故輔國將
軍寵凍夫人何氏養贍米歲五十石○致仕都察院左都御史
張敷革卒敷革字公實江西安福人天順甲申進士改翰林庶
吉士授兵部車駕主事累遷郎中出為浙江布政司右叅議溫
處礦盜竊發時議欲進兵敷革獨主撫諭數十人皆聽撫特實
自惡十二人於法鎮守中官林珍玩進奉蕩棗或有所獻敷革
獨心恥之遣右叅政進右布政使弘治初擢湖廣左布政使荆
王膺守臣取蘄州為府第敷革獨不肯署秦王竟以驢敗削爵

權右副都御史巡撫山西請太原以北富饒大同可通輓運者
仍運米以免折納之困改陝西妖僧據山為寇以計擒之并擢
南京兵部右侍郎又權右都御史總督漕運兼巡撫鳳陽等處
僅貴于請悉拒勿納高通政者與戚里有連貸運舟以規厚利
其憂奴怙勢欺華庶得之痛加撻撻不少容改莅南京都察院
事又遷南京刑部尚書尋召為左都御史掌內臺事請嚴天下
有司貪酷之禁會獄重獄有寵臣坐法或疑末減數華執不可
平從重議正德初逆瑾竊柄忽內批令致仕至是卒瑾敗後二
年始贈為太子少保謚簡肅追賜祭葬皆如例數華風米耗重
寡言笑樹義利若黑白事有不可不曲為遷就進退得失未嘗
一動其心士論重之○庚寅以巡撫大同右副都御史崔巖巡
撫陝西等處地方○陞貴州布政司右叅政孫春為廣西右布

政使。針工局奏正德三年成造內官長隨內使小大者李
榮等一萬二千四百二十員年例鋪蓋人用白綿一斤戶部查
無見貯詔庫斤折銀五錢共折銀六千二百一十兩給之。大
同平虜城災焚毀草束一百四十七萬工料給事中既等奉命
往查奏勅都指揮僉事姜義等有失防護詔令各罰米有差其
管糧郎中王紳行巡按御史琰事寧完問。先是哈密忠順王
辛無嗣土魯番酋長速壇阿力據其城卒死弟速壇阿黑麻立
朝廷令忠順王甥都督罕慎守哈密為速壇阿黑麻所殺復求
得忠順王之裔陝巴立之速壇阿黑麻又拘之及我與師征剿
還其貢賜于遠方速壇阿黑麻乃送陝巴歸哈密巴嗜酒搢
剋衆心不服頭目阿字刺等構於速壇阿黑麻逼陝巴棄城走
沙州立速壇阿黑麻幼子真帖木兒為王朝廷遣人往諭仍令

陝已復國阿孛剌不聽都督奄克孛剌回使人誅之陝已始歸
朝廷命送真帖木兒曰土魯番時其父已死其兄速壇滿達兒
立兄弟讐殺真帖木兒求依於都督奄克孛剌使人慮陝已忌
之取入居之於甘州正德元年陝已卒子速壇拜牙即襲爵速
壇速兒乃通和於哈密且遣使人入貢求其真帖木兒甘肅巡
撫總兵官為之奏言留之則彼得為解復讐哈密不若因其納
貢來請而與之乞給真帖木兒衣服靴帽珠段及原來虎使亦
量給之賜宴遣還仍請勅者諭本番令其歸化從新又言土魯
番來練段三百哈密忠順王無以應之使都督奄克孛剌至甘
州陳乞亦當量為給濟以慰其心事下兵部議得土魯番恃其
族大種惡侵虐哈密欺竄王母奪其土地傷軍慎逐陝巴穩惡
既久天實厭之今見速壇拜牙即既有哈密又得我中國杆款

聲勢漸張顧乃早耕求貢以請真帖木兒為名其真帖木兒為
留我郊正得古人質其所親愛之竟未可即發宜移文該鎮守
臣再行議處須仍要其定約敦忠信保疆域善睦鄰邦共圖永
久然後降勅開諭其真帖木兒雖被虜留館穀豐厚始以孱弱
入今以強壯出亦是朝廷懷柔之意守臣盡先以此訊彼情款
得其肯綮具實奏請其乞絲段亦合查處跪入得旨命鎮巡官
審度議處務求至當奏來處分速壇滿達兒奄克字刺令該鎮
官量加賞勞○辛卯昌化王府鎮國將軍成濟南渭王府鎮國
將軍膺銀各乞封其生母為夫人 上以非 祖宗舊制不允
時寧王宸濠請以其宮人方氏徐氏為夫人皆得允故各王府
多引以為例云○甘肅開化都督余夢劉勝自陳在邊年久有
克復哈密撫回罕東赤斤番夷及斬獲虜首之功乞回京養疾

以便祭掃得旨召塔是別用所言功次兵部有詳以聞○命蘭州領軍署都指揮僉事楊義守備環慶地方○壬辰孝莊睿皇后忌辰奉先殿行祭禮遣駙馬都尉黃驍祭裕陵○是日午漏下朝後御道上遺匿名文簿一卷侍班御史秦之司禮監隨傳旨面加詰問諸司官皆跪於丹墀午後執後班三百餘員通送鎮撫司完問次日大學士李東陽等奏曰匿名文字出於一人其陰謀詭計正欲于稠人廣衆之中掩其行踪而遂其詐術也各官倉卒并起豈能知見况一人之外皆無罪之人今併置縲絏互相驚駭且天時炎熱獄氣薰蒸若徇學數日人將不自保矣惟皇上仁急好生虛普燭物望特降綸音先行釋放而後密加體訪寘之典刑上從而釋之時暴而死者刑部主事何鈺順天府推官周臣禮部進士陸伸昭而病者無筭○命

給屠腐關軍士馬一百二十九匹時馬死過詔贖其償款也○
癸巳御馬太監谷大用先是奏請訪求各番西兒驛馬扇馬
下陝西甘涼鎮巡官鎮巡撫官問諸羌使云馬出於天方國遠
不可至差人往求非惟致有踈虞亦恐徒勞無益欲諭各番貢
回使臣傳諭各番令其互相傳至天方國曉諭者五頭目選擇
善馬入貢事下兵部尚書劉宇言前馬係內厰孳牧應用之數
宜移文甘肅鎮巡官選差官員率領通事前赴各番善諭之則
良馬可自至○上從宇議○命鎮遠侯顧任隆兼管紅藍將軍
○甲午孝穆皇太后忌辰奉慈殿行祭禮遣駙馬都尉黃
鏞祭茂陵○大學士李東陽等奏呈上比禾廟精國治威
令大行中外臣民罔不悚懼但霜雪之後必有陽春雷電之餘
必有甘雨比圖上天之道君人所當法者臣姑舉一二上塵睿

寬如逃軍及揚馬人犯該令戍邊而富主鄰佑火甲發戍近衛
雖亦懲姦至意然罪有差等請量情擬之或責限令其自首如
各衙門有犯通查歷年經該僉書職名追完懲治雖亦除姦至
意但以一時之失而窮一二十年之遠以一事之差而累數十
人之家非惟人才難得抑且情有可憐請於侵盜錢糧并受賄
人命重情不宥外其犯公錯者罪坐本犯經手者止坐該年選
官去任者依律發落如各處查盤糧草虧折浥爛者罪追巡撫
甚至加倍追償雖亦慎重錢穀至意然職有大小責有專否陪
補虧折律有明條管糧管屯等官固難辭責若巡撫之職督理
欠嚴刑無侵盜情節從輕罪然如各處見差官校真偽莫以
聞有假名繞法罪違各官雖亦杜絕時弊至意但遠風驚起請
於輕犯責令撫按問擬前項官校罷其差出真者不差刑偽者

無由而入疏入上嘉其深為國計切於輔治然以見逃官軍
并虧折糧草皆重事猶令該部斟酌以聞○兵部言近緝捕逃
軍一弊置之於法劫之使為惡群之使合謀非善計也乞令在
京者自命下日為始限三月內赴部投首免其送問發各營衛
供役在外者自移文至日為始限三月內赴清軍御史及布按
二司清軍官投首一體免罪解發補役限外不肯告者仍照舊
例緝捕從之○乙未陞通政司右通政熊偉為都察院左僉都
御史巡撫大同地方贊理軍務○朝鮮國王李暉遣陪臣左議
政朴原宗等貢馬匹方物賜宴并金織衣綵段絹物有差○命
署都指揮僉事劉瑁守備永平等處○丙申陞山西按察司僉
事胡希顏為江西副使平陽府知府張文佐為山東布政司左
叅政○詔授孔子六十二代孫衍聖公孔聞韶族人孔彥遷為

涿州書院學錄孔彥章為尼山書院學錄。致仕都察院右僉
都御史楊登卒澄字忘父四川射洪縣人成化己丑進士授行
人摧監察御史嘗董兩淮鹽課築泰隄以直鹽利人便之擢北
直隸雲貴等處有聲歷大理寺寺丞左少卿陞右僉都御史巡
撫山西兼提督鴈門等關頗留心邊事致仕後嘗施地為義塚
及出穀濟貧鄉人多德之者

大明武宗承天達道英肅睿哲昭德顯功宏文思孝毅皇帝實
錄卷之三十九

明武宗毅皇帝實錄卷之四十
正德三年秋七月丁酉朔享太廟○命忠義右衛署都指揮
僉事王勇分守通州等處地方○戊戌蜀府華陽王賓証奏乞
湖廣澧州安鄉河泊所魚課戶科都給事中張弘至等劾其擾
民生事乞行巡按御史罪其輔導等官并撥置營謀之人從之
○益王奏先年之國原給賜食鹽一千引弘治十四年以後止
給三百引乞仍支舊數以資日用戶部執奏因言王府食鹽原
無運司支給事例自正統年間始有之其後各府遂援例以請
共計歲支鹽一萬餘引給賜已多奏乞未已該部會議凡賜鹽
一千引者俱照襄陵王例止支三百引奉有先帝旨欽遵已
久難以再更仍乞參究該府承奉長史官員不能輔之罪上
可之○己亥以行人郁侃何沾學錄林偉汪景芳助教周謀張

祐學正夏廷芝知縣劉經朱儼曹岐薛鳳鳴王綸賀銳雷宗平
世用楊鳳馬溥然推官范高尹綸李錫俱為試監察御史佺偉
浙江道經江西道祐福建道高湖廣道儼廣東道岐廷芝廣西
道鳳鳴山東道綸山西道銳陝西道綸宗四川道世用雲南道
謨錫貴州道鳳南京浙江道溥然南京湖廣道沾南京廣西道
景芳南京貴州道○陞賞大同寧陽鋪并管家堡獲功官軍一
百人有差鎮守太監侯能歲與祿米十二石巡撫都御史崔巖
陞陞一級總兵官署都督僉事溫恭左副總兵署都指揮同知
馮昂陞實授協謀御史郭東山區畫糧草郎中王紳各賞白金
五兩文綺一襲都指揮僉事陳勛陞署都指揮同知○總督兩
廣都御史陳金太監潘忠總兵官毛銳廣西副總兵康泰太監
蔡昭等各遣千戶等官來獻柳慶之捷先是柳州府馬平洛容

二縣獲賊數萬為惠金等會調兩廣漢達官軍土兵并借湖廣官軍分為四哨委秦等從柳州三江鋪等地方四路進勦共擒一百二人斬六千六百三十餘級俘一千五百餘人押慶遠平捷上詔賜勅獎勵齋奏者陞賞如例忠昭仍各歲與祿米二十四石金陞左都御史秦陞實授一級特紀功巡按御史盧翊己遷官而代者未至金等恐造冊稽誤陞賞後期士卒解體以為請乃命翊俟造冊完日乃赴任○庚子人仁孝文皇后忌辰奉先殿行祭禮遣駙馬都尉蔡震祭長陵○禮部以光祿寺牲口缺乏先是借用太倉銀十三萬兩無可補還乞再鬻僧行度牒一萬五千張酌量南北地方多者價十三兩少者八兩取補負欠戶部之數從之○今起復廣東按察司僉事方良永致仕良永守制遠限三月例應免究吏部請以補河南信陽州兵

備撫民僉事之缺是缺乃私治間所添設者也瑾嘗謂先帝
崇重文臣言及輒鯨斷不早凡私治間政令皆欲革之於是矯
旨責吏部賞緣作弊且謂新添官職既議革矣而袁永何乃營
謀選補遂有是命○給事中張賢監察御史閻睿等奏查釐甘
肅沈岷等糧料銀兩草束之類自私治十七年迄于正德二年
十二月汜爛侵盜數多已將經該官吏人等問擬監追其督理
官員副使高崇熙張天衢李端澄參議賈璇僉事王相官賢行
太僕寺卿陳寬寺丞田美俱合違問并劾巡撫都御史畢亨曹
元揚一清張泰才寬等罪戶部議覆各官多違官去任會亨等
亦各奏辯詔端澄相璇美行巡按御史逮繫追陪餘皆宥之○
兵部奏守備山丹署都指揮僉事汪淮及百戶范榮等坐虜賊
入境搶掠法應謫戍但情輕律重淮又頗有新獲功可錄總兵

都督劉勝副總兵都指揮白琮都御史曹元皆當罪而勝罷元
邊例應宥詔榮等各降一級帶俸差操准罪准以功贖勝元皆
宥之琮免逮奪其俸三月戴罪殺賊○壬寅陞通政使司左叅
議叅蒞為右通政○給事中潘希曾等查盤湖廣各邊挑川等
倉庫糧料以汜爛虧折弊多劾管糧叅議華福管屯副使劉遊
宋文金獻民巡撫右副都御史韓重王鑑之湯全經收屯糧千
戶蔣廷玉舒良臣時全福遜獻民及廷玉良臣已逮繫令鎮撫
司併鞠之鑑之到任未久重已遷官文已致仕皆宥之重乃奪
俸五月○命守備天壽山龍驤衛帶俸署都指揮僉事王輔
守備懷來城○甲辰調刑部員外郎李天衢為陳州知州初天
衢坐公罪法應運戾遂職堦矯旨責其羸俗無才調之○陞守
備歸德等處南陽衛指揮同知李鯨為中都留守司副留守○

乙巳蒙王將之圖辭長陵等陵之降致仕陝西都指揮僉事
苗英為指揮僉事仍致仕追論其固原失事罪也○丙午巡按
福建監察御史羅善奏福建都轉運鹽使司所屬上里牛田海
口等三場竈丁附海者十二例納鹽依山者十八例納銀及開
中支與商人亦鹽二而銀八以行鹽地狹報中者少三場見積
銀九萬三千六百五十兩有奇自後每年仍有八千三百六十
三兩之數宜將弘治十八年以前所收銀七萬六千九百三十
兩起解赴部以供邊餉其餘正德元年以後徵收者則仍留備
支商戶部議覆既地狹報中者不多不若免其開中自後每年
附海所納鹽亦易銀起解其在司存積額辦沒官囚徒等鹽共
二十三萬五千三百九引盡行定價變賣併見積銀一體差官
解部從之○發太僕寺馬價銀一萬七千三百二十兩給宣府

買馬○陞大寧前衛指揮同知王壽為署都指揮僉事守備
天壽山○丁未 太皇太后聖旦命婦朝賀○戊申命武平衛
指揮使石璽守備歸德武平等處地方○己酉陞通政使司右
叅議羅欽忠為左叅議○孔顏孟三氏學生員孔弘禮等奏欲
如天下學校例得納銀入監 上允納六名以其入學先後分
為廩增附學各二名以為納銀多寡之數特以財用匱乏要開
納銀事例士風日壞故雖聖賢之裔亦有此請可慨也○庚戌
詔許武靖伯趙承慶之子弘澤襲伯爵○辛亥中元節遣駙馬
都尉馬誠崔元林岳分祭 長陵 獻陵 景陵 裕陵 茂
陵 泰陵文武衙門各分官陪祭○烏思藏闡教王遣番僧頭
目堅替劉掛等并王子遣番僧你麻藏卜等各貢馬及佛像等
物賞綵段衣服有差○壬子 上諭鍾鼓司太監康能等曰慶

成大宴華夷臣工所視當舉大樂近來音樂廢缺非所以重朝
廷也於是禮部詳請選三院樂工年力精壯者嚴督教習從之
仍令禮部移文各省選有精通善業者送京供應自是筋斗百
戲之類盛於禁掖矣○晉府雲丘王儀賓韓瑀以錢貸人有欠
負不償者與之爭聞入訴於按察司相公座呼號不遑僉事采
天球不知瑀為儀賓也欲刑之聞瑀申辯乃止既而聽其訟又
不令貸者盡償所負瑀銜之誣以他事奏天球亦訴辯上令
法司錦衣衛往會鎮巡勘之瑀復奏建僉事蕭淵時中獄上詔
稅瑀冠帶令習禮罰天球俸五月調別省淵中各俸三月○兵
科給事中潘希曾監察御史劉子厲查盤邊儲復命以叅官不
明下錦衣獄仍闕下杖之三十發為民○癸丑南京工部右侍
郎張恕辛恕字希仁順天霸州人成化辛丑進士初授山東夏

津知縣入為南京山西道監察御史弘治己未遷河南按察司
副使專修河道乙丑遷雲南按察使正德改元權南京都察院
右僉都御史提督操江尋進南京工部右侍郎卒于官賜祭葬
如例恕清慎篤厚性儉素雖老且貴如未仕時始終三十餘年
田廬無所增益卒之日家無遺財士論賢之○甲寅 太宗文
皇帝忌辰 奉先殿行登禮遣駙馬都尉游秦祭 長陵○遷
東總兵官毛倫奏欲令副叅遊擊三司等官文移體統俱如制
勅聽其節制且欲每歲巡遼陽及東西二路以飭兵備兵部覆
倫言良是但應勅倫諸務須與鎮巡等官協議而行庶不以專
而儼是之○兵部議覆英國公張懋奏彈忠効義二營原選合
餘一萬八千六百有奇嘗選七十餘人送團營今見操之數不
及九百以衛所官員隱占戶丁不報故也宜移該營提督官稽

勾送補得旨隱匿者許自首免罪否必并家屬徒邊潛佑人等
不首者罪如之○命管領偏頭關遊兵鎮西衛指揮使李經與
大同領班操備者都指揮僉事劉鎮更易其任以大同地重鎮
之謀勇不及經故也○乙卯山東都轉鹽運使司致仕運使連
盛生拖欠鹽折布銀繁獄具奏辯理且言為判官嚴蘭并各場
官吏總秤人等作弊所累下戶部覆議因言高家港場鹽課當
折銀解部彼時御史秦銳不行查奏止據同知林煥勤報徑徵
布正合并罪之詔蘭并該場官吏人等令巡按御史查提究問
嚴限追完煥銳亦提問今後鹽課俱納銀不必折收布正是獄
之真巡鹽御史宇文鍾增俸二級以訟受服聞者愧之○英國
公張懋奏劾官舍人立營操練蓋益其漸知事體以備任使也
今按旗手等衛都指揮千百戶等官實二萬三千七百有奇而

見操官舍并在逃者較之官數纔十二餘俱隱藏在衛乞會官
清查送操下兵部議請移文存恤科道官及本部委官按籍清
查但年十七以上者必送營操練而後聽其襲代或隱而不報
報而不送者俱如例參究其已送而三逃者於祖職降襲一級
庶人不怠玩從之○淮安府山陽縣兩電如鷄卵狂風暴雨交
作毀傷秋禾二百餘頃壞船一百餘艘溺死者二百餘人○丙
辰陞兵部員外郎潘子秀為江西按察司副使提調學校○調
浙江都司都指揮僉事牛洪於江西都司四川行都司都指揮
僉事句璽於廣東都司僉書管事以不勝任故也○戊午榮王
之國是日 上御奉天門早朝畢退寶座後王冕服至御前行
五拜禮 上賜玉酒送至門東階王叩頭而下 上目送至千
門王叩頭闔 上還宮○賜給榮王長蘆鹽三百引從王請也

○起復浙江布政使司右叅政雷士梅乞致仕許之○詔裁革山東福建管海并南直隸管屯兵備副使○兩浙都轉運鹽使司解到水腳鹽價銀一十二萬六百三十兩有奇詔以十萬兩貯太倉以待邊需餘進內承運庫○己未陞提督操江南京都察院右副都御史雍泰為南京戶部尚書後四日遂令致仕或謂其不媚中貴也○巡撫遼東贊理軍務左僉都御史劉啟奏遼東地方山海隔阻舟楫不通原無民運止有田糧每年所入止足歲用三分之一今倉庫空虛軍士缺食查得所屬二十五衛衛有鹽場每年例該煎鹽三百八十五萬六千四百三十斤給軍食用但鹽場去衛頗遠運送甚難欲自正德四年為始每年鹽課通收在場召商中買所得價銀俱聽管糧郎中召商雜買糧料以備官軍月廩如此則邊儲有助而鹽課不致虛費戶

部覆奏從之仍命陞職一級賜勅獎勵且令事有可興業者其
悉以聞○給豐城侯李旻歲祿一千石本色折色均支○命金
吾右衛指揮僉事司銘提督古北口等五營把總以都指揮體
統行事○調大寧都司都指揮僉事劉昶於浙江都司江西都
司都指揮僉事徐永於四川行都司俱掌印管事○庚申禮部
奏利正德三年殿試錄上命一甲呂柟等三名二甲第一名
焦黃中三甲第一名胡纘宗並錄所對策舊制殿試策止錄一
甲所對三道時大學士焦芳私其子黃中故特命錄之○太監
劉瑾奏訪得揚州兩淮運司商人杜成等各名下革支鹽引一
百一十六萬引堆放在庫若不早處日夕釐生乞差科道官各
一員往督運司等官查盤見數變賣銀兩解京送庫戶部議覆
有旨遣給事中御史各一員駝驛以往限三日起程○辛酉給

慶雲侯周壽豐潤縣采安務莊田八百七十頃初壽有賜田一
區在寶坻因與建昌侯張延齡土地相連 茅廟聽其辭以給
延齡而以豐潤田與壽時豐潤田尚屬茶府待之國乃給焉其
後雍靖王妃吳氏奏乞莊田詔亦以豐潤田賞之壽以為言乃
仍給壽別以定興滿城二縣田賜雍王妃畿郡賜田既多小民
多失業云○發太僕寺馬價銀三萬兩給大同賞馬仍以奇養
馬二千匹給之延綏遊奇義三項客兵時方調大同菓應亦給
馬九百六十四匹○夜月犯天鐫下星○壬戌陞河南布政使
司右叅議田彭為貴州左叅政○癸亥命協同分守寧夏西路
都指揮僉事王勛充左叅將協守延綏中路而以署都指揮僉
事藍海代勛以提督軍務兵部左侍郎文貴言延綏邊鋒三千
缺官統領聽調故也○夜北方流星如盞青白色光明燭地起

自關道西行至雲中○乙丑陞河南左布政使朱恩為南京都
察院右副都御史提督操江○戶部奏天下軍衛有司預備倉
糧額數俱有題准事例今巡撫湖廣都御史孫子麟繳到糧冊
惟武昌等府崇陽澧州隨州襄陽四州縣足原擬之數餘多不
及蓋因各府州縣衛所正官不能措置分巡分守管糧等官又
不依期比較宜行各處撫按官督同司府州縣掌印等官將各
倉糧斛自弘治十八年以後備查放過并見在之數通算三年
之內其處足數并不及有餘備開等第年終同查盤糧冊併咨
本部以憑奏處其放過賑濟之數自弘治十六年蠲免以後務
於秋成時月抵斗追還此外或紙價引錢量留三分之一於本
處糴買或地方有力之家可以勸借或山林川澤之利可以區
畫俱聽所在官司盡心處置務使三年之內足勾原擬糧數詔

以預備倉糧數少及不完皆由所在官司侵盜所致其遷官去
任致仕為民者命差去侍郎韓福及巡撫巡按官查提加倍陪
納以聞〇庶吉士孫紹先丁憂服闋命仍送翰林院同今科庶
吉士讀書舊例庶吉士服闋未經考校者量授科道或部屬官
無再送讀書者紹先莫留翰林託其同年檢討段昊為言于大
學士焦芳故有是命〇濟州衛管屯指揮僉事閻銳奏各屯軍
民人等拖欠子粒銀兩不能追完節奉明文住俸艱苦戶部議
覆屯田之弊蓋因無官督理所致不獨濟州一衛為然乞勅都
察院照依巡倉事例每歲選差風力御史一員專督在京并北
直隸等衛所屯糧糶其拖欠非災傷并例該蠲免者務
要嚴限徵完年終造冊送部查考庶事體歸屯田易完上從
之〇陝西禮縣地震聲如雷

明武宗毅皇帝實錄卷之四十一
正德三年八月丙寅朔兵部奏宣大二鎮自今年正月以來虜
賊侵擾我軍屢敗之雖所獲不多實足以折其方張之勢是固
將士効力而守臣運謀功不可誣乞均加獎勞以責將來詔二
鎮節有警報設策禦敵念官軍勞甚侍郎文貴并鎮守巡撫官
副總兵各賞紵線二表裏羊二隻酒十瓶遊擊叅將分守守備
內外官員并巡按御史賞各半之管糧郎中及方面官各紵線
一表裏二鎮官軍各布一疋○丁卯釋奠先師孔子遣大學李
東陽行禮○戊辰祭大社大稷遣新寧伯譚祐代行禮○
太監李榮奏內府甲子庫收貯闊白三梭布舊賞內官內使用
之通來內外莅其事者交通受賂乃混同贓罰等物以充文武
官折俸包兒以致庫藏空虛供賞缺乏乞遣官查究於是命司

禮監左少監張淮給事中張雲御史王注戶部郎中董銳查盤計折俸已支者為布八萬六千六百餘疋虧欠者又萬有九千五百餘疋遂論建議停徵及擅擬折俸者之罪內外官當究問者凡一百七十三人戶部議覆內官張誠侍郎王儼給事任良弼御史藍章主事劉思賢等十三員已逮問尚書顧佐李鏊給事中張維新等五十二員已奪俸其該庫大使何綸等三人及給事中李祿等二十五人御史饒塘等四十一人以陳言附命都御史彭禮以折銀違例尚書曾鑑等五人及郎中徐鍵等二人以查處未詳給事中鄒軒等八人以估計未當內官王堂等十四人以失於覺察法應究問然其中遷官去任事故者多矣敢以請有旨各官先逮問者俟獄成以聞何綸等令巡按御史逮繫來京送鎮撫司鞠問李祿而下以連及者衆姑宥之各罰

贖罪米百石顧佐李鏖及張維新等既奪俸王堂等到庫未久俱不究仍令戶部將前後罰俸并贖罪米一同收貯年終併上其數未幾再命淮等通盤十庫皆有不應折俸執捏估計之弊再劾內外失事官戶部覆奏有旨奪郎中白圻俸五月鏖維新等前已被罰及內官楊思劉偉等俱宥之內官閻紀等既違繫俟閏結以閏淮等又言贓罰庫折俸當美惡相兼仍配定包封以杜揀換各官積留惡物損壞數多戶部覆奏有旨再宥被罰者惟給事中鄒軒以他罪逮繫令所司併鞫俄又有旨促具獄杖劉思賢二十勒致仕○革監察御史王潤職潤巡鹽浙江以督價遲延為戶部所劾命下錦衣衛獄瑾欲重其罪法司承望風旨遂擬監守自盜得旨潤承委巡鹽隱匿正課致誤邊計令錦衣衛杖之三十發為民囚苦為令後有違者置之死仍令榜

示諸鹽場○己巳陞都察院左僉都御史劉勅為右副都御史
勅巡撫遼東奏欲將各衛鹽場召商報中糴糧以備軍儲戶部
請行其言詔以勅不負責重託進一級吏部以憲臣無從三品銜
故陞今秩○南京守臣奏都城民家火起延及數百家男女死
者九人其間貧不自存者甚衆請賑濟之詔南京戶部遣官同
應天府長吏發上元江寧二縣倉糧驗口賑濟毋致失所○給
總督蘇松等處糧儲關防以都御史羅鑒奏糧儲事重出納文
書恐有姦弊當預防也○庚午陞河南右布政使南鐙為左布
政使○賜鎮守山西副總兵都指揮葉椿織金飛魚文綺一襲
從其請也○恭勤夫人李氏卒 上命賜祭治葬太常寺歲時
祭享○癸酉陞浙江按察使屈直為河南右布政使○命吏部
尚書許進致仕○左侍郎白鉞俸三月文選郎中員外郎主事

俸五月時劉瑾欲遷劉宇吏部急罷進會南京刑部缺郎中進
等疎署員外郎主事劉吉余祐二人請補瑾坐以不用實授者
而用署職者高鉞制除官責進吐實進言因無實授者故以署
者上亦故事也瑾又謂其不輸情內批三覆詰難進不得已疏
請罪竟罷之而波及鉞等云○命浙江紹興衛指揮同知馮思
於本都司管理屯田以都指揮體統行事○調山東把總漕運
指揮同知李正把總通州等九衛糧運而以臨清指揮同知陳
言代正各仍以都指揮體統行事○淮府順昌王以迎勅為名
出城遊說懼罪請貸於淮王王責其教授不能阻勸有司及守
巡官以聞詔王私出城有違 祖訓既能悔過置之仍令違問
其隨從者○甲戌遣戶部侍郎林洋祭太倉之神○遣順天府
戶祭宋丞相文天祥○命右軍都督府都督僉事李昂南京右

軍都督府僉書○陞賞密雲黃崖口關獲功官軍十人有差賞
太監王忻恭將楊恭各紆綵一表裏羊一隻酒十瓶○乙亥
孝慈高皇后忌辰 奉先殿行祭禮○命河南都司捕盜署都
指揮僉事徐節兼管屯田○陞守備河南南陽等處指揮僉事
馮雄為署都指揮僉事○丙子禮科給事中曾大顯等奏查盤
延綏等處倉庫糧料泡爛霉敗者三萬六千餘石布疋泡爛者
三萬三千三百二十餘疋由管糧僉事宋禮等巡督欠嚴巡撫
右都御史熊繡等總理無方俱當究及先次盤糧給事中丘俊
等不行查叅亦有遺戶部議法同當治但各官多遷去者且奏
辯有辭請裁定詔免提問其糧料布疋全爛者戶部定與分數
陪補布疋尚有可用者仍令巡撫官折算支用○調翰林院學
士張芮為鎮江府同知監察御史湯沐為武義縣知縣沐奉命

督理河東鹽課芮家在河東時有鹽場牙行全實與義官王重
爭利互訐以重與芮有連疑芮陰庇之而之囑沐乃併訐芮沐
及運使李德仁等下巡按勘問事皆無實但劾德仁勸借銀亦
多浪費刑部以請詔逮問德仁而調芮沐外任○戊寅給武靖
伯趙弘澤歲祿千石本色折色均支○兵部奏清查給過延綏
三十六營堡自弘治十一年十二月起至正德二年終止太僕
寺發到并本處收貯楮帛屯田地畝鹽價等銀二十八萬三千
八十兩有奇收買及關領并陪補馬共四萬九千三百五匹詔
令鎮巡官嚴督官軍飼養毋致耗損違者罪之○陞分守松潘
副總兵張文淵為署都督僉事銓注中軍都督府管事以炳守
松潘左叅將昌佐代文淵府軍前衛都指揮僉事高鸞代佐○
陝西雙山堡北總都指揮僉事等官宋英等生不禁所部侵欺

馬價給事中曾大顯等劾之詔英等下巡按御史逮治以閩官軍侵數馬價照數追完倒死馬匹嚴限買補○己卯改太子太傅兵部尚書劉宇為吏部尚書○山東登州府豐益廣積二庫所收登寧等八場折鹽布疋例以海船運赴遼東分給軍士近因船壞未修不能轉運歲久積多無所於貯恐致腐壞欲借充沿海軍士月量且請折收銀價戶部議移文巡按御史督二司守巡等官覈其所積之數以見在海船陸續運送遼東仍嚴督該衛修船備用不得仍前折銀致誤邊計有旨令輸所積布赴京庫收用不必往後延滯遼東官軍今年俸糧戶部別為計處務令兩便海船仍令所司修造毋致廢弛於是戶部覆奏輸京之布其鮮潔可用者可四十萬疋每疋折銀二錢五分則為銀十萬兩宜充支本部及太倉銀運送遼東以作官軍俸糧有旨

正折銀二錢時已停年例輸邊之銀乃復取輸邊之布入京而
以銀折之瑾之好為紛更如此○陞四川成都後衛指揮使陸
震為本都司署都指揮僉事兼管屯糧○庚辰賜楚王書院額
曰正心從其請也○辛巳初 憲宗賜惠妃弟錦衣衛百戶郭
勇靖海縣莊田二所共二千三百七十八頃五十畝歲久為人
侵種屢請差官查勘訟久未平至是勇弟仲良復以為請乃命
戶部署員外郎張鳳翔覆勘為永業者一千八百二十八頃六
十四畝為百戶張琮等所侵者一百四十五頃七十二畝為海
水滄沒者又若干畝因劾節委勘官戶部員外郎吳紀等十六
人會州衛指揮張經等四人不行審實朦朧斷給以致連年奏
擾俱有罪戶部議覆有旨令巡按御史達琮等五十四人監追
占種積羊子粒罰紀等十六人各米五百石經等四人各三百

石以贖罪十六人者惟按察使黃珂驛丞李璽知州刑政見任
餘皆致仕罷黜且有物故者矣如丁信特河間府一經歷郭哲
特靜海一主簿而罰米之多如此寃哉寃哉○陞羽林前衛指
揮使張鉞為大寧都司署都指揮僉事管領春班京操○司禮
監太監劉瑾傳旨改惜薪司外新廠為辦事廠榮宿舊倉也為
內辦事廠時既立西廠以谷大用領之瑾又立內廠自領之以
振其威京師謂之內行廠比東西二廠尤為酷烈中人以微法
往往無得全者市井遊食無業之人如酒保磨工鬻水者皆逐
之四出千餘人集於城外東郊持白梃劫人聲言自必死欲
甘心剝瑾瑾懼乃復之瑾又令寡婦盡嫁及停喪未葬者盡焚
棄之京師聞然瑾恐有變乃罪其首倡言者一人以安衆心皆
立內廠後事也○壬午勅戶部尚書兼文淵閣大學士楊廷和

進少保兼太子太保尚書大學士仍舊廷和辭免。上曰：卿文學才行，推重士林，講讀輔導，積有勞勩，特茲加秩，尚勉副朕意。慎勿固辭。○癸未，陞甘肅總兵官都指揮僉事衛勇為右軍都督府署都督僉事。○給事中等官曾大顯等奏：延綏巡撫都御史陳壽及管糧僉事蘇泰、唐希介嘗那借官銀以充他用，榆林衛百戶趙鐸等扣剝官銀，不以還官，指揮張錦管理不嚴，其下有侵欺兩價者，俱有罪。特壽已致仕，泰希介俱去任矣。詔鐸、錦等行御史逮問。壽、泰希介仍待查明所用之數以聞。○甲申，戶部議覆大學士李東陽等所奏言：各處管理糧草俱有專官，其巡撫、都御史等官不過總領其事，果有侵盜，自宜如法追陪。若止是督理不嚴，宜從寬減或罷黜，不用內批。糧草國家重務，巡撫、總理等官委託非輕，既治邊無方，以致泛爛糶糶百有餘

萬反事發罪坐倉官小民監追至死何以陪償且巡撫加以叅
總督等名尤難辭責如錢斌之擅改祿米非縉馬中錫等之不
職王時中之酷暴許進之鉞制送官劉健謝遷韓文等之無知
叩闕猶有不能盡舉者似此鉞律之罪不治者為然東陽等所
奏止及糧餉而逆瑾矯旨乃梁責健等以洩其怒其專權亂政
往往強辨如此○乙酉夜月犯天街上星○丙戌陞湖廣按察
司副使張過為浙江按察使○祭太歲風雲雷雨嶽鎮海漬山
川等神○遣旗手衛官祭旗纛之神○夜月犯六諸王東第一
星○太監劉瑾傳旨錦衣衛帶俸指揮使谷奉張友俱陞都督
同知○丁亥 憲宗純皇帝忌辰 奉先殿行祭禮遣駙馬都
尉蔡震祭茂陵○命南京錦衣衛指揮僉事趙永輝巡視屯田
○戊子陞兵部左侍郎曹元為兵部尚書改刑部左侍郎才寬

尚兵部左侍郎○陞戶部右侍郎林泮為南京戶部尚書○陞
協守延綏副總兵署都指揮僉事侯勳織金飛魚文綺一襲從
其請也○守備鳳陽等處太監黃準奏稱地方災傷乞存留京
操官軍防守許之○山東曹州等處賊首趙寶等劫掠鄉鎮欲
與歸德已擒妖賊趙忠為亂守臣以聞詔山東鎮巡三司等官
捕之毋致滋蔓并行河南兩直隸隣境集兵防守仍查訪趙忠
等被繫事情有無屈抑馳奏處治軍民能擒斬賊首者如例陞
賞賊衆能自相擒斬其首者陞賞亦如之自首者免罪○罰致
仕山東按察司副使李惟聰米五百石輸大同罷遼東遊擊將
軍金輔於本衛帶俸差操仍罰米五百石惟聰輔俱坐管屯偽
增田糧也○下刑部郎中陳祿陸棟賈外郎徐朴於都察院獄
尤是朔州人徐振以商販道出保定番子手霍章等利其財以

為盜捕送巡捕指揮王永承考訊欲令誣承遂至死振妻郭氏
奏下刑部移保定府衛官勘問日久不報郭復擊登聞鼓適章
亦赴錦衣衛自首刑部乃請究府衛官違慢之罪而改委他官
逮永勘問詔詰責刑部命錦衣衛官校捕永及前後委勘官至
京送鎮撫司鞠之於是刑部叅朴經接管愆久不決當遣問而
內批乃并及祿棟云○己丑陞翰林院編脩沈燾為本院侍講
以九年秩滿也○前分守松潘副總兵韓維以失事請戍固原
至是令其子斯失事之後部下亦有斬獲功乞以贖罪兵部覆
奏人臣有功不以罪掩乃宥之仍許其子恩襲祖職○庚寅賜
蜀府莘陽王仁孝皇后內訓聖學心法各一部從其請也○
陝西番僧祿竹班丹等入貢方物馬匹給賞殊賤有差○劉兩
浙運使等官寘舉徐紹先羅欽德李和俸各三月仍逮繫先任

運使楊奇晏輅等家舊完治先是巡鹽御史喬代奏查浙江蕭山等一十五縣并蘆漚等場鹽課司積欠水鄉草蕩價銀數多坐竒輅等遲慢舉等失於查舉嚴併戶部覆議奇等已病故輅等已黜追惟舉等見任宜究有旨鹽課國家重事積弊已深遲慢等官仍令各該巡按御史緊其家屬追陪不完乃釋由是竒及同知允通副使王迪李用文孫簡判官黃昌雖已死輅及運使宋明梁萬鍾同知趙哲羅珣鄭洪副使李霖判官李從翰周思禮黎盤等雖已去官其家屬並連治所在縣然人不自保鬻田破產怨聲_盈路刻深之政日益與矣○戶部尚書韓文先以伏闕事忤諸權倖坐免至是追稽任內遺失文冊罪與先任侍郎張縉俱罰米文千石輸大同倉縉半之輸宣府倉○辛卯陞女寧府知府蔣昇為湖廣按察司副使○夜月犯軒轅右角星○

癸巳戶部尚書顧佐以老病乞休許之令有司給月米三石役夫歲三名以示優禮○晉府平陽王濟廣以罪被黜久矣其孫鍾鎗鍾鏞奇濫奇攸奇福奇濂表檉表杠歷三世猶為廢人晉王為奏欲量賜一職禮部議賜職難許但稱至不能具衣冠則亦可矜命特與冠帶後不為例○甲午巡撫延綏等處右副都御史杜忠以老乞致仕許之○伊王奏其姊真立郡主於其儀賓蔡昇卒之日以頭觸壁從夫而死乞禮表禮部覈實具題上嘉其貞烈表其坊曰嘉貞○己未望光祿寺卿孫交為戶部右侍郎提督倉場大理寺卿張鸞為刑部右侍郎巡撫甘肅右副都御史畢亨為南京工部右侍郎○哈密忠順王并都督奄克字刺等遣使臣脫雲虎力等來朝貢駝馬賜宴并賞緜段衣服有差○奪戶部員外郎李誠俸三月罰山西僉事黃偉米三

百石先是處置邊儲給事中等官林文迪等忝稱巡撫山西都御史劉璟反誠所管糧草泔爛虧折者多偉分巡史峯俱有罪璟等合詞奏辯戶部議覆璟已遣官與偉俱歷仕未久且無虧折誠雖有虧折亦多餘積似可矜宥乃止罪誠偉而宥璟。河南府地震

明武宗毅皇帝實錄卷之四十一

陳旌天宮聖德詩卷之四十一

卷之四十一

仰瞻神德降祥光
垂祐於茲百世芳
萬古流傳頌萬壽
千秋永固享遐昌
聖德昭昭垂萬古
神恩浩浩濟群生
皇天降福降祥光
聖德昭昭垂萬古
神恩浩浩濟群生
皇天降福降祥光
聖德昭昭垂萬古
神恩浩浩濟群生

明武宗毅皇帝實錄卷之四十二

正德三年九月丙申朔○丁酉罰養病右副都御史李進米三百石輸宣府給事中林文迪劾進巡撫宣府時管內糧儲多侵盜虧折浥爛之弊進奏辯任內積有餘糧似可償浥爛之數猶坐督察欠嚴令以米贖罪○給事中等官薛金等查盤建昌松潘等倉侵盜浥爛者計萬餘石劾叅政郭緒副使張翼等十八人及都御史劉洪劉纓罪纓以在任未久洪以有警督兵為解令宥纓仍罰洪米二百石輸松潘翼等令巡按御史逮問追陪○命鎮守廣西副總兵都指揮同知康泰坐耀武營錦衣衛署都指揮僉事顏泓坐幼官舍人營各管操仍命兵部今後選官務訪年力可用者其有過并才力不及者勿以名上○戊戌命兵部尚書曹元同太監張永英國公張懋提督團營操練○已

方 孝恭章皇后忌辰 奉先殿行祭禮遣駙馬都尉馮誠祭
景陵○是日昏時雷電交作○庚子以災傷免鳳陽淮安揚州
廬州四府徐和二州及留守諸衛夏稅子粒○提督宣大延綏
等處軍務兵部左侍郎魚左副都御史文貴奏各邊糧草缺乏
主客兵馬費用浩繁乞先期處置戶部議覆原擬各處生員知
印承差吏役人等輸銀備邊即今俱未解到宜先撥太倉銀二
十萬兩界之詔令移文於貴若生員人等有已納修邊銀聽鎮
巡管糧官支作官軍月廩倉庫見儲糧料姑存之以備急用因
責貴無術不能深謀有負重託○以布給遼東官軍折胖襖袴
鞋人四疋計一萬二十六十一員名○辛丑陞廣平府同知謝
璽為湖廣按察司僉事東昌府同知賈欽為山西僉事○陞禮
部署郎中事員外郎鄭允宣為山東布政司左叅議○命中軍

都督府故都督同知李俊子瑾襲為大寧前衛署都指揮同知
以中武舉加級故也○罰致仕右副都御史朱欽雲兩按察司
僉事張弘宜米各三百石輸宣府以湖廣沔陽州造解方箭歲
久未完欽嘗任湖廣布政弘宜嘗知州事不能查催故也○壬
寅陞禮部左侍郎掌太常寺事田景賢為禮部尚書仍掌寺事
戶部右侍郎劉幾為本部尚書都察院右僉都御史張綸為大
理寺卿○烏思戴輔教王遣番僧劄失堅泰并刺思剛撒結瓦長河西
鎖南以失闡化王遣番僧劄失堅泰并刺思剛撒結瓦長河西
等處護國師印拔思已截卜遣都剛刺瓦截卜等各進貢朝賀
賜綵段等物有差○以貴州右叅將福建都指揮僉事張勇充
副總兵鎮守廣西地方○陞賞宣府獨石等處有功官軍千一
百四十七人有差鎮守太監陳貴歲與祿米十二石賞總制都

御史文賁白金二十兩文綺二襲紀功御史郭東山給餉郎中李誠各白金五兩文綺二襲陞巡撫僉都御史鄧璋俸一級總兵官著都督同知白玉賁授都指揮同知分守少監孟山二級李增及監鎔監丞汪鳳各一級副總兵都指揮僉事劉淮為都指揮同知左叅將都指揮僉事王本為著指揮同知○癸卯詔南京戶部尚書致仕雍秦少師兼太子太師吏部尚書致仕馮文升太子少保吏部尚書致仕許進太子太保兵部尚書致仕劉大夏禮科右給事中趙士賢貴州道監察御史張津俱為民吏科都給事中任良弼等廣西道監察御史陳順等五十六人俱輸米於邊鎮贖罪人三百石先罷者減三之一乙謫以及死者免輸進之子讚誥俱輸贖調外任初秦為山西按察使嘗以酷毆人至死降官及為都御史巡撫宣府又以擅撻邊將奪職

至新政士賢津率科道官交章薦之大長覆奏起用文升遂推
奉堪督操江尋以病不起今年三月進仍以操江薦七月又推
為戶部尚書其所開履歷去降官奪職等語而劉瑾素怨泰且
惡進故因事矯制以加其罪又并及大長與諸言官一時莫不
駭之泰以剛直有時名第所行涉於羸厲故累起輒仆然與瑾
同鄉而不肯阿附取容有足稱者○月犯羅偃中星○陞廣東
左布政使劉孟為都察院右副都御史巡撫延綏等處○陞太
常寺少卿喬宇為光祿寺卿○籍已故通政強珍子汝學等財
產初汝學與滄州民劉進爭訟為進誣以與販私鹽及諸不法
事奏之令錦衣衛官按追捕考鞠竟遣內官籍其家汝學及其
弟汝思坐斬逃遁者仍令緝捕聞者寃之○甲辰陞進士劉璠
為蒼梧縣縣丞選格凡進士選期已及而以事出者授官之日

或內或外仍視其前後所授之官於是璿當補知縣吏部誤擬評事職銜因具疏伏罪詔宥之乃降璿二級○丁未陞通政使韓昂為戶部右侍郎吏部郎中張緣為都察院左僉都御史越二日鼎以陞謝失儀令致仕○大寧都司儒學訓導曾瓚言其學與府學同且大寧衛屬十二勝驍衛所屯營官軍子弟亦俱附焉人多違禮乞例萬全都司一年一貢禮部議從之○貴州都勻長官司長官吳欽與其族土舍吳敏爭襲互相讐殺鎮巡官以聞兵部揭查武官貼黃簿蓋欽之曾祖穎洪武年間立功為長官後陣亡而其子琮尚幼敏之祖名貴類弟也暫令借職琮既長而襲傳三世至欽矣於法敏不得妄爭詔可之其讐殺事情仍令鎮巡官議處以聞○戊申故陞平侯張祐弟祿與其再從弟禔并族人沂浹爭襲位爵分異家資相訐奏事行南京

法司久勤不決祿復奏解京問理至是三法司錦衣衛會問祿
應承襲覆奏得旨祿既應襲祖爵禡等第因分異祿爭遂謀奪
嫡法不可容并助惡之人錦衣衛俱杖之三十發戍海南甘肅
肅州等衛產業俱給祿以贍祐妻法司會問不公姑不究南京
原勸官令查叅以聞於是刑部奏京勸尚書樊瑩都御史高銓
已致仕侍郎張撫劉憲已故尚書潘蕃已謫成惟尚書洪鐘及
郎中邢珣張瓚余貴員外郎余祐左評事何正見任并委官各
陞革謫故者上聞詔致仕并見任者俱為民其病故謫成者已
之鐘令自劾○乙酉命大軍都司都指揮僉事白珍充右叅將
協守貴州地方○陞賞大同小石寺嶺等處有功官軍一百五
十五人有差陞署都指揮僉事藍海為署都指揮同知賞監鎗
以監軍志文綺二襲白金十兩山西左叅議倪天民文綺一襲

白金五兩。庚戌陞廣東右布政使謝營為本司左布政使。時按察副使李惟聰坐管屯抵罪罰米輸大同瑾以前後諸官罰米者輸不如期欲責限完報戶部請在京者自今定日期為始限一月在外及去任者俱自移文至日為始依水程遠近定與限期起原定諸倉輸納若仍有違違者聽內外管糧官舉劾因列上前後罰米官員之數大同倉納一千石者戶部尚書韓文一人五百石者韓文及侍郎張縉等九人納三百石者都御史徐節一人宣府倉納五百石者員外郎吳紀等十六人納三百石者都御史李進等三人太倉納三百石者指揮僉事張經等四人二百石者布政周季麟等六人一百石者尚書佶鍾一人都御史種需等三人布政李進等三人御史吳學等三十九人給事中李祿等十九人郎中徐鍵等三人納三十石者員外

耶李夢陽一人宣大二鎮納三百石者給事中吉特等十三人
御史陳順等二十一人納二百石者給事中艾洪等五人御史
王洪等十一人檢討劉瑞一人松潘納二百石都御史劉洪一
人諸官之罰米也多以公事偶錯或邊儲虧折而中傷之遂奪
其養廉之資其官卑祿薄者往往鬻產陪納或稱貸於人如尚
書韓文以叩闕忤瑾一再罰至千五百石將何所取辦哉特瑾
竊柄諸所謂欵依者上固不知而瑾實假此納賂後凡有註
誤而罹其網者往往賂瑾求免雖平時清謹者恐遭械繫之苦
亦遷就以為自全之計矣○命協同漕運叅將署都指揮同知
莊椿於錦衣衛帶俸○辛亥錦衣衛百戶萬達先以姊萬妃之
貴成化間傳陞至都督同知弘治初革之尋乞得百戶至是其
祿鏹以達老請代下兵部議不宜許乃乙之○延綏遊擊將軍

時源副總兵侯勳各為所統遊兵乞衣鞋工部議不可得旨遊
兵既連年征調不息今春至秋又見防護修邊誠為艱苦人與
布二天不為例源勳各賞羊酒○月犯天陰而二星○壬子勅
漕運都御史張縉為民縉先因揚州災傷以廬州府額輸鳳陽
府倉糧米二萬五千石改作兌軍乃於揚州兌軍額數之內改
撥二萬五千於鳳陽倉上納行之三年未更於是守備鳳陽太
監黃準巡按御史趙時中皆言欲如舊便民有旨謂縉擅更成
法罪之○月犯月星○癸丑陞廣東布政司右叅政吳泰為本
司右布政使○加兵部尚書曹元太子少保○太子太保禮部
尚書周經以老乞致仕 上慰留不允○罰前河東巡鹽御史
徐鈺贖罪米一百石以催辦鹽價抵還原借太倉銀兩未足數
也○湖廣荊州府知府王綬自陳捕盜有功乞陞職己而荊州

三衛指揮等官奏綬賢能下兵部議行巡按御史覈實以請有
旨地方既保綬擒賊撫民有功其陞一級仍掌府事綬在荊州
暴虐貪婪結瑾為援上官反畏之巡歷者多不敢過荊朝覲時
都察院署其考曰兩司畏其壟制而考語欺天百姓苦其誅求
而怨聲動地最中其惡狀然亦竟不能去之也又路瑾得賜飛
魚服坐堂楊揚自得時有工部主事馮友端亦瑾鄉人監我於
荆貪虐類綬荆人謂之二虎云○甲寅致仕南京都察院右副
都御史陳壽奏近該科道官覈臣巡撫延綬時管內糧草泡爛
虧折數多戶部議派臣當陪豆粟小麥共二千三百五十三石
布一千五百一十四疋臣繆當重寄踈於督察誠難違責但家
實寒微致仕後流落他鄉身外止老病一妻不肖子孫數人而
已款就需費陪納亦不足以償萬一伏乞矜宥上以壽所奏

貧苦迫切且在邊効勞尤多懇辭給○錦衣衛指揮同知余寔以疾乞致仕得旨允之仍令馳傳回有司裁給人夫二名月給米二百石蓋特恩也然真之乞歸實畏瑾非得已云○乙卯陞太僕寺卿陳蒞為戶部右侍郎○陞撫州府知府劉介為太常寺少卿介瑾鄉人也介繼娶妻美艷張綵欲奪之乃問介曰我有求肯從我我始言之介曰一身之外皆可奉君綵曰我所求者新嫂也君已諾矣敢謝介默然不敢對少頃昇夫已至介所竭求矣綵又欲奪平陽府知府張恕妻恕不肯與綵令御史張禴以查盤錢糧文致其罪擬充軍恕送其妻往始得論減云○命太倉衛署都指揮僉事陳翔守備九江等處地方○丙辰寧王宸濠奏乞雲蓋等寺觀田地山塘三百四十餘頃并沉池大上趙河等湖池港一十九處隨湖等洲一十四段且欲蠲除稅糧

課程戶部議不可許又請治承奉長史不能以正輔導之罪詔
宥承奉長史而以南昌府河迫所與之禮部奏萬壽聖節
例賜百官宴上令免宴賜以節錢鈔丁丑沒四川按察司
副使丁蒼浩為廣東布政司右叅政准再與潘王倉鹽十引
於河東運司關支罰前河東鹽運司判官馬夔米五百石輸
大同贖拖欠官鹽罪也戊午以明日萬壽聖節遣駙馬都
尉游泰黃鏞崔元分祭長陵獻陵景陵裕陵茂陵
泰陵遣儀賓楊淳祭景皇帝陵寢遣內官祭恭讓章
皇后陵寢錦衣衛指揮僉事等官谷大亮等二十人奏乞往
兩廣殺賊圖報得旨許大亮等九人仍諭後役有如此妄生事
端托名報効者令所司并科道識之徑自論劾時權幸子弟以
報効為請者多竄名邊鎮邊人獲功則守臣據以具之奏上輒

審賞典或一日數處報功皆有其名而實未嘗一履行陣上下
肆為欺罔冒濫之弊有不可勝言者而其請之得與不得則或
視其賂之多寡或視其力之強弱可否惟瑾之意雖有此旨禁
戒而律門竟未嘗塞也○己未 萬壽聖節 上詣 奉先殿
奉慈殿 太皇太后 皇太后宮行禮畢出御奉天殿文武群
臣及四夷朝使行慶賀禮○朝鮮國王李暉遣陪臣史曹恭判
姜澈等來賀 萬壽聖節賜宴賞綵段鈔絹有差○夜西南猛
風雷電交作○庚申陞河南右布政使屈直為太僕寺卿○獲
錦衣衛指揮僉事張俊職俊以威曉傳陞例降為百戶至是自
乞復之○辛酉田州府土官知府岑猛以構亂降福建平海衛
千戶懸舊治不行累令其祖母及土酋秦乞復為府佐改設流
官以參政知府謝湖懼猛恣托送母以歸亦遵廷不即赴任及

至則猛以回據府治矣事聞累移守臣撫處乃改猛附近衛所
總立功自効而建湖至京下詔獄考訊湖訟寃以高激猛叛者
由鎮守太監韋經總兵官毛銳巡撫都御史潘蕃也經復訟寃
以高猛之初叛由巡撫都御史劉大夏激之於是經銳蕃大夏
俱遣官校捕送詔獄獄上坐大夏為兵部尚書時不能從鎮守
官降猛為同知之議而力主調發以拂爽情蕃任巡撫時不能
撫猛及聞遠官之命遂委而去致猛得肆其惡得旨令三法司
錦衣衛仍會五府六部科道官鞠處遂擬大夏蕃及銳比撫馭
無方致所部單人反叛之律俱違奪誥勅發邊遠充軍經送司
禮監奏請發落湖贖徒還職猛令以同知蒞府事復得旨數大
夏蕃罪當死姑從輕永成肅州銳革太子太傅并祿米五百石
經降二級革祿米俱間住湖高民猛如擬大夏在兵部嘗請查

革勇士為近幸所惡時已致仕復視職為民矣瑾必欲致之死
故因猛事罪之廷臣會問亦徇瑾意無有申救之者及發遣瑾
入令人防察親識故舊皆引避不敢送時大夏年已七十有
三垂老遠謫士論莫不傷之既而湖秦辯又止降官二級○壬
戌陞山西布政司左叅政沈杰為河南右布政使○陞四川按
察司僉事李寬為本司副使○賜鎮守甘肅總兵官都指揮僉
事衛勇大紅金織蟒衣一襲從其請也○以太僕寺馬六百匹
給密雲古北口等處軍士從太監王忻等奏也○命遼東署都
指揮僉事韓璽充遊擊將軍○南京監察御史葛浩陸崐先因
言事忤瑾意已落職為民矣至是坐劾奏武昌知府陳晦不實
行巡按御史違問擬贖杖瑾怒未釋降旨數其黨惡挾私命南
京錦衣衛遣官校執送內外守備官杖之三十仍為民○癸亥

延綏慶陽等處大水為災命鎮巡等官賑濟○南京及廬鳳淮揚地方旱災命吏部左侍郎王瓊隨宜賑濟○甲子以明日十月朔遣駙馬都尉蔡震馬誠林岳分祭長陵獻陵景陵裕陵茂陵泰陵○遣儀賓周鉞祭恭仁康定景皇帝陵寢○楚王奏縉雲王榮淋并奉國將軍榮淳未病故特所支祿未乞免選官不允且曰今後祿米俱按季闈支未及期而支者巡按御史究問以聞○太監劉瑾傳旨以內官監太監周輝守備例馬關

明武宗毅皇帝實錄卷之四十三

正德三年冬十月乙丑朔享 之廟○遣內官祭司井之神○
丁卯泰寧等衛都督李來罕等差頭目納換等貢馬賜宴并錄
既衣物有差○遣科道官各十員查盤各邊糧草馬匹戶部用
劉瑾議每年九月差官查究糧草出入及馬匹羸壯有旨仍令
緝事衙門分行察察有徇私懷事者具實以聞時瑾竊柄假公
售私中傷善類官校伺察濫及無辜者多矣○初巡按廣西御
史盧翊督造紀功卷罔未就陞湖廣僉事去任矣有旨責其違
慢令科道官記之會翊以進表至京科道官有言翊亦上章辯
豁得旨翊既去任五月其已之但具奏分豁而以瘴煙毒矢為
辭為國忘身豈可憚勞况翊止記功非親冒矢石之人逆言不
忠今首實以聞既而翊上疏自劾認以詭辯不實令致仕○四

川播州宣慰使司差長官何烜等貢馬賜綵段鈔錠有差○已
已陞大寧前衛指揮使江諒為署都指揮僉事坐顯武營○辛
未整理糧儲戶部左侍郎韓福奏湖廣地方自弘治元年迄于
正德二年所募武馬等府州縣實邊等衛所積欠稅糧屯糧共
六百二十七萬一千石有奇歷年巡撫都御史等官勘時等一
千一百八十二員失於查覈以致倉庫空虛官軍缺用宜究治
戶部議如所奏但各官任有久近負有多寡又有過例除豁專
管無管及或遷或去已黜已死不同其見任者宜行福覈實違
問已遷已去者行各該巡按御史因其情罪輕重而究治之黜
者死者請裁定有旨湖廣地方軍民貧困朕甚憫恤軍儲缺乏
尤宜斟酌區畫福先已奏留漕粟及收武職生員等所輸銀兩
多今乃不遵勅旨任意苛歛弘治十六年以前稅糧經赦者俱

不除豁遠年官員又一舉參奏甚非朝廷委任安民之意其令
其實自初項欠錢糧已徵在官者可以漸查解諸官之死在十
八年以後致仕在十五年以後并遣官見任者俱如例定等陪
償然不可假以追徵為名特威勸借逼民逃竄吏部仍舉能任
賑濟之事者二員以聞既而福奏徵完糧二百二十餘萬石已
足軍士數年之用今境內旱甚積欠未完者乞暫停徵戶部議
從福言且請仍留該省今年免運糧二十五萬石以備賑飢而
輸福所收事例銀四十餘萬兩入京以補漕運之數又言河南
亦有災甚府分宜急遣大臣併賑之詔可召福回京於是命南
京工部右侍郎畢亨兼右僉都御史代福并賑河南汝南等處
○ 癸酉錦衣衛帶俸指揮使劉倅陳乞見任管事自叙才畧節
槩其詞甚夸事下兵部尚書曹元等亦言其才可用得旨令淮

南鎮撫司事俸尚書字子也○以地方災蕩得南京各項工程
從南京工部尚書韓重等奏也○甲戌命彭城伯張信子欽襲
爵○大通事王喜等奏哈密使臣寫亦虎仙等來貢皮帶私物
虛糜供結所賜皇於京師幣之其虜留邊者俱未沾反宜加禁
治通事官給由例不由禮部而尚書張昇啓之乞如舊使禮部
奏覆各表朝貢例許稍挾私貨以來蓋羈縻遠人宜俯順其情
而不可過防以傷其向化之心也且哈密城池之復寫亦虎仙
亦與有勞今初順而來須加寬假以示恩意其獲賜而幣之者
亦宜從便蓋所得鈔錠數多輸之於彼既無所用而載之於途
大有所費宜移文彼處鎮巡等官聽其量帶方物來京貿易但
不可入境市物以勞驛傳其留邊使使之賜富無欺剋聽其自
便可也通事官進身既由本部則考滿之日其歷官月日減否

非本部難盡知之且屢奉欽依譯字并通事人員該部并大通
事按季較試業不精者罷之善言非是。上是之命各處進貢
毋得入境市物其以物售之者治以重罪存留夷人賞賜令鎮
巡官審處通事考滿如例勿改。乙亥賜金蓋騰衛等處恭將
署都指揮僉事沐崧織金飛魚文綺一襲從其請也。○裁革遵
化縣縣丞至簿各一員以地小官冗從民請也。○錦衣衛指揮
僉事大通事王喜等言會同館大使等官不能鈴束夫牌人等
乞俱聽各國通事序班等官約束朔望仍欲本館官吏率之來
聽已令章下兵部議謂本館諸物先設禮部主事一員理之各
色通事亦聽約束蓋通事之職止於傳譯夷語不可以侵禮部
之官今主事雖已裁革可仍添設不然則主客司額設員外郎
主事亦可更番管理得旨令所司官歲更一員理之且諭令今

後諸司書辦人等不許擬置主使事覺必罪不宥時喜等供事
豹房陰有所倚欲奪諸司事權以便己私然兵部尚書曹元與
劉瑾親厚亦足以抗之故其計不得騁焉○丙子太子大保禮
部尚書周經以病力求致仕上允之命有司給食米月四石
役夫歲四人遂令南京戶部尚書林泮亦致仕有司給月米歲
夫半經之數并賜誥命馳驛歸己而經以病未愈且值寒不可
以風乞休男兵部郎中曾暫寓京邸使醫藥久之經又以不能
陞辭請詔皆許焉仍賜勅遣之○戶部奏差主事李排至淮安
府常盈倉准收糧斛請批馳驛以往詔以妄引馳驛事例令陳
汝高書劉璣等具奏伏罪且查其例昉於成化七年既宥璣等
復令查其時理部事者尚書為楊鼎侍郎為陳俊郎中為盧茂
皆已死矣詔各官既死已之仍諭諸司有兵引事例并恣意增

添者俱令改正再臨前轍必重治不宥○鴻臚寺奏本寺職掌
朝貢禮儀故有司賓署十八國通事之設欲其開習朝儀兼通
夷語而便於行禮也大通事王喜奏各國通事勿於該寺畫卯
則事無統屬非祖宗設官之意詔如舊制行之○禮部以大
通事王喜奏雲南百夷緬甸及宣慰土官衙門例應三年一貢
今皆不通宜移文鎮巡等官以時促之 上曰土官貢賦自有
舊制其勿紛擾仍行各省鎮巡官知之○丁丑詔歲給蜀王世
子讓榭祿米三十石俱支本色不為例時蜀王薨世子奏祿米
截日住支家眷無以供膳故有是命○帝給事中何紹正盧綸
李陽春吳玉榮薛金胡洪張賢林文迪等查盤大同宣府遼東
甘肅等處糧草年煎視馬匹其貴州地方糧草但令巡按御史
無理之○陞濟陽衛指揮使高謙為署都指揮僉事守備洮州

地方○夷人兀弩骨赤等進駝馬來降賜兀弩骨赤銀三十兩
伯牙思忽二十兩餘各五兩已而以兀弩骨赤為錦衣衛副千
戶給月廩三石伯牙思忽為頭日月廩二石伯兒合等十二名
俱送充御馬監勇士仍命工部給之居舍故事夷人歸義者皆
送兩廣安置兀弩骨赤等本山西人其父為虜所掠屬虜酋脫
羅干部下因虜相擊殺得贖率其族二十一人來降兵部言其
壯勇即著誠惻可憫故有是命○戊寅陞兵科左給事中鄒文
盛為戶科都給事中戶科右給事中胡煜工科右給事中胡洪
兵科給事中張檜俱為左給事中煜史科洪戶科檜刑科禮科
給事中張賢兵科給事中胡明刑科給事中李憲禮科給事中
于聰俱為右給事中賢史科明禮科憲兵科聰刑科○己卯以
吏部左侍郎白鉞為禮部尚書都察院左都御史陳金為南京

戶部尚書南京都察院右都御史張泰陞戶部尚書令致仕○
卯時金星晝見於辰數日不止○庚辰大學士李東陽上疏曰臣
患病乞休仰荷勉留之諭重以調理之辭德並乾坤恩同父子
竊念臣舊侍儲宮已閱八年之上叨逢新化又將四載于茲中
間患病在家輒屢存問上章請老疊賜慰留顧臣何人獨沐斯
典身非草木寧不知恩所以力疾趨朝覩顏供事惟圖報國不
敢言私但臣體質薄弱稟自天生病勢纏綿厄于命數顛濟因
頓日甚於前况內閣非養病之地三孤非竊祿之官昏迷之志
安能理庶務之繁衰備之人豈可班百僚之首矧心內願實不
自安伏望 聖慈體物洞燭臣衷憇臣衰老之情誠非得已解
臣機務特許退休 上曰卿崇朝耆德譽望隆重朕方委任質
理化機有疾已嘗命醫調治宜亟出以慰朕懷不必固辭○辛

已詔停止鳳陽軍器物料并不急工程惟已撤及造完者解部
以地方連年災傷故也○壬午 誠孝昭皇后忌辰 奉先殿
行祭禮命駙馬都尉游泰祭 獻陵○四川西陽宣撫司護印
舍人冉廷璽差人負馬賜綵段鈔錠有差○四川雜谷安撫司
并撫回上草坡寺部等寨番僧頭目進貢方物賜綵段衣服有
差○刑部會多官審錄重囚得情有疑者十八人具獄上請
得旨減等充軍者十三人監候者二人以婦女釋放者三人○
癸未註金嶺右叅將署都指揮僉事沐崧于錦衣衛帶俸○命
遼東廣寧衛故達官都指揮僉事宋寧哈答男堂製為本衛指
揮使○陞賞甘肅明水湖有功官軍二千五十八人有差賞左
副總兵白琮右副總兵把琮各紵綵二襲白金十兩右叅將吳
紘遊擊將軍徐謙半之○夜月犯天罈下星○甲申詔代府鎮

國將軍哥伊祿米仍准支本色五百石先是哥伊有罪革去祿米三分之一至是母劉氏為子伏罪且以用度不敷為言從之○韓府通渭王偕涇堯王恭靖王第二子母妃高氏成化丁酉生弘治戊申封長子壬戌襲封至是堯輟朝一日賜祭葬如例謚曰恭裕○乙酉歸德州民田虎山妻王氏一產三子命給鈔米如例丁丙戌以戶部左侍郎吳文度為南京都察院右都御史都察院左僉都御史張綬為吏部左侍郎通政司通政使王敬為兵部右侍郎仍掌通政司事○晚刻金星犯亢宿南第一星○以都察院右副都御史劉洪為右都御史總督兩廣軍務兼理巡撫○以徽州府知府何歆為山西布政司左叅政○輸太倉銀十五萬兩于宣府十萬兩于大同以償高價各邊商人類多勢要之家假召射利閭里豪猾相附為姦所獲較其所費

吳起倍後於是內帑之時半而私門有矣。丁未六月會議總督漕運及巡撫蘇松都御史所上事宜一各州縣完糧一漕完支不盡方許易衝勿輒分折以啓弊端一水次各官有收多支少者聽漕運衙門從宜撥補支運災傷地方量折徵銀而以支運之糧充其數一完糧宜委府州正官一員催督事畢方許回任一各運旗軍多老疾逃故者貧軍為之包運在役甚累宜查補一江南正糧正耗徵本色外其餘耗米石折銀五錢軍民兩便江北山東河南樂徵本色宜如江南例行之一舊例江北運船限七月初完糧江南限八月初今江北三總水次既改遠宜稍寬其限一運官有罰無賞非所以示勸懲請自今三年以上勤慎有勞者許具奏旌勸一運官有缺宜令把總官訪舉聽漕運衙門取用一安慶運軍性江南完運宜如例給行糧三石一

軍旗病政者給棺斂銀官三兩軍二兩仍恤其家一水次各倉
改兌糧米遵行已久而議者又欲復支運之法今各省災傷宜
仍舊改兌一蘇松荒歉宜勸諭富家分贖賑濟議上詔以水次
改兌准行一年果便再議其勸諭賑濟須人樂從不許官吏擾
害地方餘俱准擬○江西撫州府通判蓋章先任御史嘗巡按
宣大以竟置邊儲罰米三百石矣又以巡庫時折放布疋方違
繫巡鹽時拖欠課銀坐倍償奏辦三罪一時俱發雖盡鬻家產
不能充贖乞覈實量為末減有旨章折放布疋拖欠鹽課之罪
准開釋其加罰米二百石併輸大同○婺源縣朱熹十代孫煥
奏在婺墳產為富家祈後且有以同姓冒免差役者乞行禁治
禮部奉 上曰朱子墳產既年久無沒令府縣官查定禁約
毋容富家侵佔凡餘差役須當其果為後裔乃如例復之○戊

子戶部議覆崇王奏乞湖廣常德府香爐洲等處水旱田地已
經多官踏勘明白實民間以漸開墾之數初無常稅宜行該府
如數管業召人佃種納租原墾人戶願種者聽該府仍禁約管
莊官員不得恣橫擾人詔可其奏○己丑以行人王昂知縣金
賢熊紀李學曾葉良推官葉相進士周金呂經朱璣安金為給
事中昂賢璣兵科紀學曾相刑科周金戶科安金經禮科良南
京戶科○准致仕都御史等官張鼐等未納糧草依遼東時價
折銀上納以鎮守遼東右都督等官毛倫等會奏各犯監禁日
久艱苦萬狀故也○庚寅己時南方流星如彈青白色有光起
自中天而派至東南近濁謂之晝見○宣府獨石等處有功官
軍已行陞賞太監陳賁等復奏衝鋒破敵廩戰官軍宋暎等三
十九人宜量陞得旨各陞一級於是兵科都給事中趙鐸等劾

貴及總兵官白玉右僉都御史鄧璋帝恩壞法罔上欺公紀公
御史郭東山不開被劄實跡恐有詐冒乞罷煉等賞正責等罪
上是之革煉等所陞職級數貴玉璋市恩撓法之罪而始宥之
仍奪玉俸三月璋俸六月下東山錦衣獄杖之三十令為民且
諭兵部查宣德正統間賞格有無銜鋒破敵鏖戰諸名色以聞
於是兵部循查正統以來賞格則鏖戰之名昉於天順元年銜
鋒破敵之名昉於成化十五年得旨天順以前既無鏖戰等名
則從前由此而陞者俱當查革但年遠人衆可如前詔榮其身
而止自後紀功官不得巧立新名該部該科其織之違者罪無
赦○案平等族番人奔卜少等貢馬及方物賜綵段衣物有差
○辛卯以南直隸湖廣河南地方災傷遣官祭告天下名山大
川○命整理兩浙鹽法御史察院右都御史張憲同沅院事○宥

漕運叅將莊椿罷初椿奉勅協同總兵官毛銳漕運兼守淮安
既而銳罷以平江伯陳熊代之所領勅內有鎮守淮揚字樣椿
因奏所守地方不同恐妨計處請換勅蓋舊制叅將止兼守淮
安椿不知而誤請也兵部覆奏詔椿亂法招權不諳事體令自
劾椿既服罪宥之○壬辰以知縣戚鵬霄漕張瓛張纁鄭約高
嶼顧英危行推官張芹進士李緯王九峯汪賜江萬寶杜昌章
蔡教官潘銳周奎俱為試監察御史鵬江西道纁福建道瓛九
峯河南道溥廣西道纁銳山東道賜陝西道奎四川道約嶼萬
寶雲南道昌貴州道英南京湖廣道繫陝西道行四川道芹貴
州道○蘇松常鎮地方以旱災巡按御史請蠲減常稅戶部言
欲於當免之數量徵一分五釐以備漕運如果災重民貧准折
收輕齎一分從之○癸巳命錦衣衛掌衛事都指揮同知高得

林蕪管提督巡捕。寧夏地震有聲。甲午改翰林院侍講王
瓚為國子監司業。時吏部言私治間侍講劉震黃珣俱陞春坊
諭德。掌司業事。蓋欲循例轉瓚一階也。瑾矯旨責吏部妄引賞
錄之例。仍以對品改之。改江南把總運糧署節指揮僉事陸
潮為遮洋把總。以建陽衛指揮僉事郭冕代之。

除舊歲年節以盡新節計數命軍監處以
其之風習以資品力之。如王國以顯聖縣者時計數命軍監
餘國者臣業軍蓋天則國轉動。如王國以顯聖縣者時計數命軍監
則亦國不盡。臣業軍蓋天則國轉動。如王國以顯聖縣者時計數命軍監
明武宗毅皇帝實錄卷之四十三 十一 甲子 均錄林新計數上

明武宗毅皇帝實錄卷之四十四

正德三年十一月乙未朔欽天監進正德四年大統曆 上御
奉天啟受之賜親王及文武群臣頒行天下○戶部議覆南京
工部右侍郎畢亨賑濟湖廣河南事宜一湖廣各項事例納銀
二十六萬二百餘兩浙江池州等府解銀一十七萬一千三百
餘兩已經題准通運來京以補諒省起運兩京糧數於內准留
留一十萬兩賑濟一湖廣今年漕運糧儲二十五萬石已准留
本處賑濟而歲荒不能徵完飢民失望宜將左侍郎韓福徵完
米七十七萬八十二百餘石內先支二十五萬石賑濟候秋糧
徵完補還一河南南陽汝寧等府災傷查得二府錢糧頗足賑
濟宜行本官就將倉庫無礙錢米酌量兼支如果不敷將災輕
別府各項納銀未解未納者具數上請一湖廣并河南災重府

分一應不急工程雜泛差徭盡行停止以寬民力其內府供應錢糧及緊急軍需通融改派無災府縣辦納俱准議○巡撫遼東都御史劉瓛等陳濟邊足餉六事一本鎮當差舍餘十三萬二千一百餘名內抽出十分之二為二萬六千四百人各令出銀一兩五錢歲可得三萬九千六百餘兩一原倉金復蓋并右屯四衛修邊丁夫一萬四千三百餘名離邊八百餘里往返艱苦宜免其勅調亦各納銀如舍餘歲可得二萬一千四百九十餘兩一先年於各衛舍餘三丁抽一分撥操守又各與幫丁一名共萬有七十二百九十餘名今邊事寧息宜放回耕種各納銀如丁夫既省糧費歲可得二萬五千九百餘兩一金復蓋并右屯衛地方舊設防倭守墩軍五百餘名及金蓋右屯三衛守城虛占舍餘五百四十餘名及所屬二十五衛雜役舍餘二十

八百二十餘名俱可查革令納銀如前數歲可得五千八百餘兩一屬衛輕差餘丁二十八百八十餘名宜免其納米納紙納草納柴等役令納銀如前歲可得四千三百二十餘兩一苑馬寺養馬軍三百四十四人無他重役宜盡革其月糧事下兵部議覆得旨令餘出銀供餉仍令巡按御史會審可否必人實樂從乃以閏養馬軍人月支米五斗餘多從之。○戶部言鳳陽淮安揚廬等處災荒重六累經守臣奏請簡命大臣往理錢糧以救餓莩先已勅侍郎王瓊賑濟南京矣南京離鳳陽不遠宜命瓊往來鳳陽等府會同鎮巡官從長計處設法賑恤本部先運事例銀十萬兩前往接濟仍量支南京各衛倉糧三十萬委官撤運驗口給散仍撥補未解事例銀十五萬兩送南京戶部折放官軍月糧上從之仍令瓊設法賑濟務使民沾實惠若有救荒

事宜其悉以聞。大同有蔚州地震聲如鼓。丙申刑部尚書王鑑之以疾乞休。詔褒慰令善加調攝以副委任不允辭。夜大雪次日卯時漸散。降禮科給事中曾大顯為浙江布政司照磨貴州道監察御史劉金為直隸桃源縣丞大顯與金以查勘錢穀容官忤瑾意繫獄各杖二十而降之。丁酉命隆平侯張祐從弟祿襲爵。當大同小寺嶺獲功官旗軍舍姜義等一百四十一人銀絹有差。戶部言宣府缺乏糧草守臣先已召商糴買分撥各倉接濟宜以本部運去銀十五萬內照數給還商人餘存銀六萬八十三百餘兩令及時糴買糧料於極邊緊要缺糧倉塢上納其腹棗蔚州等處官軍月料姑照時折支。上從之。管大漢將軍駙馬都尉樊凱題據營班千戶孟文達等呈稱大漢百戶朱錦病狂易不受約束乞下兵部審驗而處

之錦楬無疾訊諸其隣亦然兵部覆請行法司鞠問得旨文達
等首錦錦衣衛俱執送鎮撫司考訊仍行緝事衙門訪察待得
實併凱以聞既而罷凱不用○戊戌戶部奏原任戶科都給事
中韓智河南樞密司副使韓晉各坐事罰米輸宣大令智晉皆
死其子訴乞分豁詔以各官既死令其家各輸米百石於京倉
○命永興榮惠王誠瀾再從姪奉國將軍東樸襲永興王爵
祖訓及故事無有以庶堂姪襲堂伯爵者誠瀾薨無嗣惟東樸
與之同出恭憲王後先已命之主喪至是誠瀾妃楊氏以襲爵
請下禮部議之再三乃許之○己亥陞南京山東道監察御史
羅善刑部署員外郎王金臨江府同知顧景祥真定府同知陳
驊俱為按察司僉事善陝西金浙江景祥湖廣驊四川○夜東
方流星起自井為東北行至軒轅青白色發光如蓋尾跡烟散

○台州臨海縣火焚燬縣治及軍民廬舍三千餘間男女死者
二十六人○庚子鎮守延安慶陽等處太監劉保養稱榆林五
庫銀兩并各營堡糧草不勻主客兵馬支用乞要開中淮浙引
鹽及催徵陝西地方遞年拖欠稅糧戶部議覆該省見報災傷
未經定有分數其各處運司鹽課又經題差科道官定價變賣
銀兩有礙開中宜轉行巡按御史勘災傷州縣從實定擬仍通
查一省每年該起運若干本年除災傷外該徵若干生員上納
銀兩可勾若干設使召商開中引鹽每引定米若干或草若干
督同布政司掌印管糧官不分延緩甘肅夏通融會計明白
造冊奏繳以憑查議上請 上是其言○賜襄垣王府鎮國將
軍仕坏 祖訓條章 皇明典禮洪武禮制各一部從其請也
○吏科給事中何紹正戶科給事中盧綸頌膺導駕俱以失儀

為侍班御史所糾下錦衣衛獄紹正杖二十調海州判官綸杖
二十釋之○辛丑陞廣西按察司副使陳崇德為廣西布政司
左叅政○給事中白思誠監察御史儲珮查奏遼東倉庫自弘
治十五年迄於正德三年各年濫費那移等項銀兩併劾都御
史王宗彝陳瑄張鼎馬中錫韓重原任兵部尚書馬文升侍郎
熊繡原任戶部尚書佶鍾顏佐韓文侍郎王儼李孟賜王佐張
縉郎中陳大章劉鑑王濟王蓋劉鐸羅崇居達楊志學象政繆
昌寧舉冒政叅議方桀俞事王中巡按御史王獻臣胡瓚盤糧
給事中吳舜去任太監孫振總兵官定西侯蔣驥俱合提問戶
部議覆李孟賜陳瑄劉鑑王中俱病故其各官統乞裁處上
以宗彝等不以錢糧為重巧取浪費有負重託各罰米贖罪宗
彝重濟昌舉鐸各罰米一十石獻臣舜瓚縉崇文并編大章鐘

佐佐文達志學五百石俱輸宣大倉運令御史督限完足回奏
中錫馬蓋輝政矩見緣事追陪糧草待事完以間驥振非監管
人員不必究問思誠珊查盤允當各陞俸一級時劉瑾用事權
傾中外思誠珊承望風旨以叅官過當陞級士論鄙之○丁憂
叅議賈璇坐監涼州糧草有虧折為科道官所劾責令倍償璇
奏虧折乃附餘况丁憂與去任同乞原宥許之乃罰贖罪米百
石輸京倉○癸卯撤馬兒罕番王沙亦帖王等各遣使馬黑麻
火者等貢馬駝及方物賜綵段等物有差○致仕南京戶部尚
書鄭紀卒紀字廷綱福建仙遊人天順庚辰進士改翰林庶吉
士授檢討憲廟登極獻太平十二策尋移疾歸踰二十年再
起供職陞浙江副使提督學校弘治二年召為國子祭酒會
萬壽節修齋醮禮部預取監生供事紀以為不可上疏諫不聽

踰年改南京左通政陞南京太常寺卿南京戶部右侍郎久之
進本部尚書致仕至是卒年七十餘賜祭葬如例紀姿貌英特
氣象方整為文章明白條鬯而尤以用世之學自許其為提學
將正樂舞行鄉射毀淫祠皆有禪風教既調官南京猶數言事
上在東宮行冠禮紀采自周文王以來嘉言善行凡百條各繪
圖作贊名曰聖功圖以進在戶部尤多建明皆關錢穀大計中
間屢被論劾蓋以其家食既久一旦復出而驟至通顯不免有
積薪之議然紀之才畧實有過人者大學士劉健以同年故知
之最深故浮言卒不能憾而 上亦任之不疑也紀次子至敬
亦舉進士為戶部主事辛 略密衛忠順王連壇拜牙即遣使
臣都督寓示虎仙等負駝馬賜綵段等物有差○甲辰陞山西
按察司僉事蕭淵為福建副使廣西僉事丁隆為本司副使○

陞領天府尹胡汝礪為戶部左侍郎。兵部奏西南捕盜指揮王英日久無所獲其怠事可知宜送原營收操得旨西南強賊累劫奪官銀英乃坐視不理仍降一級送營操備。河南衛輝府地震。乙巳賜仁和大長公主定興新安二縣莊田三百七頃九十餘畝因其請也。戶科給事中謝訥等奏會同左少監韋霽等盤過廣東布政司庫藏金一百五兩各項銀二十六萬一千一百三十六兩玻璃器一十九事詔送內承運庫貯之。丁未暫免鳳塵淮揚四府滁和徐三州正德二年前積欠馬匹以地方災傷重大故也。巡撫延綏都察院右副都御史杜忠卒忠字世臣河南河陰縣人成化戊戌進士授山東新城知縣歷監察御史平陽府知府山西左叅政四川右布政使山西左布政使擢右副都御史巡撫延綏忠醇厚謹愿不事表暴政

所至雖無赫赫聲而克舉厥職在平陽治政不苛民頗宜之撫
延饒甫一載以老疾乞休已得請矣未受代而卒○戊申夜月
犯六諸王東第三星○以駙馬都尉游泰管領大漢將軍宿衛
無事奉天門東西量擦上侍衛帶刀勳衛等官○致仕工部左
侍郎潘禮卒禮字嘉會歸德衛人天順庚辰進士授給事中轉
左給事中擢通政司叅議右通政以憂去服闋改南京入為太
僕寺卿管易州山廠邊工部左侍郎任如故廠有贏利禮一無
所取由是以廉潔知名弘治中三疏請老進資善大夫給驛歸
歸十三年為正德丙寅于時年八十有一矣草舍飯蔬意恬如
也巡撫河南都御史韓邦閔言于朝詔有司月給米三石以示
優老養廉之意初歸德有河患禮歸乃居鄉一日寇至無可取
物禮曰有酒可飲寇諾群飲之去禮緣是復居城中然簡交際

正城中常徒步出城乃御車其敦朴如此既辛其卿人愈益稱之。乙酉禮部左侍郎管國子祭酒事謝鐸致仕鐸素尚恬退弘治間奏乞養病卒。孝宗旨令病愈起用至是年已七十有五矣吏部因通查給假養病等官言鐸已老難復起用詔致仕并諭今後養病踰年者並致仕不必起用。是夜望月食。月犯井宿錢星。士子陞河南按察司僉事薛英為福建副使。陞建寧府同知胡瑛池州府同知劉宗儒撫州府同知曹嵩為按察司僉事瑛廣西宗儒山西嵩雲南。癸丑以明日冬至節遣謝馬都尉樊凱黃鏞崔元分祭長陵獻陵景陵裕陵茂陵泰陵文武衙門各分官陪祭。遣儀賓楊淳祭恭仁康定景皇帝陵寢。遣內官祭恭讓章皇后陵寢。夜月犯軒轅右角星。甲寅冬至節上詣奉先殿奉慈殿

太皇太后 皇太后宮行禮畢出御奉天殿文武群臣行慶賀禮○ 太皇太后 皇太后 皇后宮俱免命婦朝賀○ 免群臣宴賜以節錢鈔 命西安左衛署都指揮僉事任墨守備潼關地方○ 乙卯朔副使高崇熙米五百石以嘗監督固原州等倉場糧料致泛爛虧折故也○ 丙辰朔給事中王宸主事謝忠米各三百石坐奏支內庫布疋估計未當也○ 兵科給事中周鑄自刎于桃源舟中鑄勤事淮安還忽自刎比舟人覺之已不能言取紙強書字多模糊惟識趙知府誤我哥憐十數字時瑾用事凡出使還者皆索賂鑄與淮安知府趙俊有舊許以千金貸之竟食其言故鑄憂憤而死事聞繫俊至京按治鑄死狀乃坐俊罪巡按御史趙時中以失於奏聞亦罷為民○ 戊午陞翰林院編修吳一鵬為本院侍講以九年秩滿也○ 工部尚書李鏐以

疾乞致仕詔允之賜勅給驛歸令有司給食米月四石役夫歲
四人仍特與誥命○天津衛都指揮龔事紀到求復職先是到
病以子璋代為指揮使至是璋卒到病愈求復職兵部以到都
指揮陞授不由軍功准復原職指揮使○己未罰已改副都御
史湯全家屬米二百石以全前在湖廣管理糧儲督察欠嚴故
也○總督楊州備倭都指揮袁傑奏請兼管淮揚常鎮蘇松等
府地方備盜事兵部覆奏謂事屬紛更且統治太廣亦難防範
宜令傑兼管常州益瀆河至蘇松通泰沿海地方捕盜事如卒
不足用聽量調民快事畢勿得拘留從之○福建按察司副使
張壘誣搆泉州府同知于茂賊罪坐充軍茂復訴群因許奏壘故
殺平人致死命大理寺少卿李春錦衣衛都指揮楊王往勘擬
壘新罪茂復職并叅先任泉州府同知梁毓按察使荆茂副使

丁養浩僉事董豫叅政劉孟巡按御史陳玉泉州府知府吳晟俱宜逮問詔是之而有執等不問各罰贖罪米五百石○臣中兵科給事中屈銓等奏親詣兩淮運司覆驗在庫引目八十萬道每引作價四錢召商報賣告報益少每將淮南每引量減七八分淮北每引量減五五分庶事易集戶部議覆鹽課開中未有四錢以下者令召商日久所賣不多蓋緣江南凶荒食鹽者少織造等項夾帶者多私鹽既行官鹽自賤與其減價孰若暫存宜令科道各回京將前項引目仍留在庫待時發賣從之乃令行各處巡監御史究私鬻阻壞之弊○辛酉降刑部署員外郎事主事唐權為欽城縣知縣時錦衣十戶輩竭引工託疾不赴為緝事者所發權以失於拘審坐罪○工部尚書缺吏部推南京都察院右御御史吳文度以南京戶部右侍郎王珩可相

詔陞文度為戶部尚書并所俱致仕。○治甘肅地方官軍失機罪指揮朱永等十四人逮治左叅將蘇泰准以功贖游擊將軍徐謙奪俸三月守備都指揮陳鑑等五人副十戶蕭瀚俱降一級。○兵科都給事中趙鐸等劾奏保國公朱暉久病曠職乞推選謀畧將臣代之。上以暉大臣待自陳既而暉辭免營務許之所役軍伴聽留五十名應用。○壬戌戶部言浙江災傷重大已經守臣覆勘宜於兗軍米內量折三十萬石南京米內量折十萬石石徵銀五錢各差官解貯俟米賤時月依價收糴或折放官軍其極貧應賑人戶准將貯庫賑罰銀兩并預備倉糧兼支務使饑民得沾實惠從之。○癸亥戶部言宣府大同罰米官員多已為民致仕病故或入仕日淺或家計貧窘刑責雖嚴無由完納宜行巡按御史查照原行除見任四品以上及米百石

以下仍納本色其五品以下為民致仕并病故知府等官照宣
大上納糧草價例折收銀兩從之。加封周府鎮國將軍睦棹
睦楮睦榴為郡王以周王復奏其父安瀨以世子薨今既追封
悼王其庶弟睦棹等當加封故也。右僉都御史王一言卒一
言字行之成都內江縣人成化辛丑進士授監察御史陞雲南
按察司副使整飭兵備再轉為都察院僉都御史巡撫寧夏偶
渡河墜冰衆掖出之以此致疾卒于官。一言體貌修偉善談笑
為御史頗有風采所居官亦能盡職。○南京刑部尚書樊瑩卒
瑩字廷璧浙江常山縣人天順甲申進士授行人陞監察御史
出知松江府剷除積弊諸賦役類遵周文惠公舊法而行私治
改元詔舉異才工部侍郎黃孔昭以瑩應吏部尚書王恕聞而
是之時瑩方以憂歸起復改平陽陞河南按察使進應天府尹

守備將琮者侍寵與言官奏訐所蔓引多至罪無瑩承命推鞠
發其傷 孝陵龍林事琮以是得罪去陞南京工部右侍郎尋
改都察院左副都御史巡撫湖廣兼督理軍務值水旱諸藩饑
修頽業瑩奏通廣鹽收餘利以助工役又奏停緩紗紙價數萬
兩民甚賴之旋養病去卒自御史石玠等交薦以舊官起撫鄆
際改南京刑部左侍郎尋兼左僉都御史巡視雲貴皆有治績
入為南京刑部尚書未幾致仕會逆瑾用事落職為民仍責輸
米五百石尋卒瑩誠懇簡易介而有斷故所至輒有聲譽享年
七十有五瑾敗復其官仍贈太子少保謚清簡

明武宗毅皇帝實錄卷之四十五

正德三年十二月甲子朔 上視郊祀牲○夜流星如蓋青白色光燭地○丙寅改南京刑部尚書洪鐘為工部尚書右都御史張憲為南京都察院右都御史掌院事○調刑部廣東司主事高貫為山西遼州知州東城兵馬指揮司副指揮萬楨為河南都司經歷司都事以問事遲留而罪之也○詔免鳳陽八衛官軍京運一年以地方災重故也○丁卯秦寧等三衛夷人入貢還許市牛隻田器禮部請遣通事伴回為之平市仍令鎮巡官戒之勿令雜市違禁器物及因而擾害地方制可○戊辰陞通政司右通政葉蘭為左通政○戶部言先是都理馬政都御史楊一清定西寧洮河三衛茶馬則例每歲徵茶不過五萬斤易馬不過五六千匹今巡茶御史翟唐一年之間所收茶至七

十八萬二十餘斤所馬至九十餘匹較之常規利實倍之口
靖類著宜加旌獎詔陞唐休一級。哈密衛忠順王連壇科牙
即等以其所部為連壇阿力王殺奪窮困遣使請糧於朝戶部
覈奏夷情不可盡信宜移文甘肅鎮巡等官覆實乃發傍近倉
糧給之。上以達夷果被擄殺亦當矜恤命給糧五百石毋令
失所。華山西懷仁王府輔國將軍成鋼成鏡成鏗成錄成鋸
稔米三之一錮以殿傷職官鏡鏗以凶惡害人錄以冒支稔米
鋸以匿逃潛任罪也。詔致仕右僉都御史王璟監察御史劉
玉俱冠帶閒任降荊州府知府王綬三級調遠方別用罰河間
府知府楊儀米百石藁城民有與小功尊屬忿爭而致死者已
論新奏訴屢年近辯問情可矜疑璟以嘗巡撫玉等以嘗巡撫
失於詳擬獄久不決罪之。己巳陞巡撫宣府都察院右叅都

御史鄧璋為南京戶部右侍郎。禮部言外夷貢使回舊未有
譯送者有之自安南陪臣持請始後因譯者在途不法議革之
惟朝鮮及泰寧等衛年哈密夷人譯送如故既而兵部議免惟
令各鎮巡官遣送今錦衣衛帶俸指揮僉事大通事王喜奏聞
前例宜止聽譯送朝鮮安南及泰寧三衛夷人餘仍革免
上是之仍命嚴譯人在途生事導夷為害之禁。庚午陞工部
左侍郎吳洪為南京刑部尚書。授翰林院庶吉士安磐為吏
科給事中。命惠安伯張偉提督團營并總管三千營操練。
次保長寧伯周或卒或順天府昌平州人。孝肅皇太后之仲
弟也。以恩澤授正千戶累遷指揮使進都督同知封長寧伯後
加太保至是卒賜葬祭如例。辛未舊制各處鹽引俱於南京
戶部印發至是巡鹽御史宇文鍾奏言往不便請改戶部另

行利副戶部覆奏淮浙長蘆川廣俱有益運南京道里適均自
洪武以來遵行已久乞仍舊詔今後但於戶部印給南京引板
俱令銷毀劉瑾變亂舊法踵因而導之後瑾誅乃改正焉○滿
刺加國王遣副使端亞智等來朝貢方物回賜國王蟒衣綵段
紗羅文錦及賞使人綵段衣服絹紗有差○壬申遣禮部不侍
郎費宏祭天壽山之神以南直隸湖廣河南災傷例遣官祭
告天下名山大川故也○吏部奏刑部右侍郎李士賓都察院
右副都御史陳璧戶部右侍郎何鈞俱養病一年之上請照禮
部右侍郎謝鐸例移文各官俱令致仕許之○從淮王請封其
故伯安懿淮世子之地王氏為妃以世子既進寺上爵故也○
工部奏各省物料積年未完宜停諸司滋事者之俸令嚴限催
納詔各處災傷數多民困未蘇物料已徵完者令解部未完者

得徵諸百司俱勿停俸待年豐徵解。○癸酉陞江西按察使陸完為都察院右僉都御史巡撫宣府地方。○陞大理寺左寺丞王憲為都察院右僉御史充祿寺少卿顏頤壽為大理寺右少卿。○應天徽州太平池州寧國安慶等府并廣德州各屬及建陽新安宣州安慶等衛旱災戶部請免其秋糧子粒有差仍於免數內量徵二分以補起運兩京之數災重地方聽以半折銀報可。○命懷寧侯孫應爵總管神機營永順伯薛勳坐五千營。○甲戌陞工部右侍郎俞俊為本部左侍郎巡撫陝西右副都御史崔巖為工部右侍郎。○巡庫科道官奏松江府華亭縣輪內庫折糧閭白綿布三萬三千餘疋俱粗窄不中度固初府縣及戶部准其事者忽於驗察之罪詔留布別用府縣官停俸督補如數戶部官宥之。○乙亥陞通政使司左叅議羅欽忠為

右通政石彥議劉達為左叅議。○滿剌加國貢使火者亞劉等
回以船為颶風所壞請令廣東布政司代造禮部言宜令鎮巡
官驗實俾自修理果須重造其材亦宜令自備所司但量給力
役副之詔可。○丙子陞禮部郎中劉振為光祿寺少卿監察御
史楊武寧米俱為大理寺左寺丞武瑾鄉人米以儉邪進。○瀋
王幼孳為其姪遼山王詮鈺乞書籍以。皇明祖訓。皇明典
禮二書賜之復為其子宿遷王詮鏐乞。御製盤龍詩不與。○
丁丑陞山東左右布政使賈銳為都察院右副都御史巡撫陝西
○命豐城侯李旻敢勇營坐營管操。○戊寅貞惠安和景皇后
大祥遣儀賓周鈺詣。陵寢行禮。○戶部員外郎張瓚先以藍
課事遷南海為民後以巡庫事復罰俸三月戶部覆瓚并家屬
遠徙無從拘問因言與瓚同論罰者尚書曾鑑侍郎張達郎中

王壽給事中許天錫屈伸周璽御史陳文試高良弼程材俱已
死所罰之未宜令家爲代輸詔皆有之○已卯轉福建右布政
使車璽爲山東左布政使○陞廣東按察司副使胡峯陝西苑
馬寺卿燕忠俱爲按察使峯江西忠陝西○江西災守臣以侍
微請戶部議起運南京錢糧難以賑免宜移文鎮巡官量其災
之輕者於應免數內再起二三分以足起運之額若災之重者
聽量以折銀輸京王府祿米則令從宜區處從之○庚辰以冬
無雪遣英國公張懋啓告京都城隍之神○准秦府輔國將軍
東嶽襲封卽陽王初卽陽溫穆王誠泌薨無嗣其庶弟誠汾誠
澮皆許襲未命而卒東嶽誠澮嫡長子也在 先帝時請襲禮
部會議謂溫穆王薨後已一再傳庶卽陽王之後止應授本等
職不必議封至是又援保安汧陽二府例以請禮部言 先帝

已有旨不可許而內批許之蓋保安鄆陽皆秦藩以瑾為與援也○女直大通事王玘坐累罷鴻臚寺序班張澤呈乞推補錦衣衛帶俸指揮僉事大通事王喜言女直舊不設大通事今宜免補禮部謂弘治十三年女直大通事劉福致仕孝宗皇帝命會同兵部從公選補乃用玘今澤所呈與喜矛盾請加裁定有旨照例會推可用者以聞○陝西巡茶御史翟唐奏報陝西苑馬寺長樂靈武二監年開城等七苑孳牧馬數計一萬三千八百二十六匹兵部議馬之虧耗甚易請移文接管御史嚴督監苑官吏用心飼秣如例科駒以期蕃盛得旨茶易馬匹積年數多未見給俵今後以前此孳牧者給各邊軍士騎糧大同宣府各八百匹榆林寧夏各五百匹其餘如議牧養以期蕃息兵部復奏榆林寧夏與甘肅每年輪開茶馬今又給以孳牧馬駒不

無過多惟宣大二鎮宜照數給之報可○辛巳陞雲南樞密司副使陳振為陝西花馬寺卿○陞四川布政司左叅政馬懋為福建右布政使改河南按察司副使王純為廣東副使○壬午命故興安伯徐盛從兄良襲伯爵○陝西守臣奏西北邊方有五而陝西實當其三若以環慶洮岷蘭河等衛所言之尤為要害誠花處可擬計其糧料布花歲入之數不足以支歲出加之水旱免徵過半若遇動調其何以充乞預處以防警急戶部覆奏詔許開中靈川鹽課其陝西見貯生員等所納銀不必輸京并四川納例者亦聽取至各邊給備糴之用○總督蘇松等處糧儲都御史羅鑒奏蘇松杭州等府旱災該徵兌軍米并兩京官吏俸糧俱不能足數請盡折銀省其脚耗補之有餘以備本處俸糧及賑濟之用下戶部議覆宜於無災該徵兌軍米內量

准折銀四十萬石口五錢兩京俸糧內准折銀一十萬石石七錢省其腳耗以補有災不能起運之數猶不足則於臨德等倉支運本處俸糧及賑濟所需聽從宜處置從之。許故恩蔭錦衣衛百戶范廣姪資襲廣原職廣故司禮監太監范宣義子也。○命湖廣長沙衛帶俸都督僉事王震備禦廣西地方。○左軍都督府帶俸都督僉事支玉卒賜葬祭如例。○癸未復昌平州為縣先是議者以昌平近 陵寢供應煩勞奏改為州隸以懷柔順義密雲三縣免其養馬雜差而宛平大興二縣亦以差重民勞免養馬既而太僕寺具奏兵部覆州縣養一馬例給免糧地五十畝今宜令宛大昌平三處仍養馬而一馬加給地一百畝庶幾民力少寬且昌平未改州前未見廢事今似宜仍為縣。上是之乃復為縣并懷柔等縣各養馬如舊。○甲申陞太

僕寺寺丞錢員為知府致仕。○程表孝子陳大用及弟婦烈婦
孝大任氏等十有五人。之門大用湖廣善化縣學生。又長慶義
三年趙郡珍江西進賢縣吏叔二之。又七舅母萬氏隨叔二朝
事客京師。母病醫禱不痊。及卒悲慟甚。亦自經而死。程其門曰
孝行任氏山西汾州人。樊鶴妻李氏山東濱州人。左連妻趙氏
河南汝陽縣人。胡冕妻姚氏山西沁州義官馬驥妻龐氏淮安
府山陽縣人。郁賓妻王氏山陽縣人。許寬妻楊氏松江十戶所
軍餘黃鑾妻劉氏陝西岐山縣李惇妻華氏蘇州府長洲縣人
朱琳妻倪氏浙江會稽縣學生胡翹妻張氏松江府華亭縣學
生王忠妻唐氏蘇州府軍餘楊貴妻馬氏河南杞縣人。胡呆妻
俱守節不貳。程其門曰貞節畢氏應天府六合縣儒學生李文
奎妻文奎病卒。畢號慟誓不再適。尋自經死。程其門曰貞烈。○

乙酉兵科都給事中趙鐸等言近年軍官比試多姑息之弊請
加嚴飭得旨舊制比試甚嚴歲久人玩視為故事兵部其即移
文各都司應襲子孫必弓馬熟閒乃聽起送監比官必嚴比中
式乃聽襲替不中者如例處分若監比似前怠玩必罪之仍令
領事諸司察其弊以聞○丁亥直隸大平府災知府龍夔奏存
留體糧及賑濟無措戶部議覆宜將本府正德四年當輸揚鳳
二府小麥并見存生員等所納銀當解京者並存留應用從之
○戊子停徵南北直隸應天順天順德廣平等府營州中屯等
衛河南山東等布政司未充草場租銀并俵解馬匹放回濠徐賴
宿四衛京操官軍以地方災傷故也○建州衛女直都指揮詒
巴等來朝貢馬賜綵段鈔錠有差○命山西行都司都指揮龔
事李鉉充叅將恤守大同中路○己丑湖廣守臣奏下荆南上

湖南湖北三道地方險遠宜令分巡官各携家駐其地二歲一更從之○舊制皇城外紅鋪七十二座鋪設官軍十人更巡銅鈴七十有八時長安右北祇更遣軍人一一搖振環城巡警歷西安北安東安三門俱會長安左門而止每十鈴以兵部大牌一面後復造木牌五十六面付以上五門驗發鈴收鈴之數其法甚嚴近漸怠弛偵事者以聞下兵部議宜復設部中及添設主事各一人會同巡視五城御史錦衣衛五所該管地方十戶巡行查點嚴督各衛指揮責令守衛官軍照舊巡警得旨如議責各官專理其事毋插他務官軍有仍前失誤直宿損壞鈴牌者必罪之○秦府帥陽王東懷薨王悼安王嫡長子也母妃馮氏成化甲辰生弘治癸丑封輔國將軍至是當封爵同命未至而薨賜祭葬如郡王禮謚曰安僖○庚寅陞提督南京糧儲都

察院左僉都御史儲燿為戶部右侍郎總督漕運都察院右副都御史李翰為左副都御史掌院事時吏部推戶部右侍郎以巡撫湖廣右副都御史張子麟及燿請既用燿矣瑾又矯旨謂子麟不務公事始令提督南京糧儲再有過定加誦治人莫能測其故焉○四川布政司左叅政缺吏部推陝西按察司副使鄧善為湖府知府王鐸可補理矯旨數善督學無方不可用仍陞鐸左叅政俱令致仕○巡按直隸監察御史楊武論劾王曰等縣知縣等官楊經等十六員或貪濫不謹或罪輕無為或年老有疾又論薦保定府推官等官謝國表等十二員庶能昭著撫字有方吏部覆奏詔經等罷黜如例國表等再加訪實量材旌權武激揚得體陞俸一級又謂在外百司皆賴居官者秉公無治而選用得人則由吏部吏部因襲宿弊凡才力不及者仍

誦任化所所更之地其天河罪焉宜即查究等差如例蘇點又
諭都察院至行各省巡按御史務秉公廉訪實進遲巡按滿日
仍稽其功過以聞有容匿不如令者覺必不貸此雖出自瑾意
然亦頗中時弊但瑾方誅賂無厭所謂令反所好者也○戶部
奏今年罰俸官一百八十二員俱納完為俸米四百四十八石
為折俸銀一十一百九十餘兩折俸絹一百三十五疋罰米贖
罪官八十八員已納者五十八員為米六千五百三十石未納
者三十員為米四千三百石有旨罰米未完者仍令巡按御史
催督蓋先是瑾矯旨命戶部別設庫廩以貯所罰米終具奏欲
彰其聚斂之能也○命左叅將都指揮僉事蘇泰仍舊分守肅
州地方召新任叅將劉寶還泰先以地方失事擬罪寶代之至
之泰以功贖故有是命○度成王奏姪奉國將軍表探先聘典

仗所餘丁田林女以祖喪未婚至是服闋疏請上曰王府子女禁於本府軍校之家選配奈何違之其別選配後有違者禮部查出停婚被選之家戍邊衛不貸○惻守廷綏中路左恭恭王勳請給旗牌工部議與之上謂舊無例不允且戒後不許妄請有給與不當者俱革之○辛卯西河王上鎮圍將軍鍾銘子身洋孝行詔旌表其門身洋幼喪母泣血哀慟父有疽發於面親為吮之跪進湯藥膝腫如拳衣不解帶者踰月及卒哀毀頓絕水漿不入口者三日既葬廬墓誓終喪制焉○壬辰以歲暮裕享遣駙馬都尉樊凱林岳告太廟及懿祖皇帝熙祖皇帝祧廟○以災傷罷修理京城工役○癸巳裕享太廟○以明年正旦節遣駙馬都尉蔡震馬誠黃鏞分祭長陵武陵景陵裕陵茂陵泰陵○遣儀賓楊淳祭景皇

帝陵寢。遣內臣祭。恭諫章皇后陵寢。命武定侯郭勳領
圓子手官軍八直侍衛。是歲戶共九百一十四萬三千七百
九戶口共五千九百四十二萬五千二百八名口田四百六十
九萬七千二百三十三頃一十六畝九分二釐七毫五絲四忽
九微五纖田賦二十二百一十六萬七千三百七十六石九斗
八升一合四勺五撮五圭三粟三粒七微麥四百六十二萬六
千六百四十八石七斗三升九合一勺八抄二撮七圭七粟九
粒四微五纖絲三萬一千五百五十三斤一兩三釐一忽四微
五塵綿一十六萬九千六百斤一兩九錢八分八釐七毫七絲
絹一十二萬六千七百六十七疋三丈六寸六分二釐一毫八
絲三忽布一百六十六萬六千四百六十四疋四尺四分綿之一
十一萬二千八百九十四斤一十一兩二錢二分二厘四毫三

絲三忽草二千五百九十四萬四千二百四束包六斤五兩二錢八分九釐三毫三絲九忽六微六纖戶口鈔八千七百九十七萬六千六十七貫七百七十八文五分六釐雜課鈔七千三百九十二萬七千一百一十九貫折米三萬三千三百三十六石七斗四升七合三勺鹽課二百一十八萬二千四百引九十一斤九兩三錢三分六釐折米五千七百八十七石四斗折布四萬六千六十三疋一丈八尺五寸五分八釐茶課一十一萬三千三百一十一斤九錢七分屯田一十六萬一千三百二十七頃一十八畝四分四釐四毫七絲一忽糧一百四萬一百五十八石三斗九升一合五勺八抄九撮金銀課三萬二千九百二十兩水銀二百二十九斤硃砂四十六斤八兩價運四百萬石各處運納一千一百七萬五千六百一十九石八斗四升一合三勺

三抄三撮七粟六粒減免糧二百一十七萬五千三百一十三石八合四勺五抄八撮

明武宗毅皇帝實錄卷之四十五終

明武宗毅皇帝實錄卷之四十六
正德四年春正月甲午朔上詣奉先殿奉慈殿太皇
太后皇太后宮行禮畢出御奉天殿文武群臣及四夷朝使
行慶賀禮太皇太后皇太后皇后俱免命婦朝賀免
群臣晏賜以節錢鈔命錦衣衛署都指揮僉事劉賓掌山西
行都司事丙申宣宗章皇帝忌辰奉先殿行祭禮遣駙
馬都尉蔡震祭景陵戊戌降金吾左衛百戶王鳳翟勇侯
良季經陳能周海李宣王瑞為誅百戶仍揭極邊衛分帶俸差
操以承委監放官軍月糧稽慢不如期故也己亥孟春享
太廟遣內官林司戶之神庚子立春順天府官進春上
御奉天殿受之群臣行慶賀禮免晏以所司奏辦慶成宴期迫
故也辛丑陟廣西左布政使王綸為都察院右副都御史巡

洪明廣地方督理軍務時吏部推南京光祿寺卿熊豫文論可
用乃用論而令謀致仕陞制漢左布政使邵齊為都察院右
副都御史總督曾遂剡軒國王李得達陪臣才嘗忝列韓允
亨等來旬正只有馬及方物務吳及金織水絲段制頗如例
陝西鞏昌府禮縣地震○壬寅以大祀天地上御奉先殿
誓戒文武群臣致齋三日○兵部言羽林右衛百戶吳補弟祥
發疾不堪承襲濟陽衛千戶邵真妻賈氏南京府軍後衛百戶
孟景祥妻劉氏俱夫死無子請如例月給優養米祥三百石賈氏
劉氏二百石招三石省月給二石二石者一石著為令○陽曲王
種璉奏本府諸將軍府多有各省逃差遊食人投充服役生事
官人請嚴加禁治以安良善詎下兵部議從其請○上是之令
各該巡按御史通行稽查毋得禁禁的各王府宜自遣之各還籍

伍如以前技托影射生事者民發口外軍舍餘丁營壘邊衛分
充軍都佑王家不出首者連坐○中辰太監劉理請於陝西興
平縣馬菟鎮建義勇武安王廟賜額志義令有司歲供祀事仍
乞碩勅防護立碑錫祭器房屋之數以禁侵盜制可理擅獲得
志納賂既多侈用無度於京師朝陽門外斥地數百頃祇建玄
明宮土木之費至以數十鉅萬計而馬菟鎮則其家所在又立
此廟蓋欲侈大獅閣以誇示榮寵也○以上元節賜文武群臣
假十日免宴○陞河南府知府沈文華為陝西按察司副使提
調學校轉雲南右布政使王綸于湖廣山東右布政使張吉于
廣西俱左布政使○丙午大祀 天地於南郊禮畢 上還宮
謁 太皇太后 皇太后畢出御奉天殿文武羣臣行慶賀禮
○丁未以大祀禮成 上御奉天殿大宴文武羣臣及四虎朝

使時滿剌加使臣端亞智來朝在館禮部詣如朝鮮使臣例得
與宴位於殿東第七班中。陞寶慶府知府曹祥為四川布政
司左叅政四川叅政之缺吏部初推副使邵善知府王鐸俱得
旨令致仕既又推武昌府掌府事叅政陳晦及祥詔用祥而敕
晦營私刻剝熙之。戶部覆奏給事中吳儀查盤寧夏回原等
處倉場練批泥欄等項糧單及窄短布疋數多并劾節年管糧
兵備等官副使李隆羅明翁遂王弁李端澄高崇熙胡經僉事
王垣余金李經陳珍孟達李政尚絳賈時白金及巡撫都御史
張樹叔徐廷璋崔讓賈俊韓文張璋孫仁王珣胥政周季麟孫
需楊一清張泰劉憲堯昇曲疏侍郎衛佐管糧郎中徐觀夫於
督理覺察之罪下逮監收指揮甄道判董全等一百八十八
人皆宜查究詔以該管官員法當重治但年遠人衆姑罰未贖

罪情重者各五百石輕者三百石致仕為氏者半之馮鈇等既已提問待追陪元日分別情罪輕重以聞虛出侵盜德厯濫收私放情重者仍令巡按御史提問明白亦罰米二百石。工科給事中吳儀等奏查盤寧夏回原等處所請馬價鹽課銀弘治十五年至正德二年凡一十七萬八千二百餘兩內三千七百六十餘兩有那移侵欺情弊因參巡撫寧夏右僉都御史劉憲巡撫陝西右副都御史楊一清苑馬寺卿車震僉事賈時平涼府知府陳遠同知岳思忠平涼衛指揮使趙大亨夏右七衛指揮同知周冕左七衛指揮使沈瑄前衛指揮使楊英寧夏衛指揮僉事馮鈇陳均百戶李茂黃確罪有差兵部議從儀請得旨劉憲以馬價充餼糧市買驛騎妄費數多雜病故仍罰米五百石楊一清加移借補車震經手支用銀俱已致仕仍罰米三百

石甯時緣事俟結獄以聞周冕等情重者罰米二百石輕者百石○己酉 憲廟廢后吳氏黨大學士李東陽等言漢成帝廢后許氏葬延陵交道既而光武廢后郭氏葬北邙山凡皇后廢黜文冊猶稱廢后書其葬地不嘗有降為庶人之禮廢后吳氏原奉 憲宗皇帝詔書止云退居別宮閑住 果朝以來服食供奉皆從優厚今日之事宜令禮部斟酌儀節凡事宜從簡者而殫歛祭葬皆不可闕以存 皇上敬老念舊之心播之天下傳之後世亦美事也 上諭禮部喪禮做 吳朝忠妃故事太常寺以祭儀請命歲時用素羞別祭于墓所○是日晚刻金星犯尾星東三星○庚戌 吳宗睿皇帝忌辰 奉先殿行祭禮遣駙馬都尉樊凱祭 裕陵○陞應天府府丞李堂為南京光祿寺卿尚寶司少卿祝祥為本司卿夏昇為南京尚寶司卿武

運司署郎中事員外郎周魯為尚寶司少卿。命守備南贛都
指揮僉事趙鉞江西都司僉書管事。日生暈有左右珥青黃
色良久散。壬子巡撫湖廣右副都御史張子麟奏廣西苗賊
四出寇鈔恐越境為害宜暫調武岡輪戍下班指揮僉事王真
所領官軍一千一百員名駐永州操候以聽調遣如賊遁散即
擊回兵部覆請詔從之仍令廣西湖廣鎮巡等官各設法撫捕
隨宜防禦勿致滋蔓以靖地方若延縱如前罪不貸。兵部言
金吾左等衛指揮使等官陶滿來勲周茂蕭通王鎮閔昶蕭英
劉俊等先以大同征進功給賞旋蒙恩各陞一級賞賜宜還官
而滿等遲延二載不行交納宜查究命副滿等所陞官一級賞
賜令巡按御史索之各衛字印首領官失於查催各罰米三十
石。癸丑兵部尚書曹元上為政便宜八事一京營把總等官

有推舉各處總兵副參遊擊守守備者赴任之日將京餉騎
操馬匹即還本營無馬官軍不許奏帶前去以致消耗一中明
舊例行各營把總等官禁約官軍勿得盜賣私馬以致馬匹倒
死緝事衙門宜加訪察一下班回衛官軍勿得擅持官馬帶回
以備擊急一官軍倒死馬匹一年之內者責令自買運官一年
之外者方許追徵檢頭銀兩相兼朋銀買補一民間孳牧馬匹
宜行兩京太僕寺及各府州縣管馬官責令馬戶如法餵養依
時群蓋其本折色馬匹除正德四年照舊起解外俟本年秋本
部奏差御史二員會同兩京太僕寺丞將買免種馬通行印烙
至五年以後照例二年科駒一匹以聽次年差官印烙不許驛
作虧欠之數以求折銀一管馬官違補馬匹本處撫按布按二
司及府州縣正官勿得干預沮撓以致掣肘難行無管馬官去

虞奇令掌印正官兼理一管馬官不許奉承別項差委上司官
亦不許擅自差占一洪武年間欽定馬政條例宜令太僕寺轉
行各府掌印官刊印遞給馬戶牒請以便遵守詔從之○陞大
合縣知縣趙崇賢為知州錄其檜功也○刑部尚書王繼之以
七十乞致仕詔嘉其清慎老成多著勞勩而念其懇乞退休許
之賜勅聽馳驛歸命有司給食米月四石役夫歲四人仍界之
應得詔命○甲寅陞延安府知府王秀奇為應天府府丞○恭
寧等衛都督等軍等遺蹟日塔卜歹等首兩賜絲段金織衣
絹等物有差○雲南武定軍民有土官知府鳳英以投右叅政
職銜差犯事等首兩謝恩賜絲段寶鈔如例○曹卜在大旌普
人韋秀等以腰刀未貢賜鈔錠段疋如例○命大興左衛帶俸
都指揮僉事胡玉守備南靖地方○乙卯南京戶部缺右侍郎

吏部以應天府產項寶兩京通政司右通政程文諱詔改南
京吏部右侍郎王璽以補其缺遂勅文致仕文大學士劉健之
嘗也璽銜健不已故去之○准與安伯徐良載文祿米八百石
本色三百石折色五百石○賜潘梧左叅持金堂銀二千兩文
綺二襲璽書奏諭以撫徭賊功也○晉府寧化王府鎮國將軍
鍾鐵因冒儀賓潘璽宅有隙相訐奏鐵詞多涉誣下巡按御史
勸問御史馮昊及叅政沈杰副使王紹止據府衛官勸報蓋未
之覲鞠也都察院并劾昊等罪詔革鍾鐵祿米三之一仍勅晉
王約東昊侍回京之日以聞杰詔各罰米二百石○丙辰改工
部尚書洪鍾為刑部尚書陞兵部侍郎才寬為工部尚書○是
日皖月犯彗宿北二星○德府奏原賜白金湖及新城等縣廬
蕩田地共一千七百餘頃為小民占種爰子粒息探府縣等

官不與違傲戶部覆議因勅先任右政使張泰劉琛恭政鄧廷
璣濟南府同知耿文明通判張祐新城縣知縣改瑩曾委查勘
謀處未明移文鎮巡等官覈實上聞先是泰及文明祐瑩俱致
仕矣仍各罰米一百石璣既遷刑部侍郎吳仍罰米三百石惟
琛璣已死獲免○晉唐義寧王表槻薨王榮廉王長子母妃張
氏成化四年八月初七日生十七年七月封長子十九年十一
月襲封至是薨輟朝一日賜祭葬如例謚曰僖裕○魯府鎮國
將軍當溪鄒平王泰長子也父有疾湯藥親嘗後雖出閣猶日
問寢膳不廢事後母如所生其子健鏞亦以孝稱至是魯王請
賜勅建坊用表其父子孝行焉宗室勸禮部議覆上嘉當溪
父子俱有孝行乃賜名曰世孝○戊午兵部上廣西柳慶平賊
功次首列有功當陞二級者錦衣衛正十戶魏英等十四人陞

一級量賞者副千戶呂大瑞等七人陞一級不賞者止千戶王良等六十四人次及廣西等部司官舍并陣亡旗軍應陞一級者四百二十六人陞署一級者十人應賞者九千六百二十八人乃以總理調度等官太監潘忠都御史陳金等應加賞與諸省首英等十四人良及百戶李清等四十一人如擬陞賞千戶毛美等十七人各加賞不陞廣西等部司官舍旗軍各如例陞賞忠成加祿米十二石金賞銀二十兩綵幣二表裡廣西鎮守太監蔡昭副總兵陳泰等如金配功御史盧翊等銀十兩綵幣一表裏分守恭將馬澄金堂官纓賞如翊協同監督進勦官左叅政王臣左叅議林璿右叅議錢顯羅榮副使陳崇德僉事蔡鍊王秩賞綵幣如翊而銀半之錦衣衛公差千戶李載以非奏帶之數不准陞賞兵部所擬陞一級不賞者內有余珞等五人

蓋指押余寔家僮而梁次據則學士儲之子也瑾以其賞緣冒
功俱押發原籍為民遂誣寔而執其職天瑞以嗣秉黃緣近侍
復冒功次并家屬呂天祥等五人俱押發甘肅固原等衛永遠
充軍又諭今後文武職官子孫人等敢有冒籍歸衣衛并各邊
官下者俱運坐朔衛充軍犯者該部并科道徑自劾奏瑾因是
裁抑統律可謂察矣然所陞賞及八黨茅姪英及魏天祿彬弟
姪也劉傑劉元吉劉亨劉時配瑾弟姪也馬山馬到永成弟姪
也谷大中谷春大用弟姪也蓋徒挾權逞威以濟其私殊無所
顧忌云○黜大理寺少卿季春為民春勤事福建逢次納善又
多載私貨為東廠校尉所發還繫錦衣獄尋送刑部擬落職得
旨春出使辱命行止有虧黜為民仍罰米五百石○己未命南
京守備掌中軍都督府事成國公朱輔致祭鍾山之神以南畿

列部災傷故也。改戶部左侍郎胡汝繩為兵部左侍郎。○陞河南布政司右叅政馬炳然為山東右布政使。河南按察司副使楊壽為本司按察使。○夜北方流星如盞青白色起自北平。賊東行至七公後五小星隨之。○庚申陞吏部文選司郎中馮蘭為南京通政司右通政。仍以文選司事重令推歷諫者以聞。○命給事中張禮段芳胡明王珊監察御史李瀛沙鵬復改戶部署郎中胡文壁張諾為刑部郎中朱鑾張綸劉祥陸棟兵部員外郎屠奎為監察御史查盤南北直隸及浙江諸省錢糧。先是諸司官朝覲至京長瑾虐焰恣羅禍各歛銀幣之。每省至二萬餘兩。往往賦於京師富家。復任之日取官庫所貯倍備之名。名兩京債上下文征恬不為異。瑾聞之心不自安。其黨張鍊乃獻計差官查盤。欲以掩其迹也。於是各有司。又歛銀幣。庫天

下騷然○巡撫都御史羅鑒奏丹陽全壇二縣民饑尤甚請借撥蘇常二府各米一十石救九千石賑之其蘇松常及嘉湖等府未亦賜贖宜放預備倉糧減價量糶貯其銀於官俟年豐糶救備賑戶部覆議如鑒言上曰歲歉民饑朕所軫念借撥放糶俱如撤行之然賑濟之急當先及於小民務詢計處周詳不可使豪右之家挾勢規利致生奸弊○命淮安衛指揮俞事吳鑑把總運糧以部指極體統行事○總督兩廣軍務左都御史陳金等奏廣東連山縣舊治乃洪武初年建置土地衝沃山水環遠且通舟楫是以禦防夷寇天順中馬賊攻燬暫遷小水坪嶺險阻多瘠若民不便宜遷復故址歲撥官軍民壯千人分番戍守從之○點監察御史歐陽雲工科給事中吳傑時出差回京者必納賂於瑾乃可免禍往往於所至地方科索金錢於是

雲傑出差自陝回亦理故習而理之索通有說瑾勿交出差官
魏道奇瑾遂以二人有會聲聞考察列黜為民○辛酉陞監察
御史祁縷于雲南河南按察司僉事席吉于青州俱按察司副
使荊州府同知張鼎于山西辰州府同知符觀于廣西俱按察
司僉事○哈密衛忠順王并哈刺灰指揮僉事并迭力迷失等
遣使臣哈只迭力迷失等貢駝馬腸豚駁絹布衣物有差○籍
故都御史錢斌家初崇禎歲祿一萬石舊例給粳米千石粟米
九千石弘治間賊邊撫河南以上產紅板米四千石代粟米給
之無窮未嘗奏請也至是崇王請給如鐵檄遂觸瑾怒有旨敕
交通王府擅更成法宜究治廷臣議坐賊重刑藉其家仍罰承
奉唐名長史曹蘭等贖罪米各千石其接管官都御史韓文等
虜州縣官張子麟等各以年月久近罰米有差紙家杭州官校

至時則錢已致仕間幸且故矣乃收錢妻及子應禎等六人婦
女載獲五十五人俱逮繫至京盡沒其家產法司會勘以錢既
為庶人應禎等服令遣式應遠戍於是摘意禎應祥應祺應福
應禧應祿并妻子分戍陝西肅州固原莊浪等衛遇赦不赦錢
之改粟為粳肯因土產從民便罪不至此而瑾用焦芳之計欲
借江南大家以快其憤首發於錢子女累累蓬垢就還衣冠無
不傷之其所沒金銀文皆出於州縣每家祇麓一隻內置衣
物一二多玳瑁金富人出銀數十兩送官以充其數其流毒有
不勝其甚者○而涼莊永昌西寧山丹等衛選補遊兵茶馬二
千匹○物弊王之國所遇騷擾事聞上以隆勅戒諭之曰王
已蒞封國休尉遠懷但聞在途時郵轉官吏需索財物夾帶私
鹽沮滯客商所至嗟怨多逃避者王深若少出豈能周知必有

主使弊置之人而承奉長史等恣肆無忌不能禁制此累于王
似非細故王宜深自備省正己律下毋俾府中官屬及軍校生
事起業仍追究在途撥置者具奏處治王其益致敬慎永保祿
位顧不美歎

明武宗毅皇帝實錄卷之四十六

明武宗毅皇帝實錄卷之四十七

正德四年二月癸亥朔陞福建布政司左叅議徐育爲河南右叅政○巡按直隸御史趙時中奏鳳陽地方災傷乞將免軍糧折銀石由賑濟戶部議覆宜行賑濟侍郎王瓊會官稽勘過全災州縣量起二分五厘其餘准於原擬分數上五量起二分惟極貧人戶不分輕重悉與蠲免已派免軍糧一十五萬五千石量起運十萬石折銀七錢解部聽用改免徐州一十五萬四千三百石量起六萬石其餘有徵之數准留賑濟若災重難堪則改免米從緩漸徵或於京唐折銀草束內除豁詔如所議○四川威州打刺兒寨頭日用中蓬乞授職修葺鎮巡等官以聞禮部議覆上令照例三年一首○甲子增夜巡有照守節官軍指揮二員馬五員從給事中段芳議也○朔陝西道監察

御史林琦為廣東樂昌縣知縣時有以西道衛百戶盜竄王府
宮人者罪止擬徒琦失於詳默內批謂其欺公玩法特朝之○
乙丑靈丘王有鍾國將軍成鉞與後官孫載有隙相訐奏事下
巡按御史劾報成鉞奸占倡優強取良家子女奪民財物縱子
奉國將軍聰渡檀出遊獵其元成錕成鉞亦行險不修鉞侵欺
靖僧挾騙財物所奏事多不實都察院覆據以請詔鉞奪職為
民成鉞革禄未三之二成錕成鉞各三之一并聰渡俱勒責之
○丁卯釋奠先師孔子遺少保兼太子太保戶部尚書文淵閣
大學士楊廷和行禮○授行人曹傑汝敦知縣許鳳進士張燦
顏正張鼎李元俞錫童寬胡止試監察御史做璠正浙江通政
寬山東道鳳錫陝西道錫元福建道止貴州道○戊辰祭大
社大稷遣太師英國公張懋行禮○遣順天府府尹李浩祭

先業之神。兵部議武學作養不可不擇宜同舊制而中飭之
凡在京武生十七歲以下專令讀書寫字十七歲以上則兼習
弓馬聽兵部及坐營大臣考較在外武生俱入衛學或附入儒
學直隸聽提學御史各都司總提學按察司官考較皆記高下
賞罰於冊年終送部稽考三試而文理不道者襲替之日降一
級回衛差操不得預軍政其應襲替而年高幼者仍送作養一
年得旨著為令并命公侯伯子孫應襲者通送武學教習候有
成方許襲爵無成則祿米三之一。海西肥河等衛女直野人
都指揮長哈奴等來朝貢馬雷線改表裏絹布等物有差。已
已罰浙江右叅政馬路米三百石湖州有通判魏濟長興縣知
縣高嶼米各百石坐勘田不中鎮巡官會奏也。琉球國中
王尚真遣正議大夫程建朝辭國王李暉遣陪臣戶曹參判韓

了允各來朝貢方物賞賚既滿布有差。庚午陞刑部員外郎
初澤為河南按察司僉事。刑部雲南司吏董避之告本司郎
中周潞員外郎虞岳主事嚴承乾章文翰盜易贓物求假以聞
得旨潞等俱除名送陞避之為本司司務故事司務必舉人考
高等始得之班序即中上未有以胥吏充者劉瑾擅作威福變
亂舊章類如此既而吏部奏本部司務無見缺乃令查各衙門
對品缺補用。河東地鹽御史周廷徵初為借用太倉銀兩不
行補還罰米五百石至是巡按御史馬吳查奏廷徵補撈拖欠
五羊鹽課共一百七十六萬餘引其罰米宜與分豁詔從之。
辛未烏思藏闡化王遣番僧別失堅來朝貢賞賚既滿鈔有
差。大學士李東陽等言四夷館教師必番字番語與漢字文
義俱通方能稱職故事於本館推選或於各邊訪保務在得人

頃來教師多缺宜令本館提督官從公考試優等送內閣覆試
照缺委用仍乞勅陝西雲南鎮巡等官訪取精曉韃靼西番高
昌西天百夷言語文字兼通漢字文義之人照例起送赴部奏
請量授官職與本館教師相兼教習務使擇學有傳不致臨期
誤事詔可。降山西按察司管七倉事時中二級調遣方先是
晉府將軍寺湖與臨汾民劉雄等訐奏不已命給事中張裕御
史孟醇性同巡按御史湯沐鞠之中乃原問官以獄詞未明被
送當贖杖還職特命降調。壬申陞掌鴻臚寺事禮部左侍郎
張俊休一級以九年秩滿也。嘗大同遊擊將軍都指揮同知
滿浩織金飛魚文綺一襲從其詣也。太傅凌雲侯周壽辛壽
順天府昌平州人。孝肅太皇太后之弟初襲父能官錦衣千
戶。憲廟登極以元舅召見便殿陞都督同知封慶雲伯追為

侯弘治初加太保又加太傅至是辛年六十八贈宣國公謚恭
和賜祭葬如例壽性謹厚常使藩府印記載馬皆稱旨平居簡
出不妄通賓客能以富貴終。甲戌遣戶部右侍郎孫文榮太
倉之神。遣順天府官祭宋丞相文天祥。太監劉瑾傳旨陞
錦永衛指揮高得林為後軍都督府都督同知帶俸。山東擒
獲群盜王紹吉等一百三十九人蓋前此叛賊趙竇王平之黨
也都察院以其擢上得旨論斬者八十一人其輕者充軍族杖
有差地方官避事失防禦者皆罪之。弘治初軍人張允忌河
南鹿邑并直隸亳州之民所墾河埔地土項故多西官稅少也
舉指為河南荒地畝之徵府徵府因請為業遺戶部主事李思
仁覈之得地六千一百九十餘頃起稅二萬四百三十餘石詔
以所稅米二千石給王餘皆輸河南有司然內有五百五十餘

均為未一千八百餘石實直隸王皮溜集之地而佃者亦惠州
之人冊皆混為鹿邑系圍集之地矣鹿邑有司徵其稅不服巡
撫官乃奏令輸之鳳陽以充汝寧府每年坐派之數其民復懇
不便於是遣郎中方嶠覆勘嶠奏報河南直隸地界甚明惠州
所負糧自正德三年為始今輸之本州倉以給軍糧而汝寧府
坐派鳳陽倉糧自當如舊仍備行各司府州縣改正冊籍以杜
復爭而正允妄獻之罪前後鎮巡撫按司府州縣等官盡劾不
明及夫於催併完結者凡二十四人俱乞究治有旨杖允百發
遣遠充軍諸官以年遠且遠及者衆姑從輕罰未見任者百石
罷黜者半之已死者勿究○丙子鴻臚寺請御經筵 上曰朕
偶感微嗽始俟三月以間○滿王奏永年王薨長子齡鑄長孫
勛浚供辛勛沒有子胤楠甫七歲承重主喪請封為長子伴管

理府事 上從之仍令公務等事聽潘玉查照而行。先是湖廣瀏陽氏劉應龍與族人道龍有隙謀於姊婚蔡奎使僕劉華殺之道龍弟志龍愬之官華與張求秀者謀誣志龍殺其故先求華劉需益者取其屍抵驗志龍不敵孝家逃難遇害於途又念見知及舉發者并殺之道龍家人復往愬為人所毒死前後凡殺五人其獄官司屢勸應龍輒略昏吏匿文案以混是非積十餘年不決於是道龍男鳳茂具以冤情赴奏詔遣給事中張九敘往同巡按御史勘問九敘追劾京問官先任御史李天賦按察使金獻民副使張首泰政胡韶參議華福僉事杜馴知府王珣李剛同知董璜見任副使劉遜參議吳世忠僉事趙璧知府趙維藩夫妻等供當究治都察院覆議以請詔華應龍及求秀之弟求孝求忠供論死全及黨惡者七人俱發邊衛充軍

各官不分枉直或推避因仍以致疑獄經久不結前世忠廉滿
各降一級剛端罰米二百石天賦福韶遊壁馴夔各一百石獻
氏五十石九款以參詳明白稱旨陞俸一級為今後勸事官法
式○丁丑陞兵部郎中冒慶為福建布政司左叅議○戊寅詔
各邊諸凡修理墩臺不許於各處糧價內支用其防護人馬米
出百里外者乃照例折與價銀勿令重復冒支從戶部奏也○
南京守臣以修省上言請停徵科罷工役一成造上用前旨
彈子等物原差太監每歲供給下程用銀二千餘兩今事已完
諾宜撤令回京不許延住糜費一織造織禮及常用段尺馬備
一萬一千六百餘兩宜蠲解其半以紓民力一修御馬監西海
子承光殿及龍鳳缸取物價三千三百兩有奇又修造盔甲鈔
錢款銅宜以徵在官者輸部餘俟量革補之一南京供應織造

太監下程工食歲費銀五千四百兩有奇宜以應天府庫貯無
數銀給之以蘇徵派小民之苦工部覆奏上曰諸造作費用
數多南京根本重地今罹重災人民艱窘無從出辦情實可憫
所差太監還回毋得久滯物價物料未徵者宜者俾免待臺半
捕還其洪給下程工食何至數千兩備官可備覈其款所
司亦何可分外承奉自後無類式者其盡革之毋困吾民○已
卯宣府龍門衝地震○庚辰命歲給周府改養陽王同錄官眷
養贍米一百石從周王請也○總督南京糧儲左僉都御史儲
嚳奏南京官軍俸糧歲該一百五十萬石見在倉糧止一百七
十萬石恐支放不敷戶部議南京倉糧原有二百萬石其餘糧
斛并湖廣江西浙江南直隸府分災免不盡之數仍該徵五六
十萬僅足支用宜行各巡按御史督併并行南京戶部差官催

綱詔如議○錦衣衛都指揮楊玉請以本衛正千戶石文義理刑從之○辛巳恭仁康定景皇帝忌辰遣儀賓周鉞詣陵寢行禮○陞應天府府尹黃寶為都察院右副都御史巡撫陝西等處仍令兼傳至京領初凡巡撫還轉無窮領勅者瑾欲要謝賂收利此例○太監劉瑾傳旨錦衣衛指揮僉事劉璋同楊玉辦事○癸未陞廣西按察使王寅為四川布政司右布政南京大理寺右寺正宗璽為山西按察司僉事○戶部議覆宣府等處鎮巡等官奏東路懷來去各廣關不遠若該倉運有糧料雖龍門迤北城堡可以接濟合陞慶衛等倉所貯米四萬七百餘石黑豆萬八千餘石宜行侍郎胡汝礪差官運貯懷等倉以備急用及查軍民人等奉例蠲納指揮等官在京各衙門吏欲免辦事歷役考試并山東河南等處生員收撥陞慶等州縣納粟

者各照原擬赴倉上納俟秋成停止別邊儲下之緩急有濟從之○甲申山海關等處守臣言柔勳等衛都督花雷遣使來首馬駝鷹犬因乞賞賜供於關外聽候禮部議旨不以特宜卻之上令鎮巡官就便撫待貢物差人齎進賞賜俾回分給之○陞福建左布政使常麟為應天府府尹○戶部奏南涼地方災傷亟宜賑濟使中米價倍於雜糧而活人之功難僅為多乞令南京法司并南直隸齊州縣衛所凡遇囚犯該納贖罪米者每米一石折收雜糧一石五斗訖於本處各倉收貯賑濟仍聽侍郎王瓊提調其湖廣河南陝西浙江吳重地方俱照此例處置詔從之○陞大寧都司保定後衛指揮僉事李實為都指揮僉事本都司僉事管事○乙酉戶部議覆左侍郎胡汝礪會同宣府鎮巡等官酌量城堡緩急地上廣狹收戍厚薄定擬種草價

直宜俯從衆議將蔚州等堡有牧處所照舊每種一石銀六錢
準一束銀五分給買其餘摘發別堡上納者二十里以上每十
里迪加脚價銀五釐準每十束迪加般運并堆柴蓋柴銀一分
五釐官爲在運量加折耗準束止查緊要草場買備其山東山
西糧草尙直本部仍差官守催運者治罪奏上詔悉如議仍令
汝礪如意整理務合時宜。丙戌勒大學士劉健謝運爲民先
是詔訪舉懷材抱德之士浙江以餘姚周禮徐子元許龍上虞
徐文彪四人應詔所司未納四人屢奏求用時禮恨健遲未已
以四人皆遠同鄉而準詔由健欲固而罪之遂矯旨謂天下至
大豈無可應詔者何餘姚德士之多如此必有徇私援引之弊
遂下禮等鎮撫司鞠問吏部尚書劉宇阿瑾急劾布政使林符
即竇李贊奉政伍符奉議尚衡馬輅知府劉鐸推官謹聽知縣

汪度訪舉夫實而鎮撫司獄辭回達及健遷理持至內閣必欲
遷健遷所坐且指其家大學士李東陽徐為勸解瑾意少釋
芳在傍因抗聲曰縱輕處亦當除名既而旨下健遷皆為民禮
等謫成造衛符等各罰米三百石聽度仍罷職且著令自今餘
姚人毋選京官。丁亥降刑科給事中沈昭為湖廣布政司照
唐昭先以奉旨按事叅官尤當下獄刑部擬復職內批令降黜
之。免萬全都司開平龍門等衛所雲州赤城等堡正德三年
秋種子粒以撫恤奏其災傷也。詔戶部發銀三千兩於獨石
等處給賞獲功官軍。戊子陞湖廣布政司右布政使陳良器
為福建左布政使時吏部以山西右布政使姜洪陪點內批洪
年既六十有六令以左布政使致仕。陞南京戶部郎中張善
為湖廣布政司左叅議湖廣副使洪遠于廣西四川副使劉丙

于貴州俱按察使○兵部言軍官子弟比試不中式者凡七十
一人內劉珍等二人因馬蹶而墜其情可憫宜如例收選彭孫
等不准襲替旅本等宜統其職發回原衛充軍俟三年再比差
仍不中發煙瘴衛分永充軍沒別取戶下相應襲替者俟試中
用之得旨如擬仍著為令○以朝陽關外插竹廠地給付大德
玄明官初劉瑾奏請於朝陽關外作宮奉北極玄帝祝延 聖
壽上既賜之額而瑾復請插竹廠空地供贍香火土後許之仍
命工部會官為之履畝定界以關尚書李鐸等覆請移咨戶部
獨具常稅民家所葬墳塚皆責令改遷蓋所謂插竹廠者止據
傳聞工部亦無冊籍可為軍民慮於其內因而開種遂為已業
或從使營葬無慮數千家自理為此奏又皆他徒其所葬骸骨
有力能遷者無幾人餘皆發毀暴露宛錦之聲濟于郭外○左

軍都督有都督同知莊鑑卒鑑遼東人天順四年襲遼東定邊右衛指揮使屢以剽虜寇功陞都指揮僉事都指揮同知都指揮使都指揮僉事召入坐營管操後充左叅將分守大同西路以兵部爲召復左軍都督有事弘治十一年掛鎮朔將軍印鎮守宣府虜衆犯邊以大捷重書獎勵受限幣之費十四年改鎮大同兵部右侍郎熊綱奏鑑經畫有功陞都督同知至是卒歷葬如制鑑知兵勤慎小心故屢能立功以至顯官○己丑申嚴休退官員留京師之禁時革職太醫院右通政施秋亦在行中其弟太醫院院判鑑以世籍言有旨詆秋既先世徵取謀太醫院具令留京師凡致仕官若係永樂宣德年間已遺數世名附版籍者亦容之餘仍依前首行○南京禮部尚書江瀚卒瀚字文瀚浙江仁和县人成化戊戌進士改翰林院庶吉士除編修

修憲廟實錄成陞侍讀充經筵講官乙卯考應天府鄉試尋充東宮講官與修大明會典考滿進侍讀學士仍與修通鑑纂要再考順天府鄉試上即位以從龍恩進詹事府少詹事學士如故與修孝廟實錄充講官掌翰林院事尋命為實錄副總裁陞吏部右侍郎歷左侍郎尋進南京禮部尚書卒諡賜祭葬如例潤性孝友謹厚嘗構屋一區俱以遺兄弟舟次聞有震舟者亟命刺舟救之果出另婦各一人久居翰林位雖尚書尚未柄用而卒故材美無所表見云子晚及暉俱進士上第晚今為山東叅政暉亦入翰林為編修○庚寅命長寧伯周琦子塘襲爵○以水旱免山東沂莒等州徵稅○利津等縣并沂莒等衛所正德三年糧草子粒○哈密衛都督馮亦虎仙奏成化弘治等年於邊獲阿黑麻王處自僱已費贖取陝已及所會全

印并被虜人口請贖糧戶部議行甘肅鎮巡等官嚴實先年米
烏中國効勞量烏綱卹可報○賑濟河南右侍郎畢亨奏河南
災傷重大乞將京邊糧草止運輕齎戶部議在京倉場仍納本
色具紫荊新碾等處邊倉每米一石足銀一兩二錢草每束一
錢黑豆每石七錢貯庫俟秋後召商上明從之○辛卯陞湖廣
布政司叅政劉琬雲南叅政沈林為右布政使琬湖廣林山西
山東按察司僉事毛廣常州府知府楊二和為按察司副使廣
湖廣二和四州○遣大理寺右侍少卿領善清理延綏等處
屯田○魯府鄒平王陽鏗薨王莊清王第二子母郭氏正統丁
卯四月十六日生成化丁亥五月襲封至是薨報朝一日賜祭
葬如例謚曰恭愍○錦永衛告替舍人史賓乃百戶瑞之子
憲廟保母莊清夫人之孫也賓祖玉以總旗傳陞實授百戶瑞

代之己二世矣近奉旨凡傳陞者減半俸仍留用端其一也至是賓仍破代父職兵部議蓋制武職非軍功不得世襲賓實以保母恩非軍功也代否請自上裁有旨賓仍准替百戶終其身凡保母子孫得官准襲原職通前三世而止因著為令○壬辰 皇太后聖旦免命婦賀賚文武百官宴於午門○裁革福建漳州府福寧州莆田南平尤溪將樂晉江等縣稅課司局并光澤縣河泊所

明武宗毅皇帝實錄卷之四十七

明武宗毅皇帝實錄卷之四十八

正德四年三月癸巳朔

孝肅太皇太后忌辰奉慈殿行祭禮遣駙馬都尉樊凱祭裕陵
○命禮科左給事中薛金監察御史宋璉覆查大同等處邊務
先是侍郎文貴奏修墩臺添城堡請給內帑及事例等銀五十
餘萬兩至是劉瑾奏請差官察之乃命科道官各一員查算已
用未用若干及修過墩臺城堡若干具見在銀兩就令差去官
掌管更用者初受命時即以所領銀數萬略理瑾此舉亦掩護
之術也○武昌興國江夏等南州縣并武昌等衛德安等所旱
災免夏秋稅糧有差戶部請究所司奏災指違者罪詔掌印官
奪奉三月管糧管屯官五月○甲午以旱災免南京錦衣等尉
所屯糧有差仍令差南京科道官各一員查具均畝總數以聞

○乙未陞廣西布政司左叅議林璿為湖廣左叅政時更許以璿反山西左叅議倪天民為請詔用璿而令天民去天字且等內外文武官名有天字者俱改之○給事中邵天和等查盤過河東運司在庫贓罰并支費過鈔貫段尺等銀七千三百六十餘兩命貯內米運庫○哈密衛忠順王連壇拜牙即使臣忽散木丁谷勒毋罕然各奏通事王水自稱為朝使進侍各索銀六十餘兩乞為進給時水恒寵甚橫禮部覆奏不敢斥言其罪但云哈密乃西域襟喉之地所遣使當加撫恤永索取之事虛實未辨謹以請詔哈密使臣未肯誠當撫恤王水索銀事姑弗究其令如數還之○暹羅國船有為風飄泊至廣東境者鎮巡官會議稅其貨以備軍需市舶司太監熊宣計得預其事以要利乃奏請於上禮部議阻之詔以宣妄攬事權令回南京管事

以內官監太監畢再代之○昏刻月犯天陰南第二星○丙申
吏部尚書劉宇奏乞修治父母及妻塋墓上從之命工部遣
官往葺其事仍與父母祭一壇宇復乞令其子錦衣指揮便保
還鄉綜理上命改脩於陳州衛帶脩葺州衛禦千戶所事
○丁酉賜魯南改輔國將軍當猶主母馬氏夫人鄭氏及子女
諸人口養贍米歲五十石○海西等衛女直都督脫原保哥朶
朝貢馬匹方物賜紗錠織金文綺等物有差○戊戌改南京太
僕寺少卿鄭宗仁為太僕寺少卿○輸太倉粟米十五萬石于
宣所懷來龍門三處以備邊以山東山西河南災傷其輸邊額
糧猶多未至恐有警無從支給故也○命取南北寄養馬二萬
五千匹南十之三俱折色北十之七本色四分折色三分以各
有災傷且南方災重故也○管束並浪土兵都指揮曹經奏上

人家口重大不可一時缺人管顧故存留本邊防禦免聽鄰境
微調兵部言經世受國恩而乃適己偷安宜諭令撫綏土人嚴
加約束如鄰鎮有警調發卽率所部馳赴協力以振家聲毋得
擁兵誤事自貽罪悔仍行陝西守臣審憲檄宜勿輕徵調從之
○己亥以久旱命順天府祈祭郡城隍等神○戶部會議漕運
歲額四百萬石所以供京師官軍歲用數不可省今湖廣浙江
江西河南直隸地方俱有災傷宜免之數若於水次四倉撥
補恐緩急無備今除湖廣存留本處賑濟浙江江西兩直隸等
處則量折銀兩十之四五餘仍徵本色其災重勘實詎免無徵
者乃於水次臨德二倉支運則折徵之數雖多而漕運之額不
減又言漕運糧米該赴京通二倉者先有旨務運本色然四方
饑饉可無權宜之法災傷地方宜從寬折銀解部送倉候秋成

召禮或折放月糧存米在倉以補元軍該運之數不足乃照原
擬於水次四倉支運補數則京儲原額不失而被災小民亦指
蘇矣從之○夜月犯井宿北第二星○庚子清明節遣駟馬都
尉蔡震崔元林岳分祭長陵獻陵景陵裕陵茂陵
泰陵文武諸司各分官陪祭○遣儀賓楊淳祭恭仁康定景皇
帝陵寢○遣內官祭恭讓章皇后陵寢○遷東蓋州衛地震
有聲○辛丑 皇以千秋令節免命婦朝賀○陞山東按察司
僉事侯直為廣西布政司左叅政○提督宣府等處軍務侍郎
文貴奏宣府建立墩臺修築邊牆夫匠管工人員并防護官軍
九萬餘衆所用糧草敏於所在倉場借支戶部覆議宣府各倉
場糧料數少不可動支萬一有警倉粟空虛誤事非細宜別將
石屑關陞慶倉本部原擬屯運粟米四萬餘石黑豆一萬八千

餘石運貯臨邊倉場專作修造之用其防護官軍糧草間支折
銀并腳價俱於萬全都司見收銀內數內支取餘還萬德庫准
作官軍月糧認從之仍諭令文貴斟酌亟修要害之地○壬寅
陞管大名府事山東布政司右叅政石豫為南京太僕寺少卿
○裁革廣西太平府通判知事檢校并所屬執課司遞運所大
使各一員以都御史陳金奏具府在邊事簡故也仍令各處撫
按覈其事簡者一體裁革○南京戶部議覆南京內外守備等
官奏請以戶兵二部及應天府寄庫皂隸贓罰席竹鹽引等銀
七萬一千餘兩賑濟都民戶部議秋成尚遠宜令原委官員糴
買雜糧斟酌給散庶幾活人頗多仍行侍郎王瓊綜理稽考務
在收支明白詔從之諭瓊督委官從宜糴買給賑務得實用毋
致侵欺妄費○先是虜騎窺邊由大同天城入殺虜人畜宣府

官軍拒之遂以聞而大同則不報至是各言有警互請徵調應
援兵部議兩鎮相去三百六十餘里而懷安城則交界適中之
地宜行侍郎文貴會同諸鎮相機戰守務令聲勢聯絡大同失
事或有隱匿情弊亦宜恭究初有旨勿問既乃曰大同屢失事
而鎮巡官不聞聞其令巡按御史勘報餘如所擬○賜分守延
綏西路地方左恭將都指揮僉事田琦織金龜魚文綺一襲從
其乞也○癸卯賜潘有世子詮鉉 皇明內令御製對類四書
集註各一部從潘王請也○陝西罕東衛舍人板丹等遣番人
却公加失加等來朝貢馬駝甲刀等物賜宴并鈔錠練段等物
有差○甲辰 上御經筵○辰時雨雹及霰良久止○給陽曲
王府故鎮國將軍鍾鎮妻皮氏養贍米款五十石○戶部議覆
浙江守臣奏地方災傷重大宜將生員免納銀四萬二千四百

五十餘兩并今年該解贓罰等銀二萬內俱留賑濟本部坐派
各色物料未解者并原欠水鄉草箔價銀六萬二百兩有奇俱
暫停止以寬民力仍待豐年徵解詔從之且令鎮巡官督屬用
心給散務使民沾實惠○三禮監太監閻宣戶部侍郎韓福等
會劾崇王所乞湖廣常德辰州府屬縣無糧田地一千五百九
十五頃有奇山場周圍八百二十里房屋舖面一千五十八間
宜給本府及泰先任巡撫都御史韓重副使劉進泰政徐旦泰
議胡瑞等前劾不明陰陽訓術劉賢承劾受財之罪下戶部議
覆詔田地給府管業進令勘官違問且巡按御史問重瑞免違
各罰米三百石賢發陝西回原衛永遠充軍○己兵部尚書
曾元以河南擒斬回賊百三十四人為鎮守太監忠堂及所帶
參隨副千戶廖鵬等功宜如巡按御史趙斌所藉功次陞賞得

官室以運謀設策歲加祿米十二石鵬以奮勇為首陞指揮食
事餘俱如擬陞賞試亦賞銀十兩綵帶一襲軍衛有司停俸者
俱聽優支是舉實妄設希功男婦死於非辜者贖百人鵬奸佞
陰險巧於誦經當時覆勳等官亦無有一言及之者○丙午命
運州衛舍人童子襲其父弗刺答職為都督僉事○丁未陞河
南布政司左叅政徐以貞為都察院右叅都御史巡撫延綏地
方○戊申先是以前登州海船缺少豐廣二庫應運遼東布足積
欠壞多議輸京貯庫備用布既至驗收太監以紙髹泡損勳該
部疎於驗勳及司府收受失宜軍官護視無法俱有罪戶部奉
旨自劾又言已輸之布宜擇其可用者留備軍士冬衣紙髹泡
損者則估作官軍月俸收受護視官則移文巡按御史備查參
奏以後常年當解布足既缺船運送并山海關歲派之數則俱

徵銀三錢送部轉輸詔部官既自劾宥之收受復視官以他方
災傷并免查究餘如議○順天保定河間永平等府所屬州縣
并寧雲等衛水旱災免糧草子粒有差所司造冊稽違者各罰
米五十石輸居庸關○周王為其父悼王庶生子請名封且言
出宮人李氏乞如汝陽王孫安汎等例禮部議享為樂女於例
有妨詔以宗室事重周王不宜冒請令革所生子為庶人并革
安汎等封仍勅禮部通查各王府樂女所生子女及禁與僧道
刺麻性采於是禮部因言各王府玉牒不載生母所自考究無
乞自今許鎮巡與輔導官查係樂女及非良家女所生不分已
未請名役封違婚供造冊送部係庶生者俱候鎮巡移文再行
宗人府驗同玉牒方為覆請名封著為令從之○甘肅守臣奏
普達沙麻爾及陔爾吉等族與甲冲族相讐殺虜人言器物欲

行撫剿兵部言西蕃族黨漢唐以來所不能制我朝創設哈密
赤斤罕東諸衛授官賜勅犬牙相制不惟斷匈奴右臂亦以壯
西土藩籬今夷狄相攻於我無預而防微杜漸自治為先宜勅
甘肅守臣遣官往諭令其解仇罕東左衛都督只克令撫拘各
族息兵悔過從之○江西寧都民蕭陵與大功克蕭近爭田有
隙謀殺之事發生斬陵奏辯不已都察院勸實以聞詔決之仍
覈具巡按劄卷御史及原勅諸司違誤者罪奏上詔分三等先
任副使享宗泗溧格見任僉事院賓先巡按御史減鳳俱違間
先巡按御史喬恕罰米百石弓元罰米三百石先任贛州府知
府吳廷趙履祥及寧都知縣今陞御史平世用各六十石○巡
撫延綏右副都御史王嵩已降陝西參議致仕優以弛撫時嘗
發官報召商買綢糧革違徵米先劉瑾諛科道劾之遷禁錦衣

獄啟主以優盜律蕩不勝拷掠自誣服論斬遂藉其家妻孥生
故者二十三人既而志司為言嵩所犯在赦前且實非侵盜乃
免死誦成彰德衛○己酉吏部奏請考察京官且言自弘治十
七年考察後迄今雖未六年但今京政維新百官賢否不一若
非嚴加考察則賢否混淆勸懲失當又各衙門五品以下官雖
曾給由赴部具有考語而詞多溢美難以憑據宜行各掌印官
具別賢否與臣等素所訪聞兩相考證其才力不及初入仕途
者存之則廢事去之則可惜請量改放後并兩京國子監官中
間有才識各有所宜者量才改調得旨進退人才朝廷重事兩
京吏部會同都察院并各堂上官從公考察務備衆論堂上官
四品以上令自便翰林院官令本院考察欽天監太醫院皆免
之特張綬初為吏部侍郎朋比劉瑾顛倒威柄箝制百官故非

時而有是舉初入仕途及才識各有所宜皆前例所未有也○
吏部又言自元季至今差出科道部屬諸官恐有指稱使用科
敝民財那移庫藏情弊宜令差查盤錢糧御史密切訪察果
有實跡即如例罷黜若徇私不舉一體重治詔是之蓋前此差
出官員率有以賂瑾瑾欲掩飾已過故特考察之際復黜吏部
為此奏云○大學士李東陽等奏翰林院官雖間有不院自考
之例但議論貴公法令貴一請收回成命責在所司令本院掌
印官會同吏部考察使內外被此人無異言從之○陝西按察
司副使蕭紳為河南布政司主叅政○調吏科左給事中郭和
為曹州判官和即天和宜查盤鹽課論奏諸司有遺漏故也○
革慶成王前奉國將軍表詢種米之羊以挾妓天家致傷人命
故也○辛亥分遼東都司著指揮僉事崔賢充右叅將分守端

義地方○倉東益州漸地震明日復震○夜月犯天江第二星
○壬子大學士王鏊以衰病辭免詔謂卿學行兼優素隆閣望
方資輔導以副眷懷豈可遽求休致不允○陞賞廣西廣東漢
上官軍人等九千五百八人有差以平柳慶二府賦功也○癸
丑大學士李東陽上疏乞休謂屢省乃成陳力者止故省身者
必審進退之宜而行法者必一內外之體臣遭逢 列聖攀附
六龍顧乃駕輅不進蒲柳先零每當臥病之期輒上乞骸之疏
勉留優詔勅必至於再三報稱微骨竟莫施于尺寸歲年滋邁
筋力愈衰况自今春以來兩澤未施變理無狀今考察有老疾
之條而責任分大小之等仰冀 聖恩先賜罷黜則公道易行
法令不貳 陛下保全舊臣之盛德固極盡而無遺而臣終始
一節之素心亦庶幾其不失矣 上曰卿才華異常覽閣海外

輔導 累朝朕心允儲正當輔佐安忍容閒所辭不允○大學
士楊吏和上疏辭謂頃奉諭旨大發宸斷公舉考察之典以正
百官將求廟翼之明用熙庶績臣以庸劣遭際 聖明召自南
郡起升內閣置諸左右委以腹心每感激於深恩思勉圖於寸
報緣志有餘而學不運故心欲進而力未能職在格心未有隨
事納忠之益分當謀國又無濟時慮變之才面顏有愧寢食不
安况朝是勗猜圖治之時正臣下執陽思退之日內自省循曠
瘼為最今茲考察寵黜宜先仰瀆睿慈俯察誠悃特加體悉早
賜退休豈惟務其不能實足逸天私願蓋審己量力非敢要知
止之右而推賢讓能亦竊附効忠之義 上曰卿學行俱優方
隆輔導宜盡心供職以副朕懷不必回辭○大學士焦芳亦疏
謂臣才逾七十致仕之期則既過矣前所以不輒求去者思堂

皇上簡用之恩是以強力老耄竭力愚誠因循歲月今已四
年顧聰明已不及於往日道德實多負於初心伏惟 皇上鑒
及慈哀放歸田里 上曰卿 累朝耆德聞望隆重贊理化機
朕意方舒豈可隱聞不允所辭○吏部尚書劉宇左侍郎張綵
右侍郎柴昇各以考察庶官先上疏求退不允○都察院掌院
事太子太傅更部尚書兼左都御史屠滸以考察庶官先上疏
請休不允○甲寅命大同都指揮僉事姜義充左叅將分守大
同東路山西行都司署都指揮僉事劉寶充左叅將分守宣南
西路○陞遼遼東指揮同知劉元吉等四人有差錄具新興堡
斬獲功也○遼東蓋州衛城樓鐘夜自鳴者三東山大家峪山
崩二處約丈餘廣寧中屯衛大興堡地陷長四尺闊三尺深四
丈有餘山東諸城日照縣安東衛直隸贛榆縣各地震○丙辰

戶部奏各運司竄戶逃亡所遺鹽課數多取償於各鎮竈丁恐
年久累重亦將逃去宜行各巡鹽御史凡諸逃丁通百引以上
均派通場如力不及則同運司官別行區處其總催酌量丁力
照舊輸當不可專累一戶從之○賜哈密使臣窩亦虎仙紉絲
飛魚衣一襲從其乞也○先王魯商鉅野恭定王陽榮以事繼
母至孝為宗人所慕請立石墓所賜名旌孝至是其子當渝又
以為言且云母妃孔氏行與父同乞令翰林院并撰碑文以彰
潛德從之○哈密忠順王速壇拜牙即請釋弘治初編管廣西
夷人免伯赤等九人聽曰衛甘肅守臣言免伯赤叛其本主而
附土魯番引兵破哈密滅池致屢大將遠征始免平定朝廷安
置葡表已從輕貸今速壇拜牙即筆幼無知為其下點柴者所
便故有此請徇之則彼輕侮國法復啓亂階兵部議從其言請

初運糧拜牙即及都督奄克字刻寓亦虎仙諭以疾逆難持之
義報可○丁巳大學士王鏊再以疾自陳求退上不允曰朕
以卿德性端謹權居內閣委任方隆頃求休致已有旨勉留有
疾宜加調攝○命遼東都司都指揮僉事王道山西行都司都
指揮同知劉英各本司掌印管事○陞西安後衛指揮使李佐
西安左衛指揮僉事張光字河州衛指揮使王錦帶俸指揮僉
事全冕為署都指揮僉事佐於甘肅光字於環慶錦於榆林冕
於靖虜各補缺領軍○存留西安潼關寧山南陽鎮上等衛所
下班操備官軍於延綏以增防禦從鎮巡官請也○兵部覆延
綏守臣奏連虜累入攻燒墩臺殺傷守備官軍蓋由其記律不
嚴以致之雖經奏報猶恐別有隱情宜行查勘得旨延綏屢有
失事劉保等不能副鎮巡重託本當究問姑貸之仍令戴罪剿

賦地方事情命巡按御史覈實奏聞廣治○鎮守浙江太監劉
璟奏巡按御史魏期滿當入覲更留一年都察院為之請
上以非舊制不允繼詔事璟出入鎮守南皆由後門巡按之體
蕩然矣及代還璟厚有所贈士論劾之○罰陝西按察司僉事
尚端一百石陝西行太僕寺少卿馮清米二百石以緝查盤開
奏欠富清引律差錯故也○戊午禮部尚書白紙太子少保兵
部尚書曹元刑部尚書洪鍾工部尚書才寬各自劾求退俱以
旨留之○先是北虜自正德三年五月以來屢犯宣有三路所
殺虜官軍男婦幾千人預畜一千五百有奇亡失器械以萬計
糧二千餘石守臣以聞兵部議覈其功罪至是巡按御史孟醇
查奏承委軍職二百餘名及分守內外官叅將楊玉王本來張
太監孟山王景和左監丞張鼎右少監李增副總兵劉津遊擊

將軍李珠等俱以失事當罪又言鎮守太監陳貴總兵官白玉
巡撫都御史鄧璋提督軍務左侍郎文貴俱屬重寄責非難辭
但陳貴等先於龍門獨石等處各有擒斬功績今失事之後又
各以解圍斬捕論功行賞矣且虜方在邊須人防禦或功過相
准或令戴罪自効均乞 聖裁兵部議上得旨宣南地方屢被
虜搶殺人害苦械數多各內外誤事官皆當罪之但時方有警
姑勿問候遣情寧日以聞陳貴等既各有功准贖罪文貴滋事
日滋其令用心提督以圖後效○己未以久旱遣太師英國公
張懋懷寧侯孫應爵太傅新寧伯諱祐祭告 天地 社稷山
川○戶部右侍郎儲懽孫交禮部左侍郎張滌右侍郎曹宏英
部左侍郎胡汝楨左侍郎劉纓刑部右侍郎劉澧工部左侍郎
俞俊右侍郎胡詒都察院左副都御史李瀚掌通政司事兵部

左侍郎王啟左通政葢蘭石通政羅致忠劉永大理寺卿張綸
左少卿楊澤各以考察自便乞休不許○鎮守江西北人監姚舉
以南安流賊聚劫鄉村殺傷兵快圍執同知趙鶴泰聞兵部請
行查勘得旨江西地方盜賊縱肆執官殺軍皆由姚舉等平時
不能撫卹有事又匿不上聞釀成大患今御史沙鵬從公查勘
鶴被執釋回緣由及諸所亡失并鎮巡官恭奏以聞○鹽課葉
獎東阿王及其女臨城縣主凡縣主出閣例給房屋價銀而臨
城縣主獨不領領工部議覆謂其心存廉潔勇異尋常宜加褒
獎以勵宗室上乃貽書魯王曰禮讓為國之美事東阿王及
其女固許方偕難於國用無大損益然禮讓風行始自宗室其
於化理關繫匪輕用是致書褒獎其伴欲承之○庚申命太常
寺官祭東嶽泰山之神○詹事府掌府事吏部尚書兼翰林院

學士梁儲以考察奏乞休致。上曰：卿學行闡望，老成宜勉。副
委任，不允所請。○太常寺少卿魚翰林院侍讀，新貴以考察陳
休致，不允。○國子監祭酒周玉乞致仕，許之。○掌太常寺事，禮
部尚書田景賢，提督四夷館太常寺卿張志淳，少卿李迥，學光
祿寺卿喬宇，掌鴻臚寺事，禮部左侍郎張俊，管鴻臚寺事，光祿
寺卿楊容，鴻臚寺卿劉愷，俞琳，太僕寺卿屈直，少卿于瑁，劉聰。
順天府府尹李浩，南水陽孟瑛，各以考察自陳休致，皆不允。作
太僕寺少卿陳大章，調馬湖府知府。○陞山東按察司副使王
哲為廣東按察使。○場魯南，輔國將軍當港，當泐，四書集註，唐
三體詩各一部，從其請也。○兵部奏會州衛千戶馮鐸違母教，
令例革為民，宜剝取其家，應襲者，復以職得旨，鐸不孝，敗倫，難
循，常格處之。其論以廣西南丹衛其家不得復襲，著為令。○掌

百更部以考察職名上請年老者為刑部郎中等官周珮等三十七人有疾者為吏部郎中等官石確等十二人老疾者雜職五人逃者一人罷軟無為者為中書舍人王瑛等二十一人不行不謹為戶部郎中等官王翀等十九人貪者為工部郎中等僑等二人浮躁淺露者為兵部主事劉節等九人才力不及者為翰林院檢討等官夏發等三人才力不及初入任途者則戶部主事等官吳恕等五人才識各有所宜則兵部郎中等官李源等二十二人因疏請免疾者致仕浮躁淺露才力不及者降一級外補素行不謹者冠帶閒住貪與起者原籍為民才力不及而初入仕途者量改教職并兩京國子監才識各有所宜者本部酌才識等資擬授南京事簡之地并在外任州縣相應酌量具改詞降詞者自後若能練歷修為功績著聞一體陞擢

提使之惟才力不及者亦令致仕其另察去官者必行查盤劄
事及新任者至後交接乃聽任○巡按直隸監察御史羅汝章
盤萬全大寧二都司所屬宣府左等并直隸河間等七十二衛
所自洪武等年至弘治十七年止勅令軍器舉劾都指揮黃鎮
等一百二十五員俱掌印官不用心督理指揮等官李漢等五
十一員俱監臨主守侵剋料價指揮等官朱能等八十五員俱
管司委官成造不堪指揮等官楊盛等四十二員俱稽於督併
拖欠不完指揮等官戴謙等七十一員各有侵欺不堪未完被
盜等弊永平府知府張禎等六員俱不行查舉當治罪然內有
陞黜存沒不同畝將改絕者開釋具陞調并見任立功充軍為
民正身并已改家屬提問監造事下工部議區甲等物必須雇
匠成造若淹禁不完於事無補宜行核量其情罪輕重各違價

銀解神收財專候修造及用奏上得旨成造軍器乃重事也累
年拖欠數多本俱當完但年遠人衆姑分等第處置侵欺剋減
情重者各依擬監連銀兩造作不完不堪并被盜者俱免提依
擬連銀其陞調立功者各減半為氏充軍病故者免完掌印并
知府知州等官各奪俸三月邊官者宥之○大理寺少卿進光
孫卿汪宗器致仕卒宗詒字鼎夫直隸繁昌縣人成化甲辰進
士授監察御史巡按湖廣廣東薦賢黜貪得激揚體陞南京大
理寺丞進少卿莅獄平恕時劉瑾執法動多掣肘遂決計以母
乞終養疏上上允之特進光祿卿致仕未幾卒宗器諱宇閏美
善談論雜以滑稽縱縱可聽與人交情誼摯多愛敬之

明武宗毅皇帝實錄卷之四十九

正德四年夏四月壬戌朔享

太廟○戶部尚書劉璣疏請休致不允○癸亥降調監察御史
王濟為州判官林偉為國子監博士宇文鏗李錫姜佐韓廉高
峽為知縣都給事中馬騷為推官右給事中薛金為南京詹事
府主簿俱以考察才力不及也○遼府湘陰王恩謹亮王康懿
王長子母妃張氏景泰乙亥十一月十九日生成化辛卯封長
子弘治癸亥封湘陰王至是亮輟朝一日賜祭英如例謚曰恭
簡○是日未刻黃塵四塞隨雨霽○甲子內閣制勅房辦事太
常寺少卿劉祭以考察自陳吏部覆奏令致仕仍令考察官員
降調并罷黜者俱不許在京潛住如違聽緝事衙門與五城御
史兵馬捕治之○海西木速河等衛女直都指揮阿兒忽答等

海西布提等衛女直都指揮木長哈等大通等寺番僧那魯卜等四川建司蠻長官司造番僧鎮即藏卜等各來貢賜宴給賞有差○令江西按察使陸完試都察院右叅都御史巡撫宣府地方完既陞僉都御史踰三月始至京吏部奏其遲違乃令試職待有績初以聞僉都御史無試者瑄之肆為變亂如此○乙丑命工部尚書才寬兼都察院左都御史總制延綏寧夏甘肅等處軍務兵部左侍郎兼左副都御史文貴總制大同宣府軍務先是陝西甘肅鎮巡等官奏各鎮有警不相應援數北虜獲利而歸宜早為匡慮兵部議三鎮守臣勢均體敵事無統紀請添設文職大臣仍兼憲職總制之于是寬以諧練邊務被命凡鎮巡以下官悉聽節制臨陣不用命者都指揮而下許以軍法從事貴初兼督延綏軍務以既屬寬乃改總制宣大如陝西三

逢體統○丙寅南京禮部尚書缺吏部舉南京吏部右侍郎李
旻及禮部左侍郎張潔可用詔陞潔而以旻代潔次日以南
吏部右侍郎缺請復令旻為南京吏部左侍郎○陞山西按察
司副使王鴻儒為國子監祭酒鴻儒先以病乞致仕吏部奏請
俟病愈起用至是劉瑾欲兼收有望者以籍眾口故起鴻儒用
之○丁卯陞東昌府知府李舉為山東按察司副使時吏部以
誰安府知府趙俊同推遂令俊致仕○太僕寺少卿缺吏部推
南京通政司左叅議程溫南京光祿寺少卿李岱補之俱令致
仕○論廣西柳慶功賞總督軍務右都御史陳金玉帶一束○
己巳勅宣府大同遼東延綏甘肅寧夏巡按御史閔實詣鎮工
馬城池并訪察將領賢否南北直隸及十三省則勅清軍御史
督三司守巡官閔實訪察○辛未陞禮部右侍郎費宏為本部

左侍郎太常寺少卿兼翰林院侍讀新貴為右侍郎○壬申命
大同後衛都指揮僉事宋文于山西行都司僉書管事○命遼
東都司帶俸都指揮僉事李繼宗僉書管事○癸酉賜宿遷王
詮濟 皇明典禮列女傳各一部從藩王請也○陝西三邊
不收入給銀一兩又以太僕寺銀五萬兩給三邊買馬從總制
軍務工部尚書才寬請也○革清江王府輔國中尉規駝規瑛
約玩約邵為庶人約鄒約楚約雅約蒼約居約飭規棘規歷規
倣規彬規耕規涉規駟約魯規倬約鑪約餉規球規鞫規愜約
鯨約選約柎規舩規曉規軻各祿米三之二規駝等逞兇擁眾
出城而約鄒等從之約邵至自剌以誣人事聞下廣西鎮巡官
勘實獄既具都察院奏之 上念親親之故且犯者眾故薄其
責仍令清江王嚴加約束鎮巡官廉察不愆者奏治之○初江

西上高縣民戴克明與其縣人致仕禮部左侍郎黃景因假貸
成陳誣奏景備用龍袍諸不法事時劉瑾欲張威熾於天下即
奏遣印綬監左少監李宣刑部左侍郎張鸞錦永衛指揮同知
趙良佳勳祖述者數百人雜治經年無所治惟景家坊牌雕畫
龍鳳宅傍并錫黃府字及治屋膏與人紛爭即以犯分違法罪
坐之獄上遂命籍沒景家謫景及家屬永成宿州衛散遣其子
孫等僅家人佃戶五十八人成諸違衛令所在禁錮之前江西
參政王綸僉事王純巡按御史臧，瑞州府知府周津及前後
諸府縣官坐守陞徇情各罰米五百石唯已罷及死者宥之免
明亦以辭多不實初統一月成違衛○肅州衛向山口營天鼓
鳴○甲戌初廣東左布政使劉孟陞副都御史巡撫延綏久不
至京領勅有旨令吏部記之俟其至日參究給事中王寢等遂

初孟不思以操重托遷延日久法當究問詔巡撫御史逮孟送錦衣衛獄訊之大臣勉令持還故無下獄之法而宸等電以為言蓋是時言官多徇瑾意也○虜數寇大同地方殺掠人畜事聞羅鎮守太監侯能停總兵官溫恭俸俸殺賊贖罪罰都御史熊偉俸三月令總制都御史文貴自劾以聞○乙亥少傅兼太子太傅戶部尚書武英殿大學士王鏊上疏辭曰臣頃陳東病伏蒙皇上一再遣官即臣家賜以尚方藥餌大官珍膳詔旨勉留寵教優渥豈以臣雖無贊理之功尚崇其禮以全體貌之誠邪然體貌者君人之恩而責實者朝廷之政上焉必才識超卓足以發舒謀議下焉亦膂力強敏足以趨赴事功若成無之將焉用此此臣歎日夜補報而未報者也夫才者進而辱者廢壯者用而病者休此亦自然之理伏望 聖慈矜先以臣之職

改授時賢則上有得人之美下免曠職之愆矣 上以整情詞
懇切特允之令東侍還仍給與應得諸命鑿以疾不能廷對及
而辭後兩具疏詔並許之賜之勅曰卿以甲第倫魁累朝者
俊整聲翰苑越既有年侍朕春坊實勤講讀以暨天曹佐政士
望攸歸肆當御極之初簡居內閣委以腹心願其德足以潤身
文足以華國謀猷輔翼裨益良多至于文事裁定旋已成功比
以微疴輒求休逸朕念年齡未邁特示勉留至于再三而祈請
彌切重違推尚方賜允俞命給舟車送歸鄉里仍月給食米五
石歲發後夫八名撫按有司其各加禮待毋有所忽於殿朝廷
之體靜臣于其大者尤在所歎國之經也若禮進義退保躬完
名則君子所自處上下之相成彼此之交盡求諸往古亦以為
難鄉之歸志亦遠矣江湖魏闕之心其能忘乎尚勉進藥食時

其與居順養天和以俟起用庶副朕懷焉尚賢之意其在家庭
則以忠孝教子弟善其化補俗人以其餘皆述歌咏鳴一代之
盛皆卿之所優焉者其于後世不亦永有譽哉故勅○丙子禮
部上進實錄儀注前一日設表棗于奉天殿丹陛之東設實錄案
于丹墀中教坊司設中和韶樂及大樂如常儀設實輿者于子
又館前是日早錦衣衛設南簿駕史官具服至館捧實錄置實
輿中 上御華蓋殿具衾冕服鴻臚寺導進實錄輿用鼓樂
繖蓋從東廊北行由左順門外引由橋南中道行史官從隨從
二橋行至奉天門階下由左門入至丹墀案前捧實錄置于案
樂止僕音序實輿退鴻臚寺官奏執事官行禮贊五杆奏請陞
殿導駕官前導樂作 上御奉天殿樂止鳴鞭史官入班文武
官各具服詣丹墀分左右侍班鴻臚寺官奏進實錄樂作序班

舉賓錄案以次由中道升班首由左階升至殿門外上興序
班以賓錄案置于殿中樂止班首跪于案前贊史官皆跪樂作
內侍官舉賓錄案入內殿置于中上復坐樂止贊俯伏班首
及史官皆俯伏樂作興平身樂止班首復位贊鞠躬樂作贊四
拜興平身樂止贊進表樂作序班舉表案置于殿中樂止贊宣
表贊衆官皆跪鴻臚寺官展表訖贊俯伏樂作贊四拜興平
身樂止進賓錄官退于東班侍立贊排班文武百官入班贊班
齊鴻臚寺官致詞云文武百官衆官臣某等恭惟孝宗敬皇
帝神功聖德纂述成書光華萬世群臣歡忭禮當慶賀贊鞠躬
樂作贊四拜興平身樂止贊有制史官仍入班贊跪宣制云
孝宗敬皇帝功德配天紀述詳實朕心懽慶庶卿等同之宣訖
贊俯伏樂作興平身樂止贊播笏鞠躬三舞蹈贊跪山呼萬歲

三贊出笏贊俯伏樂作四拜興平身崇止禮畢○陞山西布政
司右叅議王濟為太僕寺少卿吏部郎中呂元夫為南京通政
司右叅議四川提察司副使張淳為南京太僕寺少卿吏科都
給事中王宸為南京光祿寺少卿○賜提督神機營懷寧侯孫
應爵大紅紵絲斗牛一襲從其乞也○總制陝西軍務工部尚
書兼左都御史才寬奏各邊軍士身居行伍衣食之給資于月
糧春夏支本色麥豆或紅腐不可食秋冬支折色布匹或短窄
不可售驅饑餓之卒以當犒燕之虜款功之成難矣乞以各邊
在倉粟米給散軍士毋拘揆陳放支之例或依時價以銀折支
又言各邊貯庫官銀支取不敷乞借陝西布政司庫貯十五萬
兩送各邊以為馬價月糧功賞之用戶部議覆糧宜勘各鎮所
積從宜區處銀兩則差官如數解送若遇買馬賞功及軍士缺

朕即聽酌量支用詔可○太監劉瑾傳旨以御馬監太監梁玉鎮守大同等處地方○丁丑謫西安後衛指揮同知朱斌等戍四川利州衛以先年職入邊境失于哨守也○萬全都司柴溝堡地震○戊寅降新陞大理寺左寺丞竇果為潛山知縣果以御史差賣淮兩鹽已有旨停賣至是陞大理不即回奏上任故謫之○己卯給事中李淳御史仇惠奏壘延綏寧夏倉庫歷年草料多支拖欠虛出那移折放祿俸諸色銀應追償者萬有九千三百餘兩因勅接管反奏乞者之罪自尚書都御史太監僉事郎中長史而下凡三十九人得旨罰都御史楊一清僉事尚錦慶府長史劉養浩梁溥米三百石致仕戶部尚書顏佐伯鍾韓文郎中徐鍵及石昭各半之都御史冒政僉事賈時緣他事逮問候獄具以請太監劉保劉雲葛全以不典錢穀兵部侍

郎文貴以嘗聽其分理戶部侍郎王儀以充軍余部御史劉憲以病故余部御史曲銳總兵官吳江張安以接管未久并其涂嘗以本罪罰米者俱免之清惠以分別情罪不當亦罰米如一清等之教是時科道以查盤出者控瑾名數欲往獲惡索而歸瑾以祭官多而納賄重者為解職否則必遣筭楚械繫之毒而降黜隨之于是縉紳自相吞噬仁冠化為豺狼矣○貴州等六衛普市千戶所控昔府各以旱災免秋糧有差○兵部議選發西寧衛騎兵五百人輸戎永昌仍令清理屯田右僉都御史王憲于永昌傍近衛所抽餘丁或募壯士十人以實永昌乃擊西寧戍兵回衛從之○令早東衛故都指揮使賈卜思加子板丹襲父原職○辛巳翰林院編修李時以六年請歸省父母吏部覆奏例當與假詔責吏部不度可否復陷紛更之轍令查定制

以開吏部言諸司職掌及歷朝事例或離家十年五六年者俱
聽省親至成化二十三年詔書許六年歸省又著為令乃從之
○詔准免鈔關秋冬二季折銀留支泗州軍糧以地方災傷也
○河間等府奉詔造樂戶至京令習其藝業之精者留應後給
與口糧工部仍相地為之居室時教坊樂工得幸于新宅愬朝
夕承應為勞外郡樂工不宜獨遠請詔禮部移文天下取精于
諸役者送教坊于是有司遣官扞送兼傳績役者數百人俳優
自此益進矣○壬午 上御奉天殿監修官後軍都督府掌府
事特進光祿大夫左柱國太師兼太子太師英國公張懋總裁
官光祿大夫柱國少師兼太子太師吏部尚書華蓋殿大學士
李東陽等率纂修等官上表進 孝宗敬皇帝實錄 上起立
受之表曰臣懋等誠惶誠恐稽首頓首上言伏以君明臣忠極

一代治功之盛。父作子述。垂萬年簡策之先行道者。必待其人。觀政者。則存乎史。春秋世遠。變紀傳以編年實錄。書存在。祖宗為故事。粵自起居。雖注編撰。設宮元建。歲元五閏。史局竟言。如見其時。典冊之可尊。夏禮足徵。豈但和鈞之則有欽。惟孝宗見天。明道誠純。中正聖文。神武至仁。大德敦皇。帝道通三極。行備五倫。玄默躬修。誠明白。臨禮隆。郊廟尤嚴。祀禘之儀。養極。宮闈每謹。辰昏之節。愛人才。不輕于廢棄。恤民情。恒切于諮詢。講筵勤。經史之功。苑圃絕。畋游之好。翼翼文心。之不已。巍舜德。以難名。虎步龍行。識太平之天子。河清海晏。知中國有聖人。方當善治。之將更。尚有遺恩。之未盡。一朝厥代。為國傷心。恭惟皇帝陛下。剛健體乾。聰明首物。得聖功於豫教。昭文命于誕敷。謂孝在顯親。必有揚名之實。謂人惟建事。可無師

古之規乃命臣懋為監修官臣東陽臣芳臣廷和為總裁官臣儲為副總裁官臣紀臣珪臣希周臣熙臣兼臣一鵬臣鼎臣臣俊臣廷相臣仁和臣時臣霄臣瑋臣玘臣偉臣九思臣辰為纂修官臣棟臣銑臣若水臣鑾臣縉臣暘臣吳臣舒諸臣孔暉臣邦奇臣黃中臣繼宗為稽考各對官臣懋暨臣東陽等發秘府之緘滕給尚方之筆札曹分類析綱舉目張于凡禮樂刑政之施以及名物量數之等經同筆者詳而勿厭闕勸懋者細六不遺是曰是非曰非豈敢專于獨見疑傳疑信傳信庶以備于將來恭成 孝宗敬皇帝實錄二百二十四卷寶訓十卷合目錄凡例總二百三十六冊臣懋等學愧三長力窮寸管管窺雖小隨所向以皆天勺量誠勞亦何由而盡海義例規違于指校勲華莫罄于揄揚伏願總體守文任賢圖治監于成憲確乎家國

之著龜胎厥孫謀遠矣河山之帶礪無任瞻天仰聖激切屏營之至謹奉表隨進以聞竊哉大學士焦芳人品虛劣不為士論所重弘治間出巡台島久不得進每以為後至是附理獲柄用此採史筆凡其所褒貶一任己私以好惡定之如葉盛何喬新彭韶謝遷皆天下所稱許以為端人正士而芳肆其詆誣不恤公論同官李東陽等畏避其惡皆不敢為異同故表中有傳疑傳信庶以備于將來之語云○以纂修實錄成資監修太師兼太子太師英國公張懋德裁少師兼太子太師吏部尚書華蓋殿大學士李東陽少傅兼太子太傅吏部尚書陸身殿大學士焦芳少保兼太子太保戶部尚書文淵閣大學士楊廷和各銀五十兩紵絲羅共六表袞鞬馬一匹副副總裁吏部尚書兼翰林院學士梁儲銀四十兩紵絲羅共四表袞鞬修左諭

德兼侍講毛紀傳珪侍讀朱希周侍講堂照沈燾吳一鵬修撰
顧鼎臣編修汪俊孝廷相溫仁和滕霄何璿董玘檢討汪偉王
九思五經博士諸良各銀三十兩紵絲羅二表裏稽考恭對修
撰呂構編修崔鏡湛若水翟登徐縉景暘檢討段吳易舒誥積
孔暉張邦奇焦黃中胡縉宗各銀十兩紵絲一表裏備纂并賸
錄郎中等官沈冬魁等十員各銀八兩紵絲一表裏收掌文書
中書舍人劉凱銀五兩紵絲一表裏賸錄監生生員儒士邵文
思等十五名各銀三兩紵二匹史館史并校尉等十四名各鈔
二十錠絹一匹人匠二十二名各鈔二十錠布一匹事故官統
裁少傅兼太子太傅戶部尚書武英殿大學士王鑿銀五十兩
紵絲羅共六表裏鞞馬一匹副纂修太常寺卿吳命松院侍讀
禮部右侍郎折貴銀三十兩紵絲羅二表裏心陞兵科右給事

中李憲于吏科刑科右給事中于聰于禮科工科左給事中王
珣于刑科俱都給事中吏科右給事中張賢禮科右給事中胡
瑄于本科刑科給事中徐仁于戶科吏科給事中張璣于兵科
俱左給事中戶科給事中謝訥于本科禮科給事中張雲于工
科俱右給事中時瑯瑁已改御史令侯公差還以今陞藏銜管
事○陞湖廣按察司僉事趙壁為四川副使○運戶部銀十五
萬兩于陝西固靖等處以充軍餉仍免織造及坐派物料守臣
以災為請故也○禮部言監察御史段彥秀奏減陝西坐派藥味
但藥味係額辦恐不可乏命已徵者如舊輸納未徵者減半餘
待堂革補之○給事中張潤等清查甘肅岷岷馬價運奏河州
衛右所百戶韓傑領換馬三匹久不還官指揮王錦妄報已還
又先巡撫都御史畢亨以買馬借用陝西行都司庫貯賦罰銀

誤作備荒鹽糧銀支用雖明而奏則未寔于是傑錦遠聞亨罰
米百石時劉瑾擅權奸撫人細過坐以重法若亨類無能脫者
○癸未陞廣西按察司僉事蔡鍊為四川布政司左叅議山西
僉事陳雍為山西右叅議○初撥陞慶衛軍二百五十人協守
永寧以指揮一人千百戶五人更番領之至是千戶張為奏欲
取其軍回陞慶分戍居庸各關而宣府守臣則以仍前禦備為
便兵部覆議各軍屯堡及月糧布花在永寧住種閩支已久難
復更動惟領軍之官三年一更往復為艱可令各回陞慶而永
寧選六人代之其軍即編隸永寧別選募如數以實陞慶庶事
體歸一人情尚使從之○甲申吏部尚書劉守春旨推山西左
布政使李貢廣西左布政使張吉湖廣左布政使王綸山東右
布政使馬炳然四川右布政使王宣雲南按察使陽綸各年力

精強才識通敏宜遠方任用。上令移文惟促之仍令多官集議味熟知違事公廉才畧出眾者八九員以聞勿避嫌勿論功過勿拘任在野在內在外部是吏部復會推致仕右都御史楊一清南京戶部尚書陳金致仕大理寺卿張泰光祿寺卿陳震太僕寺卿屈直應天府府尹王彥奇皆堪任遠方巡撫原任湖廣按察司副使令為民全獻氏山西按察司兼事何宗理河間府知府楊儀俱堪任遠方分地令吏部記之。○乙酉以孝宗實錄成賜筵修等官宴于禮部命新寧伯謙忠安伯張麟襄成伯亨郎武平伯陳勳尚書劉宇屠濬曹元劉璣白斌洪鐘特○丙戌南京吏部尚書劉忠等以考察職名上請年老則工部郎中鄒郊等十八人有疾則戶部郎中周冕給事中史俊等八人素行不謹則戶部郎中張善御史田登等十九人浮誇淺

露則刑部即中黃相等及舊任刑部員外郎令陞雲南按察司
僉事周頃十五人才力不及則刑部即中陳瑜等三人量才改
調則御史李鑑喬達凡二人下吏部覆詎如例忠又奏謂南京
去師京數十里道路隔絕人易懈怠中有不才幸考察已行回
而繼頑長惡玩法欺公若必待六年之上方加黜罰則殆理之
歎蓋已滿盈而吞舟之惡又或脫漏論情據法實所難容乞自
考察之後或有如前所云惡跡顯著者容參奏罷黜以示勸懲
則各官當知儆惕矣吏部覆議亦送之時劉璠方尚嚴刺而忠
漢有此奏頗為士論所短○令被虜走回男子審無父母妻室
并不知鄉貫者聽編入軍伍調用狡賊有家業者仍聽寧家先
發寧家而願入伍者聽來降虜人則仍始例要置以兵部議覆
大同副總兵馬昂所奏故有是命○命大同右衛都指揮余亨

孫鎮于大同坐營○寧夏中衛地震有聲○陝西固原州秦州
岷州並地震有聲如雷○鞏昌府地震○丁亥暫添分管理度
地方按察司副使一員以保定府知府秦昂為之○下監察御
史趙時中阮吉于鄧衣衛獄先是有旨凡巡按御史滿日都察
院上其功罪至是時中巡按直隸言巡按陝西遂都御史屠鏞
劾其無所柱舉罷熙為失職得旨巡按重任務在激揚旌勲不
明所理何事令錦衣衛掠訊明白以聞○尚衣監太監楊輒因
進奉自淮安歸言知府趙俊等應付不時俊時已致任上以其
不教并巡按御史趙時中各罰米輸邊後三百石時中百石○
南京吏部尚書劉忠自陳乞休曰臣發身草茅之賤濫竽文章
之選學不足以潤飾政事行不足以表正士流乞宥虛糜之罪
俾歸田里上曰卿學行端謹譽望昭著秉執銓衡衆所推服

方切委任不允所辭○初山東保嬰縣民葉能與其弟宗良妻
殺其父珍以証聞殿者審錄郎中劉綱以為疑獄下巡按山東
御史曹來自讞之未竟而能母及其妻訴于朝且自刎不殊以
示迫切乃命重讞之至是巡按御史胡節以其獄上詔以能減
絕葉倫依擬凌遲來自及念事表經前參政在襄既得其情而
逆事姑息各罰米百石綱謬加矜疑雖已故猶逮繫其家罰米
三百石仍查巡按三司官常與綱會審皆以其名聞節疎于舉
劾俟巡按歸究之○己丑命戶部發銀五萬兩于陝西寧夏等
處以資邊儲○初山東青州府臨朐縣民王頂為其妻張與姪
夫并謀殺頂事竟縣鞠之張証其夫之弟素與謀逆擬素凌
遲獄上巡按御史金洪念事表經皆不與辯既而審錄郎中劉
綱以可疑請有旨存問巡按御史曹來自又延久不決後御史

胡節行金事盡煥鞠實乃改擬徒至是上減欲乞請嘗鞠治者
姓名許察院覆議祿已逃宜繫其代從祿覆鞠乃如許問夏分
煥不列上司府孫與鞠者職名併洪經未旬皆實違制節失于
查悉洪等亦當罪 上是之經未旬及煥俱罰米百石輸邊司
府孫與鞠者職名仍命巡按御史列上節候巡按運日以周惟
洪以免官獲宥○令各處暫停鑄錢先是御史段亨奏陝西地
方災傷乞暫停鼓鑄以節財用工部覆議灾傷之報各省無間
鑄錢宜一槩停止候豐年鑄補從之○庚寅詔以天氣暄熱繁
囚若罪無干証者釋之杖杖以下未減重囚可矜疑及枷號者
列上于是刑部錦衣衛奏免枷號者凡五十一人依原擬決遣
其死如下者已十八矣○是夜流星青白色光如盞起然微東
蕃外至近濁○辛卯虜寇大同西路之威寧海子及左衛地方

掩殺軍四人事聞時方興修造之役詔士馬已掣回者如舊戰
守不得輕動分守守備內外官紀律不嚴致慢事幾可戴罪自
効失事之詳令巡按御史覈寃以聞巡撫都御史熊偉總兵官
馬昂待勘報奏處總判侍郎文省巡按御史孟醇稽于奏報令
自初○右副都御史張廉卒廉字孟介浙之歸安人成化丙戌
進士歷刑部主事員外郎中擢江西按察司副使時賊寇屢
信永崇銀礦屢爭奪之以紀其望遂潰散轉貴州按察使奏錄
印江豪酋置縣官及遣左布政使典征都清苗寇有功請增貴
州解頤自廉始擢右副都御史巡撫貴州疏言屬府黎平僻遠
而五開軍衛率制兩首宜令湖廣兵備副使聽節制及削鎮遠
土官置縣官如印江例皆從之廉剛方校直好而折人過動其
物忤由是被論初致仕行之日父老軍夷無慮千數遮留之年

七十有六卒于家既卒家無厚產鄉人以此重之○南京吏部
左侍郎李旻卒旻字子陽浙江錢塘人成化庚子鄉試甲辰廷
試俱第一授翰林院修撰丁未預修憲廟實錄弘治改元充
經筵講官明年以父憂去卒實錄成即家賜銀十兩錄段二
表哀癸丑服闋還朝丙辰同考禮部會試滿九載陞左春坊左
諭德庚申簡侍東宮謀讀明年陞南京太常寺少卿尋以本
官著南京國子監事正德丙寅召修孝廟實錄改太常寺少
卿兼翰林院侍讀仍充講官賜金帶丁卯奉命授庶吉士業尋
陞太常寺卿管國子監事未幾陞南京吏部右侍郎己巳陞左
侍郎尋平賜祭奠如例旻長身修髯狀貌英偉其于學問貫穿
經史百氏論辨臺臺聽者終日忘倦在史館善敘事理立文莊
公濟為副總裁見所纂甚稱之其為人澗達個儻不甚拘守繩

尺亦多為人所忌云

明武宗毅皇帝實錄卷之四十九

明武宗毅皇帝實錄卷之五十
正德四年五月壬辰朔巡撫大同都察院左僉都御史熊偉以
考察自陳乞休許之時文貴以兵部侍郎兼副都御史總制邊
務遂陞貴為右都御史巡撫其地而罷總制勿改修邊之後亦
令鎮巡官斟酌緩急量為處置瑾初用貴謙銳意修邊而總制
之添亦僅一月至是乃中變焉貴之陞用又出內批其身橫任
意無所顧忌如此○原任巡撫貴州都察院右僉都御史王質
以考察自陳乞致仕許之○陞毛謙衛指揮使連古一級以連
古嘗有逆功效也○平建州左衛都指揮僉事佟失古你子掃
你代父原職○大字前衛都指揮僉事董斌及副千戶胡剛巡
遊勿菴總盜劫掠太監劉瑾以緝訪賊俱下刑部獄剛懼自經
死滿斌為遠東廣寧左屯衛指揮同知○初盜入清江縣民黃

英傑家有王良泣者其宗人元陸有隙密告英傑指元陸為
盜遂被執檢校陶麟嘗索賂弗予因而文致之元陸不賂考掠
自誣脈數令其子奏辨獄久不決連逮者多瘦死倉刑部郎中
孫繼錄因江西命偕巡按御史臧鳳覆獄事得白然未縱遣也
至是巡按御史考元以獄上因劾先任僉事王啓知府仇仁聰
麟誤入人重辟及前後承勘者布政使王綸周南林泮戈瑄按
察使張賓各議董威副使楊錦沈銳知府祝翰同知陳嘉表推
官陳察知縣朱諫李春芳巡按御史姜賓喬恕滯獄之罪且謂
蠹鳳不竟其事而代還亦宜坐得旨良陸英傑與麟俱發戍遣
衛啓達聞給諫春芳劉米二百石蠹及瑄威嘉表察百五十石
寶泮賓漢已罷官一百石俱輸居庸闕恕以前坐事罰米者再
令降一級調外鳳及銳而以他事杖違令併議以聞惟仁錦以

物致得免○江西奉新縣民余元一及其侄八十七等恃富豪
武斷鄉曲其服舍器用有違式者以其男子代錢穀謀侵縣人
胡東仔田為東仔所訐并及其借進龍舟及誣元一嘗率三百
餘人燬其房屋謀其親屬至死獄久不決命給事中胡煜會江
西鎮巡三司官鞠之至是獄上詔以元一半贖八十元其決杖
仍枷號一月并家屬永成肅州仍沒入其家產其子侄十餘人
罪之有差而東仔則以妻多不實亦枷號一月并家屬永成鎮
番○癸巳阿木著族番人端此等來朝貢馬及方物賜宴及賞
綵段絹鈔等物如例○定安保隱王長孫輔國將軍俊性上言
其堂弟輔國將軍俊性以故父聰濂舊員外楊漢債故為所辱
且存其金銀酒器因漫及指嘗辱已嘗事下都察院請行巡按
山西御史勘問上曰俊性為朝廷宗室乃不守成規而私貸

于氏其站名甚甚矣今巡按御史所負納之官且革其祿三之一漢以銀貸宗室蓋心斂之且不避可罪其罰米五百石眼饑強卻可移文諸藩知之後著為令據奏倭于漢者乃俊構非俊程也覆本及答旨皆謬稱俊程云○甲午刑科給事中張潤奏查盤甘肅洮岷等處錢穀虧折數多并初都御史等官侯璣羅明劉璋楊一清周季麟等監臨接管欠嚴及參議等官劉賓等官權制厚焦郁等侵欺為弊戶部議覆上以劉厚等侵盜行令追補監臨及管理接管等官各罰米二百石致仕閑住者各減半充軍為民病故者宥之紀事者問結奏請計所罪都御史及方而等官凡三十餘人○先是成都官解為史舍所延燎株連及者既已治罪知府賈愚亦改知建寧會勘官給事中張璣御史原軒遣人遠惡惡稱病不至璣等懼稽緩得罪奏之新察

院議覆惡貪詐而福建按察使夏景和庇之璫軒所道非人不能獲皆有罪詔巡按福建御史王注執惡付璫等鞠之并逐治景和且責璫等情懦俟事竟以聞惡在成都盜官庫銀幾一空時查璫甚嚴懼詳罪因公宴治具潛令人縱火六房文卷無一存者及祝執中途獲逃景和坐罰米百石而惡竟免罪人以為幸云○山東賈縣大雨雹深一尺壞麥穀○乙未陞雲南右布政使涂旦于湖廣陝西行太僕寺卿王琰于山西俱左布政使四川按察使高崇熙于四川湖廣右察以刑統于山東俱右布政使○丙申陞戶部郎中方璋為湖廣布政使○左參議○給藩府宛山王銓鑄食鹽歲十引送其父藩王奏也○初僱州熟黎符那月所營富義村本天順間叛黎符那南築穴其後那南位南結屢征不得漢又為那月及儋州同知陳珉因事糾擾之發

忽作亂與那月相攻破那月村殺其家五十餘人遂流劫昌化
澄邁二縣村鎮衆至數千以那月逃居儋州攻圍儋及昌化縣
城焚掠無算及大軍平南蛇那月以鄉導有功受賞其後鎮巡
等官推致亂故歸罪瓚等那月亦以與南蛇相攻時殺二人坐
斬因屢奏訴寃至是巡撫左都御史陳金會巡按御史袁任謙
之直其寃并劾僉事王希旦失入副使王摠專擅釋放前御史
華璉聶賢左叅政王綸不能平反而任與金六以失劾原問官
都察院以聞 上命釋那月而罰賢綸米人三百石璉金人二
百石摠以致仕免任候巡按滿日以聞按察司并瓊州府原問
官其具以名上○丁酉總鎮延綬等處官奏東中西三路虜衆
猖獗糧草缺乏戶部議言五月草盛之時隨地可牧糧料宜行
原差大理少卿顏壽會鎮巡以先此解去銀兩給散富之家

收買輸倉其四川止員事例銀兩及本省糧草突免未盡者乞
仍至催併詔可之且命鎮巡隨時擇節不許虛費○戊戌孝
宗敬皇帝忌辰奉先殿行祭禮遣駙馬都尉樊凱祭恭陵
○初纂修孝宗實錄成命吏部查纂修官事例既而又令查
其中當與修大明會典已陞及守制未陞者職銜履歷與到籍
日期至是上之詔纂修實錄重事也其即始例擬陞職等第以
聞且謂先年劉健等以編纂會典為名多所糜費已陞之職俱
革之其書仍令大學士李東陽等覆視更定務令明白于是吏
部擬降少師兼太子太師吏部尚書華蓋殿大學士李東陽文
選一品俸吏部尚書兼翰林院學士梁儲為本部右侍郎少保
兼太子太保戶部尚書楊廷和禮部尚書白鉞俱文選二品俸
禮部右侍郎靳貴為光祿寺卿左春坊左諭德兼侍講傅珪侍

請朱希副俱為修撰左春坊左諭德兼侍講毛紀為侍讀五經
博士潘良仍為典簿光祿寺卿周文道為禮部郎中仍充從四
品休吏部郎中沈冬曉為員外郎原翰林院學士胡府同知張
萬為兩浙鹽運司副使又降丁應禮部尚書劉撰充從二品休
左春坊左庶子兼侍讀毛澄為侍讀侍讀顧清為編修及致仕
吏部左侍郎楊守陞為右侍郎南京吏部尚書王華為本部右
侍郎得旨從之仍謂吏部奏擬欺隱含糊法有未盡姑存大體
不究理意以東陽降休為未能盡法也理欺裁抑儒臣謂舊例
纂修陞秩為過故先革其所已陞者而後加之以示已恩該者
又謂庶芳不欲吏陽軋已乃導理為此舉云○恭寧三衛女直
都指揮僉事滿鑾率其部落男婦二萬有餘欲附邊藩築土圍
潛住以避北虜守臣以聞且言鎮安等堡舊有土圍可容下矣

部議三衛為中國藩籬彼既有事告急我當有以死之但狼子
野心變態莫測請令遠東鎮巡官整兵防範不可信其甘言遠
生忽玩兼遣人多方訪探果無詐情聽于場外要害處加常藏
避不許殘我境內驚擾人心其鎮安等堡土圍果遠離邊場基
址如故許其老弱暫居事寧者令遠去任牧仍遣撫奕通事攜
勞宣諭朝廷恩感使之感激若有詐偽務在審慮奏報庶附夷
有所倚賴邊境不致陳虞矣送之○已亥總督漕運石副都御
史邵竇總督蘇松糧儲右副都御史羅鑒巡撫湖廣右副都御
史王綸巡撫陝西右副都御史崔巖黃寶巡撫寧夏左參都御
史曲銳巡撫延綏右參都御史徐以貞巡撫宣府錢右參都御
史陸完各以考察自陳乞休不允○夜二漏下湖廣武昌府見
碧光閃爍如電者六七次隱隱有聲如雷鼓既而地震良久止

○庚子南京兵部尚書何鑑戶部尚書陳金吏部左侍郎李冕
戶部右侍郎王瓊兵部右侍郎孫需都察院右都御史張憲右
副都御史朱恩太常寺少卿羅紀光祿寺卿李堂鴻臚寺卿丁
鳳太僕寺少卿鄭宗仁楊廉翰林院侍讀學士石瑄各以考察
自陳乞休不允○南京禮部右侍郎馬廷用刑部右侍郎沈銳
太常寺卿盧亨各以考察自陳乞休許之○南京工部尚書韓
重國子監祭酒王款南京太僕寺卿魏玘各以考察自陳乞休
詔謂重巧偽徇私款污名素著俱令致仕而以玘尤不職令冠
帶閑住○陝西固原州地震有聲○辛丑陞福建按察司副使
龔嵩為陝西行太僕寺卿浙江布政司左叅政伍符為雲南右
布政使四川副使楊茂仁為本司按察使令江西左叅政楊守
隅致仕○陞都察院經歷姜學夔于湖廣温州府同知林長繁

于廣西衡州府同知邵遵道于雲南俱按察司僉事○賜錦衣
四指揮使邵喜大紅紵絲紗羅蟒衣各一襲從其乞也○海西
兀者等衛女直都指揮帖古山等不違河著衛女直都指揮阿
兒忽答等各采朝貢馬賜宴并賞祿役衣服有差○陞陝西署
都指揮僉事吳英指揮使姚塘俱為都指揮僉事以其有新獲
功也○壬寅授獻縣知縣趙宗武邑縣知縣成文定海知縣錢
如京嘉縣知縣張叔安南樂知縣賀洪進士朱志榮魏鏡林近
龍張球王佩周朝佐周期雍唐忠李邦用毛鳳為試監察御史
宗文浙江道如京雲南道志榮廣西道鏡貴州道近龍球南京
河南道佩南京湖廣道朝佐南京山東道期雍惠南京雲南道
叔安邦用南京山西道鳳南京四川道洪南京廣西道進士張
元電蕭海田蘭趙鶴俱都察院理刑○命巡按陝西御史遼問

聞住倉事黃繼疇杖仍罰米二百石坐查盤察詳欠當也○冬
卯 仁宗昭皇帝忌辰 奉先殿行祭禮遣駙馬都尉馬誠祭
獻陵○戶部郎中錢榮乞終養旣之○戶部覆奏吏科給事
中師楚查盤大同宣府錢穀那移浪費數多勅前都御史新陞
吏部尚書劉宇及去任尚書韓文運使呂賢郎中孫祿等官二
十餘員俱屬有罪但內有輕重并言宇先乞得宥詔重者罰米
二百石輕者百石致仕聞住者各減半充軍為民病改并曾罰
米者宥之且以楚等不識事體濫劾鎮巡等官下錦衣獄詰實
以聞○以故南京守備太監鄭強任應天府學生第為中書舍
人仍聞住納粟指揮銳及仁為南京錦衣衛世襲百戶守強墳
墓遂其請也○南京都察院右副都御史李善陳乞休致下吏
部覆其刑名老練尚堪任用遂陞南京刑部右侍郎○兵部言

宣府遊擊將軍李琮沈酒廢事宜罷革別選謀勇者代之詔停
琮俸令回本衛閑位其各邊遊兵及分守守備皆令總制鎮巡
精選凡怯懦廢事者秦燕毋隱○甲辰陞陝西左布政使夏昂
為南京太僕寺卿時吏部推浙江右布政李贊及昂可用改用
昂而以贊職居方面坐視無為令致任益贊于故都御史錢鈇
籍沒之時帝流涕不悉劉瑾聞而惡之故也○降監察御史喬
恕為邳州判官以巡按江西時勤事不稱旨故也○乙巳以萬
全右衛都指揮僉事李興充宣府遊擊將軍○南京國子監祭
酒蔡清卒清字介夫泉州府晉江縣人福建鄉試第一人成化
甲辰進士授祠祭主事改稽勲尋著驗封員外郎以父憂歸服
闋除主客尋轉南京文選郎中乞終養歸遂丁母憂服闋即其
家拜江西按察司副使提調學校屢辭始就職旋復乞致仕去

未幾擢祭酒命未至而卒清天資沉潛深探理學所養純粹內
外一致在江西務瑞士習正文體嘗曰學宜養正性持正行聖
賢言語熟復玩味則舊去新來日改而月化天性孝友內外親
族貧無衣食及不能葬者皆收恤之家屢空弗計也體雖孱晚
而好學不倦其學術德器為一時名儒蓋于模範甚稱惜享年
不永莫究其用云○陞湖廣都司都指揮僉事官纓李玉俱為
署都指揮同知以其有斬獲叛賊功也○丙午以蕃侍 孝宗
教皇帝實錄成加少師兼太子太師吏部尚書華蓋殿大學士
李東陽正一品俸進少傅兼太子太傅吏部尚書謹身殿大學
士焦芳為少師兼太子太師華蓋殿大學士加少保兼太子太
保戶部尚書文淵閣大學士楊廷和俸二級各旣辭 上曰先
朝實錄既完卿等數年勞勩功績昭著特加陞賞毋負朕意不

允所辭○詹事府掌府事吏部右侍郎兼翰林院學士梁儲以
纂修實錄成陞吏部尚書疏辭不允○以提督操江南京都察
院右副都御史朱恩為南京吏部右侍郎改巡撫宣府都察院
試右僉都御史陸完為南京都察院試右僉都御史提督操江
以山東右布政馬炳然為都察院左僉都御史巡撫宣府等處
○夜月犯天江東第一星○丁未吏部上纂修等官歷俸入館
淺深及陞職舊例得旨陞纂修催纂侍讀毛紀等十八員并收
字文書劉詵騰錄沈冬魁等七員俱一級稽考恭對修撰呂耕
等十二員俸一級丁憂學士劉春等二十二員查其到館日期
員外郎喬宗及秀才張保等二十九員仍查其入館履歷以聞
孫清以丁憂潛住黃德以不職有名俱令冠帶閒住陳霽以素
行不謹令致仕顧清汪俊王九思徐穆吳一鳴李廷相崔銑溫

仁和樸孔暉汪偉任鑾易舒誥賈詠劉龍陸深李繼先以未諧
事體令量調外任及南北部屬擴充政務今後翰林缺官令吏
部揀拔才識穎敏者為之又謂吏部每違旨朋比以邀衆心禮
部見缺尚書侍郎何不奏補其吐賓陳狀既而尚書劉宇等引
咎乃姑宥之各停俸三月缺司官五月及以禮部尚書右侍郎
之缺為請又仍以白賊靳貴補之瑾竊美戚福于是蓋益肆矣
○瀋府靈川王詮誅秦王莊王第二子母胡氏成化甲午十月
十四日生成化癸卯册封至是薨輟朝一日賜祭葬已例諡曰
榮懿○戊申汝王奏乞榮澤河際記水等縣黃河退灘地六百
二頃有奇戶部議覆本府累蒙朝廷賜有莊田及奉 先帝成
命各王不許分外奏討宜治輔導官之罪 上謂王原賜莊田
數少所奏地既覆勘無礙特以與之○廣成陞江西右布政使

林廷選于浙江浙江右布政使安惟學于陝西俱左布政使遂
附批調翰林院編修董玘為外任玘忤焦芳意芳因譖之瑾謂
其典謝遠有連云○山西巡鹽御史魏彥昭奏本年該揚正課
并補揚各年拖欠共百有四十六萬餘引行取蒲解安邑等州
縣鹽丁搗辦但天時亢旱民皆乏食乞將各該州縣預格食糧
每丁給典米束三斗或粟穀六斗鹽丁下池之日加倍給賑俱
候秋成抵斗還官從之○發都御史馬中錫張為政冒政叅
議方矩郎中王董各回原籍為氏以先在遼東經收糧草多腐
爛虧折故也○奉安陞南京太常寺少卿羅玘為本寺卿因陞
李貢為都察院右副都御史巡撫遼東而勒劉璉致仕故事巡
撫重臣皆會推請簡用今內批突附他疏而出皆劉璉之私云
○吏科給事中等官師夔等奏整過大同宣府銀億萬德等庫

自弘治十五年至正德三年預解并打糧銀兩及大有宣德等倉糧料數司奏繳。上令鎮巡管糧等官督同守巡把總等項人員用心巡視看守支銷明白。如仍蹈前轍罪有所歸。是日給事中張潤查盤過甘肅洮岷糧草。上命亦如之。○賞宣府并各路城堡官軍指揮丁森等四萬三千二百二十八人各布二匹。○罰戶部尚書劉瓛并總督提倉場右侍郎孫交等各俸三月。○中錢榮等五月以放糧過期也。○壬子吏部擬陞纂修官翰林院侍讀毛紀為侍講學士侍講。豈熙為右春坊右諭德。修撰傅珪為左春坊左中允。朱希周為侍讀。顧鼎臣為侍講。編修滕霄何璠為修撰。典籍潘辰為五經博士。催纂官禮部郎中周文通為河南右叅議。狀字文書官中書舍人劉訊為大理寺右評事。滕錄官稽勳司員外沈冬魁為本司郎中。中書舍人方英

鄧相徐留汪麟為大理寺右評事序班周令林應禧為司儀署
署丞又擬陞調翰林院侍講吳一鵬于南京刑部侍讀徐穆于
南京禮部編修顧清于南京兵部汪俊于南京工部俱員外郎
編修賈詠李廷相于兵部溫仁和于戶部劉龍于禮部翟鑿于
刑部崔銳于南京吏部陸深于南京禮部檢討王元思于吏部
汪偉擢孔暉于南京禮部易舒誥于南京戶部俱主事編修董
玘于咸安詹寧府主簿李繼先于元城俱知縣 上皆送之復
令改玘為刑部主事先是劉瑾以翰林院官慢已每與張綵謀
款調之外任綵不可及論纂修陞秩例瑾復持之綵為講解瑾
意已平而焦芳父子及段吳革謂可乘此擠其素有讎嫌者乃
密以名授瑾從史成之當時吳革私出芳門陰嫉善類文致司
錦之非者又芳之鄉人潘鐸王尚綱也郎報出有語焦黃中云

董紀衆謂其必及今無恙矣吳在坐已變曰非漏網孰明日遂
附他本批出舊制翰林陞官皆內閣較量資級請上裁今以
吏部擬而復詞為部屬外任謹之變亂成法至是極矣○太監
劉瑾傳旨陞錦衣衛鎮撫司理刑正千戶石文義為本衛指揮
餘事○癸丑珣球國中王尚真遣正議大夫梁詠等來朝貢
方物賜宴并賞綵段布絹有差○鎮守延綏太監劉保言左叅
將王勛等禦虜于批林溝斬首二十九級賜勅獎勵有功官軍
令巡按御史勘報○甲寅陞陝西右叅政張勳為浙江右布政
使令廣西右叅政楊茂元致仕○乙卯安南國王黎誼遣陪臣
黎洲等來朝貢金銀器賜宴并賞錦綺等物有差○陞贛州府
知府趙雁祥為南京太常寺少卿○命都指揮俞事陳善守備
清虜地方○丁巳陞戶科左給事中徐仁為本科都給事中工

科右給事中張雲為本科左給事中兵科給事中白思誠為吏
科刑科給事中張淵為禮科工科給事中殷勇為兵科戶科給
事中張九叙為刑科俱右給事中○陞福建布政司右叅政蘇
葵為江西右布政使○巡按山東御史胡節還京度無以藉手
見謹微露意于布按二司先任右布政使張吉乃借修曾子廟
宇銀二千兩貯于德州分巡東兗道僉事乞廣取泰安州香錢
五百兩濟南道僉事侯直取德平等縣銀五百兩各送德州蓋
以為節初也而直又假此自取銀四百兩至是監察御史張禕
奉命查鹽諷濟南府知府蕭柯歷城縣典史李徽發其事遂以
上聞且初左布政車璽依違失奉下吏部覆議節典吉廣例應
冠帶間任直應為民直應是問還職禕舉初得體應獎拔又謂
吉廣賦非入已宜諱其責得旨節時勢貪婪令錦衣衛差官校

械禁來京言廣降二級直進賊削奪宥重陞柯徵俸各一級
令吏部記之待報使以開節亮坐謫忒陟西肅州○
察司副使胡希顏米二百石坐先任山西時文卷有埋洗者為
刷卷御史所舉也○戊午陞巡撫寧夏都察院左余都御史曲
銳為南京禮部右侍郎○給周府故鎮國將軍陸採夫人趙氏
養贖米歲五十石○戶部覆議兩廣鎮巡等官潘忠等奏馬平
縣地方賦寇既平當圖善後之計乞于要害之地霍山驛思車
河白面等堡添設敵樓起蓋官廳調撥官軍輪班防守其不用
糧餉查得二三等鄉賊人所遺田地數多宜召人領種照依民
田起科納糧仍于堡內起蓋倉廩委官收放及將佃戶俱免一
年糧差以示寬恤從之○己未初陝西肅州指揮夏忠等以私
治十五年出境燒荒部下獲虜首三級以功徵弗錄者久至是

兵部始議陞賞且言歷年承勅御史杜吳常賜李高阮吉等因
循怠緩罰賜旻米二百石輸違奪吉俸三月高以謫成免時瑾
專以威脅士人少不順者輒假細過加重罰整饬以輸不能充
也○庚申陞制初房辦事河南布政司右叅議周文通為太常
寺少卿文通以纂修實錄陞叅議尋奏叅議外官無牙牌出入
禁門不便乃有是命故事內閣西房官當陞陞四品者多帶叅
議銜而朝祭牌仍用五品京職文通為劉瑾黨三代詰為瑾所
喜遂時以請云○太常寺卿吳吳卒吳江西臨川縣人由欽天
監天文止累陞太常寺卿仍掌監事至是卒其子奏乞祭葬許
之吳居官盡職每遇乾象示變進直言指切時政觀有所感悟
縉紳皆重其為人印曆紙舊取之幾部山東輸者苟且充數多
薄惡不可用而民間歲如常吳建請輸價歲以祠部一人督本

監收買有餘價則留備來年而陰損汰取于民之數公私皆使
為侍郎董軒嘗掌監事其後致仕家居吳知其廉而貧也以俸
錢若干飽之其篤于行誼如此亦人所難及者

明武宗張皇帝實錄卷之五十一

明武宗毅皇帝實錄卷之五十一

正德四年六月辛酉朔江西按察司僉事黃瑛引年乞休許之
○初巡撫寧夏都察院左僉都御史曲銳陞南京禮部右侍郎
吏部推湖廣左布政使王綸陝西按察使燕忠請補其缺詔以
寧夏多事改銳右副都御史仍巡撫其地遂陞綸為禮部右侍
郎○巡撫直隸御史趙時中奏通州等處坍江田地稅糧乞如
興化縣例通作存留或派附近倉分米一石折銀四錢麥豆一
石各折銀三錢戶部議如所請從之○大同鎮巡官劾奏守
備戚遠城納級都指揮僉事徐俊守備懷仁城都指揮僉事杜
雄守備山陰城納級都指揮僉事田雲俱不職守備并坪城都
指揮僉事呂鎮廢疾守備朔州城納級都指揮僉事熊偉以罪
繫獄俱當罷及守備靈丘城員缺宜選補因奉山西行都司管

操納級都指揮俞事感傑楊振立泰指揮使陳瑛同知王昂納
級指揮俞事張英俱諳練逸情謀勇可取請以瑛守威遠英守
井坪傑守朔州鼎守懷仁泰守山陰振守靈丘兵部覆請宜如
所擬又言憲臣嘗考恭心術不端而振年已衰老必再覈可否
況各官納級恐有由千戶以下而陞者亦不得濫充守備詔送
之泰擬令再勘各官原係指揮俞事以上納級者乃聽舉用千
戶以下納級者不許○陞賚白道子閻新虜官軍一十三人有
差○壬戌兵部議寧夏鎮守官奏花馬池興武營地最要害而
官守缺人營伍未充請以京衛剩員如數銓選有罪謫戍者俱
定發本營守禦千戶所補伍從之○降江西道監察御史阮吉
為武安縣知縣以巡撫陝西時舉劾欠當故也○癸亥陞浙江
左叅議尚書瑞州知府周津河東運使李德仁俱左叅政山西

左叅議倪民雲南右叅議黎民表福建按察副使杭濟俱右叅
政銜本司澤江西德仁山西民陝西民表廣西濟福建○陞山
東布政司右叅政董傑為河南右布政使○詔陝西延安鳳翔
等府銜所屬正德三年被災糧革子粒各于原勘無收分數上
量起二分以備軍儲餘暫免徵○甲子戶部議覆巡按直隸御史
李廷梧奏蘇松長鎮四府大饑乞將正德三年未完稅糧及
各年應解物料蠲免詔令已徵者解部未徵者俟豐年補之
○劉為民知府張津致仕余事虛瑣米百石坐巡按廣西時勘
報征思恩功次遲遲故也○乙丑南京守備官奏勅過太監崔
果王瓚楊鎮吳經李紀右少監米整所用下程工食銀一歲之
間通計二萬七千三百六十餘兩得旨諸奉使官員廩給口糧
自有舊制有司何乃利民脂膏輸分奉承所費不貲民何以堪

南京內外守備官亦何為坐視不行舉察法當究問姑宥之
後敢有仍踵前弊者許內外守備徑自劾奏重罪不貸○賜其
人劉良輔祭二壇命有司營羨○兩宮校中書舍人尹梅韓荆
萬英行人田汝籽知縣黃質進士閻欽石柱陳鼎劉洙潘頌賴
鳳為給事中梅欽文科質柱戶科馮禮科荆英兵科汝籽洙刑
科頌鳳工科于冕吏科都給事中李憲言新進之士政務未達
宜如御史試職令練習一年乃實授詔改柱欽洙頌鳳五人為
試給事中憲附劉瑾勢凌忽回列時稱為六科都給事中每朝
率眾謁瑾請事于堂下一言攝及莫不脫屣敬試事之議部不
得不從也○改起復浙江按察司副使陳玉于福建仍提調學
校○命凡郡王校尉止給至二十名舊例郡王校尉各給三十
名時藩王以其子定陶王初受封僅給十名奏增其數詔再給

十名爲二十名因著爲令○丁卯陞湖廣德安府知府李全爲
本省按察司副使○陞工部左侍郎俞俊爲南京工部尚書以
右侍郎崔巖代俊南京右侍郎單亨代巖○陞工部都給事中
陸瀚山西按察司僉事張定雲而僉事王經俱爲左叅議陝西
僉事來球爲右叅議渤浙江定山西經廣西球雲南○轉廣西
右布政使孫春爲本司左布政使○陞兩浙運使寧奉爲山東
布政使司右叅政○詔在京操練工作官軍月報每石折銀四
錢伍分各監局等衙門匠役并在外陞慶衛等處官軍每石折
銀四錢歲折支二月永爲例以戶部奏連歲災傷故也○晚刻
西方流星如盞青白色有光起自正西南行至近濁○戊辰陝
西鎮巡官奏陝設六道僉事惟五員其一專管屯田分巡常缺
二道乞從正統成化間例增設二員以便巡歷更議從其奏增

設二員而革管屯名目其事即屬各道官分理因言諸處分巡官皆從鎮巡官每歲定委歲周輒代或安屠總司暫出按馬或道險地危輒相推避日月曠于送迎機弊乘其間隙自今宜令各携家屬于分治境內時常按歷惟遷轉事故乃許離治一有員缺送吏部依道注補如鎮巡官到任離所部輒往送迎御史出巡輒為前導者事覺供論治降級則官安于久任而事舉于專理詔俱可之且命自浙江以至諸省並具屯田事宜以聞○定西侯蔣驥平驥定西侯琬之子也琬籍儒將驥以大臣長子選掌班侍進魚衛佩刀侍殿上成化二十三年琬卒驥代侯舉坐營管操命充總兵守薊州永平山海等處弘治十三年佩松虜將軍印鎮守遼東徵選侍衛推神機營五千下管操十八年佩平蠻將軍印守湖廣至是卒拒選許開報朝一日賜祭奠

如例驥在湖廣時劉瑾勢方橫嘗遣人至鎮其人索賄弗與歷
官中外二十餘年卒之日家無餘貲然亦無所散為守官而已
子暨代候○已已給故鎮國將軍奇淵宮眷養贖米歲五十石
逆廢以王請也○廣平陸太常寺卿張志淳為南京工部右侍
郎○給事中等官李鐸等奏查盤過甘肅等處倉庫報單銀兩
因劾叅議等官李時致教賈璇僉事王相黃墩行太僕寺卿陳
寬寺丞田美等那移放支侵盜副使蕭紳李瑞澄胡經夫于覽
察都御史劉璋畢亨例外奏討及戶部尚書侶鍾韓文侍郎李
茅陽等主事楊志學胡漁輕擬解送俱合查究詎地按御史連
時等究問追陪已故者逮其親屬紳以下免連門仍各罰米二
百石輸居庸關○命把總提調官自斬首級者如舊給賞先是
都御史文琳建言把總等官自報斬首者准陞署職一級至是

定遠中衛指揮同知佟瑛以自斬首報兵部為請詔北加賞因
有是命○江西樂平縣盜汪澄二等作亂初澄二與皎永十等
自劾劉畧江湖間永十家嘗首于官知縣汪和擇不問及罪告
者後澄二等驛劫村落勢並張和乃率民兵捕之初入其巢窺
見耕耜滿野寂無一人傑之者和以賊無能為弛不設備有偽
降者復杖之賊乃揮其衆一呼雲集耕者皆賊矣遂虜和以去
氏兵從者三百餘人皆為所殺和略賊乃得出淮王以聞命鎮
巡官督所屬捕之自是用兵征勦歷數年而禍未解○降分守
松潘遊擊將軍都指揮俞事馬驄二級為茂州衛指揮俞事先
是空籠不量等者蠻擾邊疆坐守備不設又以給賞故多盜官
物都察院擬請戍然以其所部頗有新獲功故宥其罪而降之
指揮使孫仁等七人皆以提督守備不能分軍助敵下巡按御

史遷問指揮同知田祿等六人則以斬獲功命兵部查例賞之
○去中陞順德府知府郭維為山東布政司右叅政仍治府事
維乞致仕吏部稱其廉平尚可 reuse 故有是命○令查各營書辦
官先祿寺署丞繆淮等一十一人調補州縣初晉吏之後多納
賂權要奏乞于各營供事緝為書辦官以賤流帶京職吏部之
法盡廢至是令外補人頗快之○吏部言兩京府部諸司類行
天下勘合事多未完者請立稽考之法撫按官自接管日為始
一切勘合俟完報乃許交代如有互為那移及違延後期者新
舊撫按官俱降二級別用其三司掌印及守巡官陞調事故勘
合未完輒離任者降級亦如之報可且令吏部及都察院稽考
科道官查舉時瑾務為苛刻而張綬又違此議自是諸司以勘
合未完多獲罪者○遼濟應山和信王恩錫無嗣其侄麗汲

襲齊達王為請 上口應山王絕嗣例不當襲 先帝有成命矣 罷汲其令嚴輔國將軍著為令 先是弘治十七年十二月虜以三百餘騎入寧夏鎮安墩分守寧夏東路右水將霍忠命慶陽衛十戶家鑑百戶王進等于護軍倉官堡哨探進等軌遊獵至磨盤山遇賊而遁 鑑及所部死傷者三十四人而忠親望不救 十八年九月總兵官李祥領兵四千八百守寧夏城副總兵衛勇以兵三千伏清水營祥以兵部檄令忠典勇整兵擊虜且檄延綏守臣各將王戰駐花馬池十月十六日忠等急于警備虜以二千餘騎入自石舊兒等墩伏野麻湖沙岡忠聞之使告寧夏鎮巡及勇戰明日虜數千騎又入伏沙窩忠乃令千戶張欽司祿以百人前哨自率馬步二千繼之 欽離花馬池城十里為賊所圍及所部戰死者二十七人忠出城三里止營率

馬步二千赴援而沙窩伏賊突出忠運營賊方合衆攻圍望見
王戰領兵至城東分兵逆戰勢稍分忠移營城北兩軍戰死者
指揮唐彪護軍李彪等百六十人賊稍退賊入城及指揮李澄
督兵出北門與忠合賊乃少挫遂散掠鎮戎圍原諸處徑送錦
難口出境而祥勇兵在石溝兒與賊相背及鎮守太監葛全都
御史劉冕俱不能督兵要逃既而忠乃振死賊首級以為已功
且妻罪王進等鎮守太監王宣等奏其事進亦上章自辯初給
事中胡璉會鎮守等官鞠之至是都察院覆奏有旨忠等守備
不設為賊掩襲死傷過多雖有微功不足贖罪進遇賊先遁俱
坐斬戰進兵進運糧軍亦衆但奮勇解圍又年已老准贖金降
一級勇降俸一級各仍舊任用心殺賊祥既去任罰米二百石
輸延綏邊倉又諭兵部今後失誤軍機官不得量錄別用○癸

西陲廣東布政司左叅政翁健之為廣西右布政使○陞銅仁
亦知府明瑜為河東陝西都轉監運使司運使○少師兼太子
太師吏部尚書華蓋殿大學士李東陽等奏比歲以來水旱不
時年穀不熟四方奏報灾傷殆無虛月起運糧草坐派物料供
應牲口等項微解不前拖欠相繼朝廷每頒恩詔量與蠲除而
公用所需亦非得已臣等每見稽查冊籍催督文移未嘗不悚
息于中汗顏于外竊惟內閣翰林院春坊等衙門日給光祿寺
酒飯等物而臣等所給不啻加倍因仍舊例冒昧闕支食用之
外尚有餘剩功不稱職誠非所安今纂修事完各守常職當
皇上勵精圖治之日正群臣退思補過之時伏冀俯察愚悃特
諭所司容將臣等日給酒飯以三分為半減去二分翰林學士
等官量減一半惟不失國家待士之禮亦以免人臣竊祿之羞

尤望早一日則臣少一日之愆庶共寬一分而民受一分之賜
上批答曰覽奏具見卿等為國憂民至意酒飯其俱仍舊勿
辭○荊四川左布政使等官潘楷等米各一百石保寧府知府
等官崔侃等米各二百石以奏報災傷不以期故也○甲戌以
光祿寺卿陳震為太常寺卿提督四夷館初震為鹽運使自陳
致仕後得侍奉為光祿寺卿直文華殿至是後有是命○命凡
調衛官俱永遠帶俸差操著為例○丙子內官監太監楊鎮賚
官銀萬兩并長蘆黃鹽八千引往南京易銀買絲織造乃以其
銀私自買鹽混同裝載凡用官民舡六百餘艘劫費瀕河官吏
索厚賂得銀至萬六千二百餘兩家人韋慶等所得六萬千兩
劉瑾令旗尉發其事下南京三法司逮治獄上命降鎮為奉御
南京內官監開任慶發逮東展穿衛充軍○丁丑詔管高牆左

少監金奉同南京戶部主事監督收糧從守倫太監黃準奏也
鳳陽倉糧舊規惟主事收放時宦監利削固利乃略理更張而
所司又不能執奏遂有是命○戊寅都察院丁憂右副都御史
賈銳以考察自陳致仕許之○工部尚書俞俊乞祖父母父母
贈封誥命 上以俊為布政使三年嘗有往異特許之併及尚
書侍郎未給者不為例○兵科給事中蔡潮查盤福建布按二
司并運司庫貯銀兩起運到京詔以布按二司銀三十萬一千
四百七十四兩輸內承運庫其盤價銀九千三百三十兩貯部
備並倉之用○己卯陞廣東布政司右叅議羅榮為本司左叅
政○命度空侯周壽子瑛襲爵○劉都御史劉孟翰贖罪米三
百石于居庸關孟以枉道過家械繫至京刑部擬其罪當為民
璫令荷重枷百斤置吏部大門外以為群吏懲時方酷暑吏部

為請乃釋之○詔四川鎮巡等官覆勘播州宣慰司地方旱災
獨其應先賑稅送戶部覆請也○哈多他龍大小等族番人已
吉系日怕等博峪等族番人阿魯等冬貢馬及盛刀方物賜絲
段鈔絹有差○庚辰陞南京翰林院侍讀學士石瑄為南京國
子監祭酒○陞翰林院五經博士潘辰為編修○陞給事中心
祿為山西按察司僉事通判藍章為陝西僉事○罷分守延綏
西路左叅將田琦以陝西都司都指揮僉事周誠代之○謫慶
成王府儀賓雷景聲李經戍遠東寧遠衛以毀譽法官王拘治
不服也○辛巳藩王為內丘王幼熿奏故弟廣宗懷請王幼琳
無嗣款以幼熿孫勛泓承祀禮部覆議上命勛泓承廣宗王
嗣後止授應得封爵且謂事久煩瀆令巡按御史逮治輔漢官
罪○陝西山丹衛千戶馬政田斷理屯地答軍餘張成致死都

察院奏律應贖杖為民進銀給成為理英貴得旨納贖畢發成
違衛仍進給理英銀著為令○壬午初翰林院秀才華淳祝釐
先張文憲各以幼童入院習楷書至是內閣以淳等食糧歲久
請叙用有旨熙淳等為民仍究治其父母并下所薦者千戶滿
朶于錦永衛伏誅責以關口放候缺兵備李晟回籍間住晟起
進士成化末任都察院經歷屢奏兵機及自造戰車試皆弗効
至是又言于古八陣等書玩心積久悟得隅落鉤連一法可以
省兵省食省馬而不言其所以獲歷叙其父屢未伸之苦并獻
春秋要壞六論古今經畧一覽下兵部叅詳兵部言其大言無
實者老不悟詎宥其罪而放之晟自少好談兵嘗自言能造木
牛流而又能用數十騎可破千百胡虜聽其言者咸疑其喪心
也其所著書以五經合兵法尤可嘆鄙又請鑄全身鐵甲工部

如其式鑄成歲躬試于兵部臺下未上而行數步而仆人至今傳笑之云○癸未詔勿給山東總部糧草官初書凡近年請給非舊規者俱革之時山東督糧右叅政董傑陞為河南布政奏繳勅書有旨令戶部查奏故有是命○賜瀋府輔國將軍勳注皇明典禮為善陰厲孝順事實各一部從瀋王請也○甲申遼內官祭中雷之神○總制陝西軍務工部尚書兼左都御史才寬以遼事薦高氣先劉汝靖李步陽王綸等才俱可用詔以胤先等行事多爭不得復舉○戶部議覆太監等官黃準等奏鳳陽地方衝所缺糧數多宜從所請今後夏秋稅糧俱始律限徵收俟各該州縣官考滿赴部查未完者移吏部始例黜降庶人心知警議入上是之其官軍久缺月糧令賑濟官查支官庫銀兩給散○初代府故博野端讓王妃張氏私為其子博野王

俊攬選妃凡三易婚且擅出邊城而大同縣民忠賢以其妻女
圖婚不果及後俊攬娶大同衛千戶熊鍾舍餘銳之妹亦非公
選張氏等賊索賂沮婚展轉構訟代府長史熊璋高瀚典仗李
成等皆依違其間于是銳張氏等交章奏訐代王俊杖屢奏
劾之下巡撫官覈其事及是都察院具獄以聞詔以選妃重事
銳撥置構訐府官發戍甘肅鎮夷所賢不審名分疎成訟瑞成
陝西固原衛銳貪募榮利贖杖仍罰米二百石璋瀚輔謀拘
私并孝成俱冠帶聞住張氏所犯有違祖訓革其封號冠服
熊氏不由公選不許請封俊攬幼免究代王情涉偏而奏多當
勿問各降初諭之○乙酉詔免在隸霸州鎮朔二州衛正德三
年被災糧草子粒并罰奏報措遲官米各五十石從戶部覆奏
也○夜月犯天街上星○革慶成王府輔國將軍奇冷奇瀾祿

米三之二仍賜勅切責以苦辱法官不服慶成王戒諭也○丙戌孝莊睿皇后忌辰奉先殿行祭禮遣騎馬都尉樊凱祭福陵○總督蘇松等處糧儲都御史羅鑒奏所屬各衛缺官軍俸糧并各部歲派物料無措乞以其地度僧等銀借用有旨責鑒招權妄議紊亂事體令冠帶閒位遼革原設都御史而以御史蘇錫代之專理不得更代者為令○先是遼虜入寇山西陽和衛雙溝兒墩豬槽墩諸處委守陽和約粟都指揮僉事余欽分守大同東路右少監章祥左參將都指揮僉事許鑿備禦不嚴及太監僅能總兵官都督僉事溫恭巡撫右僉都御史熊偉總統失策為御史所劾事下都察院覆奏有旨偉已致仕能已別用姑宥之鑿祥俱降一級祥仍分守與恭欽俱戴罪殺賊侯邊情寧日以聞○慶成王府儀賓侯傑毆死登封縣主坐絞

兄儀賓政緩于啓開坐贖杖○復鎮守寧夏都知監太監苟全
原職令戴罪救贖全以花馬池失事降一級兵部尚書曾元吉
邊方多事急于用人故得復職○丁亥詔罰尚書樊瑩彭韶俱
鍾侍郎王克復劉璪米五百石尚書何鑑侍郎魏紳都御史艾
璞御史饒塘右布政劉琬同知湯錫各七百石知府金洪千石
御史羅登千五百石初松江府折糧布匹匹准米二石至成
化二十年尚書王恕為巡撫時與知府瑩議節其未攤之他稅
乃減五之一其後韶克復鍾鑑紳璞巡撫塘巡按又與府官環
琬洪毓相沿裁減至是所輸布多練窄瑾乃究其由而罪之惟
恕以舊臣獲宥韶克復紳毓已故鍾已致仕瑩已為民皆僅
減半而洪雖為民亦不聽減○革巡撫寧夏右副都御史曲銳
職即其地開任時虜累入殺掠巡按陝西監察御史胡瓚劾銳

失人心。招物議。兵部請取回別用。特命革職。○兵部言。巡按河南監察御史趙斌。勘過鎮守太監廖堂下。各隨官合。張余安等。搶獲回贓功。余安等十八人。宜陞一級。盧氏縣知縣李朝陽等三人。宜賞太監廖堂已加祿米。宜錫勅獎勵。之。○戊子。孝穆皇太后忌辰。奉慈殿行祭禮。遣駙馬都尉樊凱祭茂陵。○以吏部尚書劉宇兼文淵閣大學士。宇粗厲無才。猷徒以軀幹魁梧。致顯位。其為總制時。奢靡無度。奏帶僕從十數。日責有司。肆威楚供億之賂。劉瑾入掌臺事。請初籍制御史。小過輒撻。瑾以為賢。擢兵部尚書。舉用將領。賂賄狼藉。迨轉吏部。索賂于縉紳。不逮債帥之餽。乃悔曰。兵部自好。何必吏部也。未幾。張綏為侍郎。凡所舉措。綏與瑾謀。協而行。宇尸位而已。瑾重信。綏亟款授之。尚書將罷。宇以宇夙厚。乃俾入閣。宇疏辭。且乞省。遂許。未

傳還宇將踐內閣任請于瑾置酒閣中瑾親詣稱賀明日宇備
入閣瑾問之曰此地豈容彼入哉宇乃不敢入而行踰歲得請
休致議者謂其流毒善良不及焦芳依然黃扉不及曹元云○
四川百陽宣撫司護印冠帶舍人冉廷璽及重慶衛邑梅洞長
官司土官楊秀璠各奏湖廣鎮巡官調兵征勦兵部言若如所奏
男女牛馬數多乞行湖廣鎮巡官調兵征勦兵部言若如所奏
寔非細故宜移文各鎮巡官勘定議撫勦孰使仍容究隱匿悞
事者罪從之○茲遼陽副總兵孫成開元容將馬洪仍降實職
一級停其俸回原衛閒位以鎮巡官劾其貪懦不職故也○已
丑兵部言各驛馬價解發不時以致馬頭紛紛奏擾宜為之慮
馬價俱于秋糧加耗內帶徵正德三年以後務于每年十月內
徵完屬西京會同館者年終起解屬在外各驛者差官支領如

十月內不行徵完年終不行起解官到不行給發者許領支官
脩里巡按將各掌印守巡官停俸延至一月者劾奏提問正德
三年以前逋負逐一查出嚴限併解如管解領支官已領不即
起程營運作弊者訪察執問違限三月者繫其家屬各巡按并
司府州縣不行徵收及不與聽理者查察究治會同館工食窮
亘缺之准將馬頭等收銀內借支候解潰至日補還統入從之
仍命查歷年不行徵收聽理官以聞○兵評言巡按御史孟醇
勘過大同三路被虜入境殺掠官軍百戶張宗千戶賈玉等十
六員提調不謹守備指揮劉繼等五員失于備禦分守太監何
名右少監韋祥察將陳勛許盛紀律欠嚴俱宜究治但何名陳
勛先因事繫官許盛除役已革職回衛得旨命巡按御史逮宗
等并名勛究問以聞降後一級仍開住鑿已降宥之○庚寅陞

吏部左侍郎張綵為吏部尚書綵任文選郎中不一年謙進至
此○改巡撫宣府左僉都御史馬炳然巡撫寧夏以按察使楊
綸為左僉都御史代之○罰給事中師夔御史王璠各米三百
石輸居庸關以查盤糾奉有遺漏也

明武宗統皇帝實錄卷之五十一

明武宗毅皇帝實錄卷之五十二
正德四年秋七月辛卯朔享太廟。遣內官祭司門之神。
命前軍都督府署都督僉事李興克副總兵分守遼陽。命守
備寧遠署都指揮僉事劉暉克右叅將分守開原。申刺陝西
全縣天無雲而雷。甲午。仁孝文皇后忌辰。奉先殿行祭
禮。遣駙馬都尉黃鏞祭長陵。襄城伯李鄜卒。鄜以弘治十
一年襲祖爵。推管神機營操練。尋坐顯武營十三年。以有虜警
推領兵防守紫荆等關。尋提督五軍營。管右府事。十五年改後
府。正德元年。修盧溝橋。隄岸二年。修海子。於殿橋梁。皆以鄜首
之。其年四月。命掌前府印。至是。疽發背。卒。子全。禮嗣。賜祭葬。如
例。以其總六師。加一祭。馬鄜為人。言行碌碌。晚與太監魏彬之
弟英為婚。其家人為英所亂。醜不可言。乙未。陞巡撫寧夏右

會都御史馬炳然為右副都御史以叅官得宜也。雷震園府門柱人有避雨而死者。丙申陞吏部右侍郎柴昇為左侍郎。改戶部右侍郎孫交為吏部右侍郎。丁酉命右春坊右諭德豐熙署南京翰林院事。舊例兩京翰林院掌印官缺本院推一員請用。至是大學士李東陽請勅吏部推舉二員。量陞學士以往吏部。具熙及侍讀朱希周上請。時劉瑾久欲斥熙遂止。以舊銜署印云。陞福建按察司僉事陶傑為廣東布政司右叅議。陞陝西按察司僉事俞振英為尚寶司卿。趙府輔國將軍祐祿奏通來宗藩多違法制。至勞。聖諭戒錫緣輔導官多不得其人。國初以科貢任用。故嘉諫直言有所匡拯。所謂近正人則心術定也。近年或以年老監生及保舉舍人充之。違迎取悅。無復箴諫。或交通外人。撥置取財。所謂近邪人則心術亂也。乞

勅鎮巡及巡按分守官從公考驗各府長史以下官員明報履歷但係保舉及年六十已上者盡革為民吏部議下撫按考驗察訪如撥置生事遺害地方者疏名參究其年力衰憊者令致仕上命鎮巡等官分別款目定擬去留以聞○荆王請授左長史施魯四品俸級紀善陳錦長史職名詔以王府官俸級職名成憲具在而越制妄請累有禁例魯等輒導王犯之其黜魯為民錦致仕仍戒諭天下宗藩○隆平侯張祿卒祿字天爵其先為直隸臨淮人正德戊辰嗣爵尋賜蟒衣已持節冊封益王長子未成禮卒于道賜葬祭于瑋嗣○南京戶部尚書張泰卒泰字叔亨廣東順德縣人成化丙戌進士授福建沙縣知縣時鄧茂七初平泰招集流移撫綏有方復成壯邑入為監察御史提督北直隸學校有公明之譽孝廟初中官何文鼎以劾壽

寧侯得罪泰與同官草疏極諫坐奪俸廵按雲南滇池漲溢築堤數十里憲遂息蠻酋恩謀為叛先事諭降之歷陞南京太僕少卿大理少卿右副都御史總督南京糧儲召為工部右侍郎尋陞南京右都御史掌院事正德戊辰捧 聖節乘至京俄改南京戶部尚書令致仕蓋劉瑾意也抵家數月卒泰矜嚴好禮其清慎始終一節故瑾不能害後乃摘他事下其家罰米數百石瑾誅子珩乞祭葬詔如例予之○戊戌先是監察御史喬岱往覈兩浙鹽課自弘治初元至今虧折若干擬令巡鹽御史及運司官以崇卑陪納有差御史至二千五百兩降殺至于判官猶一千五百兩尋又令給事中鄭裕御史舒晟備查各官歷年淺深及欠課多寡以定陪銀之數戶部覆奏裕等所查甚明內御史張進王潤監章已有旨除豁彭程黃世經王溫饒糖并同

知趙哲判官周思禮黃昌已如數追完矣餘如今擬陪納則御史謝瑩為六百五十餘兩張文為一千二百九十餘兩于茂為一千兩劉紳為一千六百一十八兩姚壽為一千三百二十餘兩汪璧為一百六十餘兩邢紹為二十四百四十餘兩方溢為二千五百六十餘兩運使楊奇為一千二十餘兩晏輅為三千九百九十餘兩宋明為九千四百八十餘兩梁萬鍾為二千四百七十餘兩同知亢通為一千一百兩羅珣為二千七百三十餘兩鄭洪為三千兩副使王迪為一百六十餘兩李文用為七十餘兩保簡為一百餘兩判官李從輔為一千一百餘兩黎磐為一千二百餘兩岱所叅遺漏右判官王明徐賜舉張材林芳莊表經歷余本正鄧海知軍胡秉王維晉事未久亦各負課應陪者宜通行巡按御史照數追陪果財產已盡他無措辦者則

其實上請得旨如所擬發坐滿叅罰米八百石輸時奇已死其妻訴家貧振柩未歸孤寡可憫戶部請於貸之詔必追不宥程以言事譴成死久矣有司奉例追併罄家產猶不能償僅一孫女鬻之富民取價不復議婚媾之禮餘復取緝於姻戚以足其數聞者無不傷之瑾之苛虐如此○己亥以罕命順天府屬壽于都城隍等神○命懷寧侯孫應爵掌前軍都督府事○庚子太監劉瑾奏議校訪衮革知府萬福老疾廢事蘇州知府鮑瑾同知王菴貪得無恥並乞罷黜吏部覆奏福年老無他過失宜令致仕瑾悉贖貪宜罷為民困言瑾所理錢穀宜行查算巡按御史李廷梧坐視不舉亦合有罪 上是之令查盤錢糧御史王翊遠瑾查治之廷梧令自如○壬寅改浙江布政司左叅政尚衡為山西左叅政陞湖州府知府何顯為浙江左叅政○

陞按察司僉事查煥何宗理俞諫汪獲麟王秩吳廷舉陳珀俱
為右政司右叅議煥山東宗理山西諫江西獲麟河南秩廷舉
廣東珀浙江○命監察御史柳尚義巡歷順天保定等府居天
津甯采巡歷真定廣平等府居真定薛鳳鳴巡歷應天淮揚等
府居高郵潘銳巡歷蘇松徽寧等府居蘇州時以四方盜起而
屯田失實故特設御史朔家專理之某狼貪肆惡鳳鳴狂悖不
檢銳傾險完暴皆為瑾用縉紳恥言之○甲辰陞南京刑部郎
中徐瑤為浙江布政司右叅議專理糧儲○陞禮部郎中萊瓌
戶部郎中左唐張翰侯啓忠陝西按察司僉事李璣為布政司
右叅議瓌福建唐四川翰湖廣啓忠瓌陝西○御史蘇錫奏查
鹽蕪州永平山海等處倉庫卓束銀兩侵盜范熾虧折數多并
叅監收官戶部郎中王勤張鸞何文縉李傑趙鶴員外郎劉乾

莊釋永平府知府張禎惠隆俱有罪內勦驚已死文縉已致仕
禎隆情罪為輕得旨情罪輕者罰米三百石重者五百石致仕
者減其半病故者宥之○三氏學生員顏重禮奏三次子孫自
成化初年胡貢迄今顏氏未貢一人乞定為資格以均之禮部
覆議以孔氏子孫在學者十九顏孟子孫在學者十一若孔氏
仍舊三年一貢每及三貢顏孟輪貢一人則均矣 上是之且
曰輪貢既均其勿令發學當貢者所司仍慎選以充○乙巳中
元節遣駙馬都尉蔡震崔元林岳分祭 長陵 獻陵 景陵
裕陵 茂陵 泰陵文武衙門才官陪祭○遣儀賓周鉞祭
恭仁康定景皇帝陵寢○遣內官祭 恭讓章皇后陵寢○陞
左給事中張賢御史胡暘署郎中楊惟康員外郎段敏金遠同
知張文俱按察司僉事賢文山西暘山東惟康浙江敏福建遠

廣東。○今京官病滿三月者不許輒奏還鄉調養著為令。○詔行洪武永樂宣德弘治通寶等錢。○御史蘇錫奏直隸薊州水平山海等衛所倉庫銀糧芻料虧折數多并劫百戶劉通千戶田銳指揮劉翰等三十二員侵盜等罪時道已死得旨通侵盜情重令御史拘繫其家屬追償罰銳等十五員米各二百石翰等十六員各百石。○丁未陞工部員外郎邊億為陝西按察司僉事。○戊申太宗文皇帝忌辰奉先殿行祭禮命駙馬都尉馬誠祭長陵。○命武定侯郭勳後軍都督府僉書管事。○禮部尚書致仕張駿卒駿莘亭人中鄉試以字學進除中書舍人供奉文華殿歷驗封員外郎山東叅議太常少卿光祿卿銜致仕正德二年起取其草書狂恠瑾獨喜之會進呈通鑑纂要聞有譎字令駿等再謄遂以為勞進禮部尚書復乞致仕至是

卒得賜祭。○庚戌陞吏科給事中尹梅為工科都給事中。○命慶雲侯周瑛祿米如父壽例歲支一千三百石本色一千一百石折色二百石。○命陝西守備階文地方署都指揮僉事張鏞克游擊將軍陞指揮僉事張賜嘗為署都指揮僉事守備環慶都指揮僉事房懷守備固原從總制都御史才寬請也。○陝西守臣奏四川流賊劉烈等轉掠漢中有衆二千餘人。上命四川陝西湖廣鎮巡官隨宜勦捕其願歸鄉里及自首者免罪其能自相擒捕者一體給賞并切責四川守臣養寇致亂之罪既而又命三省併力夾攻毋致滋蔓。○辛亥巡按御史趙應龍奏查盤遼東預備倉糧三年之內原數不足蓋邊境無法措置故也又參瀋陽等衛鎮撫趙聰百戶徐英張俊收受錢糧不以時曝晾指揮同知黃寧指彈僉事張勳千戶劉斌失於提調以致

沓爛虧折數多俱合有罪戶部議覆詔以倉糧積不及數者姑置不究聰等各罰米三百石寧等各二百石俱納本倉○壬子陞欽天監五官挈壺正李源為監正中官正周佐為監副○命新寧伯譚祐總管五軍營會昌侯孫銘總管神機營操練○兵科給事中等官張龍等奏查盤遼東各衛倉糧正數之外附餘米二千餘石其沓爛豆四石三斗粗糲米五百七十餘石督管官員郎中徐燧指揮僉事王道叅議許淳石副都御史今致仕劉瓛俱有罪宜速問戶部議各官積出附餘數多沓爛數少而粗糲又比沓爛不同其罪似宜末減得旨免速問理罰米二百石道淳各百石畝以致仕宥之○癸丑命刑部左侍郎張鸞致仕降印綬監少監李宣為奉御錦衣衛指揮同知趙良為自官供南京間住鸞等奉命往江西勘民間所懇不法事至是還官

賂瑾銀萬兩良賂亦二千餘兩瑾自覺姦賊狼藉方欲自雪乃以徇私納賂擅出人罪反不叅誤事官員為宣等罪而降黜之所賂銀輸之內承運庫江西鎮守巡撫巡按及談道守巡等官俱以不能聽訟結獄坐罪於是罷太監姚舉回京都御史林俊等三十一員凡見任致仕者俱罰米三百石為民省半之○致仕南京工部尚書李孟暘卒孟暘字時雍河南睢人也少負文藻與弟孟暉同舉成化壬辰進士授給事中僕占城開封古來王嘗陳邊事朝廷納之歷都給事中湖廣左叅政廣西右布政使擢右副都御史總督南京糧儲遷戶部侍郎南京工部尚書言官數論其叅老可罷遂致仕歸後科道劾儲還奏孟暘在戶部時經理夫職罰米八百石輸邊時逆瑾擅權好誅人細過焦芳亦附瑾以恣中人孟暘與芳同省雅不相協以是甚自危

會平禍乃不及孟暘致位九卿無大建白然性行敦謹亦無可
訾議孟暘稍峭直終陝西按察使○甲寅命署都指揮僉事魯
勳遼東都司僉書○陞太原前衛指揮使劉龍為署都指揮僉
事掌山西都司事○降山陰王府輔國將軍成德為庶人革成
謙祿未三之二賜書切責遂與仗張孝忠等治罪謫撥置人崔
淮等松潘充軍總以毆死平人錄以挾妓縱飲故也○乙卯魯
府鎮國將軍當洎奏除王府積弊三事一親王世子郡王長子
授封以後薨故及為事降革其嫡次庶長子比例請繼封爵其
無嫡次庶子者或以弟繼兄以姪繼伯叔等既有成命宜俾其
原給祿米俟冊封之日方與所應得之祿正妃夫人主有子女
病故無人撫養例得自娶一人以為內助不受繼妃之封其有
借用正妃冠服及所生子女稱為繼出請封者聽鎮巡等官參

奏嚴禁則禮備而名分定矣一同姓及姑舅之親為婚律有明禁今後王府結婚若倫理失序有乖律例或以本府軍校黃作刑府州衛籍貫外處流移軍匠人等妄作詿里寄收帶管或父祖重刑之人妄作家道清白即便革退另選仍將該官吏并保勘人等依律問治營求撥置之人發遣成邊則人心警懼而宗室不致有玷矣一郡王奏討廚役歲無虛月宜行所在官司查勘如有護衛儀衛司者通行查撥軍廚將民廚退回原籍當差無軍可撥者以民籍補之如有軍可撥而占留民廚及科擾累民者宜禁治之仍先罪其輔導官則事不煩而民力亦少蘇矣禮部議覆俱從之仍令鎮巡等官查勘各王府有無前項情弊奏聞臣處○命鎮守遼東左都督毛倫充總兵官鎮守湖廣以分守遼陽署都督僉事李璣充總兵官代倫鎮守遼東○

丙辰鄭王襲兄康王封請給祿未得旨鄭王係旁支襲封歲給
五千石後有旁支襲封者如例丁巳刑部缺左侍郎會推提
督南京糧儲右副都御史張子麟太僕寺卿屈直以請內批以
右侍郎劉璟為左侍郎子麟代璟直代子麟直劉瑾鄉人故并
擢之○戊午太監劉瑾奏杖尉訪察江西左布政使馬龍貪濫
僉事院賓輕浮俱宜罷黜吏部言龍宜為民賓宜冠帶閑住得
旨從之仍令後有貪婪顯著者吏部指名具奏撫按官不行
糾舉者究治之○命分守道州等處署都指揮僉事王勇領奮
武營操練以署都指揮黃璽代勇分守○己未命遼東游擊將
軍署都指揮僉事韓顯先副總兵分守遼陽以都指揮僉事高
欽代璽○罰先巡按直隸監察御史夏時米二百石郭象山一
百石以各違失事又不勘報於是時己陞副使東山己為民象

○庚申陞翰林院檢討焦黃中授庶吉士邵銳黃芳劉仁俱為編修孫紹先為檢討仍令吏部會內閣改定翰林院官額以聞舊例庶吉士讀書及三年始授職黃中與仁席父勢亟欲進取故仁及銳芳一年遂有是命黃中先已授檢討至是復附批陞編修紹先弘治十八年庶吉士服闋仍准讀書故預焉○四川守臣奏四蜀之西松潘獨當一邊且與吐蕃接壤甚為蜀患松州南下疊溪威茂為南路東出江油為東路自江油而入者道路頗寬番寨稍遠間有出沒我軍猶可為備惟南路由灌縣而入以邈疊溪地勢險隘番寨相聯糧夫經行多被剽掠不惟邊人告病而內地亦困自洪武永樂以來雖迭用大兵終請平而罷今各寨頗知向化而南路之防為急欲令每寨擇其衆所信服者立為牌頭老人名色就令管束諸蠻凡過糧夫使客商

賈經行并官軍送哨往還各會同番僧刺麻官軍逐程護送朔
望赴所轄衛所聽叅將兵備官查審用命不用命量給茶酒布
匹以撫恤之庶或因事採弊而道路可通矣事下兵部議如其
言詔從之仍令再行詳審務在得宜以靖地方

明武宗毅皇帝實錄卷之五十二

御苑志卷之二

御苑志卷之二

明武宗毅皇帝實錄卷之五十三

正德四年八月辛酉朔陞湖廣布政司右叅政李思明為廣東
右布政使。○陞四川右布政使王寅為太僕寺卿。○是日內降
小簡一摺中有字一行云錦永衛冠帶舍人王聰乞陞百戶見
任面批如所乞陞聰錦永衛百戶實授見任簡蓋聰書以授瑾
千傳乞者乃遂批旨于上以下所司其弄異又甚于傳奉矣正
德間武職冒濫者多然亦未有如此者本兵及言官皆休瑾威
而無敢執奏者矣。○劉瑾遣官四出丈量屯田時戶部侍郎韓
福受命往遼東希瑾意所行過刻也卒弗堪福所奏帶同知劉
玉等受徵至義錦等州軍餘高真郭成等因脅眾為亂劫諸將
領及城中石姓不從者之家焚燬解舍殿廷委官守臣不能禁
發銀二千五百兩撫諭之亂者始息事聞瑾乃歸罪于鎮巡官

不能宣布威福令會同申諭別選軍士素所信服將領從公文
量目額耕佃者俱仍從其舊報出糧料即平價與之於是人情
稍安巡按御史趙應龍緝真等首惡二十二人容擒捕之且勅
分守叅將回鵬備禦都指僉事張鳳等七人及鎮守太監岑章
總兵官毛倫巡撫都御史劉獻罪事下兵部都察院議遣給事
中屈銓刑部郎中楊節會應龍覆訊獄上詔真等處斬家屬發
南海衛充軍其為從者俱宥之各該地方官員姑免遷鵬降二
級廣寧衛帶俸閒住鳳等各罰米二百石章倫獻俱宥免○壬
戌陞山東按察司僉事翁茂南為廣東布政司左叅議○詔鄭
王祿米每歲給粳米各一千五百石小麥二千石從王請也○
朝鮮國人有乘舟過別島貿販者遇颶風飄至浙江松門衛境
為土人所擄挾總備倭指揮陳欽張楷喬鳳失巡瞭既而聞于

守臣秦徽掠者罪并初欵等宜遠問下兵部議覆詔各犯掠夷人財物殊傷國體其令巡按御史各杖之五十為首者發戍四川茂州衛從者照常例處之欵等遠問夷人給衣廩送遼東轉達其國仍移文使知總督備倭都指揮魏文禮以失職令自陳狀○癸亥司禮監傳旨陞大隆善護國寺國師著首藏卜為法王剎麻羅竹班卓班丹端竹班卓羅竹朵而只堅參俱為左贊義道錄司左正一栢尚寬為真人○鎮守陝西署都督僉事曹雄奏布按二司守巡兵備官文移達已者舊由都司轉達今虜方有警徵調不時而都司在省城往還千里於事未便乞要徑呈與巡撫都御史同兵部議如雄言既而又謂陝西地重雖有鎮守之名而無掛印之柄故其委任反不若三邊將官宜令雄掛印充總兵官以重其任得旨陞雄署都督同知改總兵官別

給印換制勅與之三司文移令徑呈以便行事後兵部查各鎮所掛印上請命以延綏鎮守吳江所掛鎮西將軍印與雄而添鑄靖虜將軍印與江時雄與瑾厚相結故有所請必從云○甲子劉瑾所遣旗校偵事者報江西新建縣主簿孫環有廉能實蹟瑾以聞乞擢用蓋瑾寄耳目於羣小而時有舉刺欲示已留意於吏治而實陰攬黜陟之權也綱紀至是不存矣○命左軍都督府署都督僉事溫和領五軍營左掖○陞賞龍門所虎頭山地方獲功并戰沒被傷旗軍四十四人有差○初御史湯騰謫成陝西肅州援敵得縱歸寓居壽州州民王濡素憾騰會濡家有訟事鼎兄槃詐取其賂鼎不知也濡因撫奏鼎借稱都主侵奪官地營觀星樓盜伐皇陵樹木諸不法事冀以傾鼎詔給事中安磐錦承衛千戶郝凱會同巡按御史李璞劾問皆無

實且濡所引禁例多其偽造罪當斬濡復令其妻奏辯有旨謂
勘官徧徇下都察院覆議罷坐妄援赦文杖五十仍戍肅州且
令所司禁錮濡止以奏告不實杖八十初號三月與樂俱發成
遠東陝西兵備副使李旻肅州衛指揮李果以庇黨軌縱之歸
俱令巡按御史遠問而磐凱亦以擬罪不當下獄久之得釋仍
各罰米百石璞俟巡按滿日議所坐時瑾播弄威福凡文臣為
人訐告者多欲文致重法磐等忤意故及於罪云○乙丑巡按
山西御史馬昊劾藩府以防護府第墳塋為名往往奏討火夫
甚為民擾請罪其輔導官兵部覆請得旨令巡按御史遠問其
長史等官所乞火夫俱革去各府第墳塋但令巡捕官嚴督巡
邏後有踰制妄奏者令巡按御史劾之○丁卯釋吳先師孔子
道少師兼太子太師吏部尚書華蓋殿大學士李東陽行禮○

命巡撫大同右都御史文貴致仕貴奏募軍若干人人給銀五兩約滿五年釋之得旨已募軍丁令所司加意存恤毋得剋害後有老死及逃者俱於本丁親族內勾補果丁盡即以其家產給招補之人招軍本欲久練以備防守也貴安擬補伍滿五年釋放之例該部其即參詳以聞仍今在彼丈量地土寺丞楊武會直理修墩給事中御史訪勸募軍給銀有弊與否於是兵科都給事中趙鐸等劾貴有罪請從重寃治故有是命○戊辰祭大社大稷遣英國公張懋代行禮○改定翰林院官制額為二十四員學士一員侍講侍讀學士各一員侍講侍讀各二員修撰五員編修八員檢討四員有缺則量選庶吉士教養除補或推諸司有學行者調補如應復除并進士及第者雖額數已足許填註見任○己巳命懷寧侯孫應爵提督上林海子工程

○命哈密衛故都指揮僉事馬黑麻赤兒米即子火者馬黑木襲其父職。○改調著都指揮僉事李佐于靖虜金篦于甘州各領軍備禦從總制都御史才寬請也。○庚子鎮番守備都指揮僉事李愷奏鎮番極邊重地宜復設叅將分守詔遂以愷充叅將分守如舊。○辛未遣戶部侍郎祭太倉之神。○遣順天府官祭宋丞相文天祥。○革鎮守宣府太監陳貴祿朱罰總兵官白玉巡撫石僉都御史鄧璋總理糧儲戶部郎中張秀各米二百石輸宣府倉坐先是失火延燒草場官吏懼罪妄以災報各官依呈具奏故也。○癸酉給修蓋外經廠工價銀四千兩與司禮監自行修造勿令各處派辦。○甲戌改南京禮部右侍郎王綸為都察院左副都御史巡撫大同贊理軍務。○陞刑部署郎中戴啟為江西按察司僉事御史馬昊為山東按察司僉事。○禮

部議覆濟寧州致仕訓導張紹奏各王府樂舞生禮生濫將民丁倉補且僭用儒巾宜通行天下王府務遵原額樂舞生先於有牒無犯道士禮生於附近相應人戶選補不足則各以黜退生員補之不許踰額祭祀時許用禮服餘日仍初服不許輒用儒巾如富民額外營克依律問擬長史等官縱容不舉聽各巡按御史衆究從之。乙亥以旱災免陝西同州等四川朝邑等十七縣稅糧有差。丙寅陞應天府府尹常麟為禮部右侍郎。○虜犯點魚石鞏子谷等關我軍樵汲者多為所得千戶朱錦秀等失防禦參將劉玉為錫守備內臣蔣廷玉劉春許誠高永俱疏令不嚴事聞下兵部議皆宜究治而玉累積事尤當罪且鎮守太監王宏總兵官吳玉亦難辭責詔劉玉錦秀等令巡按御史速問錫廷玉審誠永及王宏吳玉俱戴罪自劾其餘事情

御史再數以聞。命金吾左衛指揮使顧鐸守備階文地方。以都指揮體統行事。廣西柳州府知府劉璉以遠迎上官。通水康崖。遇賊為所虜。遂憤怒死。馬守臣以聞。且言指揮張鏊不沮璉。遠出叅將官纓等有地方之責。皆當遠聞。詔姑停鏊纓等俸限。捕賊三月必得。乃已。仍數璉死情實上之。己卯。錄宣府紅石。嗟青邊口堡斬賊功。命歲加太監陳貴祿米十二石。陞總兵官白玉俸一級。官旗軍舍各陞賞有差。○巡按四川御史陳鍾奏。小關堡守備松潘衛指揮僉事史寬。隄備久廢。被賊搶虜。當先軍及查叅分守左叅政馬懋。分巡副使匡翼。之防範久廢。俱宜遠聞。時懋已陞福建。右布政翼之已坐事降桐廬。知縣矣。得旨寬從輕降一級。懋翼之既遷官去任。免遠聞。各罰米二百石。○庚辰。祭太歲。風雲雷雨。嶽鎮海濱山川等神。○遣旗手衛官

祭旗纛之神。○壬午。憲宗純皇帝忌辰。奉先殿行祭禮。遣駙馬都尉黃鏞祭茂陵。○陞南京大理寺卿胡富為南京戶部右侍郎。○甲申。陞江西左布政使周宏為應天府府尹。○乙酉。給事中盧綸等查宣府各堡戰馬倒失者。追買違限。劾顯祖游擊總兵等官罪。詔停都指揮薛明等俸。照教追補管理團種。都指揮安洪掌印。都指揮李珍。副總兵劉淮。叅將王本。宋振。施澧。以不催徵點視俱奪俸。五月。總兵官白玉先。巡撫都御史鄧璋。僉事黃偉。以失於督察。太僕少卿劉聰。以失於比較。各停俸三月。鎮守太監陳貴等宥之。○丙戌。陞浙江左布政使林廷選為南京大理寺卿。○夜。入星見山東。益都臨淄樂安等縣。紅光如虹起西南向東北而散。又天鼓鳴自西北往東南。聲如雷。○丁亥。陞陝西右布政使劉杲為江西左布政使。○戊子。轉湖廣

右布政使劉琬為浙江左布政使。己丑榆木嶺關地方被賊入境虜掠兵部請治失事官得旨百戶徐鸞等巡按御史遠治叅將劉玉待前事問結併奏守備監丞高素分守太監高永鎮守太監王宏總兵官吳玉仍令戴罪殺賊。是月峽西鄆縣渭南縣嘉禾生巡撫都御史黃寶以聞。

明武宗毅皇帝實錄卷之五十三

海東文獻卷五十二

海東文獻卷五十二

海東文獻卷五十二

明武宗毅皇帝實錄卷之五十四

正德四年九月庚寅朔陞江西布政司右叅政陳鏞為湖廣右布政使令雲南按察使李端澄開任湖廣缺布政使吏部疏兩人名以請內批以端澄不謹黜之。陞山西布政司右叅政臧麟為陝西右布政使。辛卯陞刑部署郎中張澗為陝西按察司僉事。以督理稽察宣府等處糧儲久嚴罰巡撫都御史鄧璋分巡僉事黃偉總理郎中李誠各米五十石監收指揮僉事曹琮等各百石指揮使徐瑄枉法情重仍逮問以聞。壬辰吏部奏巡按山西監察御史馬昊嘗旌舉平陽知府張忠未幾查監御史張禱劾忠盜官銀及匿贓罰銀凡八千八百餘兩俱有實跡昊妄旌薦宜加黜謫以為後戒時昊已遷山東僉事命以原品調外任而謫忠成肅州其贓銀解京平陽所盤出官銀八

萬發貯陝西以備邊餉禱以公於論勅陞俸一級。改守備洮州署都指揮僉事于英于汝寧。土魯番連壇滿達兒王等遣使貢馬駝請還其弟真帖木兒兵部議上得旨真帖木兒且令居甘州厚撫之以俟後命。癸巳。孝恭章皇后忌辰。奉先殿行祭禮遣駙馬都尉崔元祭。景陵。甲午陞楚雄府知府董朴為江西布政司右叅政。陞廣東按察司副使王俸為雲南按察使。乙未陞河南道監察御史杜旻為山東按察司僉事。分守松潘副總兵都指揮同知昌佐請興兵出勦石壩子等寨番夷六科給事中趙鐸等劾其輕率。上責佐生事要功而姑宥之既而鎮守太監羅喬巡按御史陳鍾奏言松潘有黑日二塞其中番夷亦有善惡之分佐欲一舉進兵既已謬矣况兵糧不足在我無全勝之謀各酋恃險在彼無可乘之隙是遠

夷未服而內地先困矣。上是之令佐盡心計處相機撫剿以靖番夷如有失事鎮巡官叅究以聞。丙申改雲南右叅政張貴以山西而以山西右叅議黃暉代之。先是華嚴安寧宣撫楊友與其弟播州宣慰愛有隙發保寧府城中竊管後逃回如府崔侃等以竊管不嚴逮問且欲繫之候獲友具獄以請至是四川守臣秦友難遠復詔復侃等職各輸贖罪未二百石仍命撫拘友到日併以聞後友縱兵攻劫播州鎮巡官奏請會勦竟以四川鄆藍盜起而寢其事。給宣府各墩堡夜不收官軍一萬二千三百四十二名衣鞋銀凡一萬七千二百兩有奇。丁酉陞陝西按察司僉事朱球為雲南布政司右叅議命既下會陝西叅議有缺總制都御史才寬薦球相益有方欲留治漢中遂改陝西右叅議。兵部以京操官軍不到教多請下領班都

指揮馬振等於法司如例治罪因言今後領操官無故脫班軍士七分以以上不到者宜降級誡衛其本身脫班軍士六分以下不到及本身到營軍士八分以上不到者宜降級免誡衛其餘不及教者仍如例送問詔從之且令巡按御史查究各都司衛所掌印官未到官軍其並解部送標○裁革四川松壘游擊官兵從鎮巡官議也○戊戌重陽節賜百官宴于午門○陞湖廣按察司僉事陶照為江西布政司右叅議○兵部左侍郎胡汝鴈奏覆丈量過公侯伯指揮等官張懋等莊因地共一千八百一十八頃七十餘畝欲將無糧者照例起科詔以公侯伯等官既有常祿在外莊田徒使利歸佃戶家人即今邊儲缺乏各官豈無憂國足邊之心直出地土宜照例起科革去管莊人役各家願自種者聽不願者撥與附近空閒舍餘種納還量地利厚

薄以定則例依項畝糧數以立案冊仍今各邊貢出地土視此
令行之○華宣寧王成結祿米三之二隰川王聰漢祿米三之
一仍遠澤州知州師禮教授邵良佐等治罪論撥置人張權等
戍邊方以成結聰漢出城游戲包占樂婦故也○己亥陞雲南
按察司僉事陳懷為布政司右叅議○授翰林院庶吉士安邦
為吏科給事中○點左副都御史韓福福先理湖廣軍儲繼清
遠東屯田並以徵歛為務所在騷擾至是為給事中徐仁等所
劾乃黜之○禮部言烏思藏襲封闡化王阿吉汪東劉夫劉巴
聖叅巴藏卜及襲職完渴都指揮煖精藏卜進貢方物及遣人
數多出於例外意圖厚賞今宜准其多者為次年貢數如例營
指揮無羊貢者裁其實資之半其陝西河州衛指揮使王錦等
違例起送俱當究治詔從之仍令今後違例進貢夷人俱拘留

在邊不許濫放違者治罪○賜管莊浪土官軍餘都指揮同知
曾經大紅織金飛魚文綺一襲從其乞也○給永和土府故鎮
國將軍表振庶妻幼男養贍米歲五十石○庚子戶部議覆兵
部左侍郎胡汝礪奏踏勘過宣府內外鎮守備守備等官莊
田共九百二十八頃七十餘畝已量為裁減召人承佃詔以
內外鎮守官朝廷重託俱准以水旱地各十頃副總兵半之分
守監給游擊各旱地十頃守備半之免其徵稅其餘願自佃種
者照例起科多餘田地撥與空閒舍餘人等承種納租明立文
冊故有奏討并吞併者科道官查記重罰之仍行各邊鎮視此
令行之○弘化等寺番僧都綱鎖南巖卜等來朝貢佛像馬駝
等方物賜綵段鈔錠有差壬寅太監陶錦給事中蔡潮查奏福
建司府州縣貯庫贓罰等銀開報錯漏與成色不足支銷未明

俱合究問詔以指揮馮瑋等任情作弊行巡按御史遠問右布政車璽都指揮龔順各罰米三百石致仕叅議黃華食事滿珪陳大紀間住副使陸偁僉中院賓罰半之。慶成王府奉國將軍表統欲獨據其祖所買宅第妄稱其父竒滿所私置者也而其叔輔國將軍竒滔答王均下將入居互聞成訟遂至京具奏下撫巡官勘問以竒滔妄奏私出表統妄爭致釁皆違祖訓詔各革祿米三之一賜書切責。癸卯陞興化府同知曹璞武定軍民府同知晁必登俱為按察司僉事璞湖廣必登雲南。吏部奏後庫所貯部黃及文卷簿籍數多積久泛爛欲送內府收貯命工部運貯內府千安郎時尚言張綵建此議司屬官無敢違者驗封郎中楊子器以為言大忤綵意由是累朝法例具在卷籍者遂湮沒不行唯驗封及考功卷籍猶餘十之二三

云○乙巳陞湖廣右叅政張翼為都察院右僉都御史巡撫甘肅等處○磁州知州白輔以給由枉道還家久不赴任吏部廉得以間命巡按御史械至京下詔獄并究知甯守巡官及巡按御史失覺之罪○以孔承夏為曲阜知縣初曲阜知縣孔承泗卒族人舉孔公統代之有孔承章承周者赴京奏其過惡吏部乃舉承夏可用而罷公統因劾承章等二人意欲徇私薦其族承懿也乃執行巡按御史究治既而承章等復與承懿潛至京為偵事者所發俱謫成海南仍賜衍聖公間韶勅曰先聖之道朝廷用之以為治天下之法在爾輩守之則為治家之法承章等首開訟端毀誣宗子以朝廷名爵為私家爭奪之具是先聖不肖子孫也請之邊成小德大戒正用先聖遺法為之教不肖子孫且先聖嘗言其身正不令而行爾聞韶尚佩服先訓進

學修德與族長管束族人令讀書循理以稱朝廷崇重至意令
後再有恃強挾長朋謀脅制不守家法為聖門玷者爾即指名
具奏必不輕恕故初○丙午銓註領班備禦大同署都指揮僉
事錢清於山西都司○六科十三道奏兩廣江西湖廣四川陝
西等處自本年正月以來群盜縱橫大肆焚掠如內丘羊房務
沙任丘定興臨清鄆縣永清嶧縣高密店等處往往劫去解戶
銀兩斂傷解人盜污婦女其餘未經奏聞若薊州大壩等處其
被害有不可勝計者各處守土巡捕等官既不能防禦於無事
之日又不能籌策於有事之時俱宜懲治以警將來詔以盜賊
縱橫所在軍衛有司掌印巡捕官并鎮巡三司官不能防守督
捕或隱匿不奏或奏有不盡以致貽患地方都察院即通行巡
捕御史并鎮巡官查所司官員職名分別情罪輕重奏聞處置

不得互相容隱。鎮巡官其令自劾，仍榜諭各賊，聽自相首告擒捕。并窩主鄰佑人等，遞相連坐，俱查。近日初首內事，理斟酌議行。○丁未，秦府故部陽惠恭王無嗣，其孫輔國將軍秉徽奉祀。至是，秉徽卒，亦無嗣。輔國將軍秉楨請奉祀，禮部議倫序相當，從之。楨母弟也。○夜，日犯天街南星。○戊申，宜興大長公主慶陽伯夏儒錦衣衛千戶王敏所賜莊田，在武清縣之尹兒灣、水洵莊等處者，以地界相連，互有侵奪，刑科給事中等官李學曾等奉命往勘。奏儒初請止三百六十餘頃，今可墾者實二千二百二十八頃，而敏所賜田亦在其中。公主所請初為一千八十頃，今僅有六百三十一頃。詔其地以千頃界主管業敏，於土地傍給與十分之二，餘盡給儒。○賜守禦延綏地方游擊將軍都指揮僉事時涼大紅飛魚文綺一襲，從其請也。○義勇衛舍

餘聞秀妻產三男詔給養如例。陞湖廣布政司右叅議夏暹
為本司右叅政。己酉陞翰林院侍講學士毛紀為學士左春
坊左中允傅珪為侍講學士初有旨翰林院官缺會九卿科道
推舉至是吏部具缺請會多官乃改命惟會內閣。夜月犯六
諸王東二星。四川播州宣慰使司土官楊斌遣人賀萬壽
聖節貢馬匹方物賜鈔錠綵段等物有差。嚴鎮守貴州總兵
官懷柔伯施瓚鎮守廣西副總兵張勇俱聞住支半俸以言官
劾其通權納賄玩寇殃民罪乞革晉府襄陰王表榷祿米三之
二遠教授郭鑑等治罪請撥買人孫江等邊遠充軍以表榷安
掣平人取財輕出令諭縱惡害民故也。致仕南京戶部右侍
郎王珩卒珩少美器真定趙州人成化乙未進士授工科給事
中景遷都給事。中道政使司左右叅議右道政改太僕寺少卿

進光祿寺丞改太僕寺卿調南京太僕寺卿正德改元進南京
戶部右侍郎時逆瑾竊權任清黜陟會南京工部尚書缺廷薦
以珩召上遂令任至是卒祭葬如例珩立朝三十餘年方嚴有
執取與不肖鄉人能道其事然亦碌碌自守無大建明○朝鮮
國王李暉遣陪臣金俊孫等來賀萬壽聖節進貢馬匹方物
賜宴并金織衣綵段等物有差○辛亥陞吏部郎中楊子器為
湖廣布政司右叅議○給魯府故輔國將軍當漱夫人王氏妻
陳氏等養贍米歲五十石○後軍都督府都督同知郭錠卒錠
字彥和其先廬之合肥人初嗣指揮使成化乙酉以廣西荔浦
功進都指揮僉事己丑中武舉進都指揮同知戊戌備倭揚州
丙午充漕運叅將壬子陞副總兵鎮廣西永安諸路時苗僮攻
掠府江錠請兵進勦俘斬甚多乙卯陞署都督僉事充總兵官

總督漕運兼鎮守淮安復進都督同知正德丁卯被召還理府
事至是卒賜祭葬如例銘深沉有將暮總漕時凡官兵利病為
陳請必嚴行乃已又奉命濬通州官河廿餘里置減水壩令淺
船般運歲可省數萬緡但頗不拘小節傲物目推人以其短之
○壬子以明日萬壽聖節遣駙馬都尉蔡震崔元林岳祭
長陵獻陵景陵裕陵茂陵秦陵○遣儀賓楊淳祭
景皇帝陵寢○遣內官祭恭讓章皇后陵寢○癸丑萬
壽聖節上詣奉先殿奉慈殿太皇太后皇太后宮
行禮畢出御奉天殿文武群臣及四夷朝使行慶賀禮免羣臣
宴賜以節錢鈔○甲寅監察御史張璩等劾奏長寧伯周瑋禮
部主事許廷弼朝賀失儀俱當寬宥上以瑋初遇朝賀姑免
廷弼不謹令錦衣衛撻而釋之○命南和伯方壽祥充總兵官

鎮守貴州永寧伯薛勛南京前軍都督府管事管理操江。命署都督倉事張文淵充副總兵鎮守廣西地方。丙辰陞戶部右侍郎儲燿為本部左侍郎光祿寺卿喬宇為戶部右侍郎。丁巳勤奮任湖廣按察司副使劉遜致仕初遜為御史劾奏權貴降澧州判官既又沮抑岷府降四川行都司都事數為撫按官論薦遂至按察副使後裁革至是吏部請以補廣東整飭瓊州兵備乃命寬遜得罪之由罷其官。巡按直隸監察御史賀銳題虜之入擊于谷關七軍民被殺掠者一百八十二人把總指揮徐世隆等失於防禦而又不以實報宜速問因劾太監王宏總兵官吳玉參將劉玉俱不能無罪詔令宏戴罪殺賊總兵王玉即彼聞住參將王待化罪徵其以聞世隆等下巡按御史遠聞。寧夏地震。戊午鞏昌府階州地震聲如雷。己未陞大

理寺左少卿楊潭為光祿寺卿。以提督四夷館太常寺少卿李遜學薰翰林院侍講本院辦事。○罰監察御史楊儀朱二百石輸宣府倉坐委官失當也。○命武定侯郭勛神機營五千下坐營管操鎮遠侯顧仕隆領圍子手上直侍衛

明武宗毅皇帝實錄卷之五十四

物反器時集事所教者之五十四

史官言新時五器時計制備于五上且物
已備而官言其未言其言人。而五其新時備制者五下
其五其新時制者五下。其五其新時制者五下。其五
其五其新時制者五下。其五其新時制者五下。其五

明武宗毅皇帝實錄卷之五十五
正德四年閏九月庚申朔陞廣東布政司右叅議吳廷舉為按察司副使。遼東金州等衛達官指揮王剛等原支半俸弘治間乞全俸命巡撫官勸之公文沉匿正德二年剛等復奏仍命巡撫都御史鄧璋勸之後璋以陞任去劉瓛代為復致仕去至是都御史李貴勸報言剛等俸糧例不宜改兵部因劾前任都御史張鼎馬中錫沉匿公文宜查究而璋瓛違慢宜罪之得旨達官俸糧仍舊公文令巡按御史查究有礙撫按官者叅奏以聞於是璋瓛以延緩各罰米璋百石瓛半之。亭雨陞賞延綏鎮靖等堡地方殺賊有功官軍旗舍三百七十八人有差陣傷回營死者四人給其家銀五兩米一石仍賞太監劉保總兵官吳江巡撫都御史徐以貞各銀二十兩紵絲一表裏副總兵

侯勳參將田琦王勳游擊將軍時源潘浩各銀十兩貯絲一表裏○初前軍都督術署都督同知馬澄充總兵官鎮守薊州○以協同分守寧夏西路署都指揮同知藍海充延綏游擊將軍○壬戌以雲南按察司僉事劉用中罷輟曲靖軍民府知府林堪年老貴州普安州知州朱易重聽俱勒致仕時劉瑾歲遣旗校覺察天下官罪過所至聲勢赫然郡縣饋贈少不如意輒怒言無忌下至遭搥撻踣躄肆毒誣瑾多從之用中等以是被黜吏部奉行文案而已○夜四方流星赤色發光如盞起自天津西北行至天樞星墜聲震如雷○癸亥陞山東按察使周東為大理寺左少卿監察御史蔡中孚為右寺丞○陞廣東按察司僉事胡恩為廣東布政司右叅議大理寺左寺副張繼為湖廣按察司僉事○秦寧等衛都督字采罕等遣頭目納孩等貢馬賜

綵段金織衣等物有差。○貴州宣慰使司土官右叅政安貴榮
違舍人安居等貢馬賀萬壽聖節賜綵段寶鈔有差。○給事
中熊紀等奏點視大同鎮并偏頭關馬匹中間瘦損倒失數多
而買補又復遲限因劾各營把總坐營都指揮等官姜義等九
百餘人并山西行太僕寺卿茹欽分守太監何名左少監韋祥
副總兵葉椿馬昂游擊將軍潘浩叅將陳勛許鑿守備都指揮
左信盧英孫福鎮守太監侯能總兵官溫恭巡撫都御史熊偉
罪各有差兵部議上得旨以義等連及者衆免遠問馬匹如數
追補欽奪俸六月福等各三月偉致仕能取回鑿革任并祥等
俱宥之仍令關鎮自後宜加整飭毋致廢弛。○昏刻月犯木星
○甲午授進士邢策為南京刑科給事中推官謝國表高公韶
王克封知縣王鍾進士朱冠楊溥袁宗儒俱為試監察御史國

表河南道公韶廣東道充於貴州道鐘福建道冠廣西道諱宗
儒俱江西道行人徐盈胡訓太常博士李鼎進士毛汝乾賈運
王崧楊璵俱為南京監察御史盈福建道訓雲南道鼎陝西道
汝乾江西道運廣東道崧廣西道璵山西道○陞福建漳州府
地方有功官軍旗舍七百二十七人有差仍賞鎮守太監梁祿
銀二十兩紵絲二表裏巡按御史韓廡僉事汪獲麟知府羅列
各銀十兩紵絲一表裏都指揮許清叅政熊遠蘇葵副使陸俱
各銀五兩紵絲一表裏通判周諤知縣徐恂指揮劉傑闕珍侯
汴各紵絲一表裏○還文思院於安仁啟隙地以舊院空僻嘗
被盜兼近日成造軍器數多故也○乙丑四川布政司右叅政
馬嗣乞致仕詔陞右布政使致仕關陝人也○初有例凡軍官
千戶以下納級者不許管軍管事會有榆林衛百戶李永定者

納級爲正千戶以齋本至京見劉瑾瓚奇其貌曰是不可爲將
官手於是巡撫延紋都御史徐以貞等因薦其才可用兵部議
於例雖違而人才難得宜聽之遂陞爲著指揮僉事後官至叅
將然其人無他能竟以貪酷敗云○以早災免陝西延安等處
夏稅一萬一千六百四十餘石戶部議陝西各邊見今累有警
報請仍行巡撫官量徵一分或一分五釐以濟邊餉上是之
○巡按陝西御史胡瓚以鎮靜堡等處地方遠賊殺虜軍馬及
神器數多劾陝西納粟都指揮僉事崔鍾陳瓚千戶胡定馬聰
開住左叅將納粟都指揮僉事田琦鎮守太監劉保總兵官都
督吳江夫機罪有差詔巡按御史遠鍾等問琦降級仍開住罰
米百石輸京倉保江戴罪殺賊○丁卯陞山東按察司僉事吳
世忠爲光祿寺少卿○戊辰陞廣東按察司副使盛洪爲山東

按察使真定府知府胡道宗為四川布政司右叅政。錄故韶州府同知韓鏡子為國子生。正德二年正月興兵勦遼山種賊。衆未集。銳率民兵先至營。近賊巢。賊以夜衝營。勢孤無援。戰而死。至是廣東僉事吳廷舉上其事。請加恤典。故有是命。命陝西署都指揮僉事孫隆偏守寧夏西路。己巳兵科給事中屈銓奏遼東北方雖稱邊境。其分巡分守等官。以至錢糧吏役。俱出山東。近年巡撫都御史多山東人。土壤相連。行事不便。後宜推別省人。為一邊情重大。急於用人。即不在迴避之例。吏部覆議從之。陞南京御史夏遜。南京刑部署郎中劉吉。俱為按察司僉事。遂廣東吉雲南。○巡按陝西御史。既著胡瓚。各劾奏左叅政黃瑞。右叅政彭桓。副使唐希介。先任延安府知府。王彥奇。肇昌府知府。唐臣或貪或懦。俱可罷黜。下巡撫都御史黃寶劄。

卷御史張祐履勘皆言桓彥奇臣之才尚可策勵惟瑞希介不
任理劇而希介尤怠弛誤事上乃令希介致仕而留桓等調
瑞於事簡地方口命翰林院撰上清宮碑文先是太監李文奉
勅往江西貴溪建道上清宮工完奏詣碑文禮部議上清宮設
既久儒臣撰文故事無考上特命翰林院撰之口桓彥孝子
李懿節婦楊氏等十三人及烈婦劉氏之門瑟直隸新城縣學
生父亡廬墓表其門曰孝行楊氏山西朔州衛舉人郝紀妻王
氏陝西鄠縣民朱威妻石氏直隸臨成縣民武用才妻邵氏直
隸永平衛舍餘李文妻丁氏直隸東勝衛舍餘董暹妻楊氏直
隸崑山縣民張元甫妻趙氏直隸慶雲縣民田襲妻張氏直隸
河間生員胡敏學妻陳氏浙江上虞縣民張廷賜妻劉氏直隸
汝寧所舍餘郭賀妻張氏直隸長洲縣民尤淵妻武氏直隸清

死縣民王瑣妻劉氏直隸太倉州民顧金妻俱夫亡守節表曰
貞節劉氏陝西綏德衛軍餘陳寬妻夫死自經表曰貞烈。廣
平吏科給事中許天錫奏福建福州府在城設有副候官標安
三縣乞併候標為一縣以節民費至是巡按御史韓廉報民不
便戶部請縣治仍舊但移文字守臣視縣之糧里數少者革丞簿
各一員而併其儒學於一處從之。○初錦衣衛指揮同知高得
林奏乞查處錦衣各所千百戶老幼廢疾等官再得旨令兵部
併查指揮而下履歷及黃絲投託陞調之故戒毋得徇私隱情
於是兵部聞具姻戚子孫周賢等一百三十二人實係后妃駙
馬同姓子孫弟姪宜存留其姻戚異姓在京者俱退回原衛所
在外者令回籍及附近衛所保母子孫楊玉等一十九人宜如
舊例止襲三輩女戶子孫張仁等十人及各監局匠役官旗張

錦等七十八人非本衛出身者俱宜退回原衛及五府屬衛止
終本身文職子孫胡震等六十七人宜改註原籍附近衛所無
籍者改五府屬衛所武職子孫楊瓚等一百三十三人果係本
衛所子孫者准令銓註其餘俱令回原衛及原籍附近衛所原
係各衛節年陞調本衛官旗吳英等五百九十六人及左千戶
等所鎮撫司陞調錦衣五所官旗王琦等七十二人宜將洪武
永樂洪熙宣德年間改調選撥者准令照舊其正統景泰天順
成化弘治正德等年者俱令各回原衛原所係儀衛司回還者
仍註鎮撫司數內指揮李景係歸附梅崑等十四人俱內臣弟
姪不必動原係本衛馬事并近日調衛復回本衛又選退帶俸
復任官旗張端等三百七人俱係有過人數宜令回原衛及原
籍附近衛所原無改調者俱令本衛所帶俸老幼廢疾劉琦等

六十四人亦令本衛所帶俸議上得旨錦衣衛近年以來多有黃緣請託希圖榮幸或為事調衛復求回衛或自鎮撫司七所改注五所或自各衛陞調或乞陞傳陞遇例比例自陳或因皇親保母女戶或因文武職官子孫陞調或老幼發疾不堪任事以致冒濫數多已令兵部備查履歷尚未甚明遲遲差戶兵二科給事中各一員監察御史二員從公明白查勘各官旗姓名脚色先以何功銓註改調如前款目開寫或仍舊存留或應還原衛司所或應革去管事及有所別處令兵部斟酌定擬停當以間內有遇例實授者省假登極之恩巧立名色徇私作弊莫此為甚時內官長隨管事者俱革任降減而文武官乃得實授其例昉於何人宜併查從實具奏於是兵部言百戶郭綸之祖郭敬等六十三人俱宣德十年以來遇例實授惟天順元年實

授者又得世襲其弘治十一年詔書止有試署文職實授之條
指揮趙良千戶陳順奏乞比例實授即係開奏起例之人議上
得旨凡遇例實授子孫至今襲替者各減革一級仍與其初當
授職役本身遇例實授而見存者革之仍與試署良順開奏起
例降二級各帶俸差操以後試署職役非軍功者不許一縣騰
籠輕擬實授○癸酉巡按廣東御史袁仕勅奏廣東所屬府縣
等官周夔等四十餘員皆貪輒衰病吏部覆議宜如朝覲考察
例行刑曰可先是御史楊武以劉瑾同鄉挾勢希旨首倡不時
糾劾之議其後御史段曾按陝西亦劾其所屬且云不獨陝西
一省為然詔從之通行各撫按如例考察故天下官以微罪而
去者頗多於朝覲矣○陞湖廣布政司右叅議邵棠為陝西左
叅政陝西右叅議來球為按察司副使○貴州宣慰使司土舍

宋仁遣舍人宋鑾等貢馬賀萬壽聖節賜寶鈔綵段有差
甲戌命陝西署都指揮僉事閻縉守備蘭州地方○夜寧夏衛
火震○乙亥月犯六諸王西第一星○丙子諭吏科都給事中
李憲等朝廷設立科道以為耳目諸司不法皆當糾劾事之重
者又特令記之勿忘委任尤切奈何久而生玩當糾不糾者甚
多其徇情曠職可知矣今後遇重事嘗令記之勿忘者宜即時
糾舉若仍蹈故轍罪無赦謹既鈐禁科道寂然不言久之復收
為耳目令承望彈劾故有此旨憲為瑾鄉人又挾瑾勢恐喝其
同官嘗袖白金示出以示人曰此劉公魏我也士夫莫不笑之
○調南京戶部主事張鏡為河南衛輝府通判坐擅宿察院且
索夫馬為校尉廉得下詔獄而決遣之○丁丑以兵部主事徐
子熙為光祿寺少卿供事於文華殿中書房先是供事內殿者

皆雜流投藝之人時有輕佻者上書獻詩于瑾求為文字官瑾
遂令吏部選取之子熙以進士為品官乃挾冊與市井雜流試
於吏部縉紳鄙之陞湖廣按察使魏英為江西右布政使陝西
按察司僉事尚竦鄭懷德俱為布政司右叅議縉紳湖廣懷德陝
西○太監劉瑾奏疏通鹽法四事一請免徵天下戶口食鹽銀
鈔二請令巡鹽御史躬親掣驗三請禁私販夾帶四請禁空文
虛引戶部覆議得旨瑾原奏鹽法事宜經畫周詳防範嚴密誠
為國家重務既多官會議戶部查算明白可以經久通行軍民
戶口食鹽仍舊餘俱永遵行之司禮監立牌在側時常有察○
戊寅達賊入大同圍山墩殺虜千戶及軍士太監何名叅將陳
勳都指揮僉事朱鳳指揮使孫鉞失於防禦事聞命宥名奪勳
等俸三月俱令戴罪自效仍令查點墩臺防守軍士怠玩誤事

者重治不宥。○庚辰泄遜東苑馬寺卿王思為湖廣按察使河南開封府通判景佐山西解州知州李昆俱為陝西按察司僉事。○遼東鎮守太監岑章總兵官毛倫副都御史李貢等奏撫諭泰寧衛都指揮滿變等送回薊州納子谷被虜男婦三十人兵部議章等宣市恩威以致夷人畏服宜加獎勞其薊州鎮守太監王思總兵官吳玉參將劉玉平時不能隄備又不明白查奏宜加責治詔降王思吳玉各一級劉玉待問結處治賞岑章等各銀十兩紵絲一襲。○命廣洋衛指揮僉事盧英總領南京運糧以都指揮體統行事。○辛酉四川茂州衛著都指揮僉事吳宏奏求本都司列衛管事兵部議宏帶俸差操未經推舉輒貪冒爰奏宜究治詔奪宏俸三月仍行各都司禁約再有奏擾者罪之。○刑部會官審錄重囚得情可矜疑者十九人具獄上

請得旨減死克軍者十六人內傳殺人者仍杖之百而後發遣
婦女三人杖之百而釋之。○癸未陞大同副總兵都指揮同知
馬昂為署都督僉事充總兵官鎮守延綏。○甲申是月初虜伏
大衆於延綏邊外遣輕騎入攻新興堡副總兵侯勛出兵禦之
至單窰兒伏起被圍叅將周誠指揮岳瀟聞警往援至師婆湖
亦被圍困縱馬出營虜爭掠之乃乘亂步戰至寧邊墩得與勛
遇而圍始解雖前後斬獲九十餘級我軍死者亦畧相當所喪
馬至二千七百餘匹是後賊遂入境散掠復圍困總兵官吳江
於龍州城會叅將王勛亦統兵至與江夾攻賊乃退於是總制
尚書才寬及太監劉保都御史徐以貞等以捷聞命為勅獎勵
奏捷人各陞賞如例巡按御史胡瓚劾奏侯勛等輕率無謀宜
械擊治罪吳江遠遁不勇宜降初切責兵部議臨敵不可易將

乞令勛等戴罪殺賊以圖後功并參保及以自亦意緩誤事得旨候勛等及江等俱令戴罪自効事寧之日議所坐官軍為賊殺虜并有功陣亡者俱令巡按御史查具以聞○丙戌陞福建延平府知府鄒虞為廣東布政司右叅政湖廣布政司左叅政林璿為遼東苑馬寺卿勒山東布政司左叅政張文佐致仕時推遼東苑馬寺卿吏部以文佐為首而次及璿詔文佐既老令致仕○戶部郎中莊釋具疏乞休且陳先任知縣有蕪城捕賊歛聚錢穀之功任主事郎中有收解糧鹽查盤倉庫之勞時已陞河間府知府有首嘉其勞績特進山東布政司右叅政仍管府事釋舊為寶坻知縣斷刻誅未及為戶部益承瑾意瑾喜其與已合故有是命○陞山東按察司副使張鎮福州府知府尹灝俱為布政司左叅政鎮山東灝湖廣○南京工部右侍郎兼

石倉都御史畢亨奏曰奉命稽覈湖廣管糧官員其病故在私
治十八年以後致仕見江邊官在十五年以後者俱如例定為
等第陪償今查得巡撫湖廣并布按二司府州縣都御史等官
關仲宇等凡三百六十七員皆侍郎韓福初參有名者也其專
管兼管年深年淺已詳具等第然開革為民考察去任者與致
仕同降任陞任即係改除與遷同官丁憂考滿仍有舊官與見
任同况初參有名而於糧實無干涉者十有九人初參無名而
於糧實有干涉者二十四人其罪之輕重惟上裁處戶部覆
奏詔糧有干涉者不拘陞降丁憂考滿俱罰米有差專管年深
負自萬石以上者罰千石十萬石以上者七百石一萬石以上
者五百石五千石以上者三百石四百石以上者二百石專管
年淺及兼管者以十分為率各遞減三分叙仕為民病故并按

察司不至錢穀者賞之其帶徵稅糧令如前旨遠令完納○丁
災吏部尚書兼工部御史屠瀟有疾乞致仕許之仍給驛以歸
○錦衣衛指揮使馬到舉舍人霍琬梁壘馬維等擒獲強賊十
三名以聞兵部言近奉欽定捕盜賞格五十名以上許巡按御
史錄功保陞到等例應給賞詔以到等不係應捕人員各陞一
級不為例仍令到緝捕未獲強賊未幾到復獲三名遂陞都指
揮同知到太監永成之姪也○以大同游擊將軍都指揮同知
潘浩充左副總兵協守大同○薊州屢報虜警兵部請勅坐營
官二員選領精兵五千往備之至是命署都督僉事楊敬充叅
將都指揮同知許泰充游擊將軍以往○巡按御史孫恭泰充
州護衛官軍及舍餘餘丁除額設侍衛之外數多空閒乞編立
隊伍防守城池兵部覆議宜令恭查選精壯責令該衛官操練

都司管操官提督等守分巡官稽考有占法阻得者(如)奏奏以聞
詔是之仍行天下有護衛所在從(俱)史閱視(御)○戊子 以明日
十月朔朝暹駙馬都尉馬誠黃鑄崔元分祭 長陵 猷陵 景
陵 裕陵 茂陵 泰陵○遣儀賓周鉞祭 恭仁康定景皇
帝陵寢○遣內官祭 恭讓章皇上陵寢

白胡椒。黑胡椒。赤胡椒。白胡椒。黑胡椒。赤胡椒。

胡椒。胡椒。胡椒。胡椒。胡椒。胡椒。胡椒。胡椒。胡椒。胡椒。

胡椒。胡椒。胡椒。胡椒。胡椒。胡椒。胡椒。胡椒。胡椒。胡椒。

胡椒。胡椒。胡椒。胡椒。胡椒。胡椒。胡椒。胡椒。胡椒。胡椒。

胡椒。胡椒。胡椒。胡椒。胡椒。胡椒。胡椒。胡椒。胡椒。胡椒。

大明武宗毅皇帝實錄卷之五十六

正德四年冬十月己丑朔享太廟遣駙馬都尉樊凱代行禮
○陞浙江按察司僉事林正茂為山西按察司副使江西僉事
何俊為山西布政司左叅議池州府同知王錦為山東僉事○
巡撫寧夏都御史徐以貞遣婿報捷為給事中李憲等所劾下
錦衣衛鞠問黜以貞為民○改南京戶部尚書陳全為都察院
左都御史○陞吏部著郎中廖紀為太僕寺卿○癸巳陞山西
按察司黃珂為右僉都御史巡撫延綏○英國公張懋以疾奏
乞免提督團營許之仍提督五軍營○太監劉瑾傳旨調分守
龍門所都知監太監孟山鎮守延綏而以都知監右監丞馬盛
代之奉御薛深令管神機營左掖二司○命應天衛都指揮僉
事王欽充右叅將分守燕河營地方○甲午改南京禮部尚書

張繫為南京戶部尚書。○陞湖廣黃州府同知謝朝宣江西饒州府通判李瓚俱為按察司僉事。朝宣浙江瓚江西。○命山陰千戶所納級都指揮僉事朱正。充大同遊擊將軍。○乙未湖廣容美宣撫司并椒山瑪瑄長官司通事土人劉思朝等來京進貢。多起闖。又沿途需索為煩。事者所發自魯橋。以北應付過銀十餘兩。計魯橋以南。又當數倍。禮部議宜究治。諸應付者以戒將來。○上以進貢土人姑宥之。仍令禮部有諭及行文本省處治。奏聞經該起送等官批文容。呈名數不及。以致土人乘機恣擅。皆奪俸兩月。諸應付者通查職名及所支錢糧。仍榜示。後來不許妄行應付。○陝西布政司丁憂叅議賈施。在任時分管鎮番邊倉。以折放糧料布花餘銀移充廉給齋。夫詔加陪。發為民。○丙申陞山西按察司副使石珩為本司按察使。○吏部

覆議巡按陝西御史閻審劾奏按屬府同知等官張翰等三十
一前不職有差請如朝覲考察例罷黜制曰可○丁酉降除順
天府府丞楊孟瑛復知浙江杭州府孟瑛守杭日議開西湖至
是孟瑛御史胡文璧初具開濬無功費用官帑至二萬三千餘
兩宜罷黜吏部議以為工在既往理無可復宜仍將孟瑛降除
杭州量用民力以終前工訖事之日鎮地官具奏故有是命○
降荊州守備右少監王鑑左監丞高宗各一級呂分守太監高
永回以違職入桃林營殺虜人畜不能備禦故也戊戌陞南京
兵部右侍郎孫需為南京禮部尚書○戶部覆議總督漕運右
副都御史鄧寶會同平江伯陳熊等所陳八事其可行者三一
江南糧長江北大戶多徵收侵程為小民累又運官先沿運
遲慢以至後先參錯每遠限期宜嚴明賞罰以警之○黃河連

徒無常性往衝決漕河所當洋慮宜訪察熟知水利官節爲
隄防以杜將來之患三山東河南兗運荊州糧初以倉在水火
不費車價以役移倉入城原擬耗米每石三斗不足以充脚價
宜加耗外亦照京道二石量加七斗庶事體人情彼此兩便又
議總督蘇松等處糧儲右副都御史羅鑒所陳事宜其可行者
七第一戶部初奏荒政各府州縣驗里分多寡以爲積糧等第
今宜查照冊籍銷定等數以便措置仍查職掌官苟天放數足
方許給由陞調二清查田疇賦稅列置立文簿二節各照年
月日期填寫不許漏隱三放欠預備各糧務要年載荒歉戶
極貧不許冒領仍革里書濫放之弊四各府州縣多有空閒田
地并湖蕩池塘稅糧盡入預備各收貯宜委官查理俟年荒給
放五舊例客商引錢一分留官二分收買米穀以備賑濟近年

引錢并米穀迄無定數宜稽考以治侵匿之罪六人戶納解錢糧違限者每日罰米一升此係見行事例宜申明施行七倉廩損壞坍塌所在官司宜即時修葺蓋詔各府州縣文免糧米過期者依擬禁治黃河決口所司亟議處其宜毋致臨時悞事餘准擬○命慶陽衛納陞都指揮僉事張隆槐安堡鉤軍○命懷寧侯孫應爵致提督團營○命武靖伯趙弘澤坐五軍營右哨錦木衛署都指揮僉事顏泓坐耀武營○庚子四川左叅議張官坐松潘壩底等倉糧有泛爛虧耗違陪六十石有奇仍罰米一百石輸居庸關○山東按察司僉事袁經翁茂南所屬軍衛有盜用印信套畫押字者法應充軍者擬絞應從重者乃擬贖徒運職按察使周東為具奏皆改擬充軍劉瑾以東等門擬失當令都察院查叅時經丁憂回籍茂南遷廣東叅議東入為大理

少卿俱當速問得旨免究各罰米三百石輸石磨關。辛丑雙
湖廣按察司參事陳鳳梧河南布政司右參議唐壘俱為按察
司副使鳳梧山西壘廣東。以岳州衛帶俸都指揮僉事朱爾
守備荆襄柴奎巡視洞庭湖。太監劉瑾傳旨都知監右少監
郭奉勅守燕河營等處地方并劉家口奉御東海管神機營左
哨頭司。壬寅陞萬全右衛指揮同知白春為署都指揮僉事
充宣府游擊將軍宣府守臣李新募軍士宜添設游擊統鉤因
萬春可用從之。癸卯禮部言十一月朔例該欽天監進大耗
曆是日適遇冬至令節慶賀難以兼行宜改於十五日從之。
陞先任順天府府尹呂獻為南京兵部右侍郎。改南京都察
院提督糧儲右副都御史岳直為南京大理寺卿。陞吏部署
員外郎馬應祥為湖廣按察司僉事。降除兵部主事蘇民為

四川桐梓驛驛丞以經過閬隘多帶徒從毆人也。巡撫湖廣右副都御史王翰奏境內歲屢侵徇備倉糧已竭欲行武昌會城及漢陽府漢口劉家隔等處禮勸富民納米賑濟而立表刻石以旌之。若恃富黨惡不從者疏聞。究治戶部議覆荒政存於恤民若窮州下邑槩欲勸分恐官吏乘機科害是窮民未必蒙福而地方先已受擾矣。武昌漢陽富商大姓餉多宜如擬勸借出米千石以上者表門九百石至二三百石者授之散官自從六至從九凡四等仍立石刻其姓名其餘州縣原有侍郎單亨奏留餘銀可備賑濟不必勸借。今年該徵免運糧米亦宜從寬量折十五萬石而以其加耗為給賑之物災傷分數則宜亟報而蠲之。上是其言。曰勸分固救荒權宜之法但近年逼迫太甚民情不堪其令鎮巡官再行斟酌惟會城等處如擬禮勸亦

泊富室樂從不可強之坊表聽氏自立有司勿與其餘州縣則
宜勿按以安人心折支徵免俱如擬○中忻城伯趙模坐五軍
營左掖右軍都督存都督兵事劉勝坐五軍官營○中次差
伯毛銳充總兵官提督漕運○武昌府知府曹來旬先為御史
巡按山東因錄內有犯赦一家非死罪三人者供詞證佐未
明行布按二司勘問後事鞫實而原犯死於獄來旬時已還官
劉瑾追求行湖廣巡按御史逮問坐罪如律仍罰米三百石輸
居庸關○初黃河水勢自弘治七年修理後尚在清河口入淮
十八年北徙三百里至宿遷縣小河口正德三年又北徙三百
里至徐州小浮橋今年六月又北徙一百二十里至沛縣飛雲
橋俱入漕河因單豐二縣河窄水溢決黃陵岡尚家等口曹單
二縣田廬甯多滄汶九月又決曹縣糧進等口直抵單縣入高

死者房屋衝塌者甚衆圍豐縣城郭兩岸相對闊百餘里蓋南
行故道淤塞水惟北趨漸不可過踏漕運暨山東鎮巡官恐經
銀野陽穀二縣故道則濟寧安平運河難保無虞各陳疏濬修
築之宜事下工部議得旨河患重事宜即行各該鎮巡官公同
相視用心計處及時修理務洵停當不許妄費財力事完之日
差科道官勘實以聞。是夜望月食以食少免救護。甲辰史
却覆議王親不許仕京職緣。祖訓及諸司職掌俱無明載故
成化以前互有任京堂者今會府部大臣議親王妃及宮人有
子詣封見存者凡親兄弟所傳子孫與同籍族人皆不許任京
職若故則惟五服以內不許在外見任與王府同城或官所相
近者一切迴避不許締姻其邵王妃下至夫人之親當迴避者
且差其封號族屬若邵王妃之親兄弟所傳子孫五世以上旁

杖妃存則五服以內故則大功以上鎮國將軍夫人之親兄弟
所得子孫曾玄以上旁枝夫人存則大功以上故則暮年親屬
輔國將軍夫人之親兄弟所得子孫曾三世旁枝夫人存則暮
親奉國將軍淑人之親兄弟子孫旁枝淑人存則叔伯兄弟鎮
國輔國奉國中尉奉人宜人妾人存則親兄弟子孫皆法應迴
避者也若親王儀賓之族屬視鎮國將軍夫人郡王儀賓之族
屬視輔國將軍夫人鎮國將軍儀賓之族屬視奉國將軍夫人
輔國奉國將軍鎮國中尉奉國中尉儀賓之族屬俱視奉國中
尉各迴避若無出者王至鎮國將軍妃至夫人一存者親兄弟
子孫迴避郡主至郡主儀賓一存者各儀賓之家親兄弟迴避
若俱故及其餘者皆不必論奏可也巡按河南御史趙斌廣西
御史陶煦各奉近例劾所按屬河南則都司副斷事等官趙符

節等八員廣西刑靈川縣知縣等官陳昂等三十五員各不職
有差供下吏部議請如朝覲考察例行從之。廣東雷廉左叅
將金吾左衛都指揮僉事龐通以不職黜之調廣東右衛。乙
巳陞供事制勅房吏部郎中沈冬魁為順天府府丞。自戊戌
至是日金星晝見于未。丙午。誠孝昭皇后忌辰。奉先殿
行祭禮遣駙馬都尉林岳祭獻陵。以廣西署都指揮同知
戚琮充左叅將分守雷廉等處地方。丁未陞分守涼州右副
總兵都指揮僉事姜漢為署都督僉事充總兵官鎮守寧夏。
太監劉瑾傳旨十一月初四日令神機等營坐營生哨掖總兵
等官英國公張懋等并不坐營定國公徐光祚等公侯伯都督
俱赴內府西教場閱試。戊申陞南京太僕寺卿夏昂為右副
都御史總督南京糧儲。授理刑進士張元電蕭海張宏王度

李璣王潮蔡澄知縣解冕李如圭俱為試御史元電海澄冕如
圭俱山東通公雲南通度福建通璣山西通潮江西通。魯府
高密王當道冕王莊王子也成化癸卯九月冊封至是冕報朝
一日賜祭葬如例謚曰康穆。陝西華陰縣地震有聲。夜月
犯軒轅右角星。己酉陞河南按察司僉事徐融為陝西布政
司右叅議魏訥為右屯都御史取劉挺歸且命吏部選官是後
兩廣南直隸浙江俱不許由鄴省推入以訥欽差許在彼乘轎
時陝西右叅議缺吏部以聯等二員請而內批并及訥擬人莫
能測其機也。陞兵科給事中韓荆為太常寺寺丞。廣東金
事吳三舉奏劾岷府公差門正陳鶴貪淫之罪仍乞將 皇明
祖訓及 崇朝聖製條章有于王府者參酌申明之得旨違鶴
等來京問理事例有于王府者各該衙門通行查出參酌申明

事下兵部悉舉舊例議聞得旨令通行各王府知之。庚戌陞南京光祿寺卿李堂為南京左僉都御史提督採江。令應天府府丞王彥奇亟馳赴京。辛亥命寧晉伯劉岳巽管紅盔將軍。鎮守雲南太監崔安建漢丞相諸葛亮祠於會城請命有司春秋致祭從之其祠在崇正門外演武亭南。命甘肅遊擊將軍涼州衛都指揮僉事徐璠充右副總兵分守涼州。壬子陞河南左布政使南鐸為南京太僕寺卿。巡撫大同右副都御史王綸奏報前此逆送銀三萬兩供給軍賞馬惟山西都指揮僉事錢清侵費三百餘兩及指揮馬朋等遲延誤事可罪得旨令巡按御史速消究問朋等為已罰完姑宥之。癸丑陞湖廣賓慶府同知王鵬浙江台州府同知吳景俱為按察司僉事。禹河南景四川。命後軍都督府帶俸署都督僉事楊敬右軍

都督有帶俸都督僉事劉勝各本存僉事。降中軍都督存帶俸都督僉事溫恭為鎮秀衛指揮僉事以鎮守大同累次失事故也。先任廣東按察使馬龍瓊州府知府石壁問擬死罪因犯奏科改擬杖罪劉瑾令查原問及本存官失入者以聞時龍養病壁亦致仕各罰米龍三百石壁五百石輸所在酌備倉。甲寅降陝西按察司僉事李璣為華昌府道判時巡按陝西御史闕審幼穉并知有熊樂唐臣科歛饋送之罪吏部議覆璣降二級樂已致仕臣自首免究。巡按直隸監察御史李廷梧奏勸蘇松常等府俱被水災而松江地勢窪下淪沒尤甚乞減免免軍糧米量折以銀戶部奏東南時賦京師之所仰給起徵免運皆不可後此京餉秋糧在蘇為二百三萬八千三百石有奇在松為九十三萬九千二百石有奇在常為六十萬六千九

百石有奇中間起運者十之八九存留者十之一二若不從寬
處分恐民窮逃竄無益於事今移撫按轉行管糧官免極窮小
戶存留之數其免運米蘇州量折二十五萬石松江二十萬石
常州五萬石石七錢仍扣軍耗糧以補不足及兩京該運之數
亦管糧御史通融斟酌務在得宜從之晉王為其生母彭氏
請封為晉懷王次妃禮部言滿王母妃無嫡庶並封例上以
王累奏懇切特許請封○乙卯令巡撫遼東右副都御史李奇
致仕而陞應天府府丞王彥奇為右僉都御史代之先是以奇
為布政使時職掌錢穀通員數多其至遼東人輒奏前任劉繼
所議濟遺銀十二萬兩為無密法不可貸已有旨逮問於是史
却請以彥奇代奇乃數奇志非為國中之經理始末減其罪罰
米五百石輸遺輸完乃令致仕又罰及及而後杜忠胡端各

末三百石既又以後在南京工部追過前料銀數萬兩為有功而免之一旨之間恍惚變幻肆其操縱之術理恃寵驕恣益有不能自制者矣。陞廣東左布政使馮竊為光祿寺卿，轉浙江右布政使張勛為河南左布政使。以陝西行都司都指揮僉事吳英充甘肅游擊將軍。陞甯人周覽斌為寧遠地方獲功被傷官軍二十九人有差仍甯太監梁玉總兵官張安各錄立兩府縣一表裏。太監劉瑾傳旨御用監太監馮寧分守四川建昌行都司。丙辰陞錦衣衛指揮同知張容為都指揮僉事百戶黃欽為副千戶總旗張明舍人王永為百戶容等既不由兵部擬陞亦無乞陞傳奉本惟各偽姓名擬其下曰乞陞某官蓋私薦手東也遂據以批旨陞官配綱蕩然矣。右軍都督府掌府事武平伯陳勳卒。以五隸全椒人私治九年襲爵三千

學坐司管操復坐練武營正德祐右軍都督府書管事提督
三千營操練尋推掌右府印提督內府教場演習馬騎未幾以
墮馬得疾不數日卒詔賜祭葬卹執倅而體肥善騎射持已無
甚失云。丁巳陞湖廣按察司僉事徐守誠為山東布政司左
叅議。戊午以明日冬至節遣駙馬都尉樊凱馬試黃舖分祭
長陵 獻陵 景陵 裕陵 茂陵 恭陵文武衙門各分
官陪祭。遣儀賓楊淳祭 恭仁康定景皇帝陵寢。遣內官
祭 恭讓章皇后陵寢。以羽林前衛納殿都指揮僉事單聚
守備白羊口堡。平宿州衛指揮同知沈勳於中都留守司協
同僉書管事

明武宗毅皇帝實錄卷之五十七
正德四年十一月己未朔冬至節。上詣奉先殿。奉慈殿。
太皇太后。皇太后宮行禮畢出御奉天殿文武羣臣行慶賀
禮免羣臣宴賜以節錢鈔。太皇太后。皇太后免命婦賀
。燕山西按察司參事張文高平縣縣丞邢昭俱為民文昭先
皆任兩浙巡鹽御史以負鹽課停銀混慢故黜之。是日晄刻
大星犯進賢星東方流星如彈青白色光如蓋起自五諸侯西
行至婁宿尾跡漸散。兵中以起復山東按察使王雲鳳為國
子監祭酒此亦歷除變例也。辛酉甯延綏等處獲功牌傷官
軍銀未有差。壬戌陞南京禮部郎中郭詔為湖廣按察司參
事。初守備鳳陽太監黃準奏言南山谷通。皇陵林木野曠
帝設官軍巡視不數畝如天壽山例採取木石枯樹環山修

蓋堡合撥鳳陽等衛所官軍防守秋深木落各據所守以絕野
燒延燎之患下巡按御史李璞劾言勅取枯木恐地勢形脉有
干宜於守城軍餘內選壯者千人輪次巡守即禁山之內所居
軍民編為堡社以便掃除因防火患兵部議如所擬上從之
仍嚴盜取山木之禁。降浙江指揮同知張奎為指揮委事仍
署都指揮僉事把總進糧坐因公糾劾罪也。癸亥 恭讓章
皇后忌辰遣內官祭 陵寢。命會昌侯孫銘宇右軍都督府
印。甲子四川高蒙軍民府土官知府陳溥遣人貢馬賜鈔錠
綵段等物有差。命太僕寺取寄養馬二千匹給大同新選軍
士。乙丑轉廣東右布政使李思明為本司左布政使。陞廣
西布政司右叅政陳崇德為浙江右布政使。重修故教武林
尉兵馬副指揮閔敏朝。廣東順德縣人洪武初從大將軍參

永忠征南有功其後以戰而沒遂祠順德至是其孫萬春奏請
修葺許之。以武昌衛帶俸都指揮僉事黃金宇湖廣行都司
印。以朱鐸朱福朱寧朱安朱春朱秀朱通朱達朱祥朱紹朱
鏡十一人爲錦衣衛正千戶朱璽朱文朱聰朱忠四人爲所鎮
撫鐸等皆宦官廝養冒國姓稱義子者是日內出白紙小帖五
列諸姓名注云某乞某官亦無藉冒御批如所乞下兵部施行
蓋前此傳奉所未有者寧安之進始此。丙寅陞浙江布政司
右參政舒崑山爲廣東右布政使浙江按察司副使歐陽旦爲
廣西左叅政勒四川按察司副使趙璧以年老致仕。給懷仁
王府政鎮國將軍仕境姜牛氏交城王府政輔國將軍奇治夫
人金氏養贍米穀各五十石。戶部郎中王州總理大同糧儲
召納糧草商人許得等預支銀數萬兩過期未完給事中熊紀

御史王綸覆盤始得其情科道因夫初辦康前造儲蓋政耗財
前此鎮守太監侯能總兵官吳江溫恭巡撫都御史崔薇熊倅
等不能舉正紀等先次亦聞查未明供當違問得旨卿倅及倅
等令錦衣衛送送鎮撫司責問其餘鎮巡及查盤官候獄具以
聞。丁卯勅加吏部尚書張林刑部尚書洪鍾供太子少保林
自正德三年秋由部署三轉至尚書及是遷進前秩八皆免之
而線方自爾以為殊過也。陞雲南布政司左參政王麒山西
右參政張爵俱為本司右布政使。陞欽天監五官司曆劉璿
漏刻博士金濤各一級冠帶各八張林為錦衣衛百戶皆出內
批白帖云。戊辰命萬全都司署都指揮僉事章傑掌本司印
。兵部奏大同下路地方添設大寧等五堡墩臺修築木先宜
行鎮巡等官即將原有親木物料運赴應修處所以春和興作

到期完工仍行見差在彼大理寺丞楊武查勘彼處地土招集
軍民間種參將李鉉往來巡守則可以不廢番戍之功而遠圖
防邊之計矣從之。己巳尚書司卿俞振英致仕。戶部覆大
理寺寺丞楊武查出大同鎮巡守備等官欵賜草場地正數外
尚占據七百餘頃欲令盡歸之官其不能蓄草者聽牧放戰馬
宜蓄草者各該守備等官差入取之備用有仍前侵占者從撫
按官參究詔從之仍令可回昔給軍士佃種起科。太監劉瑾
傳旨御馬監太監張鳳分守懷安等處地方。命四川茂州衛
署都指揮僉事吳宏陞寧川衛指揮使展英為署都指揮僉事
俱行都司帶事。命武定侯郭勛總管三千營操練東寧伯焦
淇神機營五千下坐營。陞四川布政司左叅議黃璫為浙江
右叅政浙江按察司僉事高江温州府知府楊旦俱為按察司

副使江四川旦浙江。夜月犯天街上星。辛未改光祿寺少卿吳世忠為尚寶司卿。蘇州府知府鮑璉坐贓罪發撫順天千戶所未達克軍璉先知太原募蘇富庶因略劉璉得改調及蒞任始知賦重歎曰蘇亦虛名耳乃大肆誅求贖事者廉得其寶金壹盤御史逮問史料都給事中李憲因劾璉職入累萬盜賊不如若止就彼取問不足為戒乞下詔獄究之得旨仍委御史及撤成故有是命璉在郡無事時遇有衣靴綺過府門者輒令隸曳入杖之迫以出金贖罪他日有詣師取金者急脫其靴綺而亡隸恐乃妄捕一人即被以靴綺引入代償其金其白晝攫利多類此云。載華福建市舶提舉司副提舉汀州府上杭縣捕盜主簿各一節。辰月犯六諸王東三星及右二星又犯井宿織星。癸酉欽天監進正德五年大統曆。上御奉天殿

受之頒賜文武百官以朔日冬至節故改於是日。吏部以天
寒請弛河南磁州知州白輔等枷號從之仍罰輔米五百石為
民生枉道私歸為伯者所發覺也。甲戌陞四川按察司僉事
劉潮為四川布政司左叅議。命神武衛都指揮僉事莊鑑領
旅武營。命大寧都司署都指揮僉事朱忠守備德州地方初
德州有守備官已裁革至是兵部以盜賊縱恣議復舊設云。
乙亥黜太僕少卿于瑁刑部主事方位為民降刑部郎中孫徽
於外任樂工施鉞爭產潛令其妹置酒於校尉孫讓家託瑁屬
徽時員外郎徐明主事盛茂工部員外郎程浩司務韓希愈兵
部郎中汪舉皆在座未久散去惟瑁與位留連漸夕事覺詔以
瑁位不修行檢有傷風化令錦衣衛杖而黜之徽降二級外任
問茂各奪俸五月浩希愈舉各三月。丙子南京工部尚書俞

俊乞致仕不許時俊竊部帑重賂劉瑾幸已近八十瑾亦厭鄙之故援例具辭而每對人言猶望異擢聞者掩口。上魯肅并撤馬兒罕苗王頭目達壇滿達兒等來前馬駝賜鈔錠練改等物有差。丁丑陞福建按察司副使陳玉為應天府府丞。陞南京刑部署郎中吳希由刑部署郎中郝紹俱為按察司僉事。希由浙江紹興四川。僉署都指揮僉事李瑾徇神機營右哨。福建汀漳守備都指揮高忠坐守備不效致職入境當充軍以嘗有捕獲功特宥其罪降三級。山東沂州郯城縣俱天鼓鳴。○戊寅命原任戶部郎中劉輝為監察御史整理兩淮鹽法先是輝總理連東糧草以范欄奇令陪備尋又坐召高濂罰米十石輝跡在連止百餘日今下獄已及半餘家翁子幼所備與罰俱不能完納乞充發齋膳站夫等役庶補涓埃都察院議上

准開釋降兩階調外任吏部又以釋平日奉公守法紳有操守
乞改繁難職事令其自劾乃有是命。海西忽石門等衛女直
都指揮塞革等來朝前馬賜鈔錠綵改等物有差。是日晚濃
霜附木。湖廣散毛宣撫司并五峯石甯水盪源道塔坪等長
官司土官各備方物遣人來賀。萬壽節禮部言俱後期而至
嘗賜例裁其半從之。○復廣東茂名縣學縣舊有學成化間以
兵燹并入高州府至是生員楊節等奏請復舊禮部議覆從之
○巡按湖廣御史沈光查勘地方賊盜攻劫并劾鎮巡等官太
監趙榮都御史張子麟參政王綬都指揮馬武等二十九員失
事之罪兵部第其輕重以聞得旨夫事官自俱照前旨分載罪
自劾去任未經行違者各奪俸二月。○辛巳陞刑部署郎中張
淪為太僕寺少卿廣東按察司副使林廷玉為山西布政司右

參政廣東僉事李希顏為廣東右叅議廣西僉事胡獻為福建副使河南汝寧府同知匡翼之為湖廣僉事○命伴送夷人白青山等十名還朝鮮仍給之衣服青山等以海風飄泊為巡江者獲也○命宣府右衛都指揮僉事邢傑守備蔚州地方○壬午降廣東按察司僉事胡恩為安慶府通判坐分巡廣東遺失察委報功次也○命廣寧伯劉信後軍都督府僉書管事○癸未青州鎮遠水馬驛驛丞姚壽先以御史巡鹽浙江拖欠課銀二千五百兩責令陪補至是贖請不允○命錦衣衛署都指揮僉事王其妻奏乞宥先戶部為請不允○命錦衣衛署都指揮僉事王傑羽林前衛署都指揮劉鎮領操神機營傑左掖鎮右掖○命萬全都司都指揮僉事安洪守備新開口堡地方○命給賞大同宣府偏頭等關哨守弁夜不收官軍肝襖從工部請例外調

恤也。○甲申陞江西布政司右叅議李鐸為廣東按察司副使
雲南姚州知州趙維宗為廣東僉事。○時有詐為內臣文書開
防冒給關文者車駕即中江舉廢知其事兵部尚書曹元等具
疏引咎并叅舉及先任郎中等官張恩黃璫各不職詔元等既
引咎舉能覺察姑宥之各罰米百石墮下法司恩以丁憂令巡
按御史速門以聞。○華慶成王府輔國將軍奇濬祿米三之二
奇濬三之一賜蠶切奇濬生聽人教誘奪納戶充夫祿糧奇
濬生出城爭取糧備故也。○湖廣德安府知府李金部民有與
王府軍人爭田者金斷之歸民楚王奏請命申官與給事中會
巡按御史勘之奏上以地歸王府勅金為民仍罰輸遺米千石
○乙酉以刑部尚書洪鍾兼都察院左都御史蒞院事。○以同
知直督知州王鐸知縣陳祥邢昭王廷相蕭選張璞俱為監察

御史替雲南道錯陝西道祥四川道昭浙江道廷相山東道選
山西道璞福建道與御史劉輝李如圭解冕等俱整理各路盜
法兼督捕盜賊輝兩淮如圭雲南冕廣東先是劉瑾條奏盜法
下吏部議謂其詳而無弊且欲乞御史久任青成因推修等奏
之故有是申○海西女直察判充山衛指揮使的力吉奏討番
文借用潘冬河衛印信禮部言借者與者俱屬違法宜拘各夷
究治及載其賞賜以示懲戒詔令姑宥之給賞如例無減惟若
諭使知之後有不用本衛印者罪之一萬全都司保安衛地震
聲如雷○丁亥陞福建布政司左叅政蕭紳為山東按察使江
西按察司僉事沈煉為江西右叅議○兵部奏萬全都司掌印
署指揮僉事爭傑有疾宜以佐承都指揮僉事印永代之因自
劾失於查訪之罪得旨奇鎮地等官及該部舉用不詳罰尚書

曾元倚卽劉纓係各三月降保官三級調廣西海州衛永遠帶俸差操陞永甯校一級令掌印歷年遇例寄授有旨通革者仍列上其名於是陞永為都指揮同知降保正千戶○陝西按察司丁憂按察使祁義在任時有護衛百戶高輝熙坐掠膏宗室婢事義問擬杖還職調衛都察院題覆詔請緝熙戍極邊令陝西巡按御史遠義問至是獄上得旨義勘斷不公出人重罪勒為民仍罰米五百石輸邊

時色... 卷五十七... 明武宗實錄卷之五十七... 七

明武宗毅皇帝實錄卷之五十八
正德四年十二月戊子朔命朵甘思宣慰使司副使答兒麻堅
聚珠鎔南叫列思麻萬戶刺麻監藏重珠拔麻藏俱襲其祖職
○雷湖廣潛江等縣獲賊有功官軍一百二十四名有差陞義
官楊伏會為巡檢知縣石璠一級都指揮同知樊峰署一級常
工部侍郎單亨銀五兩紵絲一襲陣亡者官軍各陞署一級民
與子姪一人衆充農吏○庚寅裁革廣西太平府通判一員平
樂縣教官二員○降寧夏副總兵都指揮僉事楊英為指揮僉
事仍署都指揮僉事充副總兵坐先任獨石參將時失律罪也
○降廣東都司都指揮同知王春為廣州右衛指揮同知以鎮
兵勤賊寇留檢校等在宥報劾冒功效也○辛卯太監劉瑾傳
旨印設監太監趙聰管神機營右哨頭司都知監奉御陳璋守

備石門寨等處地方○壬辰降守備福建汀漳番都指揮僉事高忠為福建中衛百戶以所部地方被賊殺傷數多故也○呂總制陝西三邊工部尚書兼都察院左都御史才寬回京以邊事稍寧故也○工部員外郎王執壺鑿邊化鐵冶廠歲辦鐵料夫區柴炭以虧損之數請治先任郎中鮑璉勝進固卻之罪又言鐵料已足用乞減其入納之數其納柴炭有勢要豪猾包攬者比打攬倉場法治其罪詔俱從之且令後工部管廠官吏代之日必查數明白方許離任罰璉進米各五百石郁三百石輸居庸關○德府奏欽賜地上為小民占種不輸子粒上令查歷年經該官至是戶部覆奏得旨各官委勘不明或遲延誤事督令久嚴其已斃已死嘗經罰米三次者姑寬之右布政使張奉劉璟左叅政鄧廷瑞右叅政陳良器按察使陳璧副使謝

綱僉事廖中通列張祐等新城等縣知縣改瑩等各罰米三百石內巡撫右叅都御史熊鼎巡按御史張冕左叅議尚綱僉事沈璐濟南府知府王從鼎已致仕罰各半之推官薛丞以下李祥等各百石○癸巳轉雲南布政司右叅政黃暉為本司左叅政調陝西右叅政彭桓為雲南右叅政先是桓與叅政童瑞副使曹希介為巡按御史所論劾希介見瑞瑞調用而桓以事無指寄獨留桓以論同罪異心不自安疏求致仕不許乃有是命○免宣府前等衛所并各城堡州縣秋糧有差以災傷從巡按御史聶瑄請也○鈐註帶俸都督僉事張俊於中軍都督府僉管管事○甲午假長蘆鹽運司運使張禎為河南布政司左叅政山東按察司僉事許莊為陝西右叅議南京御史張昊為江西按察司僉事○乙未臘八節賜文武百官宴於午門外○

南京禮部尚書孫需致仕時刑部缺尚書會推南京兵部尚書
何鑑及需詔以根木重也鑑老練仍舊職需令致仕需素清謹
劉瑾屢掇之而謝不及故有是命○調除陝西布政司左叅政
童瑞為長蘆都轉運鹽使司運使○哈密忠順王速壇拜牙即
等遣使臣滿刺阿黑麻等貢馬賜宴給賞有差○山西右布政
使沈林自雲南赴任携家駝驛以行時乘驛之禁甚嚴驛事者
上其事行巡按御史鞠之得旨勒林為民追錢十三萬有奇償
贖直仍輸大同倉米五百石○九月犯天陰南一星○丙中陞
刑部署郎中楊節為山東按察司僉事○御馬監太監谷大用
奏本監牧馬草場為軍民盜種軟威勢要奏討致虧乘數命御
馬監太監李重戶部右侍郎陳勗都察院右副都御史戈理坐
營都指揮陳紀禮科給事中閔楷覈實至是覆奏在監并即村

霸等二十馬房上下草場故額并今首報地六十處實有地五萬五千三百四十二頃九十四畝賜馬寺宮廟宇墳塋者占馬皇莊實為莊田及香火瞻禮者如例起科補辦糧草者共一千三百四十七頃二十一畝馬道路河淀馬沙漠灘薄馬山不堪牧馬者共四千九百八十二頃六十畝有奇實堪牧馬地凡四萬九千一十三頃三畝有奇詔以八十三頃四十畝有奇仍如舊賜太監錢福錢能張敏劉永誠來福傅恭章可甯瑾及奉聖夫人李氏男呂俊以供寺廟香火墳塋之用其餘俱收入草場至內軍民侵種今已還官者除其稅量出餘地并勅戚家右奏討強占者俱改正今後仍蹈前弊聽科道官舉劾永代違衛家產沒官是舉也止據本監圖籍入溢以首報續訪之弊故地溢原額而業與主離畿民病之○命山西行都司都指揮僉事谷

琛萬全都司都指揮參事薛明俱萬全都司參書管事。以西
寧茶馬四百匹給甘州官軍禦冬於永昌。○丁酉以承營事府
事吏部尚書兼翰林院學士梁儲太子少保改南京吏部尚書
○陞刑部左侍郎劉琛為本部尚書。○鎮西將軍總兵官曹雄
奏十一月初五日總制尚書十寬調臣與副總兵楊英禦虜於
花馬池自大川墩東空出境露宿遠外明日寬偵知遣賊五帳
在柳條川勒兵聯絡追之斬首六級獲駱駝牛馬二十六隻器
倍之再戰於輝羊東賊騎漸多寬督官軍力戰斬首四級射死
八人沙窩賊伏突出射我軍寬中流矢而顛雄與英以隔遠弗
及應援忽聞主將之變乃合軍以退戰於龍湖追至豐城斬獲
倍前數收寬屍結營以還臣雄將領無狀乞解兵柄就刑得旨
寬輕率遠涉貪功然亦赤心為國所司具祭葬陰子列以聞雄

嘗疎阻分又獲功并英皆宥之於是贈寬太子少保謚襄愍賜
祭三壇有司歸其喪為營葬事廕其子介為錦衣衛百戶寬字
汝果直隸遷安縣人成化戊戌進士授商河知縣陞石州知州
調潞州後陞南京刑部員外郎即中淮安府知府以憂去服闋
改西安府陞山西右叅政河南左右布政使擢都察院右副都
御史巡撫甘肅地方正德三年陞刑部左侍郎遷兵部左侍郎
劉瑾喜其才能進工部尚書兼都察院右都御史總制陝西等
處軍務其為人跌宕不羈在州郡時好為長夜之飲往往至醉
然吏事亦不廢及鎮鎮餉任推智過將吏寡恩遂反於難雄
伏罪輸情乞其子齊奏瑾以雄為得體遂宥之又偉其子之貌
因締婚焉○命山西都司都指揮僉事劉淮守備寧武關○庚
子犯六諸王西第二星○寧夏衛地震○戊戌改南京大理寺

卿屈直為左副都御史總督漕運命南京都察院右僉都御史
陸完蒞院事○陞山東都司都指揮安事增為署都指揮同
知臨清衛指揮使狄公喜為署都指揮安事以捕盜功也○竊
平江伯陳熊併家屬戍海南勒右副都御史邵竇致仕降參將
莊椿職一級南京閒住熊為漕運總兵有同宗紹興衛指揮陳
俊督運欲以濶濶官米冒銀輸京熊許之請事者得其事下詔
撤鞠之劉瑾素有憾於熊輸鞠者誣以贓私反諸不法事錦衣
衛械繫京師令府部科道官會問無敢中救者獄上詔發充軍
追奪誥券故所有田產房舍皆以為贓物所置也今給事中查
勘變賣解京謂竇椿與熊同事不舉奏併罪之俊竟處衆首熊
自祖瑄有功漕運熊繼任亦無大失瑾以私憾置之重法云○
己亥詔械繫原任松江府知府金洪巡按御史李廷梧下鎮撫

司獄坐供應內庫布不如式為查盤給事中改考所科也○庚子戶部右侍郎陳鼎乞致仕許之仍陞本部左侍郎給驛歸○陞工部右侍郎單亨為本部尚書南京右都御史張憲為南京禮部尚書改總督兩廣右都御史劉洪為南京右都御史掌院事右副都御史戈瑄為南京大理寺卿○勅道政司左道政業蘭佐廷綬大理寺左少卿周來佐寧夏尚寶司卿吳世忠佐蘭州等處各清理屯田○辛丑罷守備寧武閩署都指揮僉事盧英調山西潞州衛帶俸○南京及太平府大雨震電○壬寅平皇后忌辰遣儀賓周鈺祭陵寢○虜酋亦孛來部衆入套駐牧東陳屢寇邊境總兵官馬昂統領官軍與戰於木瓜山等處共斬獲賊首三百五十六顆生擒男女九人奪獲戰馬二百一十一匹駱駝二十四隻牛羊四百一十五隻虎器弓箭二千

九百二十六件書文三本昂與鎮守太監劉保巡撫都御史黃珂各以捷聞得首保等功獎勵所遺齎授者各陞一級賞給綠衣一襲新鈔千貫○改中都留守司正留守梁璽為署都指揮僉事元參將協同漕運 徐州府大雨震電越二日復作○癸卯命改定西侯蔣驥子聖襄城伯李鄒子全禮各襲其父爵俱如例習禮於國子監○陞南京大理寺卿林洪選為右都御史總督兩廣軍務兼巡撫地方○巡撫甘肅右叅都御史王憲奏奉勅查勘內外鎮守等官地上務足養廢之用原無者不必添給今查得甘肅等處鎮守太監宋彬田一百一十二頃總兵官署都督僉事衛勇田八十七頃左副總兵都指揮僉事向珠田一十四頃監錫都知監左監丞王欣田一十頃又採草湖田共八十七頃分守涼州御馬監太監張昭田三十三頃右副總

兵官都指揮僉事姜漢田二十五頃分守肅州左叅將都指揮
僉事蘇泰田一十三頃守備西寧番都指揮僉事趙承序田一
十五頃戶部議覆鎮守等官原無給與養廉地上事例中間多
因奏討相沿承種耕獲採取不無重勞軍士曷且多寡不均必
至別項漁取伏望酌量職分重輕定為等第使與不傷惠事
體歸一詔鎮守給水旱田各十頃副總兵各半之分守并監鑄
游擊各早田十頃守備半之原無者各給水田一頃永為養廉
定例餘聽給舍餘人等承種納稅毋得數外濫給侵占○甲辰
陞南京左叅都御史李堂為工部右侍郎○華周府汝陽王輔
國將軍同鉅祿米三之一賜書切奇以強永人財印近樂婦故
也○蘇松湖三府水災戶部據巡按御史李廷樞并管糧御史
蘇錫奏蘇州府兌軍糧已量折二十五萬石仍請再折二十萬

石并兩京府部該逆歲種俱每石折銀七錢臨德二倉請運二
十萬石以補京儲京庫折色并闕白綿布請量起一項餘瑛豐
年徵解下戶稅糧俱請停免從之○乙巳主春順天府官進春
上御奉天殿受之文武羣臣行慶賀禮○甲辰起致仕右副都
御史林俊巡撫湖廣兼理軍務○陝陝西左布政使姜惟學為
右副都御史巡撫寧夏○四川羣盜作亂先是夔州之東鄉保
寧之道江皆有盜嘯聚既久多者至二千餘人少亦不下數百
分營立寨居民皆被其毒至是攻掠旁縣及溫湯井官池東鄉
知縣羅錦奏賊勢漸熾乞調兵征勦增設兵備官撫治之兵部
以錦專達請治其罪仍嚴鎮巡官失於奏報之故得旨地方賊
起錦奏謂先已具白鎮巡官何以不為轉奏其令巡按御史查
劾并議應否調兵設官事宜以聞錦勿問○命山東都司都指

擇僉事戶增署中都留守司正留守掌印管事○丁未陞致仕
大理寺卿張泰為刑部左侍郎○燕山東布政司左叅政張鎮
為民坐非公差而移文有司供送且率妻子宿驛舍為技尉訪
聞也○戊申陞陝西按察使熊忠為陝西右布政使○己酉陞
廣東按察使王哲為南京右叅都御史提督操江右叅都御史
陸完為左叅都御史仍管院事○庚戌進傳大學士劉健謝遷
誥命并原書玉帶服色初平江伯陳熙謫戍海南未進奪誥券
有旨詰責科道官具令吏兵二部悉查文武官坐事為民充軍
闕位者誥勅並進奪於是六科給事中李憲白恩誠安磐安邦
閻欽十三道御史顏正魯微趙宗浚敬夏廷芝成文喬益胡止
童寬前編張憲李斌李元等奏我朝以爵賞待君子以刑罰繩
小人是以文官取誥勅武官取誥券教不惟榮其身而又封

贈其親奈何姦囚小人徒冒其名而無其實及議行收露公論
 不容朝廷又每為之寬假但使聞位為民甚首止於克軍其名
 雖除而妾與父母三代封贈誥勅如故是誠沈俸滿網若不追
 奪何以戒後如健運及尚書馬文升劉大夏韓文許進等誥命
 宜通行追毀詔從之仍查原當玉帶服色俱送官既而吏部查
 奏文官當追奪誥勅者健運而下共六百七十五人惟成化年
 遠者已之是時言官林幹璞威而憲正等皆瑾黨又首倡橫議
 以悅瑾故健運輩指為姦囚殊可歎也○旌表孝子二人陳
 大詔高州學生李俊澄城縣學生節婦十二人楊氏黃巖縣
 氏張燮妻陳氏太平縣氏王寅良妻柳氏黃巖縣氏施子椿妻
 沈氏曲阜縣氏孔智妻康氏澤州氏侯佩妻陳氏寧都縣氏羅
 世序妻李氏曹縣氏徐憲妻陳氏澄城縣氏李吉妻解氏鉅鹿

縣生張審妻楊氏太倉州民夏淵妻李氏初門縣氏王璿妻方氏璿子尙妻五世同居一人丁震山陽縣人七世同居一人謝乘長洲縣人○禮部奉旨檢詳累朝政令凡涉王府者條列上請一舊制各王府生子女三日即具奏具奏報冊歲一上玉牒冊二歲一上近多違期及不開庶生子女所出者於其請名請封還婚日治長史等官罪一親王嫡長以下郡王嫡長子孫俱年十歲即請封其餘孫十五方請內府監局成造冊印諸物當以奏之先後為序各府閩領人從有歸或後期及託稱使費者請成遣又各王府儀賓例賜鞍馬守候之難飼養之費得不備失自承惟親郡王儀賓照例閩領餘皆革之一祖訓止著嫡長襲封之文具後有以庶弟襲封如保安王者以嫡姪襲封如友斌王者以庶堂姪襲封如永興王者俱出特恩近應山王

絕嗣嫡姪請繼伯王爵臨潼王進封恭王庶伯請禡姪王爵者
惟命以鎮國輔國本職奉祀已著為令自子郡王沒無嗣及進
封親王有如應山臨潼者其宗文止許奏請奉祀一各府以罪
革爵重者不復輕者革未幾復之自今有罪重者不許引輕例
冒請一親王郡王病及薨其子幼則以親文暫理府事請勅諭
暫理者善撫幼子無令失所候其長即回本府不得復陶諸事
一王與正妃年五十無嫡子始立庶長子為王世子郡王年老
正妃已沒無出已封庶子為長子者請自上裁一各府王將
軍而下薨故無嗣者止許以昭穆相應者承祀不得違例奏乞
繼嗣名目一親王朝覲雖載祖訓英廟之時亦嘗一舉然
久已不行以故比者崇王請朝則貽書免之今後凡親郡王請
身自入朝者並免著為令一凡親王之國無迎養生母之禮近

岐山王有請雜懇切而祖宗之制不可違其餘各府宗室
侍妾無子者例移居別宮有子處外者各從其子迎養若生子
多者亦止就一人一近例親郡王妃并將軍夫人沒而無出者
許選繼室有出者止選內叻自今妃夫人沒不欲選娶繼室內
叻者許於宮人中擇其可者奏請管理家事不許溺愛濫請一
各府宮眷有媿妬亂倫爭統越禮詔革封號者不許妄奏請復
本府官有為之請者本部初治一先是藩府鎮國將軍詮鉉侍
女既娠為嫡所妬出寓他室生有子匿不以聞嫡沒又選繼室
請封事覺乃削今後有此類者許親郡王及輔導官奏聞區處
毋致生育不明閨門昭玷一凡王府婚禮奏選有制若未娶正
室而侍女先有生育者輔導官舉奏區處所生子女不得請名
請封者為令輔導官區不以聞生之一各王府襲封之初其先

王宮人有出者留府養贍無出者放之將軍以下并庶人沒者其宮人無出亦令歸其親屬嫁違違者鎮巡官具實奏有撥置阻撓者重治之一各府承奉等官祖訓載有額設名數即王內使二名亦奏准之例員缺則保陞數少則撥補不許額外濫保及擅立內典膳名色以圖保陞已著為令今後有違者罪坐營求之人及輔導官一先是革爵庶人鍾鏗嘗進琴詔不納降初切責自今有庶人越分進貢者本部奏劾處一各府進獻土物本出尊親之誠今後若違筭進扇之類宜令本府自備脚力免驛遞應付以蘇民困一永樂中有旨凡使人至王府止欵以飲食不得賞物今宜申明凡使人至府有需索財物者許巡按御史按察司參究一先是各府有守節及貞烈者具奏旌表今王室繁衍宜通行昭示以為世勸一天下王府有無藉之

徒假以燒丹煉藥為名，性平，能惑者。鎮巡預為禁約。一各府所
遣人除閭閻者，勿限餘俱嚴限遣歸。如在途延緩及潛住於京
有所營求者，照例參究。一王府凡遇疾病喪葬修齋設醮，一切
禁革。至於僧尼道士女冠巫祝之流，尤宜痛絕，勿容出入。違者
許撫按官擒治，併追究誘引之人罪之一寺觀廟宇，徒耗民財
無益於事，自今各府不許修建，并請額。上批答曰：諸事既議
處，歸審凡累朝舊制及見行例，其中明禁約，即王將軍而下
卒無嗣。及即王進封親王者，其宗文止許奏請奉祀，不得營求
請封。及繼嗣名曰親，即王生母投封者，從簡。并祭各王府，勿容
僧尼女冠出入宮禁。及私建寺觀，違者承奉長史以下俱罪不
宥。餘皆如議。仍諭諸鎮巡官知之。○給山西行都司衛所軍士
衣鞋。○辛亥帝巡撫湖廣都御史王綸奪情署事，改都御史林

俊巡撫四川從吏部議以湖廣盜擊孔棘而俊不能至故也
○爭各院樂戶吏運樂藝指通者八百戶食糧應役○壬子陞
陝西按察司副使仲本廣東按察司副使任漢各為本司按察
使福建布政司左叅議文學為山東左叅政○戶部覆鳳淮揚
三省災請免下戶稅又徐州并屬縣災尤甚請折起運免軍糧
三萬石石銀七錢從之○癸丑罰山東巡按御史趙應龍米二
百石以勘報屯田不開總數也○陞河南布政司右叅政徐首
為遼東苑馬寺卿○太監劉瑾傳旨印殿監太監朱奉鎮守金
嵩騰衝地方○乙卯改南京太僕寺少卿石祿為順天府府丞
○陞遼東行太僕寺少卿黃綱起復山東按察司僉事素絳俱
為陝西按察司副使福建按察司僉事茹鑾為福建布政司右
叅議○山東巡按御史儲珊叅劾先任沂州知州吳虔寅那移

上供牲口料價及布政司該府掌印官分守官不行查催雖已
追徵補完而罪尚宜論禮部覆議得旨俱免違罰未度寅二百
石餘各百石輸居庸倉致仕若卒者減半輸預備倉○禮部奏
明年正月大祀慶成宴四夷朝貢者若朝鮮陪臣在殿東第七
班今日本國使臣見在無與宴故事宜如朝鮮例列殿西第七
班從之○禮部奏日本國進貢方物例三船今止一船所賞銀
幣宜節為三之一且無表文止咨本部賜勅與否請上裁得
旨勿為勅所司移文答之○以廣西流賊入湖廣柳永界詰責
都御史劉洪爭都御史王綸率兵備柳永以四川賊劉烈未勅
爭陝西巡撫劄劄御史黃亨率兵備漢中商洛四川巡撫都御史
林俊率兵備慶州保寧湖廣總兵官毛倫率兵備荆襄鄖陽以
北虜首擊爭陝西總兵官曹雄率兵備固靖環慶寧夏總兵官

姜漢都御史安惟學延緩總兵官馬昂都御史黃珂等率兵相
機戰守互相策應務期殄滅不得怠玩遺患以干國典多賜勅
諭之○丙辰歲暮裕祭遣駙馬都尉蔡雲黃鏞告太廟及
懿祖皇帝熙祖皇帝桃廟○初工部左侍郎崔巖兼都察
院右副都御史修理黃河○命徐州左衛都指揮安事王憲山
東都司僉書管事丁巳裕祭太廟○遣太常寺官祭五祀
之神○遣旗手衛官祭旗纛之神○以明年正旦節遣駙馬都
尉拱凱崔元林岳祭長陵獻陵景陵裕陵茂陵
恭陵○遣儀衛楊淳祭景皇帝陵寢○遣內官祭恭讓章
皇后陵寢○是歲天下戶共九百一十四萬三千九百一十九
戶口共五十九百五十一萬四千一百四十五名口四百六
十九萬七千二百三十三頃一十六畝九分二釐七毫五絲四

忽九微五織四賦二千二百一十六萬七千三百七十六石九
斗八升一合四勺五撮五圭三粟三粒七微麥四百六十二萬
六千六百四十八石七斗三升九合一勺八抄二撮七圭七粟
九粒四微五織絲三萬一千五百五十三斤一兩三釐一忽四
微五塵綿一十六萬九千六百斤一兩九錢八分八釐七毫七
絲絹一十二萬六千七百六十七匹三丈六寸六分二釐一毫
八絲三忽布一百六十六萬六千四百六十四匹四尺四分綿花
一十一萬二千八百九十四斤一十一兩二錢二分二釐四毫
三絲三忽草二千五百九十四萬四千二百四束包六斤五兩
二錢八分九釐三毫三絲九忽七微六織戶口鈔八千七百九
十七萬六千六十七貫七百七十八文五分六釐雜課鈔七十
三百九十二萬七千一百一十九貫折米三萬三千三百三十六石

七斗四升七合三勺鹽課二百一十八萬二百四引九十一斤
九兩三錢三分六釐折米五千七百八十七石四斗折布四萬
六千六十三匹一文八尺五寸五分八釐茶課一十一萬三千
三百一十一斤九錢七分七厘一十六萬一千三百二十七頃
一十八畝四分四釐四毫七絲一忽糧一百四萬一百五十八
石三斗九升一合五勺八抄九撮金銀課三萬二千九百二十
兩水銀二百二十九斤硃砂四十六斤八兩簡運四百萬石各
處運納一千一百七萬五千六百一十九石八斗四升一合三
勺三抄三撮七粟六粒減免糧五十二萬三千三百六十石五
斗七合五勺九抄

明武宗敕皇帝實錄卷之五十八

明武宗毅皇帝實錄卷之五十九
正德五年春正月戊午朔上詣奉先殿奉慈殿太皇
太后皇太后宮行禮畢出御奉天殿文武群臣及四夷朝使
行慶賀禮太皇太后皇太后中宮俱免命婦朝賀○免
群臣宴賜以節錢鈔○初孔廟修建墻垣歲久未完有旨查原
派銀數并支用剩餘既又謂其間宜有浪費仍查原奏并歷年
巡按御史及各官因肆浸欺者以聞墻垣且止於是工部移文
山東備查始奏修廟會計過多則都御史何鑑覆題續修則都
御史朱欽王儼增修碑亭額廟則都御史徐源同奏估計則御
史余瀛劉紳布政王沂劉聰參政陳良器按察使劉宇僉事馮
鸞都指揮王瑾承行經該則布政曹元張泰參政杜整倪阜參
議程愈毛瑄副使邵賢僉事楊壽李宗泗黃縉知府龔弘胡璟

等歷年巡按劄卷則御史高崇熙劉芳陳璘陸海金洪曹來旬
胡節趙縉盧翊孫恭日久怠事失於舉呈則布政劉璟賈致恭
政李祿參議劉鑑僉事素經毛廣查喚知府鄒韶趙繼爵等具
以名上且言各官於法固宜違治然銀數既各查明剩餘又已
解部而又多陞遷事故宜量示罰懲乃罰鑑米十石濂等八百
石欵等并源六百石元崇熙等五百石璟等三百石俱輸寧夏
倉其餘名謫戍病故者減半軍職并州縣佐貳官俱宥之是時
罰米多至千石亦數百人情不堪惟鑑後陞南京兵部尚書乃
以奏愬獲免○己未命掌大理寺事工部尚書致仕揚守隨為
民先是鄴人有元獄審錄郎中董恬及僉事龍龜謂其情可矜
下大理寺駁讞至是劉瑾以守隨私其鄉人勒為民仍罰米二
百石恬寃及大理少卿張鸞評事林富各百石○庚申 宣宗

章皇帝忌辰 奉先殿行祭禮遣駙馬都尉馬誠祭 景陵○
壬戌熙南直隸巡捕御史薛鳳鳴編烏徐州驛守守陞北直隸
巡捕御史甯果烏左僉都御史柳尚義烏右僉都御史時鳳鳴
巡歷宿州與所部指揮石璽會款教場技壺蹴鞠烏瑾繡事者
所發下吏部劾治尚書張綵謂三人同受命巡捕果尚義獲盜
功多而鳳鳴縱恣不法乃爾宜重示懲勸於是果尚義皆驟遷
鳳鳴并家屬編管於其所治之徐州璽罰米五百石未幾令鳳
鳴巡捕如故○癸亥 五春享 太廟○遣內官祭司戶之神○
增湖廣巡按御史一人以大湖中分南北湖南三道一人按常
德等六府柳靖二州湖北三道一人按武昌等八府安沔二州
○甲子 大祀 天地 上御奉天殿誓戒文武群臣致齋三
日○陞福建按察使夏景和烏浙江右布政使河南左叅議周

鼎為本司右叅政。○乙丑調吏部右侍郎孫交為南京吏部右侍郎。○朝鮮國王李暉遣陪臣禮曹參判安瑋等奉表及方物馬匹賀正旦節聘宴并絲段等物有差。○丁卯大祀天地于南郊祀畢。上還宮謁太皇太后。皇太后畢出御奉天殿文武群臣行慶成禮。○戊辰。大祀禮成。上御奉天殿大宴文武群臣及四夷朝使。○以上元節賜文武群臣假十日。○己巳御史趙斌巡按河南還禮部謂所司勘合有未完者請治之。有旨責吏部都察院及科道官失於查勘。令自陳狀於是吏部尚書張綏左都御史洪鐘等及諸科道俱請罪綏鐘等罰俸有差給事中于聰張潤閣措王鑾以禮科御史李賦以河南道各杖二十餘皆有之斌乃令督完勘合還奏綏始倡稽考之議至是亦為瑾所詰人以為為法之弊云。○庚午命南京刑部尚書

吳洪都察院右都御史張憲大理寺卿胡富致仕調南京刑部
郎中趙永禎監察御史王輔大理寺寺正徐元稔於外任仍各
罰米百石先是南京錦衣衛指揮鄧炳與從弟昭光等爭其祖
寧河王愈賜宅下南京三法司勘問未報炳及昭光復奏訴有
旨逮至京送鎮撫司鞠之因劾未禎等勘事遲延洪等不能督
率故皆及於罪○裁革四川成都府石泉縣主簿儒學訓導各
一員以地僻事簡從巡按御史陳璿奏也○海西吉灘等衛女
真都指揮僉事吉納等貢貂皮馬匹賜宴并綵段等物有差○
辛未陞福建布政司左叅政陳珂馬按察使戶部郎中董致馬
河南左叅議刑部署郎中杜琬南京大理寺署寺正鄒賢浙江
副理問傳習俱為按察司僉事督福建琬習山西○命發戶部
銀十萬兩於陝西以備軍餉○壬申上元節賜百官宴於午門

○陞廣西掌思恩軍民府事右叅政張鳳為南京太僕寺少卿
○癸酉琉球國中山王尚真請以官生蔡進等五人入國子監
讀書詔許送南監仍給衣廩等物如例○甲戌 英宗睿皇帝
忌辰 奉先殿行祭禮遣附馬都尉蔡震祭 裕陵○陞福建
漳州府知府羅列為本布政司左叅政○賈丘王府輔國將軍
成致與絳州知州徐崇德有隙許奏累年至是巡按御史以獄
上且劾副使王紹及諸掌印官承勣延緩之罪得旨成致先已
革祿米之半姑宥之崇德降一級調遼方紹罰米一百石掌印
官各五十石○乙亥南京吏部尚書劉忠等奏南京戶科給事
中葉良清理舖戶私受請屬潛改底冊顛倒貧富御史許立與
良同事不能舉察俱宜有罪下吏部議照考察例黜良為民立
調外任○初潯州峽山猛賊掠官舟分守叅將金堂遣指揮楊

溥及千戶馮紳百戶尚昇等捕之駐兵南淶江又遣指揮施震
勛溥溥所部不戢王恁苦之遂誘殺紳昇及軍士二人溥哀請
爭渡舟覆溺者七十人震部下亦有死者事聞溥請戍雲南洱
海衛震降一級堂以妻周夫人奪休三月○兵部以例奏軍職
有以不孝革為民及永遠充軍者不得承襲其以行止有虧為
民并失機充軍者子孫乃仍襲焉但邇來軍職坐事降級者子
孫止襲見降品職而為民充軍者顧襲祖職如故輕重失倫請
自今宜議所襲為民者子孫於原衛降祖職二級充軍者子孫
於謫所降三級誥勅俱免連奪若降至該役與永遠充為民者
一體連奪從之○丙子兵科都給事中趙鐸等劾奏延綏遊擊
將軍藍海違例奏帶千戶劉整等為參隨及以親故官舍夏紀
等覲冒功賞乞重治上以海初任邊將宥之整等不准奏帶

紀等賣緣詞榆林衛聽詞殺賊○丁丑戶部左侍郎儲燿以疾乞休許之令馳驛還仍令有司候痊奏用燿素有才望此蓋珠典云○授翰林院庶吉士蔡祐為吏科給事中○罷分守獨石馬營左叅將王本分守懷來永寧右叅將宋振本還原衛振調宣府左衛俱帶俸差操以科剋怯懦為鎮巡官所劾也○戍甯羅守備雲州堡都指揮朱彬等以都指揮倪鎮等守備鎮新開口王林雲州堡魏璽長安嶺指揮張萬鵬鷄堡解驕懷安城從鎮巡官奏也○己卯滿剌加國王所遣使有亞剌者本江西萬安人蕭明舉也以罪戍入其國為通事至是與國人端亞智等來朝並受厚賞因略大通事王永序班張宇謀往時泥國索寶而禮部吏侯永等亦受略偽造符印擾害驛進後與亞智等二十一人相忿爭遂謀諸同事彭萬春等共劫殺之盡得其財物

事覺逮至京明舉擬變違萬春等處斬各梟首示衆王永戒死
罰米三百石張宇侯永等戍邊伴送十戶董源降二級經營即
中表壞罰米三百石尚書白錢等各奪俸三月廣東鎮巡三司
及所經地方失覺察者各罰米二百石惟提督市舶司內官滿
忠特宥之至是禮部議夷人存有婆結亞班者宜差官伴送及
先所賜勅書勒合等物俱付原留廣東夷人敦篤思領回仍諭
國王知之其巡按御史袁仕并三司官勘奏與今詞款不同及
有所未盡者俱有罪宜令續差御史詳審改正以聞 上是之
宥巡按三司等官勿問且謂江西土俗自來多玩法者如彭華
李裕尹直徐瓊李牧者黃景數人多招物議難以備舉且其地
鄉試解額過多今宜裁革五十名仕者仍不許選除京職永為
定例報下觀者駭愕為之不平蓋大學士焦芳夙有憾于華等

故陰喉劉瑾以泄怒于江西如此○庚辰籍故尚書兼都御史
秦統家統致仕時妻弟楊瑾依以居統卒瑾遂綱紀其家宰奴
丁王者恣之乃以統總制時所遺鐵銃投緝事者告瑾又及其
弟壘用軍器違禁并誣他不法事劉瑾怒歸罪于統遂籍沒其
家統名臣聞者駭之特刑科右給事中張九叙山東道御史涂
敬等希指交劾統復為所詰責謂統事已露何言之晚瑾善馬
操切類此○辛巳陞浙江按察使張遇為山東右布政使湖廣
漢陽府知府蔡欵為山東都轉運益使司運使○命崇善伯王
清義男存嗣為錦衣衛正千戶世襲管事清以戚里無子請乞
故有是命○命指揮僉事黃彪守備靈丘城○陞都督僉事張
俊為署都督同知坐伸威營管操○兵部奉旨查錦衣衛試署
職役遇例比例實從應減革查駁官旗何昇等四百四十九人

以名上其京衛并南京在外各都司衛所俱立限查報詔何昇等俱依擬減革錢璋劉璋郝凱之選用出于特旨楊漢等之實授出於父祖而本身革襲成等之復職由于過例賈宗之實授由於功陞李經之實授起于永樂年間及李鸞原有署職俱免減革劉鐘等比試不中聽食糧以待再試戴賢查無年分待發勘至日奏聞諸充軍者已之在京衛所限二月終查報南京各衛所令南京兵部在外各都司衛所令各該巡按御史限水程外三月查報違者罪之。壬午命都指揮卻永充左叅將分守獨石等處許泰充右叅將分守懷來等處。癸未大學士楊廷和疏言臣父泰原任湖廣按察司僉事致仕近蒙 聖恩加封臣官今年七十五歲臣離家復任已及十年昨得家書稱臣父自去冬以來疾勢舉發身體尪羸每思及臣涕淚交下伏

望 聖慈容臣暫回原籍少視啓居躬調湯藥臣父安全即當
依限赴京供職。上日卿以父病具奏歸省已悉孝誠但輔導
事重朕方委託豈可遠違左右宜安心供職令太醫院擇醫士
乘傳往視。○陞南京吏部右侍郎朱恩爲南京禮部尚書南京
兵部右侍郎劉纓爲南京刑部尚書恩舊嘗有德于瑾及瑾用
事深自結納二年間自按察副使五遷遂至尚書。○陞浙江按
察司副使邊憲爲本司按察使江西吉安府知府任儀爲山西
布政司右叅政。○兵部奏軍職子孫襲替者自正德五年文書
至日始俱令授學考試起送文理頗通字畫端正者爲一等襲
替後推補軍政頗通字義了馬便熟者爲二等保送聽用差操
書寫不通了馬不便者爲下等量降一級不許管軍管事子孫
承襲別議之得旨文理全不通者不許起送令每歲一考累考

不中者降一級襲替不許管軍管事。甲申順天府府尹李浩
奏歲祀天下無祀鬼神每羊豕各五後以頒胙添派六十口大
典完平賦重力竭宜停免從之。乙酉命都指揮僉事王賢克
左叅將守大同東路趙洪守固原。丙戌陞太僕寺少卿張禕
爲都察院右僉都御史巡撫大同大理寺左寺丞楊武爲左僉
都御史巡撫宣府。陞松江府知府翁理爲浙江按察司副使
。命都督僉事劉勝鼓勇營坐營管操。有河間府知府莊禕
罪初釋以戶部主事查盤廣東庫藏因言庫藏無籍可查其見
存銀貨查比原數俱不及應解贓罰等物多假偽混爛而梧州
府見貯筴利軍賞銀六十餘萬兩各官不以時查解乞更差官
查盤既而勅太監韋霽往同鎮巡及先差科道等官勸之梧州
所貯銀兩以三分之一解京一分留彼至是會報釋言多失實

因叅經該官吏先任布政沈銳巡撫無郡御史潘蕃劉大夏巡按御史聶賢等凡八百九十九人有旨各違問罰未有差惟釋免蓋逆瑾喜釋首倡查盤之議也自是命使四出天下騷然縉紳得禍者先後相望矣。兵科給事中高芬奏旨丈量滄州鹽山海豐靜海等縣草場地地具數還奏且劾先任給事中竄舉御史王用戶部主事張文佐階勳失實都御史張縉王沂王璟高銓侍郎崔巖撥派不均及歷年巡按御史戶部帶管并司府州縣官當建問者六十一人內已故者九人致仕閒住爲民充軍者二十七人詔以違及者多見任者罰俸餘皆宥之銓芬父也芬長理遂併劾其父士論薄之。御史劉寓生劾卷貴州多所凌忽鎮巡及二司官因暴其短念事陸健至與忿爭遂爲傾事者所奏逮繫錦衣獄尋枷于吏部門外數日得釋黜爲民時劉

瑾方務羅織而寓生年少浮薄亦有以取之云

明武宗毅皇帝實錄卷之五十九

明武宗毅皇帝實錄卷之六十
正德五年二月丁亥朔辛莫先師孔子遣大學士楊廷和行禮
。陞左副都御史李翰為吏部右侍郎戶部右侍郎喬宇為本
部左侍郎太常寺卿陳震為戶部右侍郎太常寺少卿兼翰林
院侍讀李遜學為戶部右侍郎提督倉場都察院左僉都御史
陸完為兵部右侍郎巡撫宣府左僉都御史楊綸為右副都御
史管院事。戊子祭大社大稷遣英國公張懋代行禮。
遣順天府官祭先農之神。己丑陞吏部郎中楊廷儀為太僕
寺少卿大理寺右寺丞董恬為本寺左寺丞刑科左給事中張
禴為大理寺右寺丞。日本國王源義澄遣使臣宋素卿來貢
賜宴給嘗有差素卿私饋瑾黃金十兩得賜飛魚服陪臣賜飛
魚前所未有也。原任廣東按察使馬龍及彰德府知府羅璋

各以事罰米時龍璋俱已死其子奏懇乃免之。庚寅陞兵科給事中張翹爲道政司右叅議。哈密忠順王速壇拜牙即遣使臣都指揮僉事阿的納等撒馬兒罕等番王頭目沙亦札王遣使臣滿刺温都思等土魯番番王頭目速壇滿速兒遣使臣滿刺法秃刺等也的于番王頭目速壇馬黑木王遣使臣火者哈三等各來朝貢賜宴給賞有差。總理山廠侍郎胡諒奏內官監等衙門自正德二年至四年以來每歲增柴炭一十四百六萬餘斤計增銀三萬五千六百餘兩欲將五年以後年例柴炭仍依弘治十八年以前數照舊本廠辦納其添派者亦令本部區處下工部覆議從之。辛卯陞兵科右給事中段豸爲本科都給事中。命吏寧伯焦淇充總兵官鎮守兩廣。癸巳勅進少保兼太子太保戶部尚書文淵閣大學士楊廷和爲吏部

尚書兼武英殿大學士太子少保兵部尚書曹元爲吏部尚書兼文淵閣大學士供事內閣元與瑾有葭莩之舊故位屢遷至是復賞緣入閣士論恥之。甲午陞河南按察司僉事白金爲湖廣布政司右叅議。乙未陞光祿寺少卿劉挺爲湖廣布政司右叅政瑾以挺與蕭明舉爲同縣人而出之于外也。丙申起戶部右侍郎李遜學祭太倉之神。遣順天府官祭宋丞相文天祥。監察御史張禮查盤山東遜年該解未完錢糧勅左布政曹元等二十八員失于查催知州等官胡瀚等八十二員失于徵解工部覆議得旨失查催者奪俸三月在京堂上官宥免還官去任者照數奪俸閒住爲民病故者已之失徵解者都察院查叅以聞拖欠之數令巡按御史嚴督徵解。丁酉陞吏科右給事中白思誠戶部署郎中張騰霄俱爲按察司僉事思

誠河角騰霄貴州。戊戌陞兵部左侍郎胡汝礪爲本部尚書
應天府府尹周宏爲南京工部右侍郎。陞尚寶司司丞馬陟
爲光祿寺少卿。國子監祭酒王雲鳳奏國學納銀監生年少
者多此輩他日多選爲州縣親民之官未及學問何以勝任且
又壅滯科貢正途而未冠之士歷事諸曹亦非事體乞令二十
四歲以下者縣發原學肄業同本學生員考校學行無成者爲
民若赴部考選有黻白并文理不道者罪提學等官吏部覆議
從之。己亥復周府義寧王安浚蔣初安浚與周世子安橫奉
國將軍安汎等許奏。孝宗降勅切責革安浚蔣及安汎等冠
帶祿米後安汎等皆奏復至是安浚母聞亦以爲請禮部議安
浚所犯有違。祖訓親安汎等不同有旨令復議因言安浚革
祿已久艱苦亦備乃復之。初黃河自河南原武滎陽水而爲

三其一自亳州鳳陽通淮入海其一自德州過丁家道口抵徐州小浮橋其一名賈魯河自漑泥河過黃陵岡亦抵徐州小浮橋弘治中河決黃陵岡犯安平鎮遣官治之大名築堤五十里曹州築堤百三十里翼以小堤河患乃息是歲九月河自儀封北徙衝黃陵岡入賈魯河汎濫橫流直抵豐沛御史林茂達等言河勢北趨堤外水高堤內地下倘北決龍王廟壞安平鎮必爲運河害法當先治上流儀封考城等縣疏濬故道引河角流勢有所分然後築塞決口修復故堤自張岡馬頭而東至龍王朝別築月堤倍加高厚庶幾大堤可全運河可保是時河南上流不以餉道爲慮而大名諸郡舊無楮草夫價兵部請下侍郎崔巖會各鎮巡官通融計議務令調度合宜干礙居民田廬亦爲區處無得廢財興怨詔從之○庚子革慶成王府奉國將軍

奇而寺沫祿米三之二仍降勅切責而沫助儀賓駭忝擊人故
罪之。辛丑改南京吏部尚書劉忠爲吏部尚書兼翰林院學
士專管誥勅。刑部尚書劉璟等劾奏本部員外郎王尚賓年
老主事張樂郁米俱才力不及乞調黜吏部議覆尚賓令致仕
樂米俱降教授樂鳳陽府米大名府璟素闇劣既爲尚書劉瑾
每面詬其無能璟懼甚求以自解遂有此奏瑾喜謂璟能督其
屬璟由是安于位而三人者皆得罪後米以禦流賊城陷死之
朝廷嘉其節贈光祿寺少卿仍錄其子爲太學生。兵科給事
中屈銓奏請刊定正德元年以後見行事例以六部爲序編集
成書頒布中外得旨朝廷因事制法見行條例內外官民多有
不知者各衙門并三法司其議擬刊行永爲遵守特劉瑾所行
新例皆變亂成憲擅作威福天下側目重足朝不保夕而銓乃

助瑾爲虐承望風旨故有此奏律以國法百死不足以償人怨也後兩月國子祭酒王雲鳳亦效爲之以媚瑾事未行而瑾敗雲鳳坐是爲言官交劾至今士夫兩恥言之。罷前軍都督府僉書成山伯王鏞左軍都督府僉書右都督神英鏞帶俸閒住英致仕以言官論其老疾也。捕盜右僉都御史柳尚義上所部功次陞真定府知府楊儀爲右叅政仍理府事指揮李良賀勇侯鼎袁彪各陞署一級良勇仍賞銀十兩知縣杜泰等及生員義民賈鉞楊校等授官陞俸有差既而良勇又特與實授彪與賞銀二十兩特劉瑾以各處盜賊竊發厚立賞格遣官督捕尚義以都御史竄梟稽悍附勢爲瑾所用至誣殺平民以爲功而果尤酷虐云。癸卯鴻臚寺請開經筵日講令至三月以聞。令掌通政使司事兵部左侍郎王啟管部事陞順天府府尹

李洪為道政使。陞禮科左給事中胡明為戶科都給事中。右給事中張潤楊一茂謝訥俱左給事中。給事中馬那蘇朝閔楷俱右給事中。潤卿俱吏科。一茂戶科。訥刑科。朝兵科。楷工科。甲辰陞湖廣按察司副使任鑑為雲南布政司右叅政。湖廣布政司右叅議楊子器為福建按察司副使。罰正一真人張彥類未一千石仍禁其家不得鬻符籙。先是彥類家人寧等持真人府批乘傳往來廣東諸處鬻符籙。因採取古物藥材為念事。吳廷舉舉劾。劾實乃罰彥類而發寧等戍邊。夜月犯氐宿南星。乙巳。景皇帝忌辰。遣儀賓周鉞祭陵寢。夜月犯房宿北二星。丙午。明節遣駙馬都尉樊觀馬誠黃鑪分祭長陵。獻陵。景陵。裕陵。茂陵。泰陵。文武衙門各分官陪祭。遣儀賓楊淳祭景皇帝陵寢。遣內官祭恭讓章

皇后陵寢。陞南京鴻臚寺卿丁鳳為應天府府尹改南京太常寺少卿趙履祥為南京鴻臚寺卿。四川守臣奏賊首藍五等有衆二十餘人轉掠重慶夔保間其東鄉聞達大寧大昌新寧通巴等縣又鄰境漢中荆襄故三省流徙之徒易聚為患去來出沒無常請命大臣總制三省官軍并調酉陽石柱土兵協助征勦兵部議上詔總制官不必差土兵准擬調用都御史林俊并各省鎮巡官各嚴督所部互相策應務期成功。周府鎮國將軍安瀕敦持刃逐其父又擊傷其生母輔國將軍同銳與寡姊孟縣縣君淫亂二人者有隙互相訐發命司禮監刑部錦衣衛官往勘奏上安瀕已死命開棺驗尸以庶人禮葬之同銳及縣君皆賜死。丁未陞河南按察司僉事王鼎為順天府府尹鼎以大理寺少卿左遷至是張綵薦之遂有是命。陞

湖廣按察司僉事孫炯爲湖廣布政司右叅議鄖陽府知府曹
蘆爲湖廣按察司副使。陞鎮守山西副總兵都指揮僉事葉
椿爲署都督僉事充總兵官鎮守大同。戊申致仕太常寺卿
林章卒。字以成浙江錢塘人少貧性警慧尚書于謙悅之因
偕至京師遂獲以書翰直內閣授中書舍人大學士李賢喜其
勤辦超進禮部員外郎統滿陟山東布政司左叅議任如故
英廟實錄成擢太常寺少卿又進爲卿秩再滿加二品祿又數
年進二品階致仕未幾卒年八十有二章處近地慎密不泄與
司制勅五十年積致華秩可謂遇矣。夜土星犯太微垣上相
星。己酉廣東叅議吳廷舉嘗枉道過家爲偵事者所發會鎮
守太監潘忠與廷舉有怨佞奏其爲僉事時擅用公錢禁死平
人諸不法事遂逮繫錦衣獄拷訊廷舉自誣服命枷于吏部前

一月廷舉垂死有烏言于張綵者得釋仍謫戍山西振武衛。
初少監李宣錦衣都指揮趙良勸事江西吉安知府任儀棗州
知府支夔白于巡按御史元各欲民錢厚饋之爲查盤御史
沙鵬所發時元已坐事爲民夔致仕儀陞山西右叅政有旨謂
元不能糾正謫戍廣東之南丹儀降二級別用夔已致仕仍削
一級儀所饋宣白金五千良一千緣此自入者又不可數計在
郡耽酒不事事贓汙狼藉爲近時貪吏之尤云。庚戌詔今後
王府喪禮應差大臣者即差本處三司正官應差行人者差分
守官爲定例。命分守延綏東路右叅將都指揮同知戴欽充
副總兵鎮守山西兼提督代州三關。甲寅陞兵部員外郎王
舉爲山東布政司右叅議。代府輔國將軍成鐸卒己三年猶
冒祿米如故至是事覺命如數償官布政使王瑛叅政沈杰坐

失覺察罰米各二百石布政李貢以致仕宥之。乙卯陞湖廣辰州府知府黃琪爲山東都轉運鹽使司運使山西按察司副使王紹爲山西布政司右叅政御史張璉工部郎中陳良珮俱按察司僉事璉河南良瑯湖廣。初永順宣慰使彭世麒與保靖宣慰使彭翰爭村寨相攻數奏訴于朝下所司勸處累年不能決至是撫按官議以家臘竹江新寨宜仍歸永順扼車不齊二村歸保靖今各從其土俗歛血割契以杜後爭且謂世麒翰倚強暴悍宜加罰治并劾先任叅政夏遷僉事趙璧等二十餘人承勘顧避之罪得旨世麒翰各罰米三百石承勘官各二百石已去職者罰半之

明武宗毅皇帝實錄卷之六十

明武宗毅皇帝實錄卷之六十一

正德五年三月丙辰朔

孝肅太皇太后忌辰。奉慈殿行祭禮遣駙馬都尉崔元察
裕陵。命南京內官監太監董文永順伯薛勲工部尚書俞俊
督修孝陵明樓及懿文靈殿。陞江西按察司僉事董紘
爲廣東布政司右叅議。降陝西按察司副使沈文華爲陝西
右叅議仍提調學校時有鞏昌府生員酗酒毆傷分守官者詔
發生員充海南軍以文華約束不嚴罪之。命寧陽候陳繼祖
領五軍營左哨坐營管操遂安伯陳德兼管紅盔將軍。錦衣
衛都指揮使楊玉奏強賊屢于近地劫掠各巡捕官及守備通
州都指揮黃璽不能禁捕既奉旨有罪限以三月而過期無獲
宜逮治詔各巡捕官俱降一級州衛掌印官各奪俸五月璽三

月令戴罪自效。○兵部尚書胡汝礪卒。汝礪字良弼，陝西寧夏人。成化丁未進士，授戶部主事，進郎中，擢山西大同府知府。敢於任事，繩下以法，頗著治迹。然急于進，厚賄劉瑾，以希汲引。瑾以同鄉故，甚悅之，因授以爲黨。正德丁卯夏，徵爲順天府丞。戊辰，進府尹。遂陞戶部左侍郎，尋兼都察院右副都御史。往宣府清理屯田。己巳，改兵部。庚午，召還，爲兵部尚書，遷轉之速，未有及之者。未至任而卒。訃聞，賜葬祭，特例大臣非歷三載者不得請葬祭，而特加汝礪亦異數也。卒後五月，瑾始誅，故弗與罰人咸幸之。○丁巳，巡閱御史王九峯覈隆慶衛倉草束，秋焚無跡，因言軍餘雷宣等四十餘人積年承攬，獲利宜酌量家產陪償，詔如議。○建州并奴兒河等衛女直都督等官童子等貢馬及貂皮賞絲，旣衣物有差。○四川夔州府雲陽縣地震，有聲如

雷。戊午吏部會都察院考察河間等道御史短于激揚歷練
未紀者爲田嶧楊淳蕭海張元電劉經孫迪潘銳嚴紘魏彥昭
郝侃范嵩方德懋趙鶴童寬李緯張宏夏廷芝喬岱十八人俱
調改別任。峴淳海元電爲各部主事。鶴寬緯宏爲府推官。廷芝
岱爲各府儒學教授。經等公差丁憂。待至日擬改從之。己未
陞南京工部郎中徐潭爲湖廣布政司右叅議。山西布政司右
叅議陳雍爲山西按察司副使。南京山東道御史馬慶爲江西
按察司僉事。罰原任御史王潤米五十石。輸本處預備倉潤
先坐盟課事奪職。至是以內庫布疋缺乏。潤嘗巡庫當罰俸三
月。其子奏奪職無俸。戶部請宥之。仍罰米焉。辛酉陝西郃陽
縣地震有聲。壬戌陞山西按察司僉事金山爲山西布政司
右叅議。建保安衛儒學。先是美峪守禦千戶所改有武學。正

統十四年避虜他徙而廢至是鎮巡等官奏請復建且言美峪與保安衛共城宜併爲衛學從之。命山東都指揮僉事王憲于湖廣都司掌印管事。湖廣總兵官都督毛倫奏近奉勅防禦四川流賊而所屬官兵不堪調用詔許調斬黃等衛所下班官軍及永順保靖二宣慰司土兵隨宜截捕。太監劉瑾傳旨南京司禮監太監丘得同太監黃偉等守備。癸亥夜初昏火星犯亢宿南一星。甲子。露四塞災風揚塵蔽空兩土霾天色晦冥如是者數日。鎮守湖廣總兵官都督毛倫奏安陸漢襄沔陽地方連年凶荒寇賊騷起今倉庫空虛民無由安兵不克用乞早爲處置因言其弊皆先年整理糧儲侍郎韓福追徵失宜所致也詔湖廣今年起運米准存留十萬石仍取貴州布政司銀十萬兩及先此侍郎畢亨奏留餘銀八萬四千餘兩易

穀備賑災重州縣拖欠舊糧并運京物料俱斃停徵韓福已聞
住始宥之倫劉瑾羽翼也故敢言福之失而福之刻剝貽害倫
猶有不能盡言者。罰先任兵部郎中馮良輔等未有差兵部
奏弘治七年以來各處租銀馬價起解赴部未完而解人輒棄
批以逃由車駕司不行查舉也于是前後爲郎中者良輔已陞
官閒住楊守隅已致仕俱罰米一百石李麟周載昌鸞張恩俱
二百石其病故者貸之。乙丑陞湖廣德安府同知楊奎爲山
西按察司僉事。丙寅陞兵部左侍郎王敬爲本部尚書。陞
行人毛玉知縣劉紘葉溥等俱爲南京給事中玉吏科紘戶科
溥兵科推官周宣知縣孫樂朱紘陳軾丁楷江良貴行人王瑤
俱試御史宣浙江道樂河南道紘江西道軾福建道楷湖廣道
良貴陝西道瑤廣西道知縣賀寬鄭行儒學教諭許洪有俱南

京試御史寬河南道行廣東道洪宥山東道。歲給襄城王府鎮國將軍佾濟夫人周氏并子女養贍米五十石特佾海已故韓王爲奏請也。詔今後偽造印信者除本犯外爲人雕刻者全家發邊衛永遠充軍財產沒官著爲令。丁卯給寧府庶人覲雖并其子宸施家屬養贍米覲雖先爲鍾陵王宸灑爲鎮國將軍俱爲事革將寧王奏其家屬無從養贍且所犯與諸庶人不同。上特給之仍令諸藩毋援例奏擾。戊辰改刑部署郎中等官朱嵩李象蔣曙劉和劉文莊馮時雍陸鰲張淮俞時塗文祥于鑿朱嘉會徐文華孫修張承仁陸芸梁材威儀張琮高壇張麒詹源劉大謨許諫俱爲監察御史嵩象河南道曙和浙江道文莊時雍江西道鰲淮福建道時湖廣道文祥鑿廣西道嘉會陝西道文華山西道修承仁芸材儀琮山東道壇麒源雲

南道大謨廣東道諫四川道先是御史多缺員詔于兩京在外六品以下陞改至是吏部擬授由京官五六品改任者俸級欵遷一以原任爲準。都御史竄杲奏擒撲強賊并自盡自首者六十餘人因陳四事一請依先年購擒張華餘黨賞格以勵有功二請所過州縣給官兵糧芻三請以府州貯庫軍器給官兵四請調定州土達官合下兵部勘詳以聞兵部言杲屢以曾經奏報賊數重復數陳以師己罪都御史柳尚義追捕強盜王大川屢經杲地杲坐視不理宜令自效贖罪其所擬事體頗違者謹議上聞得旨杲不與尚義協力追捕乃重復數陳己奏賊數穿窬狡飾罪希息其停俸戴罪以圖後效兵糧器械如議。庚下 憲廟敬妃王氏薨妃山東登州府人父教母黃氏成化乙未選侍 憲宗皇帝丁未冊封敬妃至是薨年四十有六報

朝三日祭葬如章麗妃例謚曰恭懿。有巡按四川監察御史陳鍾罪鍾以所按多盜不能撲滅被逮至京自陳調兵設謀多所擒獲兵部亦言功可贖罪故宥之惟奪俸三月。辛未詔天時亢旱風霾累作朕心警惕其自明日爲始文武百官致齋九日遣官祭告天地社稷山川。詔今春不雨風霾累日朕念愚民犯法者多情可憫惻自正德五年三月十六日以前逃軍強盜私盜除正犯外親屬窩主鄰佑連坐發遣充軍擺站者法司即稽其數兵部急移文各處軍衛有司釋之三法司錦衣衛見問未結并已結未遣者皆免發遣枷號者即與開枷依律問擬徒流以下者減等笞罪無干證者盡釋之強盜正犯通行審實監候如有攀指冤抑情可矜疑者具奏定奪其餘充軍者兵部還會法司開具以聞內外逃軍自文書到日爲始限三箇

月以裏自首免罪于是大學士李東陽等奏伏蒙 皇上以火
旱風霾兩降給音命羣臣致齋祭告 天地 社稷山川仍勅
兵部法司將逃軍強盜私監窩主鄰佑充軍擺站者盡行釋放
枷號者即時饒免強盜正犯再行審問徒流以下減等發落臣
等聞命欣躍至于感泣中外傳播歡聲動地所以安人心回天
意者端在于此臣等不能盡言啟沃先事開陳員咎合愧己非
一日幸覩 聖心開悟輒有一二仰干 天聰王府逃校與逃
軍同窩主鄰佑連累發遣充軍擺站并見問未結已問結未發
遣者乞照例釋放傾使假銀偽造印信舉放私債較之強盜有
間除正犯外窩主鄰佑亦乞放免仍將傾使低銀正犯止照本
律問罪犯罪充軍正犯已故家屬該發遣隨住者查有親男照
例發遣無子婦人一應家屬乞免發遣已發遣者並行釋放死

罪重囚奏訴三次者本犯乞色加罪家屬乞老軍婦人無夫者免配邊軍凡犯罪家產沒官除謀叛以上重罪外其餘近例該沒官者並免沒官兩法司錦衣衛見監死罪重囚除強盜已有旨其餘乞照遞年熟本事例開奏定奪南京見監并枷號輕重罪囚亦照在京近奉恩例一體施行文武官罰米違限若實家貧不係故意遷延者乞再限三月仍免加倍上納各處獲盜數多中間不無攀指冤抑見問并續獲者乞令各該捕盜等官用心研審務見贓仗失主并同行上盜之人明白擬奏如或輕信妄挈盜及無辜希圖陞職免罪者事發之日罪有所歸再照正德年間問罪條例近該給事中屈銓奏准頒行乞令三法司議擬歸一請自上裁永爲遵守上批答曰卿等所言皆有裨于治道具見爲國至意當悉從而行之。降除原任太僕寺少

卿公勉仁爲四川布政司左叅議時勉仁居憂以先任御史時
審錄不詳有旨降一級擬授運司同知至是服闋吏部以各運
司無缺而叅議品級相同且勉仁居官有聲故擬改授從之。
靈藏賢善王端竹堅督差使臣貢馬及方物賜綵段衣物有差
。調監察御史鄭宣爲興化府推官以巡按湖廣無所舉劾故
也。以水旱免湖廣河南山東貴州浙江江西陝西山西四川
廣西及應天鳳陽池州太平安慶徽州寧國鎮江常州蘇州松
江和州廣德州順天大名河間隆慶保安等處正德三年通稅
五百五十五萬六千四百一十四石有奇四年一萬四千六百
八十六石有奇。癸酉先有旨減革軍官遇例比例實授者至
是兵部以旗手等七衛官張永昌等二百四十人以聞詔俱減
革之。甲戌罰大學士劉宇米八百石輸大同宇先巡撫大同

接管徵收舍餘丁銀時先後撫臣俱被罰宇已省祭家居罰亦
及之。兩廣鎮巡官奏柳州府知府劉璉出城爲賊所虜忿悒
而死分守柳慶叅將官選柳州衛指揮使張鑿等失于防禦俱
有罪但限內能擒賊四十六人地方已寧事下兵部議各官平
時不能防禦賊雖已擒終屬誤事宜速治得旨鑿纓等免逮各
停俸五月傳旨謂璉死賊剗其腹實之以鹽守臣不敢以聞云
○兵部上四川陝西湖廣江西陸續斬捕流賊凡二千四百一
十四人 上以諸處鎮巡官各有督捕之勞賜勅獎勵。丙子
巡按湖廣監察御史翟唐奏四川賊劉烈僭號設官將來必爲
大患而陝西湖廣壤地相接一入竹山可抵金陵一入漢中可
抵陝西今上下朦朧而變論切責者皆爲虛文宜大開壅蔽以
豫圖之事下兵部議今盜絲宿弊宜無壅弊之患而唐首以爲

言未竟其意或者賊情重大而鎮巡藩臬以下匪不以聞宜令
唐指實陳奏得旨唐巡按一方不能弭盜乃以獎諭切責所當
行者槩指爲虛文本當究治其始賞之時劉瑾最忌壅蔽之說
尚書王汝撫以詰唐觸瑾怒耳。命雲川衛指揮同知畢鉞守
備大同右衛地方。丁丑陞指揮使施忠爲中都留守司署正
留守。尚寶司卿吳世忠清查薊州等處屯田奏言東勝興州
等衛所屯田多占種盜賣者田租拖欠終年積弊已久若一一
置之于法人情未免不堪除官豪占種及知情典買不肯者依
律究問外其餘情不得已者量爲處分田仍給主價亦免追若
本主無力另給附近軍民屯種如買主不係官豪情願納糧者
聽惟在租稅不失原數耳其額外查出地土肥瘠不同定則納
糧仍立圖冊以息爭端從之。戊寅命平虜衛指揮同知劉繼

充右叅將分守大同西路。命廣西署都指揮僉事舒洪守備平樂等處。己卯翰林院修撰何瑄奏乞回籍養病許之。庚辰命宣府前衛納叛都指揮僉事郝俊守備順聖川東城。壬午南京太僕寺卿南鐘致仕時鐘爲河南左布政使既聞命以禮課未完不敢赴任詔以其有違前旨罷之。守備鳳陽太監黃準奏山東徐州盜未盡平湖廣盜方囂聚而鳳陽兵力單弱乞豫修備禦事下兵部議鳳陽旗軍京操運糧者既難輕議而各項差占不下一萬四五百人宜行準同巡按御史計議于雜差內酌量選出若干人協守逃者嚴督該衛解補從之。命山西行都司都指揮僉事李淳守備偏頭關玉林衛指揮同知周政守備大同平虜城。廣西太平府地震。癸未巡按兩廣御史江萬寶奏迹例以廣東爲遠方府佐以下類以家貧年老常

調壅滯者充之戕民設國莫此爲甚乞勅吏部自今兩廣一視
中州其願就遠方者皆統與冗秩不使得預民事吏部議覆從
之。烏思藏大乘法王差刺麻綽吉我些兒等八百人從陝西
河州衛入貢禮部以其違例宜減賞及究河州衛指揮使徐經
不行審驗之罪。上命巡按御史遠經治之仍令是後宜加審
驗不許重冒起送。甲申巡按兩廣御史江萬寶上言邊務一
南安南雄中間梅嶺山澗險隘不逞之徒聚散無常凡往來者
必設備而後行欲于兩界地中立城柵宿防兵時出巡視一廣
東民兵素無教法雇募打手皆遊食之徒今欲量加選集以足
民兵時加教閱目爲總甲壯丁以見貯打手錢易米而廩之月
差其數不過歲糜數十百斛而兵強矣一項因林肯道誅調用
狼兵所過剽掠劫殺雞犬不遺謀之不藏莫甚于此然事已無

及願自今久轉調用兵部議費從之。乙酉致仕太子太保禮部尚書周經卒。字伯常山西陽曲人南京刑部尚書瑄之子也。天順庚辰進士改翰林院庶吉士授檢討纂修英廟實錄成進編修秩滿進侍讀十四年孝宗出閔改泰坊左中允弘治改元以東宮恩陞太常寺少卿兼侍讀二年擢禮部右侍郎四年改吏部尋轉左九年擢戶部尚書尋加太子少保十三年以災異乞免加太子太保致仕。上即位起爲南京戶部尚書以疾辭會丁母憂未上正德三年復起爲禮部尚書居數月以病乞休復致仕至是卒年七十有一。上親視朝一日贈特進光祿大夫右柱國太保謚文端葬祭如例經在館文淹有諷之圖速化者卒不爲動及告禮部議政莅事必傳經義若却西域貢師毀黃村尼寺爲先朝感德事皆經贊成之在吏部特

有指民田爲閒地獻太監李廣者廣固欲得之經草奏率諸司
言之事遂寢及遷戶部人以其出翰林或不能理錢穀視事後
嚴條約革宿弊剖決如流郎吏皆歎服以爲難及中官織造于
南京者屢以引鹽權課爲請賴經奏裁者甚多大內張燈取外
帑銀三萬兩經言不可以小民脂膏供耳目之玩刀命以明年
內庫歲額償之近戚貴幸有所陳請一裁以法皆斂不得肆而
怨日益深致仕命下廷臣皆相顧失色爭上疏留之是後中外
奏薦多至八十餘疏前此未之有也經少穎敏莊重寡言笑奉
友純至自爲小官已志用世及爲戶部尚書秉正執法意以不
合去人甚高之其復起也則以其壻曹元與劉瑾有連或謂元
實爲之時經已病又龜勉赴召則不能無責備云○命南京右
僉都御史王哲巡視江西初御史沙鵬奏江西賊勢方橫南贛

地連湖廣廣東福建三者不相統屬難于會剿乞遣大臣總其事吏部議覆江西舊有巡撫都御史近年裁革宜如曠言添設巡視乃命哲往。命太子少保刑部尚書兼左都御史洪鍾總制湖廣鄖陽及陝西河南四川等處軍務并總理武昌等府賑濟事宜時湖廣連年荒旱盜賊竊發有請遣大臣撫治者故有是命。給事中段亨監察御史涂敦等劾僉都御史龔杲柳尚義不能勦除盜賊以靖地方捕盜御史薛鳳鳴王廷相自分秦越推調誤事巡按山東御史儲珊不能協力撫捕俱宜究治得旨山東北直隸等處盜賊縱橫各官互相觀望不即設法擒捕杲已停俸其仍停尚義廷相珊俸令協力勦捕以圖後效鳳鳴所部盜賊有間姑宥之。命山西威遠衛指揮使善景守備大同井坪城。

武宗毅皇帝實錄卷之六十一終

大明武宗毅皇帝實錄卷之六十二
正德五年夏四月丙戌朔享太廟遣駙馬都尉蔡震代行禮
○遣內官蔡司寇之神○給事中郝慶奉命覈榆林功次時劉
瑾勢張甚且冒功者多愛懼禍反自經於公署命都給事中賈
勇往代之○丁亥戌刻雷州有大星如月自東南流西北分為
二尾如箕隨沒聲如雷○命各邊撫按官舉堪任主將副叅遊
擊守備者其先任將官坐小劾降級閒住有才智可負後勅者
并舉之從兵部議也○發太僕寺銀三萬兩于宣夏買馬更以
陝西官茶所易馬二千匹給之以守臣奏虜數入寇乏馬故也
○黜河南開封府知府郭經為民經為府同知時嘗借用公錢
會查盤御史至潛令竄去原籍為其下所發遂落職○庚寅三
法司奉旨審得減死者二人時冤獄衆多大學士李東陽等因

風竄以為言特許寬恤而法司所上僅止此蓋畏瑾也○大同
革任總兵官溫恭貿易軍士月糧為傾者所發下巡按御史覈
問因初守備都指揮林寬等阿從亦宜罪得旨恭宜重治但前
已降級革任姑宥之仍罰米三百石寬等奪俸三月○慶府安
化王寘鑑及指揮何錦周昂丁廣反殺鎮守寧夏太監李增少
監鄧廣總兵官姜漢巡撫都御史安惟學少卿周東執分守叅
議侯啓忠囚之初寘鑑在邸王中狀貌魁梧有相者紹謂當大
貴又妖巫託鸚鵡神言如相者寘鑑惑之錦昂及儒生孫景文
者嘗出入府中寘鑑為言今朝出于劉瑾授用茲克樹黨中外
此欲何為者藉令瑾遂移祚置吾屬何地若推我為主以誅瑾
為名必成大事自是有逆謀惟學苛刻數杖辱將士妻廣及
諸將士怨之會東被命丈量屯地希瑾意督責嚴急率以五十

敵為一頃又畝銀為賂理資啓忠亦以催征至人情大授錦
昂乃與廣等謀令寘鑄置酒因會殺之奪其符印傳檄起兵寘
鑄大喜是日惟學東不至酒半錦昂及廣率其屬直入執漢增
廣殺之又殺惟學東于公署遂焚燬案籍釋五衛重囚撤黃河
渡船于橫城西岸以絕渡者啓忠逃匿尋獲之囚于左衛副總
兵楊英先以警出七楊顯堡不與難所部軍士聞變亦皆潰去
英走靈州寘鑄偽授錦討賊大將軍昂左副將軍廣右副將軍
諸從叛者皆為督護總管又令景文單偽令傳寫數百紙遣人
分諭諸鎮偽令曰近年以來主幼國危姦宦用事舞弄國法殘
害忠良蔽塞言路無復忘憚致喪天下之心幾亡神器之重今
闡城官軍共誅守臣之虐民害政者持首來獻余不得避獎率
三軍以誅黨惡以順人心特茲曉諭官軍人等貿易耕種業藝

者皆仍故其通負雜徭盡免之仍保守疆界聽候調用各鎮軍馬數目及地里圖籍宜即齎至敵抗者弗貸○辛卯賜毛憐衛都督產茶蟒龍織金衣服從其請也○壬辰陞太常寺少卿鄭宗仁為南京太僕寺卿○戶部覆議總督漕運副都御史屈直所上嚴漕規八事一完糧後則守巡及府州縣掌印官違問在再者管糧官降二級一各處完糧務委守巡并府佐能者監完以免爭競遲誤之弊一後期運官把總指揮糧至三千石千戶至一千石百戶至五百石以上者每次降一級不及數者照常間擬一運軍脫逃其行糧賞鈔俱追奪至再者發戍邊衛別以戶丁補伍一各衛所脫逃并事故運軍至五十名不補解者正官各停俸責補若緣運官科索及衛所官差違不均者各參究一運官許量帶土物本以資路費若運官及勢家逼帶者聽旨

告沒官仍治以罪一違官科索軍士銀十兩以上遞降一級等
回衛其書算人等科索者發戍邊衛一把總以下官有充納如
期無債負者請量獎擢得旨把總等官總今三年以上糧運如
期者准於實職上陞一級餘皆從之。癸巳巡撫陝西副都御
史黃寶奏流賊自四川突入陝西兩鄉殺擄官軍又轉入湖廣
三省大擾請特命立將督兵且乞選賢自代下兵部議謂洪鐘
近已奉命總制主將不必更設宜於陝西湖廣各增設副總兵
一人乃命莊浪右叅將吳鎰充陝西副總兵致仕都指揮同知
康泰充湖廣副總兵併力剿賊且責寶臨事避難不允辭。甲
午虜寇莊浪巡撫都御史張翼鎮守太監宋彬總兵官衛勇督
遊擊將軍吳英叅將吳鎰都指揮魯經等禦之左監丞王欣副
總兵徐謙繼後虜敗走斬首百五十八級各以授聞翼彬等賜

勅獎勵奏捷人各陞一級當紵絲衣一襲新鈔千貫○乙未陞
光祿寺少卿趙松為太常寺少卿○魯府儀賓牛贊請出粟六
百石及祿米石如之以助修河之後賜勅獎諭○太監劉瑾傳
旨錦衣衛掌鎮撫司事指揮僉事石文義理刑副千戶郝凱各
陞一級○命司設監太監王與鎮守陝西○命都指揮僉事張
傑充右叅將分守莊浪○初捕盜都御史竄果柳尚義御史薛
鳳鳴王廷相巡按御史儲珊以所部盜賊充斥為科道所劾各
停俸至是兵部復言果等及長蘆捕盜御史崔哲不能併力滅
賊請命給事中一人往按賊所殘破別議黜罰從之○丙申命
宣府前衛納級都指揮僉事張經守備保安舊城王昇守備洗
馬林堡懷安衛指揮僉事闞林守備新河口堡○陝西華州山
西蒲州各地震聲如雷○丁酉改兵科左給事中李貴為禮科

左給事中以丁憂服闋也○命延綏設養濟院從鎮巡官奏也
○戶部言河南災重請暫停該徵糧草下戶部與蠲免其山東
北直隸災重州縣見追者亦請暫停又各處州縣之被災者歲
徵并積欠帶徵之數俱聽分豁從之○初給事中邵天和會巡
按山西御史馬爰及祭政臧麟僉事蕭淵查盤河東鹽課將運
畏瑾索賂謀于運使李德仁德仁遂欽所屬銀一萬八千三百
有奇和吳麟淵及巡鹽御史周廷徵魏彥昭分取各數十督索
至京寄于給事申白思誠家而德仁自入者亦數十為瑾緝事
者所發時和已坐事為民乃遣給事中田汝村往按之具得其
實還奏有旨陞汝村俸一級德仁罰米八百石和二百石昭三
百吳廷徵麟淵一百思誠五十各有其罪德仁彥昭仍降二級
吳麟淵一級廷徵以巡按陝西俟滿日治之於是麟降浙江按

察副使德仁河南裕州湖鄆州俱知州吳直隸閬州判官彥昭
山東利津縣丞○降守備潘闢著都指揮僉事任璽為指揮僉
盧調莊浪衛永遠差操生盤詰有所求索也○戊戌戶部以給
事中鄭裕等績直報兩浙所負鹽課一萬三百餘引復劾御史
謝瑩彭程黃世經姚壽汪璧王潤運使楊寺晏輅并前所未及
者四十九人例應追陪得旨已陪銀罰未及病故為民致仕者
已之其前所未及者仍各罰未有差始御史喬岱巡鹽於浙多
受商賂復布瑾意倡為察官之奏害及縉紳至是亦以負課再
罰未云○陞大能仁寺國師那卜堅察禪師劉已藏播為法王
都綱那卜領占為佛子公寫端竹堅挫扎七為禪師大隆善護
國寺判麻綽即羅竹為佛子大慈恩寺國師乳奴領占為西天
佛子革穢國師拾刺扎為佛子判麻也舍窩為禪師○都御史

朱欽巡撫山東時嘗以官夫給故尚書秦統家至是統坐籍沒欽已家居乃命巡按御史遶問府縣官承行者各罰米百石○己亥陞太常寺少卿周文通為光祿寺卿仍供事制勅房○山東濟南衛奏班京操軍奏歲數不全家屬流移乞暫放回兵部議軍士情難可憫但操備不可輟宜免其工役令所司恤其家從之○庚子封左軍都督府致仕署右都督神英為涇陽伯賜之誥券歲祿米八百石先是英自陳在邊鎮舊功下兵部謂功次年遠無考且多移勘未報者有旨兵親冒矢石屢建奇功授鉞四鎮賞未酬勞准封伯爵已而吏部覆言英在邊將中誠不易得然官至都督亦武臣之極矣至於剖符錫封所宜詳慎乃復命會廷臣議咸謂英當封遂封為伯時詔旨屢下報百餘言且責兵部及撫按不亟勘報者皆出禮部郎中陸

淞為先祿寺少卿。戶部奏給事中鄭裕等查報長蘆蘆鹽課巡鹽御史王軌運使趙亮等坐罰米三百石者二人二百石者七人。以欽仁為民減至五十石者十五人。病故者宥之。○日本國使臣宋景卿本名朱縞。浙江鄞縣人。私治開港。隨日本使臣湯四五郎逃去國。王寵愛之。納為塔官。至綱司。易名至是。充正使。未肯族人尚識其狀貌。每伺隙以私語通。素卿報以金銀。魏之鄉人發其事。守臣以聞。下禮部議。素卿以中國之民潛從外夷。法當究治。但既為使臣。若拘留禁制。恐失外夷未肯之心。致生他隙。宜宣諭德威。遣之還國。若素卿在彼。反覆生事。當族誅之。仍行鎮巡等官。以後進貢。夷使宜詳加譯審。毋致前弊。從之。○辛丑。陞太僕寺卿王寅為工部。右侍郎治易州山廠。○陞山西按察司僉事黃偉為本布政司右叅議。○大理寺右評

事羅倫言頃者一春不雨風霾累日 陛下特降綸音蠲逋生
之法實通卒之限而大學士李東陽等又條疏數事荷蒙嘉納
咸以天意之回在於旦夕而齋戒浹旬雨澤尚滯臣愚以為天
心仁愛未已欲 陛下每事懲創擴充善端耳大古者視朝遊
觀皆有常度賢妃有雞鳴之告大臣陳卷阿之詠今 陛下臨
朝或至日昃宮掖之戲喧鶯違旦殆非所以率群臣基大業也
臣願 陛下昧爽臨朝晡時還宮便殿則閱奏牘暇則覽經
史宵旰圖治率以為常古者三公論道工誦箴諫故我朝以輔
導者之內閣言責付之科道通者百姓流移赭衣載道民窮財
盡元氣索然群臣聞之不敢言以為有科道也科道知之不敢
言以為有宰相也宰相言之不敢盡將復委之誰哉臣願 陛
下嘉納讜言凡政事得失生民利病與宰執富確於內許科道

直言於外明目達聰無致壅蔽古者進退大臣皆有禮貌黜劓之罪不及大夫適者公卿隨進隨罷先朝忠蓋有德如劉大夏者尤不免於竄戍恐非所以待耆舊勸大臣也願賜放免使得生還以示保全之仁古者律以禁姦例以輔律我朝大明律并見行條例最為精密比者法司議罪比附深巧不協於中願勅法司今後問刑止依正律果有情重律輕者奏請裁決仍乞如大學士李東陽等所議勅三法司通查正德以來條例議擬請自聖裁行是數者庶幾和氣薰蒸災沓潛消天意可回矣疏入內批備回護大夏遂援他大臣事詰責至數百言仍命禮部會多官議及議上多順內批意得旨僞妄言要譽宜罪始改教職發江西原籍化導本土姦頑若能使風俗盡變奏聞起用時在朝為理積威所劫久無建白者僞既工疏輿觀俟命于朝

房交游條友莫敢往視者比得此遣殊出意外云○壬寅戶科
給事中謝訥等查盤廣西倉庫劾布政司俞深以下二十七人
浥爛虧折及巡撫都御史劉大夏潘蕃陳全綜理弗嚴之罪特
大夏蕃已充軍餘多去任及物故者詔罰米輕重有差充軍物
故者免之○癸卯陞貴州布政司左叅政田彭為陝西右布政
使廣西按察司僉事姚鏗為福建副使○陝西近邊城堡有防
冬官軍及春例放還至是以虜駐河套不代者已三年總兵曹
雄奏邊事稍寧請如例暫放且自乞還鎮兵部議許之○謫徐
州知州上官崇戍雲南瀾滄衛崇以供應禁王之國責徵雇役
錢有死者為傾事者所發下巡按御史逮問當崇酷刑贖徒為
民特令謫戍邊衛○奪晉府儀賓成德職為民仍罰米二百石
坐詐侵糧銀也○夜月犯建星東第二星○甲辰巡撫宣夏都

御史馬炳然以母喪乞解任有旨起復炳然巡撫陝西罷巡撫陝西都御史黃竇令冠帶開任因召致仕都御史楊一清及為民都御史徐以貞赴京吏部言陝西及宣夏即今多事若以炳然代竇顧彼失此請令炳然仍舊巡撫宣夏而復竇原職令其竭力撫捕以立後效從之○吏部奏近各部員外郎缺有自寺丞陞署員外郎者稱署員外郎事寺丞名稱不順請今後有自寺丞陞者宜如主事例稱署員外郎事主事具舊陞者俱改正報可○乙巳右春坊右諭德兼翰林院侍講蔣冕服闋至命復職○寧化王府奉國將軍奇澤嘗坐罪革冠帶猶不斂戢與其子鎮國中尉表樞表榕多畜無賴攬財於市或偽券取債意滿乃釋其繫官司不能禁潞城縣歲運秋草赴場輒逸部運者曰吾為汝輸既又請託於官以圖免通員常以千數事聞命大理

寺丞蔡中孚及錦衣衛官往按之辭連鎮守太監朱秀巡按御史方元湯沐馬吳仇惠光楚山西察政臧麟副使王紹僉事故希顏太原知府鮑肇署都指揮劉寵詔以奇澤稔惡不悛并其二子革祿米三之二仍降勅切責之校尉從史為惡者二十七人俱發遣衛充軍各官罰米有差元已為民墜謫戌免罰寵革其見仕惠侯巡按遂奏處房姑宥之○監察御史張檜往山東查盤劾奏管糧管屯分守等官布政使張泰等一十七人濟南等府衛所州縣及鹽運使司等官知府趙瑄等三百七十六人俱催科踰限請速治詔各官已屢坐罰茲始宥之○丙午巡撫都御史劉聰奏府州縣正官百責攸萃若委之出境而以他官署印妨政滋姦宜行禁止吏部議以為舊有禁例人弗遵者由於懲罰太輕請自今正官惟境內不妨職業者仍舊差委其出

境之事委者與承委者各降二級如承委不行上官輒推辱之者從重加降二級從之○改南京太僕寺卿鄭宗仁為太僕寺卿陞貴州左布政使郭紳為南京太僕寺卿○陞貴州按察司副使朱璣為貴州布政司左叅政南京刑部郎中錢俊民為山西按察司僉事○湖廣按察使王恩以親喪持解任楚王與鎮守官奏恩盡心為政小民間其持去如失又母乙留管事勿聽守制許之○虜寇遼東寺兒山臺遊擊將軍高欽率所部擊却之鎮守太監岑章總兵官李璣都御史王彥奇各以捷聞而彥奇所遣人乃其家僮為言官所劾有旨執付錦衣獄并議彥奇罪以聞章璣所遣人各陞署職一級○戶部奏給事中鄭裕等查報山東虧負贖課御史秦銳等九人運使王臣等七人及同知陳大經以下坐罰未有差致仕者半之為民病故者先○命

右都御史楊一清總制陝西延綏寧夏甘涼各路軍務真鍚反
狀聞兵部請以大臣總制乃起一清仍勅星夜馳赴鎮特遣劉
理之詹人思亂及聞真鍚舉兵中外危懼○陞協守寧夏副
總兵都指揮僉事楊英為右府著都督僉事掛印充總兵官鎮
守寧夏遊擊將軍都指揮僉事仇鉞充副總兵靈州守備都指
揮僉事史鏞充遊擊將軍鉞在邊有名或傳鉞已附真鍚者朝
議以為憂故特用鉞冀以聞之○命分守獨石馬營等處都知
監太監張弼調鎮守寧夏都知監左少監馬良寧夏監鎗印綬
監太監姚遠分守獨石馬營等處○命戶部石侍郎陳棗兼都
察院左僉都御史暫往陝西寧夏等處督調軍馬並整理料草
○命都指揮僉事保嗣實授充右叅將分守寧夏東路勦以真
鍚之變馳報兵部言勦勇略素著且志節可嘉故有是命仍賜

勅英勦○罷延綏總兵署都指揮僉事馬昂先是昂妻被劫命
給事中蔡祐往勘未報會真鏞反遂罷○陞協守延綏副總兵
署都指揮僉事侯勦為右府署都督僉事掛印充總兵官鎮守
延綏協守延綏中路左察將都指揮僉事王勦充副總兵分守
莊浪都指揮僉事張傑充左將將協守延綏中路莊浪衛土官
都指揮同知魯經充右察將分守莊浪○己酉以真鏞反下廷
臣議於是兵部會英國公張懋等議曰我祖宗深仁厚澤培
養宗枝恩同覆載今真鏞不守祖訓與逆賊何錦周昂丁廣
等謀為不軌賊害重臣反形已具伏望斷以大義先將真鏞削
去封濟選命武將一人與總制都御史楊一清聲罪致討且舉
涇陽伯神英可任將上批荅曰真鏞反形已露即遣官祇告
宗廟革其王濟神英佩平胡將軍印充總兵官同楊一清節

制京營升陝西寧夏延綏甘涼各路軍馬討之○陞兵部右侍郎陸完為左侍郎改戶部右侍郎陳震為兵部右侍郎○陞四川右布政使高崇熙為貴州左布政使河南布政司右叅議金冕為貴州按察司副使○管河間府事山東右叅政莊禕奏所屬州縣旱災請發粟賑濟許之且命各處原差丈量地土官俱回京○湖廣應山縣巡檢申旺坐勘事延遲罰米三百石輸太倉旺奏家貧職微有地百畝并子女三人鬻之不足以充半乞減數改輸本處倉戶部為請遂貸之且命官吏有因事罰米未輸倉者俱免○兵部言今寧夏有事各邊備冬官軍宜仍存留聽調但上班既久艱苦萬狀又寧夏各城及延綏甘涼官軍亦皆可憫請量加賞以示優恤乃命於太僕寺銀三十萬兩輸各鎮給賞上班馬軍人二兩守城操備及步軍人一兩寧夏鎮城

從逆官軍有能悔罪效順出城者亦賞一兩餘者財陝西官庫以備邊餉○命發延綏官軍一千五百人於寧夏屬總兵楊英以寧夏官軍多從逆英新任缺軍故也○賜甘肅遊擊將軍都指揮僉事吳英金織飛魚文綺一襲從其乞也○庚戌陞大理寺右少卿顏頤壽為左少卿守丞董恬為右少卿○命都指揮僉事韓斌協守靈州○辛亥赦天下詔曰自古帝王法天立政布德明刑不可偏廢朕嗣位以來仰荷上天祖宗付託之重勵精圖治越五六年念惟世久水平人多比法振起綱維剏革姦弊期與斯人登于至理而有司不能悉體朕心奉行當當虛懷徒切和氣弗臻乃自今春以來亢旱為厲時雨愆期風霾屢作星異迭見四川湖廣等處寇盜縱橫捕未定而陝西寧夏都指揮何錦等戕害守臣拒殺官兵屠戮居人謀立安化王

真鑄為主出給印信票帖詔誘諸路索要軍馬地圖各鎮官員
連日奏報具有實跡爰下皇親廷臣會議僉謂真鑄悖逆天
道得罪祖宗朕不敢赦祇告太廟革其封爵削其屬籍命
將出師正名討罪誅剝首惡分釋脅從撫定軍民安靖邊境尤
兵戎事重供億甚勞加以逋負相仍徵科未息在在皆然方欲
省刑薄斂任賢使能培養元氣掃除災孽以保我國家億萬年
之祚所有寬恤事宜降列于後一正德五年四月二十六日昧
典以前官吏軍民人等有犯除子孫謀殺祖父母父母妻妾殺
夫奴婢殺主毒藥殺人壺毒魘魅強盜人命失機十惡至死者
不宥外其餘已發覺未發覺已結正未結正罪無大小咸赦除
之收有以赦前事相告言者以其罪罪之一各處屯田等項地
上見今差官清理未完者悉皆停止原差官員俱各取回一各

處軍衛有司錢糧子粒馬匹布絹鹽課料物等項歷年拖欠應
該追徵帶徵者悉皆停免待豐收年歲每年帶徵一分文武官
吏倉措人等除侵盜外查出濫濶虧折監追陪補者並有旣免
一各處王府邸王將軍中尉犯罪革祿除歐殺人命敗倫傷化
外其餘全革者准給一半三分一二者照舊全給儀賓除犯賊
罪人命不宥外其餘充軍者放回為民為民者給與冠帶閒住
一軍職子孫襲替仍照舊例十年以裏人文到部者俱准襲替
以外不准一文武職官有犯充軍除賊罪失機不宥外其餘悉
皆放回原籍為民軍民人等充軍哨瞭除盜賊人命撞駕大船
輿取私鹽包攬錢糧正犯并投獄地上撥差王府偽造印信兜
器傷人指稱打點嚇騙財物捏詞越奏誣害善良代寫詞狀不
宥外其餘悉皆放免一京夏反逆事情除何錦周昂丁廣首惡

不有外其悔罪效順者與免本罪有能自相擒斬者量為陞賞
擒斬首惡者不次陞用一陝西湖廣四川江西兩廣等處連年
災傷人民艱窘各該有司加意賑恤流民復業者免其賦役三
年其嘯聚山澤流劫鄉村者仍照節次旨意出榜曉諭有能悔
過自首悉與免罪自相擒斬者量為陞賞擒斬有名首惡者不
次陞用一文武職官罰納米石除已納外其上納未完并未納
者悉與饒免因事住俸罰俸者照舊支給一各項充軍人犯病
故不係永遠充軍者家口并行放免一各處逃軍逃匠逃校逃
囚人等自詔書到日為始限三箇月以裏許於所在官司首告
與免本罪軍還原伍匠仍當匠民放寧家一各處軍職今後有
犯大誤事情除被賊殺斃五人以下降一級十人以下降二級
甚者充軍三人以下量加罰治其餘見罰俸者許其照舊支俸

侍事寧之日來說提問者免其記罪一差去各處採買物件及
緝訪事情等項內外官員旗校人等詔書到日即便回京一各
處巡按御史并布按二司選官去任者各許離任今後新任官
員初到任凡事勘合即當就完有九年前官舊遺下未完勘合
令接管官員逐年帶完一各邊官糶糧米量添價銀本處軍民
互相糶買者亦從其便一各處商人先年報中糧草已納在官
未給鹽銀者照數給與見監未結者悉皆釋放并免追陪一武
舉官舍人等先年分撥享夏延綏甘肅三邊聽調救賊者各回
原衛一今後內外關門衙門問理囚犯悉依大明律科斷發落
其有律輕情重舊例該枷號決打者仍從其舊一兩京法司死
罪重囚中間慮有冤抑各具招由開奏定奪於戲用兵者如不
得已用刑者必求其生方與問罪之師大布同仁之政播告中

外戚使聞知是日 上亦不御殿禮官奉詔至承天門宣讀而已○命御用監太監張永總督寧夏等處軍務御馬監太監陸閻管領神倉各賜之制勅選京營軍精壯者三萬人以行仍令御史一人隨軍紀功戶工二部各差官一人整理糧餉器物兵部言舊無總督軍務太監閹防乃特造給之○調監察御史塗文祥為右軍都督存經歷司都司文祥自部屬改御史被命赴按甘肅聞寧夏之變託疾不行都察院劾其罪乃命改在京別職以御史張璠代之後文祥竟以附宸濠死○命戶部發銀二十萬兩于宣府二十萬兩于大同十萬兩于延綏以給軍餉時巡撫僉都御史楊武奏宣府軍乏糧故併及二鎮且令增價給之○遊擊將軍仇饒與真鍮執之逆黨遂平先是饒屯駐別堡真鍮召之即引兵歸見真鍮無遠略稱疾卧楊英密致書于饒

約為內應真鍮聞官軍浮渡奪其所匿船營河東又焚大小二壩草頗懼乃遣錦廣率三千人拒河留昂城守昂就鉞問計鉞誘入卧內斬其首麾兵馳襲真鍮執之逆黨驚潰錦廣等亦為其部下所執真鍮自起兵至是十有八日而敗○陞廣西按察使洪逵為四川右布政使御史王冠為河南布政司右叅議○湖廣施州衛忠建宣撫司遣把事馬主等來貢馬賜鈔錠絲段如例○永康侯徐溥卒溥錡之子五歲襲父爵以弱不任朝謁予半祿優給之至是甫十二齡而卒○鎮守遼東總兵官署都督僉事李興山初為金吾右衛指揮使天順戊寅以截殺反賊曹欽功陞都指揮僉事又以父勝陣亡進都指揮同知未幾隨征陝西延綏諸處累陞都指揮使都督僉事成化戊戌充寧夏副總兵庚子調延綏以清水戰功陞都督同知癸卯調大同坐失事

降二級罷歸弘治戊申復充大同米路左叅將戊午充左副總
兵協同鎮守甘肅庚申充副總兵鎮守山西代州三閩正德丁
卯乞陞署都督僉事還前府帶俸己巳秋充副總兵分守遼陽
未行遂充總兵官鎮守遼東地方至是卒 上遣官祭之璵有
奮力精騎射尤善御士卒故屢膺重任立戰功可謂才勇者矣
○四川通江縣有星晝見而隋大如斗光芒青尾長丈餘○癸
丑 上御奉天殿侍制道武安侯鄭英恭順侯吳世興興安伯
徐良宣城伯衛璋安鄉伯張坤清平伯吳傑武進伯朱本為正
使中書舍人胡頤行人唐鳳儀盧楫陳錫銓謝階劉澄甫為
副使冊封蜀府昭王嫡長子讓相為蜀王晉府鎮國將軍表樵
為新化王本楮為旌德王輔國將軍表枏為平城王代府思王
庶第二子俊楨為進賢王代王俊杖庶長子充燿為秦順王庶

第三子充熾為河內王岷王彥汰嫡第二子譽桂為善化王荆
府都昌悼僖王嫡長子厚熙為都昌王藩府沁水端懿王嫡長
子勛臨為沁水王○陞江西按察司副使周進隆為廣西按察
使○甲寅許廵撫陝西右副都御史黃賢致仕陞陝西按察司
僉事藍章為都察院右僉都御史廵撫陝西督復以疾辭故也
○陞大理寺右寺丞蔡中孚為左寺丞以暫提督四夷館大理
寺右寺丞張禴回寺管事○陞湖廣按察司僉事匡翼之為陝
西布政司右叅議○建州左等衛女直都督脫原保等來朝貢
馬賜鈔錠綵段等物有差○於太僕寺銀十萬兩於北直隸山
東河南買馬從兵部請也

明武宗毅皇帝實錄卷之六十二

明武宗毅皇帝實錄卷之六十三

正德五年五月乙卯朔陞翰林院學士毛紀為戶部右侍郎仍兼日講南京太僕寺少卿張鳳為南京都察院右僉都御史提督操江○陞分守寧夏西路都指揮僉事馮禎為著都指揮同知實授協守著指揮僉事孫隆為都指揮僉事禎隆及靈州守備史鏞以寧夏之變馳奏鏞已陞用故併錄二人之功○太監張永請賞功銀牌及所需糧草且言隨征官軍例宜賞詔銀牌於賞軍銀內取用糧草令侍郎陳震都御史徐以貞整理官軍冒著出征人賞銀五兩布二疋不為例○丙辰陞刑部著郎中事主事王珣樞魏為按察司僉事珣快四魏湖廣○改太僕寺少卿楊廷議為太常寺少卿提督四夷館○以陝西晉都指揮僉事李佐充固墳遊擊將軍○湖廣盜劉惟華洪景清等掠桂陽

至擔魚獨伏馬守備指揮鄧冕禦之其佐千方楊泰誦先往未
及盜所而遁冕馳進力戰死盜遂殺指揮翟翺劉懷百戶朱鏞
趙章橋百戶于江率所部力戰擊荼清惟華皆殺之餘盜併力
刺江死事間陞冕江之子職一級翺懷鏞之子著職一級陣亡
被傷者賞銀有差楊泰先題令巡按御史逮治○丁巳陞
嚴州府知府孟春為太僕寺少卿四川按察司副使謝綬為南
京太僕寺少卿○山東布政司右叅政郭維乞致仕許之○免
山東鹽運賓樂分司今歲鹽課以久旱池井竭故也○掌鴻臚
寺事光祿寺卿楊瑤卒瑤初以舍人除鴻臚寺通事序班歷陞
司儀署丞鴻臚右寺丞右少卿進鴻臚卿再進今官遭喪有旨
奪情起復供事至是卒于官其妻陳乞祭葬恩禮部言瑤發
身雜流無卓異勞績雖經三品滿考得追榮祖父足矣所請宜

勿許詔特與祭一壇○戊午陞翰林院侍講學士傅珪為本院學士○巡撫大同都御史王綸以公事杖二人致死為瑾緝事者所發下巡按御史逮問擬為民有旨謂巡按者庇綸於是都察院改擬綸斬綸復奏辯乃從巡按所擬○都察院以詔赦所未及者四事上請請旨文武官為民非賊犯者悉與冠帶聞住充軍者非賊罪失機及軍民非盜賊人命者悉放回原籍為民其正犯已故家屬並釋之軍職子孫襲替者姑免考試俟三年後奏處致仕罷聞官吏在京生長有籍者仍舊居住若外方人雖有產不許潛住○己未端午節免群臣宴以邊方多事也○命都察院右僉都御史魏訥巡撫蘇松等處專管糧儲先是總督右副都御史羅鑒以那借錢糧得罪吏部議請裁革至是以蘇松常鎮水災請仍設大臣督理故有是命○辛酉孝宗

敬皇帝忌辰 奉先殿行祭禮遣駙馬都尉蔡震祭 泰陵○
陞右春坊右諭德蕙翰林院侍講蔣冕為翰林院侍讀學士侍
讀毛澄為侍講學士○壬戌改貴州左布政使高崇熙為四川
左布政使陞廣西右布政使翁健之為貴州左布政使○陞遼
東著都指揮僉事韓璽為著都督僉事掛印充總兵官鎮守遼
東地方○瀋陽中衛城獲罕火自起良文乃滅○癸亥陞四川
右叅議蔡錄為四川按察司副使○甲子總兵官曹雄奏寘鏞
已擒寧夏平賜勅獎勵且陞其奏捷者一級寘鏞既敗之二日
雄兵始至因讓以為功焉○乙丑 太常寺官祭都城隍之神
○錄靈州黃河渡奪船功初寧夏變圍廣盜撤渡船以絕援兵
副總兵楊英廷擊史鏞率都指揮韓斌陳洵尹清鄭廬吳山韓
達李完韓連蘇勇黃正鎮撫溫良副十戶郭春奪船殺賊至是

英鏞以聞命陞蕙恂達完達勇山正春良各著職一級其餘各銀三兩加賞英鏞斌清銀幣有差○湖廣洞庭盜楊奇等入城陵磯殺巡檢劉瑜命總制尚書洪鍾及鎮巡官率官軍捕之○丙寅仁宗昭皇帝忌辰奉先殿行祭禮遣駙馬都尉樊凱祭嶽陵○陞江西右叅政周津為雲南按察使○遣太常寺官祭漢壽亭侯○丁卯陞戶部番郎中事主事朱智為四川按察司僉事○命都指揮使闞綱充陝西副總兵禦盜於漢中府等處○陝西韓城縣地連震○戊辰陞衛輝府知府高友璣為江西布政司左叅政○革襲城王存輔國將軍階祿職以其淫縱致死人也○己巳建萬全右衛儒學懷安及萬全左衛舊有武學右衛軍生以就學懷安不伏乞別建儒學禮部議從之○左通政叢蘭奉命清查延綏等處地上以寧夏之變建言十事

一榆林官軍前所獲功次已經勘驗人皆翹首希賞今又遣部
給事中段孚覆勘人多不安况今邊方多警正懸賞待功之特
乞早為陞賞一陝西文武官員罰米陪糧者監禁親屬賢衛產
業尚不能完今地方有變請亟除免一重賞之下必有勇夫今
各路戡守官軍食且不給何以作其銳氣乎請發銀十餘萬遣
科道官給賞則踴躍爭用命矣一往歲達虜入寇沿邊地上多
未耕種人皆缺食自救不贍而乃催徵糧草急如星火是迫之
逃竄也宜將正德三年以前者暫且停免一武舉中式者分配
陝西各鎮隨伍操備今孤處邊方已逾二年衣食不給又多有
都指揮等官一旦與軍為伍豪傑喪氣有病死者請照原中等
第推用一黃河渡船盡為反賊所掠官軍豈能飛渡今都指揮
保勳潛令泅者復奪為我有請併其軍士速加陞賞以勵有功

一舊制在外官員每三歲考察人有固志愛惜名節今三歲之內考察者已三四次矣妻子之往遂道路之供費自非有定守者孰不變易初志本欲止人之貪而反誘人以貪此為法之弊也今後請仍照舊制一各營堡每歲會計糧草不詢地里緩急多寡止按舊額坐派以致應多者愈少應少者愈多如榆林東路黃甫川所積草有十七八萬清水營有四十餘萬又邊牆完固非虜所必犯自弘治十五年至今尚未放支西路定邊營草止一萬八千清平堡止二萬九千而虜常出沒客兵留駐歲常告乏其他營堡大率類此今事勢危迫請多發官帑仍令管糧官斟酌多寡通融坐派一近年文武官有因事充軍為民流竄遠方禁錮牢獄抄沒產業者皆由閹刑衙門妄引新例鍛鍊成獄以致無所控訴今寧夏反賊藉此為辭動搖人心莫甚於此

宜亟改正今後止遵律例問擬庶人皆自安反賊師出無名矣
一近來校尉通行邀塞官吏軍民禍福在其掌握凡所經歷聲
重灼鎮守重臣出郊迎送延之上坐其中情弊難以枚舉况所
來之人未必皆真所訪之事未必是實往來絡繹人下自保自
今大小事情乞照舊委之鎮巡校尉可不必遣庶邊方寧靖人
不疑懼有旨責蘭出仕泛言要譽感家始免充於是左給事中
張璠監察御史汪賜等交章劾蘭且謂巡撫陝西致仕都御史
黃賢臨事避難俱宜治遂令賢聞住仍奪其誥命蘭以前旨並不問
先是蘭山此奏多與赦書合劉瑾惡之劾者蓋承瑾意也賢已
聞住既而以吏部尚書張綵為之言再留巡撫至是綵復劾賢
請黜為民一月之間屢進屢退令之無常如此然賢在陝西實
非巡撫才賊在漢中一籌莫展募用礦賦謂之銀兵卒無成功

而遺患地方至今為梗○庚午工部議覆漕運都御史屈直等奏揚州淮安一帶湖河設有涵洞等溝減水等閘以便蓄洩總為漕河計也近管河官多不得人沿河種藝軍民兩多則閘閘洞不使洩水天旱則盜水以資灌溉欲將前項閘洞如法築塞仍行各管河官自通州直抵揚州有仍踰前弊者因入官受財者永成避衛詔准擬仍命出榜禁約○辛未命分守開原者都指揮僉事劉輝充副總兵分守遼陽○壬申以寧夏平命總兵神英班師太監張永仍往會都御史楊一清等護寘鑄宮眷及械繫何錦等家屬至京勅從者皆有之紀功御史亦令回京其功次令巡按勘報○癸酉命湖廣衡州蒸湘來河口黃河灣相枋山場錫坑及河泊所諸稅課賜雍府者仍輸官以雍王即薨也○乙亥兵部之請設陝西副總兵也有旨令查先年奏革者主

名以聞兵計言陝西初無副總兵總制秦雄始請增設尋復請革之主其議者尚書劉大夏也乃詰責大夏以爲紛更舊制姑宥弗罪自今設爲定額有奏革者科道劾治之初瑾嘗嘗雄爲陝西副總兵絃大夏以違事既寧革之別鎮故瑾以爲憾云○命遼東都指揮同知耿賢充右叅將分守開原地方○致仕都察院右副都御史曹鳳卒鳳字鳴岐河南上蔡縣人成化辛丑進士授祁門知縣有廉能聲入爲監察御史按山東遼東有風采出守蘇州毀淫詞置義塚有遺愛在民歷山西左叅政湖廣右布政使正德丙寅進右副都御史巡撫榆林興鎮守中官不合即欲乞歸不得請戊辰召入內臺莅事聞父喪遽歸守制時劉瑾用事怒鳳赴任後期矯首罷之于是卒如例祭奠鳳客儀修整頌然傑出爲知府政蹟卓異亦一時良吏云○丙子金星

畫見於辰○丁丑免陝西鎮番衛屯糧四千一百石有奇以去年蝗災也○以真鐻平賞內閣部院大臣李東陽等副總兵仇鉞等白金綵段有差○戊寅太監劉瑾傳旨諭寧夏官員軍民旗尉人等近真鐻何錦等謀反神人共怒朕念爾等是朝廷赤子被其迫脅心不自安已有旨曉諭其真鐻何錦待解至京依法處治有功官軍已降勅獎勵待報功至日另行陞賞爾等世受國恩縱是一時迫脅勢非得已並行寬宥况朝廷節次薄稅省刑事從寬處爾等官各安心保守職業同享太平之福鎮巡等官并家口被殺者與之棺斂見存者與脚力口糧送回在彼聞住被傷者聽回原籍致仕官軍人等被殺家屬各賞銀五兩被傷者三兩令巡按御史查處回奏○晉府慶成王奇湏永和王表棒乞復侍衛官軍下兵部議謂二府典仗正校足充使令

不宜奏擾輔導官不能諫阻請罪之詔與正軍百名改為校尉
不為例輔導官免究○龍鎮守密雲古北口等處右叅將著都
指揮僉事楊恭榮剝削軍士也○己卯遼東廣寧天鼓鳴次日
復鳴○庚辰命都察院右僉都御史徐以貞廵保定等處蕪
理屯田○辛巳調分守懷來永寧等處右叅將許泰鎮守密雲
古北口等處○辛巳夏地震有聲如雷○壬午大學士李東陽言
臣歷仕途者四十七年居秘閣者一十六載累陳衰疾並蒙慰
留今春風霾水旱盜賊之奏殆無虛月且竊思古人策免之義
即欲引咎自陳不意有寧夏之變主憂臣辱死亦何辭近賊黨
就擒邊境復安顧疾疢生於喜樂筋力痿於安閒百病交作難
雖驅馳伏望赦其瘵癘之愆憫其懇激之請許令休致以全餘
生 上曰卿 累朝重臣受 先帝遺命輔導朕躬才德兼隆

譽望顯著年未從心神未精健正當輔佐安忍求閒近日寧夏
叛賊剽平皆卿之力有疾宜善調護安心辦事毋負遺命所辭
不允○大學士楊廷和上言遭際盛時擢居樞閣未及一年猥
沐殊恩驟加三少曾祖以下俱得貤封頃因父疾乞歸復荷命
醫馳視誓捐軀以爲報顧驅策之前今春以來風霾示異雨
澤愆期責重臣鄰實司其咎分宜策免更復何辭伏望 聖明
俯賜放歸仗於親有一日之養則在臣無終身之悔 上曰卿
眷宮舊臣學行老成輔導有勞性者引親病乞養已曾命醫往
視近者寧夏亂平皆卿代言之力宜仍舊供職以副朕懷不允
所辭○太監劉瑾侍旨錦衣衛帶俸指揮僉事朱翁南鎮撫司
辦事翁姓苗以義子賜朱姓云○守備荆隰地方都指揮僉事
朱輔生取盜賊下獄以荊州衛都指揮僉事許鳳代之○癸未

少師兼太子太師吏部尚書華蓋殿大學士焦芳乞致仕許之
賜勅馳驛令有司給食未月五石役夫歲八人芳初薦張綵
於劉瑾以綵與己合可共為姦利也綵既為吏部尚書芳與子
黃中納賂薦人殆無虛日綵未能盡從遂有隙瑾聞亦心惡之
芳嘗受俘奴之賞蓋土官岑濬妾也色頗豔芳以為妾而嬖焉
與其妻反目至欲持刃殺之瑾嘗對諸司斥其過及西事既平
頒詔赦芳又以黃中充使瑾於順門復斥芳并怒禮部官不常
承順芳意芳知不可復留乃疏乞歸老論者謂芳附瑾取容而
竟不吝於瑾可為進不以正者之戒矣○山西巡鹽御史蕭選奏
山西官鹽應賣未盡者三十餘萬而應支商鹽復百餘萬停止
則病商盡支則妨官請於應支商鹽數內帶買官鹽如商百引
則官二十引庶官商兩便下戶部覆奏造儲取給鹽利宜先官

鹽減價亟責其商鹽則酌其資本多寡歲加引數量支仍嚴撓越請託之禁詔官商鹽引中半相兼支賣撓越作弊者罪之○甲申奔古等族番人喃刺他等及駱駝巷等族番人惡巴等各貢馬及方物賜宴賞綵段絹鈔如例○命著都指揮僉事王輔充右叅將分守懷來等處

明武宗毅皇帝實錄卷之六十四

正德五年六月乙酉朔大學士李東陽復上疏辭曰人臣之義能則致身不能則止二閭之間不容以髮臣八月而生元氣素弱今年六十有四卦數已周用是乞休已非一次比見朝廷多事及會典未完實錄未進逆賊未擒不敢言退今纂修羸成叛亂亦請願降綸旨許令休致上曰卿引袞病求去至再至三屢有旨勉留宜盡心職務允協朕懷不必固辭○命徐州左衛指揮使時用於山東沿海總督備倭以都指揮體統行事○命南京鎮南衛指揮僉事張彪管南京神機營以都指揮體統行事○罷藩沽河之役先是巡撫僉都御史劉聰等建議令工部委官開濬自沽河抵鴉鴻橋河以便輸運至是工部言其非使罷之○丙戌陞雲南布政司左叅政于鳳喈為太僕寺少卿○

丁亥陞河南布政司左叅政張楨為河南按察使○降監察御史陳鍾為湖廣武昌府推官鍾巡按四川還都察院考其出巡廢事故也○命保安衛指揮使李賢守備懷來城○戶部言永昌寺舊址改建為倉者未有名乃賜名曰太平倉○己丑內官祭中霤之神○陞陝西布政司左叅議周載為河南左叅政○南京工部尚書俞俊以老病乞致仕有旨不允且謂其勞勩特陞俸一級既而俊移咨本部代陳病狀乃允之仍令乘傳歸侍郎周宏以代俊陳奏且用印非事體奪俸一月該司官兩月俊為理所厚故其病也恩數猶如此○陝西鎮巡官秦漢中連年荒旱民多流移加以賊勢猖獗請蠲賊所在州縣輸運糧草及京科未經賊者亦存留以備軍餉仍令山東四川水差史典願納銀者改輸陝西以補所蠲之數戶部議從之○庚寅免四

川東鄉等十四縣陝西西鄉等二縣正官朝覲以盜賊故也○
壬辰禮科給事中陳昂往淮安變賣平江伯陳熊產業得銀一
萬四千四百兩有奇還奏有旨嘉其幹事允當加俸一級昂阿
瑾計直太高時議短之○陞大隆善寺禪師星吉班丹為國師
左覺義羅竹班卓等為禪師刺麻札竹為左覺義三竹捨刺為
右覺義倫竹堅察為都綱大慈恩寺佛子乳奴領占捨刺扎俱
為法王刺麻捨列星吉佛子也夫短竹為禪師大能仁寺刺麻
領占播為都綱上佛經梵語無不通曉寵臣誘以事佛故星
吉等皆得幸進○致仕少師無太子太師吏部尚書馬文升卒
以升字負岡河南鈞州人景泰辛未進士授監察御史嘗按山
西湖廣風裁肅然天順癸未擢福建按察使成化乙酉擢南京
大理寺卿戊子擢右副都御史巡撫陝西協同總督都御史項

忠平土達滿四之亂進左副都御史虜久據河套文升大飭邊備且上特政十五事虜入寇優上策請駐精兵於韋州而設伏於諸堡以待之壬辰虜寇臨筆文升遣兵逐之至黑水口生擒其平章迭烈孫又敗之於湯羊嶺好水川又遣人以大砲襲之於葫蘆峽口虜疑大軍至行甚速至韋州官軍已陣于水頭賊馬渴敗逃及河凍乃皆出套自是陝無虜患者二十餘年乙未遷兵部右侍郎丙申命整飭遼東邊備丁酉轉左侍郎戊戌建州女直叛大掠鳳集諸堡都御史陳鉞欲極其罪屠入貢者之家以捷聞朝廷虜啓蒙遣文升撫之忤太監汪直鉞交構其間由是直誣奏文升懷姦欺罔下獄謫戍重慶癸卯直敗始復官致仕甲辰起為左副都御史巡撫遼東乙巳遷右都御史總督漕運兼巡撫鳳陽都是年冬召為兵部尚書丙午以李孜省

諧改南京兵部察贊機務丁未 孝宗即位復改都察院左都
御史弘治戊申上十五事皆切於新政 上嘉納之有請建二
妃者文升以山陵未畢奏寢之已酉命提督團營木幾改兵部
尚書黜將領不職者三十餘人京師大水疏時政十餘事姦人
蓄怨欲加害 上知其忠命為緝訪且防護焉庚戌虜數萬騎
駐大同詭言進貢欲盡以其人入不許則犯邊時文升以疾在
告 上遣中官就問之文升曰虜窮困無能為也後虜又偽為
小王子書求入貢文升曰此詐也既而小王子果別有書入服
具識辛亥以繼母憂去詔起復文升累疏乞終制不許壬子加
太子少保 皇太子立請擇止人以充輔導甲寅加太子太保
虜書悖慢文升謂夷狄禽獸不足校謹飭武備可也陳修內攘
外十餘事戊午 皇太子出閣加少保兼太子太傅清寧宮典

命有司修造文升極言天下敝甚乞發內帑借太僕寺馬價借
薪司官柴以佐其費庚申夏加少傅虜酋火節擁眾數萬寇大
同京師戒嚴會琴出室壁 上憂之屢召文升入使殿面議戰
守之策文升舉保國公朱暉等任將領令沿邊誼為之備虜遂
引去土魯番虜哈密王母及其金印撫之久未定文升求得忠
順族屠陝巴封之復為所虜乃請安置其未貢者於兩廣福建
使諸夷歸怨以孤其勢而又選精銳襲其守者由是土魯番畏
懼以陝巴及金印來歸西域復安辛酉改吏部尚書嚴吏課覈
仕版逸法遂清鳳陽南京大風雨陵寢壇壝災復陳治道所急
者十事雲南孟養土官思六侵孟密思傑地守臣以為叛請討
之文升謂勞師遠征勝負未必宜以壘書撫諭從之思六果服
癸亥加少師兼太子太師乙丑應詔復疏十事正德初元又奏

熙傳奉官七百餘人會兩廣缺却御史文升推侍即熊繡繡不欲行以此怨御史何天衢其鄉人也遂劾文升文升力請求去上允之命給驛還賜以寶書給人六月米至家非大事未嘗入州語及時事輒顰蹙不答戊辰逆瑾擅權坐嘗舉雍泰除名廣千瑾敗復職致仕命未下而卒年八十五計開輟朝一日賜祭葬贈特進光祿大夫太傅兼太子太師謚端肅辛巳今上即位有以公為言者於是加贈左柱國太師兼太子太師文升歷事五朝垂六十年出將入相文武兼資思慮精深博通故實臨事應變無少底滯奉公憂國隨事納忠每公卿會議相顧不發文升獨據理抗言語簡意足名著四夷功在天下允慎用兵未嘗輕有征討天性嚴重寡言笑儉節清名終始如一直道而行不阿權貴雖遭讒離詬屢起屢仆迄不少貶平生好學手不

釋卷所著西征石城撫安東夷興復哈密三記及奏議藏於家。是日昏刻上星紀太微東垣上相星。○癸巳巡撫四川右副都御史林俊奏賊首劉烈本名臬眉州人嘗匿保寧山中冒為舉人尋復逃匿或傳由雲南入外蕃矣其川東賊藍五廖麻子等僭稱王號偽鑄印信近為官軍所敗斬首三千餘級俘九百餘人退保陝之西鄉願撫但賊情叵測宜且撫且戰已調酉陽諸處精兵期以初秋夾攻乞令湖陝四川交界處互積芻糧仍於清軍巡鹽御史中命一人紀功事下兵部請命總制尚書洪鐘駐三省交界處督治兵糧紀功官聽鐘委用從之且令數所奏功次以聞時川陝中洵多竊名劉烈者俊嘗募能擒烈者賞銀二千兩至圖形以購之竟不知所存云。○陞廣西布政司左叅議王經為貴州按察司副使四川僉事董振為陝西

布政司右叅議○甲午調監察御史盛鵬為陝西臨洮府推官以巡鹽時報課違限也○兵部以巡按御史周廷徵劾報延寧二鎮將士功次請如例陞賞且謂寧夏副總兵楊英所部斬獲最多分守都指揮僉事保助次之功亦宜錄有旨此功本曹雄奏報廷徵乃獨歸之寧夏兵部復失查參且混稱延寧其自陳狀於是尚書王徽等言雄督三路兵出戰當為首功且是戰也延綏將士不與而廷徵所報籍無雄名又混及延綏誠誤因自引咎復有旨詰責謂既知寧夏功由雄顧以御史所報為信於法當治始宥之司屬官仍各奪俸兩月已而議功雄陞左都督英實授都督僉事勳及諸將士陞賞者凡一千一百三十九人廷徵以陝中多故令俟巡按滿日以聞是時瑾欲結婚於雄故以寧夏之功盡歸之○乙未命廣寧伯劉信坐奪武營管操○

西秦州洪其山崩傷室廬禾稼畜產甚衆又龍王溝口山崩
水溢溺男女四十餘人○丙申陞刑部署郎中王源為四川按
察司僉事○董卜歸胡宣慰使司加渴瓦寺都綱番僧唵膝頓
占等未朝貢賜宴及賞綵段表裏絹鈔有差○雷震萬全衛柴
溝堡墩軍死者四人○京營官軍援赦例乞免徵倒失馬價名
椿頭銀者兵部謂非赦例所及但京軍實貧宜免其已徵者
仍輸太僕寺從之○丁酉戶部覆題右僉都御史王憲覈實過
甘肅等處一十五衛所新舊水旱田共一十萬二千九百六十
餘頃為糧四十八萬七千七百四十餘石為草四百一十七萬
八千一百六十餘束為地畝銀六千五百三十餘兩抽選軍士
共三千一百四十名又收買麥糧料草查處餘鹽草米銀俱各
斟酌輕重規畫得宜其內外鎮守等官吏代不常所擬給檢養

廉地請各縣頃畝四至立石誌之永為遵守。上是之。令俱如擬行。養廉地紀於石。毋得移換侵占。○戊戌命恭順侯吳世興三千營坐司管操。○己亥。上諭禮部曰。度王懿親恪守藩輔。未嘗有失。近真鑄搆送強索寶彝諸物。王欲具奏。又為所遏。及逆賊擒。上疏陳。至再。情詞懇切。朕深憫之。茲特加賞。用示慰勞。王金三百銀五千。豐林私農真寧華昌諸郡王各金五十銀二千。其寫勅遣行人致之。○大同鎮巡等官葉椿等奏。都御史周南戶部郎中孫祿各以任內澆爛糧草罰令加倍償納。久繫未完。近遇恩詔。例應原免。以請有旨。罪南等遷延踰限。以圖苟免。爭免其加倍。仍如原數追陪完日。乃放為民。又請責原監造。并原籍有司徇私怠事。令責限追完。一併參奏。凡為事罰未踰限未納者。皆從而趨之。限內者。如詔旨行前。此寧夏之變。理知人

心怨憤稍自歛戢乃從內閣議詔諭中外少更其刻核之政及
寘璫既平旋即悔之故雖詔恩所及皆不得開釋云○賜都督
同知劉景祥本身妻及三代誥命景祥逆瑾兒也冒功為錦衣
衛指揮管南鎮撫司事至是疾篤瑾為乞恩遂進都督同知并
與誥命○工部左侍郎兼右副都御史崔巖奏項奉命治河自
祥符縣董益口濬四十餘里榮澤縣孫家渡濬十餘里賈魯河
濬八十餘里亳州濬四十餘里及長垣諸縣決口修築已漸有
緒曹縣外隄染靖決口未塞者止四丈為驟雨崩潰臣詢諸父
老皆云黃河變遷自有適然之數若正統間沙灣之決弘治間
黃陵岡之決為患數年所費不貲後上流水勢稍緩方克成功
今河勢衝蕩益甚且流入王子河亦河故道若非上流多殺水
勢決口恐難卒塞莫若於曹單豐沛沿河處增築隄防毋令北

徙庶可護障運道且乞別命內外大臣知水利者與臣共議仍俟秋成之時施功工部議覆有旨責嚴治河無方仍令與諸鎮巡官詳議務期成功○庚子添設江西贛州南安瑞州福建汀州漳州湖廣鄖陽陝西漢中四川保寧夔州及兩廣各府捕盜通判各一員江西饒州廣信湖廣武昌岳州衡州永州四川重慶七府亦暫設捕盜通判俟盜平革之從兵部議也○命鑄大慶法王西天覺道圓明自在大定慧佛金印兼給誥命大慶法王蓋 上所自命也及鑄印成定為天字一號云○發銀三萬兩於延綏一萬於宣夏買馬○辛丑降監察御史儲珮為岢嵐州判官奪山東左布政使車璽按察使蕭翀俸六月珮巡按山東與璽等劾報按察司經歷溫佩政蹟謂歲賦悉佩所辦集吏部尚書張綵以為山東歲賦不貲而獨歸功於佩一人况非其

職掌何以致是因劾珊及璽等勘報不實故及於罪既而綵復
奏璽貪懷有首勒為民仍奪詰命○分守鎮番右叅將李惟泰
達賊駐牧大沙河臣夜率馬步軍出城襲之比旦至賊所斬首
四十一級復馬駝一百二十餘匹器械甚衆還至井泉賊復未
攻臣督兵與戰賊遁去既而諜報賊三千餘騎伏堡後沙中又
斬首二級搜聞賜恤初獎勵奏捷人陞一級賞紵絲衣一襲鈔
一千貫鎮廵官宋彬等所遺奏捷者亦各陞一級○賜協守延
綏中路叅將都指揮僉事張傑織金飛魚服從具陳乞也○後
軍都督府都督同知劉景祥卒以謹兄賜葬加等公卿以下
予時唯恐後車馬日填塞於東華私第至不能容將葬又往設
祭重致錢幣謂之辭靈理敗之夕密旨封埋門景祥柩曳出棄
於路既而追削其官焚其屍聞者快之初京師里巷私語籍籍

謂八月十五日傾朝送葬瑾已密與二三同惡定計欲為變是時夜禁甚嚴犯者至死星出後寂然無雞犬聲有中夜竊聽者聞兵甲聲鏗然相繼及理敗先景祥葬期二日云○壬寅陞南京刑部右侍郎李善為南京工部尚書○陞山東布政司右布政使張過為本司左布政使○給晉府故輔國將軍奇滿夫人傅氏養贖米歲五十石從晉王請也○改中都留守司署正留守尹增為山東都司都指揮同知掌印兼督未完屯糧修理河道○癸卯兵部以五年考選軍政請會錦衣衛掌印官考選本衛千百戶以下有旨令本衛自考選特縮衛印者楊王瑾之黨也嘗引例欲免考至是遂不會兵部任意去留陞受賂者輒署上考其誣慮可用者以無賂或至調衛人以故怒之○甲辰刻霧○陞陝西苑馬寺卿陳振為山東布政司右布政使○初

荆王見楠并其子祐柵降為庶人乃以靖王嫡孫都梁王祐柵
進封荆王而其子厚烜仍襲都梁王及祐柵薨厚烜進為王復
請以其庶弟厚焜襲都梁之封上令查例以聞禮部言郡王
次子止封鎮國將軍惟進封親王者其次子始有奏請加封郡
王例如遼慶周三王其次子皆襲封郡王然出持恩乃許厚焜
襲都梁王○山西按察司提學副使陳鳳梧疏言提學所奉勅
諭不許布按二司及巡按御史侵越職事頃年各布政司鄉試
提學官已將應試生儒考定入場而巡按御史又會二司覆考
重加去取實為侵越上曰巡按者自有監臨職任如有姦弊
則當糾察考試屬之提學各官宜勿預○陞臨清衛指揮使萬
廣為署都指揮僉事初廣巡捕至高唐南鎮店遇強賊王大川
等三十餘騎廣率其子儀接關射傷賊七人父子亦被重傷兵

部言大川等橫行畿甸以及山東不聞有奮身當之者廣父子
乃能如是宜議陞賞乃陞廣署職仍舊守備儀賞銀五兩○丙
午少傅兼太子太傅吏部尚書文淵閣大學士劉宇以展祭還
至是乞致仕許之仍賜之勅令有司月給米四石歲六名○
未是日昏刻有流星如蓋赤色自北起西南行至近濁○戊
申調行人司司副蔣愷為霸州判官愷莘亭人因差往南京枉
道至武進請其父一見被逮命降二級調外吏部言新例公差
枉道過三程在家過二日者不原今愷止枉一日宜免降乃得
對品調焉○尚寶卿吳世忠言薊州等處各衛所官軍舍餘多
抽補守邊所存無幾不勝征役之苦而貼守於邊者又無盔甲
器械以之守關無益且遵化一路視宣大諸鎮不同欲以各衛
所貼守舍餘擇其精壯者補止軍均其糧賞俟守邊缺伍即撥

補之其餘仍掣回本城操守兵部請如其言報可○庚戌 奉
莊睿皇后忌辰 奉先殿行祭禮遣駙馬都尉馬誠祭 裕陵
○陞山東按察使蕭柳為山東右布政使貴州右叅議李贊為
陝西苑馬寺卿○命河南都司都指揮僉事李淳領本司秋班
官軍大同備禦○設石陂巡檢司於郴州浚口巡檢司於興寧
縣邊白沙巡檢司於宜章縣之梅田復立赤石巡檢司於宜章
軍臨武縣赤土巡檢司及藍山縣小山堡張家陂二巡檢司從
巡撫湖廣都御史王綸奏也○辛亥吏部右侍郎李瀚三年考
績有旨謂瀚查理鹽法多勤勞陞俸一級○陞南京大理寺
卿戈瑄為南京刑部右侍郎太僕寺卿郭紳為南京大理寺卿
改巡撫遼東右僉都御史王彥奇於南京陞太僕寺少卿王憲
為右副都御史巡撫遼東○添設陝西延寧二鎮巡按御史一

員兼理靈州大小鹽池并臨鞏鹽課。先是惠州之河源龍川興寧潮州之程鄉賊首林貴等嘯聚攻劫久而滋蔓流劫隣境遠近繹騷乃命總督軍務右都御史林廷選等發兵五萬人討平之提閩廷選及太監潘忠等俱賜勅獎勵奏復人陞賞如例。

○壬子 孝穆皇太后忌辰 奉慈殿行祭禮遣駙馬都尉馬誠祭 茂陵。○陞賞大同燧草溝等處有功官軍一十八人。有差。○陞建州右衛都指揮僉事克里哈達家奴俱都指揮同知都指揮僉事撒哈良男老察引赤十男童子亦指揮僉事哈刺男阿里忽哈俱令襲職。○癸丑陞廣西按察司僉事盧宅仁為貴州布政司右叅議。○甲寅陞山東按察司副使夏時為本司按察使。

大明武宗毅皇帝實錄卷之六十五

正德五年秋七月乙卯朔享太廟遣駙馬都尉樊凱代行礼

○遣神樂觀樂舞生齋香帛令所在有司祭歷代帝王陵寢○

陞雲南布政使俞涇為南京太僕寺卿昆陽州知州陳陽為廣

西按察司僉事○兵科左給事中張瓚等劾奏肅州參將蘇泰

等邊方失事宜罷黜太監宋彬總兵官衛勇白琮都御史張翼

巡按御史閻睿不即舉奏俱宜究治詔以泰等失悞事情令巡

按御史查勘明白奏來處治彬等令首實以聞○丙辰陞山西

布政司右叅議何宗理為山東按察司副使○復懷柔伯施瓚

俸先是瓚鎮守貴州以貪懦罷處南京夫年俸至是復赦自陳

復為言官所劾詔以瓚貪懦無顯跡既過赦復之○丁巳轉江

西右布政使魏英為雲南左布政使○降原調副使竄杲為

山西右叅議吳為金都御史撫治真定時強賊孫茂于內丘縣劫丁是修撫康安財物海到瑾辨人也素與厚貽書于瑾為其捕賊瑾令所司停順德知府郭繼及捕盜官俸贖之又以吳勅報稱遂降官海言于瑾曰所失非吾財皆瑾寄索也繼乃歛諸州縣民財至數千兩償海海復書于瑾真事乃已後瑾敗海竟坐罪○以仁孝文皇后忌辰 奉先殿行祭禮遣附馬都尉崔元祭長陵○已未賜分守鎮番地方右叅將都指揮龔亨字性金織飛魚文綺一襲從其乞也○先是巡按湖廣御史鄭宣清軍御史王欽事竣將復命懼劉瑾索厚賄布政使陳良器為宣移借官庫銀三千餘兩江夏縣以欽原發贓罰銀八百餘兩解送欽會查整御史馮頡至事覺仍以其銀輸庫嗣時宣已調興化非官矣詔仍降二級欽以未嘗交受

六月良器三月賊罰銀解京○南京工部尚書俞俊卒
字尚賢浙江麗水縣人成化壬辰進士授湖廣江陵知縣擢監
察御史陞貴州按察司副使整飭威清兵備弘治癸丑平銅鼓
等寨苗賊擒斬俘獲甚衆甲寅復平大壩等寨及招撫密勇勾
等提督軍務右副都御史鄧廷瓚上其功尋陞江西叅政守制
暇閱改福建歷山西左布政使順天府尹工部右侍郎尋陞南
京工部尚書至是卒賜祭葬如制俊為人峭厲居官亦有能聲
然急于進取會逆瑾用事俊巧于迎合瑾悅之驟至六卿為士
論所鄙○庚申加魏國公徐浦成國公朱輔太子太傅浦字南
京左軍都督府事以老乞謝事上以浦世臣勛舊公廉著聞
不允辭特加宮傅以示優眷以輔守備南京浦謹劾勞故併及
之○壬戌陞江西按察使胡華為江西右布政使○楚王均銳

堯王朱安恭定王長子母夫人邢氏景泰庚午正月二十六日
止以楚康王無後削封楚王至是堯年六十有一升開報朝三
日遣官祭葬如制謚曰靖○巡按福建御史屠奎查盤所部錢
糧以虧折數多劫布政使常麟按察副使龔嵩知府尹顯運使
蔡餘慶等及御史饒瑄羅善韓康等五十餘人俱宜罪但已過
赦其非侵盜者乞赦免詔侵盜者逮問監追其餘免問○癸亥
加巡鹽御史蕭選俸二級選巡鹽河東數月之間督辦鹽課至
二百三萬六百餘引瑾以選勤勞特錄之○致仕南京工部尚
書韓重卒，字淳夫絳州人成化戊戌成進士授禮科給事中歷
陞本科都給事中弘治初進陝西右叅政右布政使陞應天順
天府尹尋陞右副都御史巡撫遼東改湖廣陞南京兵部右侍
郎改北京復陞南京工部尚書致仕至是卒祭葬如例重為人

小若和易謙厚而內實陰險振戾在科時大臣有所不悅者輒
族重劫去之及為尚書縱其子與攬頭輸納頗料以營厚利甚
馬士論所劾○兵部奏太監狄永都御史楊一清擒獲叛賊何
錦餘黨中居敬等五十八人功劫可嘉得旨永一清各賞勅獎
勵齊奏都指揮同知馬劍指揮同知朱德谷大中魏添爵指揮
分事山玉各陞一級仍賞永一釐鈔千貫 旨刺東方派星如
蓋青白色尾跡光燭地起自奎宿東北行至近濁有三小星隨
之同夜東方流星如砥赤色有光起自壘壁陣東南行至近濁
尾跡炸散後有五小星隨之○甲子陞廣東按察司副使鄭岳
為江西按察使○賜勅獎勵兵部右侍郎兼都察院左僉都御
史陳震令回京竄鑄之變震往寧夏督賑調兵至是事平故有
是命○乙丑 太皇太后聖節先命婦朝賀賜文武百官宴于

午門○翰林院侍讀學士蔣冕侍讀朱希周為應天府考試
官○丙寅兵部言廷綏將擊將軍時原奏缺馬四百餘匹宜行
太僕寺會同鎮巡官買補但原不由鎮巡衙門奏聞有年舊式
宜完治詔宥源罪仍令副參遊擊等官有事務呈鎮巡轉奏如
鎮巡官推調阻撓者罪之馬匹照數買補○丁卯兵部奏申明
襲替事例今後保送襲替其父祖果因相獲謀反妖言強盜陞
至總小旗者許世襲陞至百戶以上擒獲強盜者不許襲替擒
獲謀反者許襲替二輩擒獲妖言者許襲替一輩若先以傳奉
乞恩報捷納木納銀等項陞總小旗入籍獲強盜妖言謀反累
陞官職者襲替之日照例將傳奉乞恩報捷納木納銀等項所
陞職役革去止將強盜妖言謀反功次查對如例襲如擒獲強
盜陞至總旗後又擒獲妖言陞至試百戶者許襲試百戶一輩

如陞至總旗二級內有妖言一級後又擒獲強盜陞至試百戶者其試百戶不許襲替前項錄功襲替正馬曾効勤勞曲加激勸非軍功比若仗又有軍功積累官高不加區別未免過濫今後由擒獲謀反妖言強盜陞至總旗又由軍功陞至正千戶者減去原陞小旗一級陞至指揮僉事以上者減去原陞總小旗二級如此遞減襲替庶幾世官無泛濫之弊矣從之○昏刻大星北房宿北第二星○兵部覆延綏鎮巡官奏本鎮切近虜境近缺游兵三千人至選墩軍以充又增修墩臺之軍防守舊有招募土兵一萬三百餘名及歸農舍餘一千一百餘人宜行各官于土兵內精選五千人收發各衛編伍食糧以備戰守其餘分為兩班備禦冬春遇有警急聽將歸農舍餘取撥防守從之○錦永衛舍人萬瑞求襲父嚴百戶職兵部以非軍功不可許

得旨瑞像 英廟宸妃姪淮榮一輩不為例○戊辰以河南睢
州知州宋景大理寺左評事狄彥揚曾雷直隸東強縣知縣徐
譜為監察御史景河南道景榜江西直雷廣東道讚山西道○
改鎮守寧夏總兵官都督余事姜漢子爽奏臣父先年守禦邊
方多所斬獲頃實鑄變為賊眾迫逼不從通害乞賜祭葬禮部
議宜量加恩典以勵臣節 上命加祭一壇有司違愆去葬已
而喪請襲榆林衛原職仍許丁原職上陞一級管事○己巳
元帥遣騎馬都尉秦震樊凱崔元分祭 長陵 獻陵 景陵
裕陵 茂陵 恭陵文武諸司各分官陪祭○遣儀賓周鉞
秦 恭仁康定景皇帝陵寢○遣內官秦 恭 康 章 皇 后 陵 寢
○陞江西布政司右叅議俞沐為廣東按察司副使○先是廣
西擒賊流劫擄永日久 上命巡撫湖廣都御史王綸統兵撫

劉綸分布來將黃焘都指揮宋英也桂陽許時虛震也宜章俱
出廣未界魁學掄斬千餘級堅弱死者無算授聞兵部請議功
過賞罰得旨綸寓勅獎勵有功官軍并各項事情令巡按御史
勘報齊奏人賞行錄永一嘆○庚子大學士楊廷和以父春疾
乞歸者 上遣醫士徐宗嗣往視疾平宗嗣復命春馳奏謝恩
廷和亦上疏云臣世受國恩身承簡任既不復問安嘗樂以盡
私情又不能奉職宣力以禪 聖化仰勤 陛下推恩廣愛迺
出常科勉以忠孝之心慰其喜懼之念自臣之身並于子姓先
弟靡不街戴思報國恩 上下其享于禮部○翰林院編修焦
黃中奏乞差父方致仕還鄉并言內閣官例有恩蔭詔以方致
仕未有庶故陞黃中馬侍讀兼傳送方父子庶瑾甥燧瑄可畏
故黃中越資脈進特誠取之○兵科給事中王昂查盤字復固

原守衛所賊堡倉庫錢糧并劫千戶等官宋珍等那移范綱之
罪 上以各官違敕俱先究問從盜者仍如數追陪○准陞甘
肅都指揮同知朱瑄署都指揮僉事柳芳把總指揮同知趙元
納汲都指揮僉事丁浩副千戶武振各一級以副都御史王憲
奏其有丈量地上之勞也○辛未陞監察御史王欽為四川布
政司右叅議○陝西總兵官曹雄自陳討平逆藩事多專擅願
示熱罰且稱諸將之功宜加兵等陞賞下兵部覆奏以為雄不
惟歸過于己抑且推功于人即其有功不伐應合從重陞賞特
旨雄聞辭境大驚即統兵赴援分別要害調取游兵合謀討賊
倉卒之間動中機會遂成大功已降勅賞勞方將別議陞推却
乃引咎自歸尤見謹厚其安心鎮守地方用過賑濟給賞錢糧
不必補選有功官半待勳報至日奏聞○兵部覆查錦衣衛考

選本衛并鎮撫司千百戶等官郝凱等喻否老幼等第凡九百一十三人錄名上請待旨職事不修等項并年老官員但係大職子孫各調原籍附近衛所其餘俱調在京別衛帶俸差操其公勤幹濟撫恤軍士才識可取政務不廢者俱存留辦事既而兵部復具列各調任衛分以聞詔以年六十以上者先調仍令本衛帶俸待子孫襲替日奏未裁厥餘如議○調涿鹿三衛軍士三百人防守渤海守禦千戶所其未足之數以法司問擬請或者充之以渤海密鄰邊境從兵部請也○壬申 太宗文皇帝忌辰 奉先殿行祭禮遣駙馬都尉蔡震春 長陵○陞江西按察司參事陳順為本布政司右叅議○湖廣馬陽州等處賊平初賊首楊清丘仁等僭號天王將軍往來洞庭上下縱橫剽掠閩岳州府城攻破臨湘縣治殺人無數官兵歾死者亦以

百計又分具部曲稱悉休十戶所督甚獨微至是總制軍務尚書洪鐘總兵官毛倫調上漢官兵委都指揮潘勳兼臺右布政使鎬副使蔣昇又宣慰舍人彭明捕犯總田鎮等分直攻賊據群等處遂平之擒斬七百四十餘人俘獲賊屬六十餘人燬其船百餘隻捷聞鐘倫各賜勅獎勵亦各入各賞行綠衣一級倫所遣者又陞一級賞新鈔千貫○甘肅鎮守太監宋彬巡撫都御史張英總兵官衛勇奏虜入臨水堡搶掠臣等督率將士追至硝池墩是北賊二十餘騎各奮勇刺殺共斬獲一百二十九級獲馬一百三十二匹駝一十三隻兵器什物一千八百三十餘件官軍被傷及死者一百九十有奇馬死六百九十餘匹奏主彬等賜勅獎勵亦各入各陞一級賞行綠衣一襲鈔千貫○命者都指揮余事表傑守備天津三衛地方時方多盜兵

部奏宜添設守備且為保可用故也○癸酉四川鎮巡官奏派
賊仍往未通已廣元東川龍州等處切故參議黃璫劄事錢朝
鳳署都指揮劄事陸震防備久嚴宜先治兵部請行御史俞繼
毅實以閉仍行總制尚書洪鐘速行撫剿得旨派賊為患日久
會同鎮巡等官設法撫剿務期成功其誤事官員待事寧令
巡按御史查勘以聞○甲戌改監察御史陳茂烈為福建晉江
縣儒學教諭茂烈與化人先以女老乞解養者若不能自存至
是吏部請改授縣儒官使待資祿以養俟親終仍以原職起
用從之○陞遼東總兵官署都督劄事等官韓璽等二十八各
一級以劄事御史魏調奏其有文望地土之勞也○乙亥初纂
修官翰林院侍讀徐穆調南京禮部員外郎王是吏部以謬非
閔適南京兵部有缺乃改兵部員外郎○陞監察御史高崧為

江西按察司僉事○丙子故武平伯陳勳無子弟燕乞曠祖爵
許之仍令月給米止一石于國子監讀書俟一年考有進益以
聞○十刺兩電○夜月犯天閔星○丁丑遣陝西兵監隸河西
驛仍于瓦公峪○戊寅陞南京錦衣衛副千戶沐欽為都指揮
僉事填註雲南都司營事從其上人奏保也○總督軍務太監
沐永奏寧夏興武營新設守禦千戶所極陝沙漢軍伍單弱往
往失利乞將華裔實鑄府隨侍百戶旗軍九十一名改撥食糧
當量餘丁三百餘名陞營居住逃故二十一名清勾補伍兵部
覆請從之○巡按陝西御史閔睿奏實鑄之變將學將軍仇鉞
初以一人之身隨賊守援力能決策設謀首斬周昂繼擒何錦
等逆謀遂息使寧夏數萬生靈免于鋒鏑論其功當不在古名
將下乞陞賞鉞并錄諸用命將士以為忠良之勳其所擒獲者

俱宜明正典刑仍乞量煇 祖訓家法遂將寘鑄宸治以成諸
藩得首賁睿越職奏授奪其休三月○己卯命靖州衛帶休都
指揮僉事盧震守備榔桂地方署郡指揮僉事宋英仍守備武
岡地方○巡撫大同右僉都御史狄禎巡按直隸監察御史聶
瑄各奏分守大同西路太監何名守備大同左衛城右監丞溫
運各貪酷害人及分守大同東路左丞將王賢守備天城指揮
僉事任豐各貪婪不職召名遣回京賢豐回京衛俱閒住○令
大隆善護國寺國師呈吉班丹禪師班卓輝竹俱陞佛子祥師
雅竹班卓班丹端竹桑而只堅來陞國師大慈恩寺乳奴呈吉
領占雅竹陞禪師真覺寺刺麻牟尼呈烏陞右覺義的竹了平
陞國師○庚辰占城國奉國寺世子少古卜各遣其叔少係托
麻寺詣封并貢方物禮部言少係托麻寺刺麻一月伴送官及

諸方物俱後期宜治其急緩之罪詔少右卜洛及使戶守實物
如何給之伴送官令去司究問○辛巳遷發浙江左叅政何顯
于遠來自在州為民奪監察御史胡文璧俸三月顯先為湖州
知府司歲賦多徵銀三萬八百有奇文璧查盤時庄之不窮諸
其狀為吏部尚書林謙所劾故併罪之是時鎮守浙江者常巡
歷湖州顯過為媚悅公署檄林謙被大請寘寘窮極侈巧所費
數千俟巡歷他府知府石存禮亦倣為之浙中大擾○免貴州
銅仁石阡思南思州四府婺川印江二縣正官朝覲時湖廣鎮
單等慶苗賊為亂銅仁等府縣與之密通故也○命山西伯侯
都指揮余亨宋文克左叅將分守大同東路狄舒守備天城地
方○壬午廣永市舶司太監畢真奏舊例泛海諸船俱市舶司
專理通者許鎮巡及三司官兼管乞如舊使禮部議市舶職司

進貢方物其乏海客商及風泊番船非勅書非載例不當預奏
入詔如熊宣舊例行宣先任市舶太監也常以不預滿剌加等
國番船抽分奏請兼理為禮部所劾而罷劉瑾私真欲以為例
云○癸未陞浙江按察司副使彭澤為浙江布政司左叅政○
廣西鬱林州陸閉山人韋觀敬赴京奏祖韋本聰等係七賢
嗣盤飢子孫先年採辦上產降香蜂窠進貢緣本州無應付脚
力歲久藝貢乞如例應付進貢禮部議以流官地方山總山老
舊無貢例觀敬遠方山民宜省諭達至母指進貢為由科掇其
衆仍行賈西有司隨宜撫馭從之○賜大同參將都指揮余亨
李法及游擊將軍著都指揮余亨朱振金織飛魚文綺各一襲
從其請也

明武宗毅皇帝實錄卷之六十五終